

দাখিল

EXCLUSIVE

প্রশ্নপত্র ম্যাড্যাক্স

ও মডেল টেস্ট

পরীক্ষা ২০২৭

উত্তরমালা

বিষয় : ইসলামের ইতিহাস

সৃজনশীল প্রশ্নের উত্তরমালা

প্রথম অধ্যায় : প্রাক-ইসলামি পটভূমি ও রাসুল (সা.)-এর মক্কা জীবন

১নং প্রশ্নের উত্তর

ক উম্মুল কুরা অর্থ আদিনগরী। আরবের মক্কা নগরীকে পবিত্র কুরআনে উম্মুল কুরা বলা হয়েছে।

খ আরবগণ স্বীয় ভূমিকে ‘জাজিরাতুল আরব’ বা আরব উপদ্বীপ নামে অভিহিত করতো। ভৌগোলিক বৈশিষ্ট্যের বিচারে আরবের এ নামকরণ করা হয়।

• আরব উপদ্বীপ তিন দিক তিনটি সাগর দ্বারা পরিবেষ্টিত এবং অবশিষ্ট দিকটি ধূসর মরুভূমিতে, যা এশিয়ার অন্যান্য দেশ থেকে একে বিচ্ছিন্ন করে রেখেছে। এ কারণে আরবকে বলা হয় জাজিরাতুল আরব বা আরব উপদ্বীপ।

সারসংক্ষেপ : আরবগণ স্বীয় ভূমিকে ‘জাজিরাতুল আরব’ বা আরব উপদ্বীপ নামে অভিহিত করতো। ভৌগোলিক বৈশিষ্ট্যের বিচারে এ নামকরণ করা হয়।

গ উদ্দীপকের শুষ্ক আবহাওয়া পূর্ণ অঞ্চলের সাথে আরবের মরু অঞ্চলের আবহাওয়ার মিল রয়েছে।

• ভৌগোলিক পরিচিতির দৃষ্টিকোণ থেকে আরবকে তিনটি অঞ্চলে ভাগ করা হয়েছে। যথা- মরু অঞ্চল, পার্বত্য অঞ্চল ও উর্বর অঞ্চল। আল-নুফুদ, আদ-দাহনা ও আল-রাব আল-খালি আরবে মরু অঞ্চল হিসেবে পরিচিত। এটি আরবের উত্তরাঞ্চলে অবস্থিত, যা ছিল আরবের অনুর্বর অঞ্চল। এখানে জনবসতি ছিল কম এবং ব্যবসায়-বাণিজ্যেও ছিল অনুন্নত। এককথায় মরু অঞ্চল ছিল খরতাপে বিদগ্ধ ও গুল্মশূন্য, বাসের অনুপযোগী উত্তপ্ত এলাকা। এই অঞ্চলে বৃষ্টিপাত খুবই কম, বছরে গড়ে ১০০ মিলিমিটারেরও কম। কোনো কোনো স্থানে কয়েক বছরেও এক ফোঁটা বৃষ্টি পড়ে না। বৃষ্টির অভাবে উদ্ভিদজগতও সীমিত। আরব মরু অঞ্চলের এই চরম আবহাওয়া সেখানকার মানুষের জীবনযাপনকে কঠিন করে তোলে। পানির সংকট, তীব্র গরম এবং ধুলিঝড়ের মতো প্রাকৃতিক চ্যালেঞ্জ মোকাবিলা করে মানুষকে টিকে থাকতে হয়।

• উদ্দীপকে দেখা যায়, দেশের উত্তরাঞ্চলের পঞ্চগড়, ঠাকুরগাঁও, নীলফামারীসহ বেশ কয়েকটি অঞ্চলে শুষ্ক মৌসুমে সুপেয় পানির খুবই অভাব পরিলক্ষিত হয়। তাছাড়া এতদঅঞ্চলে অনাবৃষ্টির ফলে কৃষকরা কৃষি কাজ করতে পারছে না। অর্থাৎ এই অঞ্চলের মানুষদের জীবনযাত্রা শুষ্ক আবহাওয়ার কারণে আরবের মরু অঞ্চলের মানুষদের মতো কঠিন হয়ে গিয়েছে। সুতরাং বলা যায়, উদ্দীপকের শুষ্ক আবহাওয়া পূর্ণ অঞ্চলের সাথে আরবের মরু অঞ্চলের আবহাওয়া সাদৃশ্যপূর্ণ।

সারসংক্ষেপ : উদ্দীপকের শুষ্ক আবহাওয়া পূর্ণ অঞ্চলের সাথে আরবের মরু অঞ্চলের আবহাওয়ার মিল রয়েছে।

ঘ উদ্দীপকে করতোয়া নদী তীরবর্তী অঞ্চলের সাথে আরবের উর্বর এলাকার সাদৃশ্য পরিলক্ষিত হয়।

• ভৌগোলিক পরিচিতির দৃষ্টিকোণ থেকে আরবকে তিন ভাগে ভাগ করা হয়েছে। যথা- মরু, পাহাড়ি ও উর্বর অঞ্চল। উদ্দীপকের করতোয়া নদী তীরবর্তী অঞ্চলটি আরব উপদ্বীপের উর্বর অঞ্চলের প্রতি ইঙ্গিত করে।

• উদ্দীপকে দেখা যায় করতোয়া নদী তীরবর্তী কিছু অঞ্চল পানি বিধৌত হওয়ায় এলাকাটি কৃষি কাজের জন্য উপযোগী এবং এ অঞ্চলে প্রচুর ফসলও ফলে। তাছাড়া বসবাসের জন্য এ অঞ্চলটি খুবই চমৎকার। তেমনভাবে প্রাক-ইসলামি আরব উপদ্বীপে শুধু উর্বর অঞ্চলেই কৃষি উৎপাদন হতো। উর্বর তৃণভূমি অঞ্চলটি কয়েকটি প্রদেশে বিভক্ত ছিল। যেমন- হেজাজ, ইয়ামেন, নজদ, হাজরামাউত ও ওমান। হেজাজের বিখ্যাত শহর মক্কা, মদিনা ও তায়েফ ছিল শস্য-শ্যামল ও ছায়া-শীতল। এ কারণে এখানে প্রচুর কৃষি উৎপাদন হতো। হেজাজের উপকূলবর্তী প্রদেশগুলোতে পাহাড়ি ও অনাবাদি অঞ্চল থাকলেও কয়েকটি উর্বর বিস্তৃত উপত্যকা রয়েছে। এ উর্বর ভূ-খণ্ডগুলোতে কফি, নীল, খেজুর, শাক-সবজি, বিভিন্ন ফল ও ফসলের উৎপাদন হতো। অন্যদিকে ইয়ামেনের কয়েকটি মরুদ্যান উৎপন্ন হয় গম। ঘোড়ার খাদ্য হিসেবে চাষ হয় বার্লি, কয়েকটি অঞ্চলে ভুট্টা এবং ওমান ও আল-হাসায় ধান উৎপন্ন হয়। যা উদ্দীপকের করতোয়া নদী তীরবর্তী অঞ্চলের সাথে সাদৃশ্যপূর্ণ।

• পরিশেষে বলা যায়, উদ্দীপকের নদী তীরবর্তী অঞ্চলের মতো আরবের উর্বর অঞ্চলও অন্য দুই অঞ্চলের (মরু ও পাহাড়ি অঞ্চল) থেকে বসবাসের জন্য বেশি উপযোগী। কারণ এই অঞ্চলে চাষের উপযোগী বৃষ্টিপাত হয়। এই অঞ্চলের অন্তর্ভুক্ত ইয়ামেন আরবের অন্যতম সুন্দর ও স্বাস্থ্যকর স্থান।

সারসংক্ষেপ : ভৌগোলিক পরিচিতির দৃষ্টিকোণ থেকে আরবকে তিন ভাগে ভাগ করা হয়েছে। যথা- মরু, পাহাড়ি ও উর্বর অঞ্চল। উদ্দীপকের করতোয়া নদী তীরবর্তী অঞ্চলটি আরব উপদ্বীপের উর্বর অঞ্চলের প্রতি ইঙ্গিত করে।

২নং প্রশ্নের উত্তর

ক মহানবি (সা.) তিন বছর গোপনে ইসলাম প্রচার করেন।

খ কৈশোরকালে মহানবি হযরত মুহাম্মাদ (সা.) জাহিলী যুগের আরবে সংঘাত ও বিপর্যয় বন্ধ করে শান্তিপূর্ণ সমাজ গঠনের লক্ষ্যে সমমনা যুবকদের নিয়ে একটি শান্তিসংঘ গঠন করেন। ইতিহাসে এ সংঘকে হিলফ-উল-ফুজুল বলা হয়।

• হিলফ-উল-ফুজুল হলো বিশ্বের প্রথম সেবা সংঘ বা শান্তি সংঘ। ৫৯৫ খ্রিষ্টাব্দে মহানবি (সা.) মাত্র সতেরো বছর বয়সে এ সংঘ গঠন করেন। হিলফ-উল-ফুজুলের কর্মীদের সক্রিয় প্রচেষ্টায় তৎকালীন সমাজ থেকে সংঘাত, সংঘর্ষ, কলহ ও বিবাদ প্রভৃতি অনেকাংশে হ্রাস পায়।

সারসংক্ষেপ : কৈশোরকালে মহানবি হযরত মুহাম্মাদ (সা.) জাহিলী যুগের আরবে সংঘাত ও বিপর্যয় বন্ধ করে শান্তিপূর্ণ সমাজ গঠনের লক্ষ্যে সমমনা যুবকদের নিয়ে একটি শান্তিসংঘ গঠন করেন। ইতিহাসে এ সংঘকে হিলফ-উল-ফুজুল বলা হয়।

গ দৃশ্যকল্প-১ এর সাথে মহানবি (সা.) এর হাজরে আসওয়াদ স্থাপন সংক্রান্ত ঘটনার সাদৃশ্য রয়েছে।

- পবিত্র কাবা গৃহের হাজরে আসওয়াদ বা কালো পাথরটি ছিল একটি মর্যাদাসম্পন্ন পাথর। এর সাথে তখনকার গোত্রগুলোর সামাজিক মর্যাদা ও বংশগত প্রাধান্যের বিষয় যুক্ত ছিল। যার ফলে কাবা ঘর সংস্কারের পরবর্তী সময়ে এই পাথরটি যথাস্থানে সংস্থাপনে কুরাইশ বংশের গোত্রগুলোর মধ্যে তুমুল দ্বন্দ্ব কলহ শুরু হয়। এমতাবস্থায় মহানবি (সা.) নিজের বুদ্ধিমত্তা দিয়ে একটি সুন্দর সমাধান পেশ করেন।
- উদ্দীপকে দেখা যায়, সাতবাড়িয়া গ্রামে একটি মাদ্রাসা নির্মাণের পর তার নামকরণ নিয়ে গ্রামবাসীর মধ্যে ব্যাপক দ্বন্দ্ব-কলহ শুরু হয়। এ অবস্থায় স্থানীয় মসজিদের খতিব সাহেব সেখানে গিয়ে মাদ্রাসার নামকরণের প্রস্তাব দিলে সকলেই তা মেনে নেয়। ফলে বড় ধরনের সংঘর্ষ থেকে এলাকাবাসী বেঁচে যায়। এই ঘটনার সাথে হযরত মুহাম্মাদ (সা.)-এর নবুয়তের পূর্বে কাবা ঘরের হাজরে আসওয়াদ পাথর স্থাপনের ঘটনার সাদৃশ্যতা রয়েছে। মহানবি (সা.)-এর নবুয়ত প্রাপ্তির পূর্বে কাবাগৃহ সংস্কারের প্রয়োজন হলে আরবের কুরাইশ গোত্রসহ অন্যান্য কতিপয় গোত্র মিলে কাবাঘরের সংস্কার কাজ সমাপ্ত করেন। কিন্তু এর মধ্যস্থিত হাজরে আসওয়াদ পাথরটি যথাস্থানে স্থাপনের ব্যাপারে গোত্রগুলোর মধ্যে দ্বন্দ্ব দেখা দেয়। অবশেষে জ্ঞানবৃদ্ধ আবু উমাইয়ার প্রস্তাবানুসারে কাবা গৃহে পরের দিন প্রত্যুষে প্রথম আগমনকারী ব্যক্তি মহানবি হযরত মুহাম্মাদ (সা.) একখানা চাদর বিছিয়ে নিজে পাথরটি চাদরের মধ্যখানে রাখলেন এবং বিবাদমান সব গোত্রের প্রতিনিধিগণকে বললেন, এবার আপনারা প্রত্যেকেই এ চাদরের এক এক প্রান্ত ধরে পাথরটিকে যথাস্থানে নিয়ে আসুন। সবাই তা করলেন, তখন হযরত মুহাম্মাদ (সা.) পুনরায় পাথরটি নিজ হাতে তুলে যথাস্থানে বসালেন। মহানবি (সা.)-এর এ বিচক্ষণতা সবার নিকট গ্রহণযোগ্য হলো। কেননা, এর ফলে মক্কার প্রত্যেক গোত্র এ মর্যাদার কাজে সমভাবে শরিক হতে পেরে নিজেদের ধন্য মনে করেছে। এভাবে মহানবি (সা.) স্বীয় প্রজ্ঞার মাধ্যমে একটি রক্তক্ষয়ী সংঘর্ষের অবসান ঘটান।

সারসংক্ষেপ : দৃশ্যকল্প-১ এর সাথে মহানবি (সা.)-এর হাজরে আসওয়াদ স্থাপন সংক্রান্ত ঘটনার সাদৃশ্য রয়েছে।

ঘ দৃশ্যকল্প-২ এ রিয়াজের বিদেশ ভ্রমণ মহানবি (সা.)-এর জীবনের মিরাজ শরীফ গমন ঘটনার সাথে মিল রয়েছে।

- প্রাণপ্রিয় সহধর্মিণী বিবি খাদিজা (রা.) ও চাচা আবু তালিবের মৃত্যুর পর শোকাহত মহানবি (সা.)-কে সান্ত্বনাদানের জন্যই মহান আল্লাহ তাঁকে স্বীয় সান্নিধ্যে ডেকে নেন। ইতিহাসে এটা মিরাজ নামে পরিচিত।
- উদ্দীপকের দৃশ্যকল্প-২ এ দেখা যায়, লঞ্চ দুর্ঘটনায় রিয়াজ তার পিতা-মাতা হারিয়ে যখন অত্যন্ত শোকাহত তখন তার চাচা, ভাতিজার মানসিক প্রশান্তির জন্য তাকে নিয়ে অন্য একটি দেশে যান। এই ঘটনা মহানবি (সা.)-এর জীবনের মিরাজের ঘটনার সাথে সাদৃশ্যপূর্ণ। কেননা রিয়াজের মতো মহানবি (সা.)ও যখন স্ত্রী ও চাচাকে হারিয়ে অত্যন্ত শোকাহত তখনই মিরাজ সংঘটিত হয়।
- হযরত মুহাম্মাদ (সা.)-এর সংগ্রামী জীবনের সবচেয়ে বিষ্ময়কর, তাৎপর্যপূর্ণ ও আলৌকিক ঘটনা হলো মিরাজ। এ প্রসঙ্গে আমীর আলী বলেন, মহানবি (সা.) তাঁর প্রিয়তমা জীবন সঙ্গিনী বিবি খাদিজাতুল কুবরা (রা.)ও পিতৃব্য আবু তালিবকে হারিয়ে যখন শোকে মোহমান হয়ে পড়লেন, তখন আল্লাহ তায়ালা মহানবি

(সা.)-এর হৃদয়ের সুপ্ত বেদনাগুলো প্রশমিত করার জন্য ৬২০ খ্রিষ্টাব্দে নবুয়তের দশম বছরে রজব মাসের ২০ তারিখ সোমবার নবি (সা.)-কে নিজের একান্ত সান্নিধ্যে নিয়ে যান। মহান আল্লাহ মহানবি (সা.)-কে তাঁর গৃহ থেকে বায়তুল মুকাদ্দাস হয়ে সপ্ত আসমান ভেদ করে স্বীয় আরশে আযীমে নিয়ে বেহেশত দোষখসহ সৃষ্টির রহস্যাবলি দেখিয়ে ফিরিয়ে আনেন। এ উর্ধ্বগমনই হলো মিরাজ। ইসলামের চিরন্তন সত্যতা প্রমাণ, মহানবি (সা.)-এর প্রতি সর্বাধিক সম্মান প্রদর্শন, তাঁর শ্রেষ্ঠত্ব প্রমাণ, আল্লাহর দীদার দান এবং জান্নাত জাহান্নাম প্রদর্শন ইত্যাদি মিরাজের উদ্দেশ্য। পরিশেষে বলা যায়, মহানবি (সা.)-কে সান্ত্বনাদানের জন্য আল্লাহ তায়ালা তাঁকে মিরাজে নিয়ে যান। এর দ্বারা ইসলামের চিরন্তন সত্যতা প্রমাণিত হয়। মিরাজেই মহান আল্লাহ তাঁর নবির উম্মতের জন্য পাঁচ ওয়াক্ত সালাত উপহার প্রদান করেন।

সারসংক্ষেপ : দৃশ্যকল্প-২ এ রিয়াজের বিদেশ ভ্রমণ মহানবি (সা.)-এর জীবনের মিরাজ শরীফ গমন ঘটনার সাথে মিল রয়েছে। কেননা রিয়াজের মতো মহানবি (সা.) যখন স্ত্রী ও চাচাকে হারিয়ে অত্যন্ত শোকাহত হয়ে পড়েন তখনই মিরাজ সংঘটিত হয়।

৩নং প্রশ্নের উত্তর

ক হেলেনিক নামে পরিচিত গ্রীক সভ্যতা।

খ আইয়ামুল আরব অর্থ আরবের দিন।

- গোত্র কলহের বিষবাস্পে অন্ধকার যুগে আরব জাতি কলুষিত ছিল। গোত্রের মানসম্মান রক্ষার্থে তারা রক্তপাত করতেও কুষ্ঠাবোধ করত না। তৃণভূমি, পানির ঝর্ণা এবং গৃহপালিত পশু নিয়ে সাধারণত রক্তপাতের সূত্রপাত হত। কখনও কখনও তা এমন বিভীষিকার আকার ধারণ করত যে বছরের পর বছর এ যুদ্ধ চলতে থাকত। আরবদের এ দীর্ঘমেয়াদী চলতে থাকা যুদ্ধাবস্থার দিনগুলোকে আইয়ামুল আরব বলে।

সারসংক্ষেপ : আরবে যে বিভীষিকাময় যুদ্ধ দিনের পর দিন চলত তাকে আরবিতে আইয়ামুল আরব বলে।

গ ঘটনা-১ এ জাহেলি যুগের অর্থনৈতিক অবস্থার কুসীদজীবী ইহুদিদের সুদীকারবারের দিকটি ফুটে উঠেছে।

- প্রাক ইসলাম যুগে আরবে ইহুদিরা সুদের ব্যবসায় করতো। তারা দরিদ্র আরবদের থেকে এত উচ্চহারে সুদ আদায় করতো, অনেক সময় ঋণগ্রহীতা উচ্চহারে সুদ পরিশোধে ব্যর্থ হতো। তারা কখনো কখনো শতকরা একশ, দেড়শ বা দুশো গুণ পর্যন্ত সুদ নিত। সুদী কারবারের নিয়মাবলি এতই জঘন্যতম ও নিষ্ঠুর ছিল, ঋণগ্রহীতা অনেক সময় সর্বস্বান্ত হয়ে যেত। চক্রবৃদ্ধি হারে সুদের প্রচলন থাকায় গ্রহীতার পক্ষে কোনোভাবেই ঋণ পরিশোধ করা সম্ভব হতো না। মহাজন সুদের টাকার বিনিময় স্বরূপ ঋণগ্রহীতার ঘরবাড়ি, স্ত্রী, সন্তান বিত্ত-সম্পত্তি দখল করে নিত।
- উদ্দীপকে দেখা যাচ্ছে যে, মৎস্য আহরণের পূর্বে এক শ্রেণির সুদী কারবারী জেলেদেরকে উচ্চসুদে অগ্রীম দাদন দিয়ে রাখে। জেলেরা সময়মত সুদ পরিশোধ করতো না পারলে জেলেদের নৌকাসহ মাছ ধরার অন্যান্য উপকরণ তারা জবর দখল করে। ফলে তারা সর্বস্বান্ত হয়ে যেত। যা আইয়ামে জাহেলিয়া যুগের সুদী কারবারী ইহুদিদের উচ্চহারে সুদের কারবারের সাথে সাদৃশ্যপূর্ণ।

সারসংক্ষেপ : উদ্দীপকে জেলেদের উপর জবর দখল জাহেলিয়া যুগের অর্থনৈতিক অবস্থার কুসীদজীবী বা সুদীকারবারী ইহুদী সম্প্রদায়ের দিকটি ফুটে উঠেছে।

- ঘ** উদ্দীপকের সাংস্কৃতিক অনুষ্ঠান আয়োজন জাহেলি যুগের উকাজের সাহিত্য মেলার সাথে সাদৃশ্যপূর্ণ।
- প্রাক-ইসলামি যুগে আরবে মক্কার অদূরে উকাজ নামক স্থানে প্রতি বছর বাৎসরিক মেলা বসত। উক্ত মেলায় প্রাচীন আরবের কবির কবিতা পাঠের প্রতিযোগিতায় অংশগ্রহণ করত। উকাজের সাহিত্য সম্মেলনে পঠিত সাতটি ঝুলন্ত কবিতাকে আস-সাবউল মু'আল্লাকাত বলা হয়।
 - উদ্দীপকে দেখা যায়, মাদ্রাসায় প্রতি বছর শিক্ষার্থীদের অংশগ্রহণে সাংস্কৃতিক অনুষ্ঠানের আয়োজন করা হয়। উক্ত অনুষ্ঠানে প্রতিযোগিতার বিষয়বস্তু থাকে 'মাদ্রাসা শিক্ষার গুরুত্ব' বিষয়ক রচনা। শিক্ষার্থীদের মধ্যে যাদের লেখার মান উন্নত তাদেরকে নির্বাচিত করে পুরস্কৃত করা হয়। পাশাপাশি শ্রেষ্ঠ রচনাগুলো মাদ্রাসার দেয়ালিকায় লিপিবদ্ধ করে প্রদর্শনের ব্যবস্থা করা হয়। যা জাহেলিয়া যুগে আরবের উকাজের সাহিত্য মেলার সাথে সাদৃশ্যপূর্ণ। জাহেলিয়া যুগের আরবদের শিল্প-সাহিত্য, সামাজিক মূল্যবোধ প্রকাশে সর্বশ্রেষ্ঠ প্রতিযোগিতা কেন্দ্র বা বিনোদনস্থল ছিল 'উকাজ মেলা'।
 - এটি ছিল আরবদের সাংস্কৃতিক জীবনে গুরুত্বপূর্ণ এক সম্মেলন ও শিল্প সংস্কৃতির চর্চাকেন্দ্র। উকাজ মেলায় প্রতিবছর কবি সম্মেলন হত। আরবের বিভিন্ন গোত্রের শ্রেষ্ঠ কবিগণ সেখানে স্বরচিত কবিতা আবৃত্তি করত এবং বিচারকগণ কবিদের শ্রেষ্ঠত্ব নির্ধারণ করে দিলে কবিদের পুরস্কৃত করা হত। আরবদের সাহিত্য প্রীতির এদিকটি ঘটনা-২ এ ফুটে উঠেছে।
- সারসংক্ষেপ :** উদ্দীপকের "সাংস্কৃতিক অনুষ্ঠান" দ্বারা জাহেলিয়া যুগের উকাজের সাহিত্য মেলার মাধ্যমে আরবদের সাহিত্য প্রীতির বিষয়টি ফুটে উঠেছে।

৪নং প্রশ্নের উত্তর

- ক** গ্রিকরা তাদের দেশকে 'হেলাস' বলত।
- খ** বিদায় হজ বলতে মহানবি (সা.)-এর জীবনের একমাত্র ও সর্বশেষ হজকে বোঝায়।
- মহানবি (সা.) তাঁর মদিনার জীবনে দু'বার ওমরাহ করলেও পূর্ণাঙ্গ হজ পালন করতে পারেননি। এমতাবস্থায় তিনি ১০ম হিজরী সনের ২৫ জিলকদ (৬৩২ খ্রিষ্টাব্দ) ১ লাখ ১৪ হাজার সাহাবাসহ পবিত্র হজ পালনের জন্য মক্কায় গমন করেন। এটি ছিল মহানবি (সা.)-এর প্রথম পূর্ণাঙ্গ এবং সর্বশেষ হজ পালন। এ জন্য এ হজকে 'হুজ্জাতুল বিদা' বা বিদায় হজ বলা হয়।
- সারসংক্ষেপ :** বিদায় হজ বলতে মহানবি (সা.)-এর জীবনের একমাত্র ও সর্বশেষ হজকে বোঝায়।

- গ** ঘটনা-১ এ জাফলং এর নদী কেন্দ্রিক উন্নয়ন প্রাচীন মিসরীয় সভ্যতার সাথে সাদৃশ্যপূর্ণ।
- মিসরকে নীলনদের দান বলা হয়। মরুভূমিতে পরিণত হওয়া মিসর নীলনদের প্রভাবেই জুন হতে অক্টোবর এর মধ্যে নীলনদের উভয় তীরে প্লাবিত হয়ে পলিমাটিতে ভরে যায়। এরূপ সঞ্চিত পলিমাটির গুণে উভয় ভূভাগ অত্যন্ত উর্বর হয়। ফলে শস্য, তুলা প্রভৃতি প্রচুর পরিমাণে উৎপন্ন হওয়ায় মিসর একটি সমৃদ্ধিশালী দেশে পরিণত হয়।
 - উদ্দীপকের ঘটনা-১ এ রাজনগর মাদ্রাসার ছাত্ররা শিক্ষা সফর উপলক্ষে সিলেটের জাফলং যায়। সেখানে তারা দেখতে পায় শ্রমিকরা জাফলং এর উপর দিয়ে প্রবাহিত 'পিয়াইন' নদী থেকে

বালি ও পাথর উত্তোলন করছে। তারা শ্রমিকদের নিকট থেকে জানতে পারে প্রতিবছর পাহাড়ী ঢলের কারণে নদীতে প্রচুর বালি ও পাথর এসে জমে। সিলেটের চা এর ন্যায় বালি ও পাথরেরও দেশজুড়ে সুনাম রয়েছে। যা আমাদেরকে স্মরণ করিয়ে দেয় নীলনদের তীরে গড়ে ওঠা প্রাচীন মিসরীয় সভ্যতাকে। মিসরীয় সভ্যতার উন্মেষ হয় নীলনদের অববাহিকায়। নীল নদের উভয় তীর প্লাবিত হয়। প্লাবন শেষে পলিমাটিতে উভয় তীর দৈর্ঘ্যে ৬০০ মাইল ও প্রস্থে ১০ মাইল পর্যন্ত ভরে যায়। এরূপ সঞ্চিত পলি মাটির গুণে উভয় ভূ-ভাগ তথা মিসর অত্যন্ত উর্বর হয়। ফলে শস্য, তুলা প্রভৃতি প্রচুর পরিমাণে উৎপন্ন হওয়ায় মিসর অর্থনৈতিকভাবে একটি শক্তিশালী দেশে পরিণত হয়। অতএব বলা যায়, ঘটনা-১ এ প্রাচীন মিসরীয় সভ্যতার প্রতিচ্ছবি ফুটে উঠেছে।

সারসংক্ষেপ : ঘটনা-১ এ জাফলং এর নদী কেন্দ্রিক উন্নয়ন প্রাচীন মিসরীয় সভ্যতার সাথে সাদৃশ্যপূর্ণ।

- ঘ** হ্যাঁ, আমি মনে করি ঘটনা-২ এ খাশিয়াদের পতন রোমান সভ্যতার পতনের অনুরূপ।
- বিশ্ব সভ্যতায় রোমানদের অবদান অপরিসীম। সভ্যতার ইতিহাসে গ্রিকদের পরেই রোমানদের নাম স্মরণীয়। যদিও পরবর্তীতে অভ্যন্তরীণ দ্বন্দ্ব বিদ্বেষ ও বিলাসিতার কারণে তাদের পতন হয়।
 - উদ্দীপকের ঘটনা-২ প্রাচীন কাল থেকে নদীর ওপারে পাহাড়ী এলাকায় খাশিয়া জনগোষ্ঠী বসতি গড়ে তোলে। তারা পাহাড়ে নানারকম চাষাবাদ, হস্তশিল্প ও পর্যটকদের জন্য নানারকম স্থাপনা গড়ে তোলেন যা দেশের অর্থনীতিতে ব্যাপক অবদান রাখে। কিন্তু পরবর্তীতে খাশিয়াদের মধ্যে দ্বন্দ্ব সংঘাত ও বিলাসী জীবন যাপনের ফলে তাদের পতন অবশ্যম্ভাবী হয়ে উঠে। যা রোমান সভ্যতার পতনকে স্মরণ করিয়ে দেয়। বিশ্বে রোমান সভ্যতার অবদান অপরিসীম। রোমানদের অবদানগুলো দুই ভাগে বিভক্ত। এক গ্রিকদের জ্ঞান ভাণ্ডারকে তারা সজীব রাখেন। দুই নতুন উপাদান দ্বারা বিশ্ব সভ্যতাকে অগ্রগতির দিকে নিয়ে যান। তাছাড়া রোমান সাম্রাজ্যের বিস্তার এবং রোমান আইনের সংকলন ও প্রকাশনা ছিল তাদের সর্বশ্রেষ্ঠ কৃতি। পরবর্তীতে রোমান সম্রাটদের দ্বন্দ্ব, বিদ্বেষ, মাত্রাতিরিক্ত বিলাসিতা ও দাসপ্রথা রোমের পতনকে ত্বরান্বিত করে। যা উদ্দীপকের ঘটনা-২ এ খাশিয়াদের পতনের সাথে সাদৃশ্য রাখে।
 - পরিশেষে আমরা বলতে পারি যে, খাশিয়া সম্প্রদায়ের পতন রোমানদের পতনের অনুরূপ।

সারসংক্ষেপ : ঘটনা-২ এ খাশিয়াদের পতন রোমান সভ্যতার পতনের অনুরূপ।

৫নং প্রশ্নের উত্তর

- ক** পারসিক সম্রাটদের মধ্যে সর্বশ্রেষ্ঠ ছিলেন ডেরিয়াস বা দারায়ুস।
- খ** প্রাক-ইসলামি যুগের শহরবাসীরা শহরে স্থায়ীভাবে বসবাস করতো।
- আরবের উর্বর তৃণ-অঞ্চলগুলো স্থায়ীভাবে বসবাসের উপযোগী বলে অসংখ্য জনপদ বা শহর গড়ে উঠেছিল। কৃষিকার্য, ব্যবসা-বাণিজ্য প্রভৃতি ছিল স্থায়ী বাসিন্দাদের বা শহরবাসীদের প্রধান জীবিকা। বহির্বিশ্বের সঙ্গে যোগাযোগ রক্ষা করার ফলে তারা ছিল মরুবাসী বেদুইনদের তুলনায় অধিকতর রুচিসম্পন্ন ও মার্জিত।
- সারসংক্ষেপ :** কৃষিকার্য, ব্যবসা-বাণিজ্য প্রভৃতি ছিল স্থায়ী বাসিন্দাদের বা শহরবাসীদের প্রধান জীবিকা।

- গ** দৃশ্যপট-১ এ মূর্তি তৈরির কাজে নিয়োজিত লোকদের সাথে জাহেলিয়া যুগের কারিগর সম্প্রদায়ের সাথে সাদৃশ্য রয়েছে।
- পৌত্তলিক আরবে কারিগর হিসেবে পরিচিত এক শ্রেণির পেশাজীবী মানুষ ছিল। তারা হচ্ছে মূর্তি নির্মাতা সম্প্রদায়। আরবদের পূজ্য সকল মূর্তি এরাই নির্মাণ করত। সমাজে এদের বেশ সম্মান ছিল।
 - উদ্দীপকে দৃশ্যপট-১ এ দেখা যাচ্ছে যে, হিন্দু সমাজে দুর্গাপূজা উপলক্ষ্যে মূর্তির ব্যাপক চাহিদা বেড়ে যায়। ফলে এক শ্রেণির লোক নিজেদেরকে মূর্তি তৈরির কাজে নিয়োজিত করে আর্থিক ও সামাজিকভাবে প্রতিষ্ঠিত হতে সক্ষম হয়। তেমনিভাবে জাহেলিয়া যুগে আরবে পৌত্তলিকতার ব্যাপকতার কারণে মূর্তি তৈরির জন্য এক প্রকার কারিগর শ্রেণির উদ্ভব হয়। আরবদের পূজ্য সকল মূর্তি এরাই নির্মাণ করতো। কাজেই তারা আর্থিকভাবে সচ্ছল এবং সামাজিক মর্যাদার অধিকারী ছিল। সুতরাং বলা যায়, দৃশ্যপট-১ এ মূর্তি তৈরির কাজে নিয়োজিত লোকদের সাথে আরবের কারিগর সম্প্রদায়ের সাথে মিল রয়েছে।

সারসংক্ষেপ : দৃশ্যপট-১এ মূর্তি তৈরির কাজে নিয়োজিত লোকদের সাথে আরবের কারিগর সম্প্রদায়ের সাথে মিল রয়েছে।

- ঘ** দৃশ্যপট-২ এ প্রাচীন যে সভ্যতার অবদানকে স্মরণ করিয়ে দেয়, তা হলো গ্রিক সভ্যতা।
- প্রাচীন সভ্যতার মধ্যে শ্রেষ্ঠতম হলো গ্রিক সভ্যতা। ইউরোপের দক্ষিণে অবস্থিত আড্রিয়াটিক, ভূ-মধ্যসাগর ও এজিয়ান সাগর পরিবেষ্টিত এবং অসংখ্য দ্বীপাঞ্চল সম্বলিত গ্রীস ছিল প্রাচীন সভ্যতার পীঠস্থান।
 - উদ্দীপকের দৃশ্যপট-১ এর আব্বাসীয় খলিফা আল মামুনের সময় বাগদাদ নগরী শিক্ষা, সংস্কৃতি ও বিজ্ঞানের বিভিন্ন ক্ষেত্রে উন্নতির চরম শিখরে উন্নীত হয়। সে সময় তারা জ্ঞানের মশাল জালিয়ে বিশ্ববাসীকে আলোর পথ দেখায়। এমনভাবে প্রাচীন গ্রিক সভ্যতাও শিক্ষা, সংস্কৃতি ও জ্ঞান-বিজ্ঞানের বিভিন্ন ক্ষেত্রে চরম উন্নতির শিখরে আরোহণ করেছিল। আলেকজান্ডার, সট্রেটিস, এরিস্টটল, প্লটো, হিরোডোটাস, পিথাগোরাস প্রমুখ বিশ্ববিখ্যাত ব্যক্তি গ্রীসে জন্মগ্রহণ করেন। শিক্ষা, সংস্কৃতি, জ্ঞান-বিজ্ঞান এবং সভ্যতা ও সংস্কৃতির ক্ষেত্রে গ্রিকদের অবদান অবিস্মরণীয়। বিশ্বজগৎ যখন সভ্যতার দিকে হাঁটি হাঁটি করছিল, গ্রিক জাতি তখন জ্ঞানের মশাল জ্বালিয়ে চারদিক আলোকিত করেছিল।
 - পরিশেষে বলা যায়, বিশ্বসভ্যতায় জ্ঞান-বিজ্ঞানের বিভিন্ন ক্ষেত্রে গ্রিক সভ্যতার অবদান ছিল সর্বাধিক। তাই বিশ্বসভ্যতা গ্রিকসভ্যতার কাছে বহুদিক দিয়ে ঋণী।

সারসংক্ষেপ : দৃশ্যপট-২ বিশ্বসভ্যতায় প্রাচীন গ্রিক সভ্যতাকে স্মরণ করিয়ে দেয়।

৬নং প্রশ্নের উত্তর

- ক** উকাজের বাৎসরিক সাহিত্য মেলায় পঠিত সাতটি বুলন্ত কবিতাকে আস-সাবাউল মুয়াল্লাকাত বলা হয়।
- খ** কুরআন মাজিদ বিভিন্ন প্রয়োজনীয়তার প্রেক্ষাপটে নবি মুহাম্মাদ (সা.)-এর জীবনের সুদীর্ঘ ২৩ বছর ব্যাপী নাখিল হয়েছিল।
- প্রথম পর্যায়ে 'লাহে মাহফুজ' থেকে সম্পূর্ণ কুরআন মাজিদ একই সাথে নাখিল হলো রমযান মাসের কদর রজনীতে পৃথিবী সংলগ্ন

আসমানে তথা রাইতুল ইয্যাতে। অতঃপর প্রয়োজনের প্রেক্ষাপটে তথা হতে ফেরেশতা জিবরাইল (আ.)-এর মারফতে প্রকাশ্যে ওহি যোগে মহানবি (সা.)-এর প্রতি দুনিয়াতে অবতীর্ণ হয়। নবি জীবনের সুদীর্ঘ ২৩ বছরে মানব জাতির প্রয়োজনের তাকীদে অবস্থার ও ঘটনার পরিপ্রেক্ষিতে কুরআনের আয়াত ও সূরা পর্যায়ক্রমিকভাবে নাখিল হয়। সর্বপ্রথম ৬১০ খ্রিষ্টাব্দে নবি কারিম (সা.)-এর ৪০ বছর বয়সে 'জাবালুন নূর' এর হেরা গুহায় লাইলাতুল কদর রজনীতে সূরা আলাকের প্রথম পাঁচ আয়াত অবতীর্ণ হয়। তখন তিনি হেরা গুহায় ধ্যানমগ্ন অবস্থায় ছিলেন। অবশেষে একাদশ হিজরির শেষ লগ্নে বিদায় হজের সময় আরাফাতের ময়দানে সূরা মায়িদার ৩নং আয়াত নাখিলের মাধ্যমে কুরআন নাখিল সমাপ্ত হয়।

সারসংক্ষেপ : কুরআন মাজিদ বিভিন্ন প্রয়োজনীয়তার প্রেক্ষাপটে নবি মুহাম্মাদ (সা.)-এর জীবনের সুদীর্ঘ ২৩ বছর ব্যাপী নাখিল হয়েছিল।

- গ** উদ্দীপকের ঘটনা-১ এ মেধাবী ছাত্র ইমরানের পরিস্থিতি মহানবি (সা.)-এর মক্কা জীবনের কুরাইশদের বয়কট ঘটনাকে স্মরণ করিয়ে দেয়।
- মহানবি (সা.)-এর নবুয়ত লাভের ৬ষ্ঠ বছরে ৬১৬ খ্রিষ্টাব্দে কুরাইশগণ ইসলামে দীক্ষিত মুসলমানদের বিরুদ্ধে বয়কট নীতি প্রচলন করল। কারণ, মুসলমানগণ আর্বিসিনিয়ায় গমন করে নির্বিল্পে নিজেদের ধর্ম-কর্ম করছে। নাজ্জাশীর নিকট দূত প্রেরণ করেও কোনো সুফল পেল না বরং নিরাশ হয়ে মক্কায় ফিরে এল। কুরাইশগণ নিজেদের মুসলমান হওয়ার মিথ্যা সংবাদ রটিয়ে যে সব মতলব এটেছিল তাও ব্যর্থ হয়ে গেল। উপরন্তু তারা দেখতে পেল যে হযরত হামযা (রা.) ও হযরত উমর (রা.) এর মতো প্রতিষ্ঠিত বীর ও গণ্যমান্য ব্যক্তিগণ ইসলাম গ্রহণ করেছেন। এতে তাদের ক্ষোভ, দুঃখ, ক্রোধ ও অভিমান প্রচণ্ড আকার ধারণ করল। তাই তারা একদিন সমস্ত কুরাইশদের একটি পরামর্শ সভায় সমবেত করল। সিদ্ধান্ত মোতাবেক তারা মহানবি (সা.) ও মুসলমানদেরকে পারিবারিক, সামাজিক, অর্থনৈতিক ও রাজনৈতিকভাবে বয়কট করে এবং তিন বছরকাল মহানবি (সা.)-কে শিবে আবি তালিবে বন্দি করে রাখে। এই চরম সংকটাপন্ন অবস্থায়ও মুসলমানগণ তাঁদের ইমান ও মনোবল অটুট রাখেন। অবশেষে কুরাইশগণ তাদের বর্জননীতি প্রত্যাহার করে নেয়।
 - উদ্দীপকের ঘটনা-১ এ দেখা যায়, মেধাবী ছাত্র ইমরান বিশ্ববিদ্যালয়ের সর্বোচ্চ ডিগ্রি নিয়ে নিজ গ্রামে এসে এলাকার যুবকদেরকে উন্নয়নমূলক কাজে অংশগ্রহণের পরামর্শ দেন। কিন্তু এলাকার কতিপয় মাদকসেবী বিপথগামী যুবক তার বিরুদ্ধাচরণ করে এবং একপর্যায়ে সস্ত্রাসীরা তাকে হত্যার হুমকি দেয়। এপ্রেক্ষিতে তিনি দীর্ঘদিন আপন ঘর থেকে বের হতে পারেননি। একপর্যায়ে শত্রুরা তাদের ভুল বুঝতে পেরে ইমরানকে বন্দি দশা থেকে মুক্তি দেয়। যা উপরে আলোচিত মহানবি (সা.) ও মুসলমানদের বিরুদ্ধে কুরাইশদের বয়কট ঘটনার সাথে সাদৃশ্যপূর্ণ।

সারসংক্ষেপ : উদ্দীপকের ঘটনা-১ এ মেধাবী ছাত্র ইমরানের পরিস্থিতি মহানবি (সা.)-এর মক্কা জীবনের কুরাইশদের বয়কট ঘটনাকে স্মরণ করিয়ে দেয়।

ঘ মহানবি (সা.)-এর অত্যন্ত আপনজন আবু তালিব ও খাদিজা (রা.)-এর ইন্তেকালের পর তিনি দুগ্ধখিত ও ব্যথিত হন এবং মানসিকভাবে ভেঙে পড়েন। তেমনিভাবে উদ্দীপকের ঘটনা-২ এর এনামুল ও তার পিতা ও স্ত্রীর মৃত্যুর পর মানসিক ভাবে ভেঙে পড়েন। এদিক থেকে উভয়ের মাঝে মিল খুঁজে পাওয়া যায়।

- নবুয়তের দশম বছরে ৬২০ খ্রিষ্টাব্দে হযরত মুহাম্মাদ (সা.) এক প্রচণ্ড মানসিক আঘাতে ভেঙে পড়েন। গিরি সংকট হতে ফিরে আসার কয়েক দিন পর চাচা আবু তালিব অসুস্থ হয়ে পড়েন। কারা জীবনের কঠোরতা তাঁর সহ্য হয় নি। তাই তিনি ৮৩ বছর বয়সে ইহলোক ত্যাগ করেন। মহানবি (সা.) তাঁর শৈশবের আশ্রয় স্থল, যৌবনের অভিভাবক ও পরবর্তী জীবনের কার্যাবলীর একনিষ্ঠ সমর্থক পিতৃব্য আবু তালিবের মৃত্যুতে শোকে মুহাম্মান হয়ে পড়েন। চাচা আবু তালিবের মৃত্যুর কয়েক দিনের মধ্যেই বিবি খাদিজা (রা.) ৬৫ বছর বয়সে ইন্তেকাল করেন। বিবি খাদিজা (রা.) ছিলেন হযরতের সকল বিপদে আপদে শান্তনাদানকারী, পরামর্শদাতা ও সাহায্যকারী। তাঁর মৃত্যুতে নবি করিম (সা.)-এর অন্তর এবং গৃহ শূন্য হয়ে পড়ে। হযরতের বিপদ আপদে ও দুঃসময়ে এ দু'জন মহাপ্রাণের অনুপস্থিতি তাঁর জীবনে অপূরণীয় ক্ষতি সাধন করে। তাঁদের মৃত্যুতে তিনি দুগ্ধখিত ও ব্যথিত হন।

- উদ্দীপকের ঘটনা-২ এর এনামুলের ক্ষেত্রেও দেখা যায়, করোনা ভাইরাসে আক্রান্ত হয়ে তার পিতা ইন্তেকাল করেন। কিছুদিন পর সড়ক দুর্ঘটনায় তার স্ত্রী ও মারা যান। তাদের মৃত্যুতে তিনি শোকে মুহাম্মান হয়ে পড়েন। রাসূল (সা.)-এর মতো এনামুলেরও অন্তর ও গৃহ শূন্য হয়ে পড়ে। কারণ বিপদে আপদে তার পিতা ও স্ত্রী ছায়ার মতো তার পাশে থাকতেন। ফলে তাদের চিরবিদায়ে তিনি মানসিক ভাবে ভেঙে পড়েন। যেমনভাবে রাসূল (সা.) মানসিক ভাবে ভেঙে পড়েছিলেন।

- সুতরাং বলা যায়, ঘটনা-২ এর এনামুলের সাথে মহানবি (সা.)-এর অত্যন্ত আপনজন চাচা আবু তালিব ও স্ত্রী খাদিজা (রা.)-এর ইন্তেকালের পর মানসিকভাবে ভেঙে পড়ার ঘটনার মিল রয়েছে।

সারসংক্ষেপ : ঘটনা-২ এর এনামুলের সাথে মহানবি (সা.)-এর অত্যন্ত আপনজন চাচা আবু তালিব ও স্ত্রী খাদিজা (রা.)-এর ইন্তেকালের পর মানসিকভাবে ভেঙে পড়ার ঘটনার মিল রয়েছে।

৭নং প্রশ্নের উত্তর

ক টাইগ্রিস ও ইউফ্রেটিস নদীর মধ্যবর্তী অঞ্চল “মেসোপটেমীয়া” নামে পরিচিত।

খ রোম নগরী সাতটি টিলার উপর ছড়িয়ে ছিল। এ জন্য রোমকে সাত পর্বতের নগরী বলা হয়।

- রোমান সভ্যতার বিকাশ ঘটেছিল প্রাচীন রোম নগরীকে কেন্দ্র করে। বর্তমানে ইতালির পশ্চিম দক্ষিণ ভূ-মধ্যসাগরের উপকূলে রোম নগরী অবস্থিত ছিল। ঐতিহাসিক লিভি বলেন, লোকশ্রুতি অনুসারে নির্বাসিত দুই রাজপুত্র রোমুলাস ও রোমাস সিংহাসন পুনরাধিকার করে ৭৫৩ খ্রিষ্টপূর্বাব্দে রোম নগরী প্রতিষ্ঠা করেন। রোমুলাসের নামানুসারে রোম নগরী নামকরণ করা হয়। এটি সাতটি টিলার উপর ছড়িয়ে ছিল বলে একে সাতটি পর্বতের নগরী বলা হয়।

সারসংক্ষেপ : রোম নগরী সাতটি টিলার উপর ছড়িয়ে ছিল। এ জন্য রোমকে সাত পর্বতের নগরী বলা হয়।

গ উদ্দীপকের ঘটনাটি জাহেলিয়া যুগের ধর্মীয় অবস্থার সাথে সাদৃশ্যপূর্ণ।

- জাহেলিয়া যুগে আরবদের ধর্মীয় অবস্থা অত্যন্ত শোচনীয় ও অন্ধকারাচ্ছন্ন ছিল। আরবে তখন অধিকাংশ লোকই ছিল জড়বাদী পৌত্তলিক। তাদের ধর্ম ছিল পৌত্তলিকতা এবং বিশ্বাস ছিল আল্লাহর পরিবর্তে অদৃশ্য শক্তির কুহেলিকাপূর্ণ ভয়ভীতিতে। তারা বিভিন্ন জড়বস্তুর উপাসনা করত। চন্দ্র, সূর্য, তারকা এমনকি বৃক্ষ, প্রস্তরখন্ড, কূপ, গুহাকে পবিত্র মনে করে তার পূজা করত। প্রকৃতি পূজা ছাড়াও তারা বিভিন্ন মূর্তির পূজা করত। পৌত্তলিক আরবদের প্রত্যেক শহর বা অঞ্চলের নিজস্ব দেবীর মধ্যে অন্যতম ছিল আল-লাত, আল-মানাহ এবং আল-উজ্জা। পবিত্র কাবা গৃহেও ৩৬০ টি দেবদেবীর মূর্তি ছিল। উপরিউক্ত দেব-দেবী ছাড়া আরবে আরও পাথরের দেব-দেবীর মূর্তি ছিল।
- উদ্দীপকে দেখা যায়, প্রশান্ত মহাসাগরীয় দ্বীপাঞ্চলের প্রায় সকল মানুষ শিক্ষার আলো থেকে বঞ্চিত হওয়ায় বিভিন্ন কুসংস্কারে নিমজ্জিত ছিল। তারা নানা রকম পাথর, জড়বস্তু, চন্দ্র-সূর্য ও দেব-দেবীর পূজা করতো। যা জাহেলিয়া যুগের ধর্মীয় অবস্থার সাথে পুরোপুরি সাদৃশ্যপূর্ণ।

সারসংক্ষেপ : উদ্দীপকের ঘটনাটি জাহেলিয়া যুগের ধর্মীয় অবস্থার সাথে সাদৃশ্যপূর্ণ।

ঘ উদ্দীপকের নগণ্য জনগোষ্ঠীকে জাহেলি যুগের হানিফ সম্প্রদায়ের সাথে সাদৃশ্যপূর্ণ বলে আমি মনে করি।

- জাহেলি যুগে আরবে পৌত্তলিক ছাড়াও অন্যান্য সম্প্রদায়ের লোকও কিছু ছিল। এদের মধ্যে ছিল ইহুদি, খ্রিষ্টান ও হানিফ সম্প্রদায়ের লোক। ইহুদি ও খ্রিষ্টান ধর্মের লোকেরা আসমানী কিতাবের অধিকারী ও একেশ্বরবাদী বলে দাবি করত। কিন্তু ইহুদিদের বিশ্বজগতের সৃষ্টি ও নিয়ন্তা সম্বন্ধে সঠিক ধারণা ছিল না। তারা বিশৃঙ্খলা ও বৈষম্য সৃষ্টিকারী ছিল। অপরপক্ষে খ্রিষ্টানরা ত্রিত্ববাদে বিশ্বাসী ছিল। আরবে আর এক শ্রেণির বিশ্বাসী লোক ছিল। এরাই ছিল হানিফ সম্প্রদায়ের লোক। তাদের সংখ্যা ছিল একেবারেই নগণ্য।

- উদ্দীপকে দেখা যায়, প্রশান্ত মহাসাগরীয় দ্বীপাঞ্চলের প্রায় সকল মানুষ বিভিন্ন দেব-দেবীর পূজা করলেও একশ্রেণির লোক ছিল যারা শুধুমাত্র একজনকেই তাদের প্রভু মনে করতো। তাদের সংখ্যা ছিল একেবারেই নগণ্য। যা হানিফ সম্প্রদায়ের সাথে সাদৃশ্যপূর্ণ।

- হানিফ সম্প্রদায়ের লোকদের এক সর্বশক্তিমান সৃষ্টিকর্তা এবং পরলোক সম্বন্ধে ধারণা ছিল। ওয়ারাকা বিন নাওফেল, যায়েদ বিন আমর, আবু আনাস প্রমুখ এ সম্প্রদায়ভুক্ত ছিলেন। এ সম্প্রদায়ভুক্ত লোকের সংখ্যা এত অল্প ছিল যে তারা আরবদের উপরে তেমন প্রভাব বিস্তার করতে সমর্থ হয়নি। সুতরাং উপরিউক্ত আলোচনার প্রেক্ষিতে বলা যায়, উদ্দীপকের নগণ্য জনগোষ্ঠী জাহেলি যুগের হানিফ সম্প্রদায়ের প্রতিচ্ছবি।

সারসংক্ষেপ : উদ্দীপকের নগণ্য জনগোষ্ঠীকে জাহেলি যুগের হানিফ সম্প্রদায়ের সাথে সাদৃশ্যপূর্ণ বলে আমি মনে করি।

৮নং প্রশ্নের উত্তর

ক আরব ভূ-খণ্ডের আয়তন ১০,২৭,০০০ বর্গমাইল।

খ 'মরুভূমিতে রাত্রি ভীতিকর ভূত-প্রেত-দৈত্য-দানবের আনাগোনা'—এ সাধারণ বিশ্বাসের কারণে মরুভূমির বিপদ হতে পথিককে রক্ষা করার জন্য আরবদের মধ্যে অতিথিপরায়ণতা বিকশিত হয়েছিল।

- আরবের বেশিরভাগ অঞ্চল জনমানবহীন মরু অঞ্চল। রাতের বেলা ভূত-প্রেত মরুভূমিতে ঘোরাকেরা করে এ বিশ্বাসও আরবদের মাঝে ছিল। তাই রাতের বেলা ভূত-প্রেত থেকে অতিথিদের রক্ষা করার জন্য আরবদের মাঝে অতিথিপরায়ণতা বিকশিত হয়।

সারসংক্ষেপ : 'মরুভূমিতে রাত্রি ভীতিকর ভূত-প্রেত-দৈত্য-দানবের আনাগোনা'—এ সাধারণ বিশ্বাসের কারণে মরুভূমির বিপদ হতে পথিককে রক্ষা করার জন্য আরবদের মধ্যে অতিথিপরায়ণতা বিকশিত হয়েছিল।

গ ঘটনা-১ এ বর্ণিত দেশের দুই অঞ্চলের সাথে আরবদের মরু অঞ্চল ও উর্বর অঞ্চলের আংশিক মিল পাওয়া যায়।

- আল-নুফুদ, আদ-দাহনা ও আল-রাব আল-খালি আরবে মরু অঞ্চল হিসেবে পরিচিত। এটি আরবের উত্তরাঞ্চলে অবস্থিত, যা ছিল আরবের অনূর্বর অঞ্চল। এখানে জনবসতি ছিল কম এবং ব্যবসায়-বাণিজ্যেও ছিল অনুন্নত। এককথায় মরু অঞ্চল ছিল খরতাপে বিদগ্ধ ও গুল্মশূন্য, বাসের অনুপযোগী উত্তপ্ত এলাকা। অপরদিকে দক্ষিণ আরবে অবস্থিত হাজরামাউত, ওমান ও ইয়ামেন অত্যন্ত ঘনবসতিপূর্ণ এলাকা এবং ব্যবসায়-বাণিজ্য ও কৃষিকার্যের জন্য খুবই বিখ্যাত। অর্থাৎ দক্ষিণ আরব হলো আরবের উর্বর অঞ্চলের অন্তর্ভুক্ত। এ অঞ্চলের মানুষ তুলনামূলকভাবে অন্য অঞ্চলের মানুষের চেয়ে বেশি সুখী ও সমৃদ্ধ ছিল।

- উদ্দীপকের ঘটনা-১ এ দেখা যায়, বাংলাদেশের উত্তরাঞ্চল শুষ্কপ্রধান এলাকা। পক্ষান্তরে দক্ষিণাঞ্চল অপেক্ষাকৃত উর্বর। আরবদেরও উত্তরাঞ্চল মরুময় এবং দক্ষিণাঞ্চল উর্বর। আরবদের মতো বাংলাদেশেরও দক্ষিণাঞ্চলের চেয়ে উত্তরাঞ্চলের জমি অনূর্বর। তবে আরবদের মরু অঞ্চল ছিল খরতাপে বিদগ্ধ ও গুল্মশূন্য, বাসের অনুপযোগী। কিন্তু বাংলাদেশের উত্তরাঞ্চল শুষ্কপ্রধান হলেও আরবদেশের মতো বাসের অনুপযোগী নয়। সুতরাং বলা যায়, ঘটনা-১ এ বর্ণিত দেশের দুই অঞ্চলের সাথে আরবদের মরু অঞ্চল ও উর্বর অঞ্চলের আংশিক মিল বিদ্যমান।

সারসংক্ষেপ : ঘটনা-১ এ বর্ণিত দেশের দুই অঞ্চলের সাথে আরবদের মরু অঞ্চল ও উর্বর অঞ্চলের আংশিক মিল পাওয়া যায়।

ঘ হ্যাঁ, ঘটনা-২ এ মন্টু সাহেব সভাপতি নির্বাচিত হওয়ার সাথে প্রাক-ইসলামী আরবের শাইখ নির্বাচনের সাদৃশ্য রয়েছে।

- আরব অধিবাসীদের অধিকাংশই স্বাধীনচেতা, বেপরোয়া ও দুর্ধর্ষ মরুবাসী বেদুইন। সমাজের ধরাবাঁধা শৃঙ্খলে আবদ্ধ হয়ে স্থায়ীভাবে শহরে বসবাস করার পরিবর্তে বেদুইনগণ জীবনধারণের জন্য মরুভূমির সর্বত্র ঘুরে বেড়াত। দুরন্ত যাযাবর বেদুইনদের নিকট মরুভূমিই ছিল প্রধান বাসস্থান। বেদুইন সমাজের মূলভিত্তি গোত্রপ্রথা। সামান্য সংখ্যক শহরবাসী ছাড়া যাযাবর শ্রেণির গোত্রগুলোর মধ্যে গোত্রপতির শাসন বলবৎ ছিল। গোত্রপতি বা শেখ নির্বাচনে শক্তি, সাহস, আর্থিক স্বচ্ছলতা, অভিজ্ঞতা, বয়োজ্যেষ্ঠতা ও বিচার বুদ্ধি বিবেচনা করা হত। শেখের প্রতি আনুগত্য ও গোত্রপ্রীতি ছিল প্রকট।

- উদ্দীপকের ঘটনা-২ এ দেখা যায়, জনাব মন্টু সবক্ষেত্রে সময় উপযোগী সিদ্ধান্ত নিতে পারার কারণে ব্যবসায়ীদের কাছে তার গ্রহণযোগ্যতা রয়েছে। যোগ্যতার কারণে পরবর্তী কমিটি গঠনের সময় তিনি সভাপতি নির্বাচিত হন। একইভাবে প্রাক ইসলামী আরবের শাইখ বা গোত্রপতি নির্বাচনের ক্ষেত্রেও বয়স, জ্ঞান-বুদ্ধি সাহস ও বীরত্ব সর্বোপরি যোগ্যতা বিবেচনা করা হতো।

- অতএব বলা যায়, যোগ্যতা বিবেচনা করে নির্বাচিত করায় ঘটনা-২ এ মন্টু সাহেব সভাপতি নির্বাচিত হওয়ার সাথে প্রাক-ইসলামী আরবের শাইখ নির্বাচনের সাদৃশ্য রয়েছে।

সারসংক্ষেপ : হ্যাঁ, ঘটনা-২ এ মন্টু সাহেব সভাপতি নির্বাচিত হওয়ার সাথে প্রাক-ইসলামী আরবের শাইখ নির্বাচনের সাদৃশ্য রয়েছে।

৯নং প্রশ্নের উত্তর

ক ভৌগোলিক পরিচিতির দিক হতে আরবকে তিন ভাগে ভাগ করা যায়।

খ সবচেয়ে প্রাচীন নগরী হিসেবে মক্কা নগরীকে উম্মুল কুরা বলা হয়।

- মক্কা পৃথিবীর সর্বাপেক্ষা প্রাচীন নগরী। পৃথিবীর প্রথম মানব হযরত আদম (আ) ও প্রথম মানবী হাওয়ার মাধ্যমে এখানেই সর্বপ্রথম মানব সভ্যতার উন্মোচ ঘটে। মক্কা কেন্দ্রিক আরব ভূখণ্ড পৃথিবীর কেন্দ্রস্থলে অবস্থিত। তাই পবিত্র মক্কা নগরীকে উম্মুল কুরা বলা হয়।

সারসংক্ষেপ : সবচেয়ে প্রাচীন নগরী হিসেবে মক্কা নগরীকে উম্মুল কুরা বলা হয়।

গ উদ্দীপকের আমকে আরবের খেজুরের সাথে সাদৃশ্যপূর্ণ মনে করা হয়।

- আরবদের জীবনধারণের খাদ্য ছিল খেজুর। খেজুর ছাড়া আরব জীবন ছিল অচল। একারণে খেজুর গাছ আরবদেশে বৃক্ষরাণী হিসেবে খ্যাত ছিল। স্থানীয় লোকজনের বহুবিধ প্রয়োজন মেটাত খেজুর। খেজুর তাদের প্রধান খাদ্য হিসেবে ব্যবহৃত হতো। খেজুর গাছের মিষ্টি রস আরব বেদুইনদের অন্যতম পানীয় ছিল। প্রত্যেক বেদুইনের স্বপ্ন হলো দুটি কৃষ্ণদ্রব্য (আল-আসওয়াদান) অর্থাৎ পানি ও খেজুর। আরবের অধিবাসীরা খেজুর উৎপাদন করতো প্রচুর পরিমাণে। সর্বত্র কিছু না কিছু খেজুর উৎপাদিত হলেও হিজাজ ছিল খেজুর উৎপাদনের জন্য বিখ্যাত। খেজুর দিয়ে তারা নানা প্রকার উপাদেয় খাবার তৈরি করতো। প্রাচীন আরবের লোকদের বহুবিধ প্রয়োজন মেটানো ছাড়াও খেজুরের বীজ চূর্ণ করে তারা উটের খাদ্য হিসেবে ব্যবহার করতো।

- উদ্দীপকে, চাঁপাইনবাবগঞ্জ এলাকার মানুষকে আরবদের খেজুরের মতোই আমের ব্যবহার করতে দেখা যায়। খেজুরের ন্যায় আম এখানে সুস্বাদু ও অর্থকরী ফল হিসাবে সকলের নিকট জনপ্রিয়। তারাও অতিথি আসলে আম দিয়ে আপ্যায়ন করে। আমের বাকল গরু-ছাগলকে খাওয়ায়। যেমনভাবে আরবের লোকেরা খেজুরের বীজ চূর্ণ করে উটের খাদ্য হিসেবে ব্যবহার করতো। সুতরাং বলা যায়, উদ্দীপকের আমের সাথে আরবের খেজুরের সাদৃশ্য বিদ্যমান।

সারসংক্ষেপ : উদ্দীপকের আমকে আরবের খেজুরের সাথে সাদৃশ্যপূর্ণ মনে করা হয়।

ঘ উদ্দীপকের মহিষের সাথে সাদৃশ্যপূর্ণ আরবের প্রাণীটি হলো উট। আর আরবদের অর্থনৈতিক জীবনে উটের অবদান অপরিমিত।

- মরুভূমিতে উট ছিল প্রধান বাহন। যাতায়াত ও পরিবহনের কাজে উট আরবদের কাছে অপরিহার্য ছিল। আরবদেশ মরুভূমি ও বালিকারিশির দেশ। প্রাচীন আরবের খুব কম সংখ্যক লোক শহরে কিংবা পল্লিতে স্থায়ীভাবে বসবাস করতো। তাদের অধিকাংশই ছিল যাবাবর। জীবিকার সন্ধানে তারা এক স্থান থেকে অন্যস্থানে যাতায়াত করতো। যাবাবর জীবনের এ ছল্লাছাড়া যাতায়াত ও পরিবহনে নিত্য সহচরই ছিল উট।
- উদ্দীপকে দেখা যায়, বাংলাদেশের সর্বদক্ষিণে বঙ্গোপসাগরের বিভিন্ন দ্বীপের মানুষের কাছে মহিষ অত্যন্ত প্রয়োজনীয় ও উপকারী প্রাণী। অনুরূপভাবে আরবদের জীবনে ছিল উট। উট ছাড়া তাদের দৈনন্দিন জীবন ছিল সম্পূর্ণ অচল। উট ছিল তাদের জীবনের চালিকাশক্তি।
- আরবরা বিশাল মরু অঞ্চল পাড়ি দিতে উট ব্যবহার করতো। খাদ্য ও পানীয় পরিবহনে উট ছিল তাদের একমাত্র অবলম্বন। উটের গোশত ছিল তাদের প্রিয় খাবার, উটের দুগ্ধ ছিল তাদের পুষ্টিকর পানীয়। উটের চামড়া ও পশমে তৈরি পোশাক ছিল তাদের পরিধেয় বস্ত্র। উটের পশম তাদের শীত নিবারণের বস্ত্র ছিল। উটের বিষ্ঠা তারা জ্বালানি হিসেবে ব্যবহার করতো। উট অতি পরিশ্রমী এবং অধিক বোঝা বহনে সক্ষম প্রাণী। এক কথায়, আরবদের অর্থনৈতিক জীবনে উটের গুরুত্ব অপরিমিত।

সারসংক্ষেপ : উদ্দীপকের মহিষের সাথে সাদৃশ্যপূর্ণ আরবের প্রাণীটি হলো উট। আর আরবদের অর্থনৈতিক জীবনে উটের অবদান অপরিমিত।

১০নং প্রশ্নের উত্তর

ক পারসিক সম্রাটদের মধ্যে সর্বশ্রেষ্ঠ ছিলেন সম্রাট ডেরিয়াস (দারায়ুস)।

খ আরব উপদ্বীপের আবহাওয়া অত্যন্ত শুষ্ক।

- আরব উপদ্বীপটি অত্যন্ত শুষ্ক ও গ্রীষ্ম প্রধান দেশগুলোর মধ্যে অন্যতম। পূর্ব ও পশ্চিমে সমুদ্রবেষ্টিত হলেও সেই জলরাশি এখানকার ভূমি সিক্ত করতে পারে না। কারণ, আরব ভূমি অধিকাংশই আফ্রিকা ও এশিয়ার বৃষ্টিহীন বিপুল প্রান্তর। তাই আবহাওয়ার অনাবৃষ্টির রুক্ষতার প্রাধান্যই সেখানে বেশি। তবে ইয়েমেন ও পার্শ্ববর্তী এলাকায় মাঝে মাঝে সামান্য বৃষ্টিপাত হয়।

সারসংক্ষেপ : আরব উপদ্বীপের আবহাওয়া অত্যন্ত শুষ্ক।

গ দৃশ্যপট-১ এ প্রাচীন মিসরীয় সভ্যতার চিত্র ফুটে উঠেছে।

- প্রাচীন মিসরীয় সভ্যতা পৃথিবীর ইতিহাসের সুসমৃদ্ধ সভ্যতা। সভ্যতার ইতিহাসে মিসরীয়গণ যে অবদান রেখেছে, সম্ভবত অপর কোনো জাতি এরূপ অবদান রাখতে সক্ষম হয় নি। প্রাচীন মিসরই ছিল বিশ্বের শিক্ষা, সংস্কৃতি ও সভ্যতার অগ্রদূত।
- দৃশ্যপট-১ এ উল্লিখিত বাংলাদেশের অর্থনৈতিক সমৃদ্ধিতে এখানকার নদীগুলোর গুরুত্বপূর্ণ ভূমিকা লক্ষ করা যায়। বিশেষত কীর্তন খোলা নদীর তীরে গড়ে ওঠা বরিশালের উন্নতি ও সমৃদ্ধি আমাদেরকে স্মরণ করিয়ে দেয় নীলনদের তীরে গড়ে ওঠা প্রাচীন সভ্যতাকে। মিসরীয় সভ্যতার উন্মেষ হয় নীলনদের অববাহিকায়। নীল নদের উভয় তীর প্রাণিত হয়। প্রাচীন শেষে পলিমাটিতে উভয়তীর দৈর্ঘ্যে ৬০০ মাইল ও প্রস্থে ১০ মাইল পর্যন্ত ভরে যায়। এরূপ সমৃদ্ধ পলি মাটির গুণে উভয় ভূ-ভাগ তথা মিসর অত্যন্ত উর্বর হয়। ফলে শস্য, তুলা প্রভৃতি প্রচুর

পরিমাণে উৎপন্ন হওয়ায় মিসর অর্থনৈতিকভাবে একটি শক্তিশালী দেশে পরিণত হয়। অতএব বলা যায়, দৃশ্যপট-১ এ প্রাচীন মিসরীয় সভ্যতার প্রতিচ্ছবি ফুটে উঠেছে।

সারসংক্ষেপ : দৃশ্যপট-১ এ প্রাচীন মিসরীয় সভ্যতার চিত্র ফুটে উঠেছে।

ঘ দৃশ্যপট-২ বিশ্বসভ্যতায় প্রাচীন গ্রিক সভ্যতাকে স্মরণ করিয়ে দেয়।

- প্রাচীন সভ্যতার মধ্যে শ্রেষ্ঠতম হলো গ্রিক সভ্যতা। ইউরোপের দক্ষিণে অবস্থিত আড্রিয়াটিক, ভূ-মধ্যসাগর ও এজিয়ান সাগর পরিবেষ্টিত এবং অসংখ্য দ্বীপাঞ্চল সম্বলিত গ্রীস ছিল প্রাচীন সভ্যতার পীঠস্থান।
- দৃশ্যপট-২ এ উল্লিখিত খলিফা আল মামুনের সময়ে বাগদাদ নগরী শিক্ষা, সংস্কৃতি ও বিজ্ঞানের বিভিন্ন ক্ষেত্রে উন্নতির চরম শিখরে আরোহণ করে। এমনিভাবে প্রাচীন গ্রিক সভ্যতাও শিক্ষা, সংস্কৃতি ও জ্ঞান-বিজ্ঞানের বিভিন্ন ক্ষেত্রে চরম উন্নতির শিখরে আরোহণ করেছিল। আলেকজান্ডার, সক্রেটিস, এরিস্টটল, প্লেটো, হিরোডোটাস, পিথাগোরাস প্রমুখ বিশ্ববিখ্যাত ব্যক্তি গ্রীসে জন্মগ্রহণ করেন। শিক্ষা, সংস্কৃতি, জ্ঞান-বিজ্ঞান এবং সভ্যতা ও সংস্কৃতির ক্ষেত্রে গ্রিকদের অবদান অবিস্মরণীয়। বিশ্বজগৎ যখন সভ্যতার দিকে হাঁটি হাঁটি করছিল, গ্রিক জাতি তখন জ্ঞানের মশাল জ্বালিয়ে চারদিক আলোকিত করেছিল।
- পরিশেষে বলা যায়, বিশ্বসভ্যতায় জ্ঞান-বিজ্ঞানের বিভিন্ন ক্ষেত্রে গ্রিক সভ্যতার অবদান ছিল সর্বাধিক। তাই বিশ্বসভ্যতা গ্রিকসভ্যতার কাছে বহুদিক দিয়ে ঋণী।

সারসংক্ষেপ : দৃশ্যপট-২ বিশ্বসভ্যতায় প্রাচীন গ্রিক সভ্যতাকে স্মরণ করিয়ে দেয়।

১১নং প্রশ্নের উত্তর

ক রমজান মাসে হযরত মুহাম্মাদ (সা.) ওহীপ্রাপ্ত হন।

খ ভূ-প্রকৃতির দিক থেকে আরবভূমি সিরিয়া ও মেসোপটেমিয়ার মরু অঞ্চলের অংশ ছিল। ধারণা করা হয়, আরবভূমি সাহারা ভূমির অন্তর্ভুক্ত ছিল।

- লোহিত সাগরের তীরবাসী একটানা পর্বতমালাকে আরব অঞ্চলের মেরুদণ্ড বলা হয়ে থাকে। লক্ষণীয় যে, সমগ্র আরব ভূ-খণ্ড পশ্চিম থেকে পূর্বদিকে অপেক্ষাকৃত ঢালু। পূর্বদিকে ওমান পর্বতমালা, দক্ষিণ অঞ্চল নিচু এবং কিয়দংশ ঢালু, উত্তরের নজদ একটি উচ্চ মালভূমি। পাহাড় ও মালভূমি ছাড়া বাকি অংশ মরু অঞ্চল এবং অনূর্বর ভূমি।

সারসংক্ষেপ : ভূ-প্রকৃতির দিক থেকে আরবভূমি সিরিয়া ও মেসোপটেমিয়ার মরু অঞ্চলের অংশ ছিল। ধারণা করা হয়, আরবভূমি সাহারা ভূমির অন্তর্ভুক্ত ছিল।

গ উদ্দীপকে সেবানদী সংস্থাটির কাজ রাসুল (সা.)-এর হিলফ-উল-ফুজুল সংগঠনের কার্যক্রমের সাথে সাদৃশ্যপূর্ণ।

- জাহেলী যুগে প্রচলিত সমস্যাবলি দূরীকরণের জন্য মহানবি (সা.)-কর্তৃক গঠিত ‘হিলফ-উল-ফুজুল’-এর উদ্দেশ্য ছিল সুদূরপ্রসারী।
- নিঃস্ব, অসহায় ও দুর্গতদের সেবা করা, অত্যাচারিতকে সাহায্য করা ও অত্যাচারীকে বাধা দেয়া, শান্তি-শৃঙ্খলা প্রতিষ্ঠা করা, বিভিন্ন গোত্রের মধ্যে সম্প্রীতি স্থাপন করা, বিদেশি বণিকদের

ধনসম্পদের নিরাপত্তা বিধানের চেষ্টা করা, আরব গোত্রসমূহের মধ্যে সকল প্রকার অন্যায় রক্তক্ষয়ী যুদ্ধ বন্ধ করে সম্প্রীতি স্থাপন করা, সমাজের সকল প্রকার অন্যায় অবিচার অবসানের চেষ্টা করা, বহিরাগতদের ধন সম্পদ, জীবন ও ইজ্জত রক্ষার জন্য সর্বাঙ্গিক প্রচেষ্টা চালানো ইত্যাদি উদ্দেশ্যে মহানবি (সা.) হিলফ-উল-ফুজুল গড়ে তোলেন। উদ্দীপকে আলোচিত বাংলাদেশের স্বৈচ্ছাসেবী সংস্থার সেবা কার্যক্রম রাসুল (সা.)-এর হিলফ-উল-ফুজুলের কার্যক্রমের সাথে সাদৃশ্যপূর্ণ।

সারসংক্ষেপ : উদ্দীপকে সেবামূলক সংস্থাটির কাজ রাসুল (সা.)-এর হিলফ-উল-ফুজুল সংগঠনের কার্যক্রমের সাথে সাদৃশ্যপূর্ণ।

ঘ রাসুল (সা.)-এর সেবার মানসিকতাই তাকে অবিস্মরণীয় করে রেখেছে এ বক্তব্যটির সাথে আমি একমত। মহানবি হযরত মুহাম্মাদ (সা.) সারা জীবন মানব কল্যাণে কাজ করেছেন। তাঁর প্রতিটি কথা ও কার্যকলাপ ভবিষ্যৎ মুসলিম উম্মার জীবনের জন্য পাথেয়।

- মহানবি হযরত মুহাম্মাদ (সা.) হিলফ-উল-ফুজুল সংস্থাটির মাধ্যমে আরবের মানুষের নিকট একজন মহৎ প্রাণ, মানব দরদি, সমাজসেবক, মহান সংগঠক হিসেবে পরিচিতি লাভের সুযোগ পেয়েছেন।
- উদ্দীপকে ভূমিকম্প বিধ্বস্ত এলাকায় ক্ষতিগ্রস্ত মানুষের জন্য ঔষধ, খাদ্য সামগ্রী নিয়ে যায় বাংলাদেশের একটি স্বৈচ্ছাসেবী সংস্থা। তারা চিকিৎসা ও পূর্ণবাসনে ভূমিকা রাখে। অনুরূপভাবে হিলফ-উল-ফুজুল দুর্গত ও নির্যাতিত আরবদের রক্ষার্থে ভূমিকা রাখে। হিলফ-উল-ফুজুলের মাধ্যমে মানব কল্যাণকামী হযরত মুহাম্মাদ (সা.)-এর সুনাম ও সুখ্যাতি চারদিকে ছড়িয়ে পড়ে। মানুষ যখন দেখল সংগঠনটির মাধ্যমে দেশের অন্যায় অত্যাচার ও বিশৃঙ্খলা দিন দিন দূর হয়ে যাচ্ছে, তখন মানুষ এ সংগঠনের প্রতি আকৃষ্ট হয়। এ সংগঠনের মাধ্যমে নানা ধরনের সেবামূলক কাজ করে সর্বমহলে তিনি পরিচিতি লাভ করেন।
- পরিশেষে বলা যায়, মুহাম্মাদ (সা.) হিলফ-উল-ফুজুলের মাধ্যমে এবং তার সব কার্যক্রমের মাধ্যমে মানবসেবায় সমগ্র জীবন অতিবাহিত করেন। সেবামূলক কার্যক্রম করে তিনি বিশ্ব মানবতার মাঝে অতিশ্রবণীয় হয়ে আছেন।

সারসংক্ষেপ : মহানবি (সা.)-এর সেবার মানসিকতাই তাকে অবিস্মরণীয় করে রেখেছে এ বক্তব্যটির সাথে আমি একমত। মহানবি হযরত মুহাম্মাদ (সা.) সারা জীবন মানব কল্যাণে কাজ করেছেন। তাঁর প্রতিটি কথা ও কার্যকলাপ ভবিষ্যৎ মুসলিম উম্মার জীবনের পাথেয়।

১২নং প্রশ্নের উত্তর

ক নীলনদ মিসরে অবস্থিত।

খ জাহেলী যুগের হানীফ সম্প্রদায়ের লোকদের ধর্মীয় বিশ্বাস ছিল একেশ্বরবাদ।

- ধর্মীয় কুসংস্কার ও অন্ধকারাচ্ছন্ন যুগেও কতিপয় লোক একেশ্বরবাদে বিশ্বাসী ছিল। তারা আল্লাহকে সত্য জেনে তাঁর অস্তিত্ব বিশ্বাস করতো। পৌত্তলিক আরবে এ সকল লোকই হানীফ সম্প্রদায় নামে পরিচিত ছিল। হযরত ইব্রাহিম (আ) কর্তৃক প্রচারিত আদি ধর্ম হচ্ছে হানাকিয়া।

সারসংক্ষেপ : জাহেলী যুগের হানীফ সম্প্রদায়ের লোকদের ধর্মীয় বিশ্বাস ছিল একেশ্বরবাদ।

গ দৃশ্যপট-১-এর মাধ্যমে প্রাক-ইসলামি যুগের বাসুসের যুদ্ধের প্রতি ইঙ্গিত দেয়।

- প্রাক ইসলাম যুগে আরবে যেসব যুদ্ধবিগ্রহ একাধারে চলে আসছিল, তন্মধ্যে বাসুসের যুদ্ধই ছিল ভয়াবহ। আরবে বানু বকর ও বানু তাগলিব গোত্রের মধ্যে এ যুদ্ধের সূচনা হয়েছিল। তৃণভোগী কোনো প্রাণী অন্যকোনো গোত্রের শস্যের ক্ষতি সাধন করলে ঐ অবলা প্রাণীটির একটি অঙ্গ নষ্ট করে দেয়া হয়। পরবর্তীতে এই প্রাণীটিকে কেন্দ্র করে উভয় গোত্রের মধ্যে তুমুল যুদ্ধ হয়। এতে উভয় পক্ষের অনেক ব্যক্তি প্রাণ হারায়। সে যুদ্ধে হাজার হাজার লোক মারা যায়। এ যুদ্ধ চল্লিশ বছর ধরে চলে।
- উদ্দীপকের দৃশ্যপট-১ এ এখলাছপুরের প্রতিদ্বন্দ্বী দুটি বাড়ির মধ্যে পূর্ব বিরোধের জের ধরে সামান্য বিষয় নিয়ে কথা কাটাকাটি, হত্যাকাণ্ড এমনকি মামলা পর্যন্ত হয়। তাদের মধ্যে এ বিরোধ বছরের পর বছর চলতে থাকে। যা জাহেলিয়া যুগের বাসুসের যুদ্ধের প্রতি ইঙ্গিত দেয়।

সারসংক্ষেপ : দৃশ্যপট-১-এর মাধ্যমে প্রাক-ইসলামি যুগের বাসুসের যুদ্ধের প্রতি ইঙ্গিত দেয়।

ঘ দৃশ্যপট-২ এর রেমানুলের আচরণ জাহেলী যুগে কন্যা সন্তানদের প্রতি কঠোর আচরণ প্রকাশ পেয়েছে। তার আচরণ যেন জাহেলী যুগের প্রতিচ্ছবি উক্ত বক্তব্যের সাথে আমি একমত।

- জাহেলিয়া যুগের নারীদের কোনো সামাজিক অধিকার ও মর্যাদা ছিল না। তারা অস্থাবর সম্পত্তি ও ভোগ্যপণ্যের মতো ব্যবহার হতো। সমাজে তাদের স্থান ছিল অতি নিম্নে। অবৈধ প্রণয়, অবাধ মেলামেশা ও একই নারীর বহু স্বামী গ্রহণ প্রথা ছিল ব্যাপক।
- জাহেলিয়া যুগে ব্যভিচার এত জঘন্য আকার ধারণ করেছিল যে, স্বামীর অনুমতিক্রমে কিংবা স্বামীর নির্দেশে অথবা পুত্র সন্তানের আশায় নারীরা বহু পুরুষের সান্নিধ্যে গমন করতো। বিষয় সম্পত্তিতে নারীর কোনো অধিকার ছিল না। তাদের সাথে গৃহপালিত পশুর মতো ব্যবহার করা হতো। নারীও যে মানুষ এ কথা তাদের মনেই আসত না। কন্যা সন্তানকে অভিশপ্ত, লজ্জাজনক ও অপয়া মনে করে জীবন্ত কবর দেয়া হতো। কন্যা সন্তান জন্মদানকারী মাতার ভাগ্যেও নেমে আসত কঠিন অত্যাচার।
- প্রাক-ইসলামি আরবে এ ঘৃণ্য প্রথার উচ্ছেদ করে পবিত্র কুরআনে ঘোষণা করা হয়েছে “তোমরা দরিদ্রতার-ভয়ে সন্তানদেরকে হত্যা করো না, বস্তুত আমিই তাদের জীবিকা সরবরাহ করে থাকি। উদ্দীপকের দৃশ্যকল্প-২ এর রেমানুলের কন্যা সন্তান এবং ভরণপোষণ বন্ধ করে দেওয়া জাহেলী যুগের কথাই স্মরণ করিয়ে দেয়। পরিশেষে বলা যায়, দৃশ্যপট-২-এর রেমানুলের আচরণ যেন জাহেলী যুগেরই প্রতিচ্ছবি উক্তিটি যথার্থ।

সারসংক্ষেপ : দৃশ্যপট-২ এর রেমানুলের আচরণ জাহেলী যুগে কন্যা সন্তানদের প্রতি কঠোর আচরণ প্রকাশ পেয়েছে।

১৩নং প্রশ্নের উত্তর

ক ইয়াসরিব যাবার পথে হযরত মুহাম্মাদ (সা.) সওর নামক পর্বতের গুহায় আত্মগোপন করেছিলেন।

খ কুরআন ধারাবাহিকভাবে ২৩ বছর ধরে নাখিল হয়েছিল।

- প্রথম দিকে আল্লাহর অস্তিত্ব, তাঁর একত্ববাদ, পরকালের নিশ্চয়তা ইত্যাদি বিষয়ক সূরা অবতীর্ণ হয়। অবশেষে হিজরতের

পরে অবতীর্ণ সূরাগুলোতে সামাজিক, নৈতিক, রাষ্ট্রীয় ও আন্তর্জাতিক আইন-কানুন ইত্যাদি ক্রমে ক্রমে নাথিল হয়েছিল। অবস্থা, প্রয়োজন ও বিভিন্ন ঘটনার কারণে পবিত্র কুরআন অবতীর্ণ হতে ২৩ বছর লেগেছে।

সারসংক্ষেপ : প্রয়োজন ও বিভিন্ন ঘটনার কারণে পবিত্র কুরআন অবতীর্ণ হতে ২৩ বছর লেগেছে।

গ উদ্দীপকে ঘটনাটি মহানবি (সা.)-এর মক্কা জীবনে আকাবার শপথের ঘটনার সাথে সাদৃশ্য রয়েছে।

• ৬১০ খ্রিষ্টাব্দে নবুয়ত লাভের পর মহানবি (সা.) গোপনে নিকট আত্মীয়দের মধ্যে তাওহীদের বাণী প্রচার করতেন। পরবর্তীতে বিভিন্ন হাজার মৌসুমে দূর-দূরান্ত থেকে আগত ব্যক্তিবর্গের সাথে ইসলামের বাণী নিয়ে আলোচনা করেন। সেসব ব্যক্তি ইসলামের অনুশাসন গ্রহণ ও প্রচারে সহযোগিতার আশ্বাসের যে অঙ্গীকার দিয়েছিলেন এগুলো বিভিন্ন শপথ হিসেবে খ্যাত।

• শপথগুলো হলো- ৬২০ খ্রিষ্টাব্দে হযরত মুহাম্মাদ (সা.) হাজার মৌসুমে মিনায় গিয়ে বিভিন্ন স্থান থেকে আগত ব্যক্তিবর্গের সাথে ইসলামের বাণী নিয়ে আলোচনা করেন। এ সময় মুহাম্মাদ (সা.)-এর সাথে খায়রাজ গোত্রের ৬ জন ব্যক্তির ইসলামের অনুশাসন গ্রহণ ও প্রচারে যে অঙ্গীকার হয়েছিল তাই আকাবার প্রথম শপথ হিসেবে খ্যাত। ৬২১ খ্রিষ্টাব্দে পূর্বকার ৫ জন শপথ গ্রহণকারী মুসলিম নিজ খায়রাজ গোত্র থেকে আরও ৪ জন ও আবুস গোত্র থেকে ৩ জন ব্যক্তিকে নিয়ে হাজার সময় মহানবির সাথে সাক্ষাৎ করে ইসলামের শিক্ষা গ্রহণ করেন। তারা মুহাম্মাদ (সা.)-কে নবি হিসেবে মান্য ও পাপকার্য থেকে বিরত থাকার অঙ্গীকার করে, যা 'বায়াত-উল-আকাবা' বা আকাবার দ্বিতীয় শপথ নামে পরিচিত।

৬২২ খ্রিষ্টাব্দে পরবর্তী হাজার মৌসুমে মদিনা থেকে আগত ৫০০ জন হাজির মধ্যে ৭৩ জন পুরুষ এবং ২ জন মহিলা আল আকাবার প্রান্তরে মহানবি (সা.)-এর সাথে সাক্ষাৎ করে ইসলাম গ্রহণ করেন। তারা মহানবি (সা.) ও তাঁর অনুসারীদের রক্ষা এবং ইসলামের জন্য কাজ করার অঙ্গীকার করে, যা আকাবার তৃতীয় শপথ নামে পরিচিত।

সারসংক্ষেপ : উদ্দীপকের ঘটনাটি মহানবি (সা.)-এর মক্কা জীবনে আকাবার শপথ ঘটনার সাথে সাদৃশ্যপূর্ণ।

ঘ উদ্দীপকের ফয়েজ আহমদের নিকট পরাননগরবাসীর প্রতিশ্রুতি মহানবি (সা.)-এর কাছে সত্য গ্রহণ ও প্রচারের প্রতিজ্ঞারই অনুরূপ। উক্তিটি যথার্থ।

• ইসলামের চরম দুর্দিনে আকাবার শপথ অনুষ্ঠিত হয়। কুরাইশদের চরম নির্যাতনে মক্কার প্রায় চল্লিশটি মুসলিম পরিবার আবিসিনিয়ায় হিজরত করেন। এ সময় রাসুল (সা.) চরম অসহায়ত্ব বোধ করেন। কুরাইশদের অত্যাচার নির্যাতন সহ্যসীমা অতিক্রম করেছিল। নির্যাতিত রাসুল (সা.) স্বয়ং হিজরতের চিন্তাভাবনা শুরু করেন। ঠিক এমনি সময় মদিনাবাসী কতিপয় ইসলাম প্রেমিক এবং রাসুল (সা.)-এর ভালোবাসায় উৎসর্গিত ব্যক্তি ইসলাম ও রাসুলের সার্বিক সহায়তার শপথ করতে এগিয়ে আসেন। মক্কার অদূরে আকাবা নামক উপত্যকায় এ শপথ অনুষ্ঠিত হয়। এজন্য একে 'আকাবার শপথ' বলে। মোট তিনবার আকাবার শপথ অনুষ্ঠিত হয়েছিল।

• উদ্দীপকের ফয়েজ আহমদের নিকট করা পরাননগরবাসীর প্রতিজ্ঞার সাথে আকাবার শপথের সাদৃশ্য খুঁজে পাওয়া যায়।

হযরতের নিকট আকাবা নামক স্থানে মদিনাবাসীগণ ইসলামের সুশীতল ছায়াতলে আশ্রয় গ্রহণ করে যে প্রতিজ্ঞা করেন তা নিম্নে উদ্ধৃত করা হলো-

১. আমরা এক আল্লাহর ইবাদত-বন্দেগী করব, তাঁকে ব্যতীত অন্য কোনো ব্যক্তি বা বস্তুকে ইলাহ বলে স্বীকার করব না এবং কাউকেও আল্লাহর সাথে শরিক করব না।

২. আমরা চুরি, ডাকাতি বা অন্য কোনো প্রকারের অন্যায় কাজে লিপ্ত হব না।

৩. আমরা ব্যাভিচারে লিপ্ত হব না।

• পরিশেষে বলা যায়, উদ্দীপকের পরাননগরবাসীর প্রতিজ্ঞা আর আকাবার শপথের প্রতিজ্ঞার প্রেক্ষাপট ভিন্ন হলেও একই সূত্রে গাঁথা।

সারসংক্ষেপ : উদ্দীপকের ফয়েজ আহমদের নিকট পরাননগরবাসীর প্রতিশ্রুতি যে মহানবি (সা.)-এর কাছে সত্য গ্রহণ ও প্রচারের প্রতিজ্ঞারই অনুরূপ। উক্তিটি যথার্থ।

১৪নং প্রশ্নের উত্তর

ক হিজরতের পূর্বে মহানবি (সা.) সাহাবি মুসাব (রা.)-কে মদিনায় প্রেরণ করেন।

খ মদিনার শাসন ক্ষমতা ও নিজস্বার্থে আঘাত লাগায় মুনাফিকরা মুহাম্মাদ (সা.)-এর বিরোধিতা করেছিল।

• মদিনায় কিছুসংখ্যক মূর্তি-উপাসক মুনাফিক ছিল। আব্দুল্লাহ-বিন-ওবাই তাদের নেতা ছিল। হযরতের উপস্থিতি তার মদিনার শাসক হবার পথে অন্তরায় হয়ে দাঁড়ালে সে তার দলবলসহ মুহাম্মাদ (সা.)-এর বিরোধিতা শুরু করে। অবশ্য স্বার্থ হাসিল করার উদ্দেশ্যে এরা সবাই ইসলাম ধর্ম গ্রহণ করে। কিন্তু সঙ্কটময় মুহূর্তে তারা হযরতের বিরোধিতা করত, ফাঁকিও দিত, সেজন্য তাদেরকে 'মুনাফেকিন' বলা হতো। শেষ পর্যন্ত তারা ধরাপৃষ্ঠ হতে নিশ্চিহ্ন হয়ে যায়।

সারসংক্ষেপ : মদিনার শাসন ক্ষমতা ও নিজ স্বার্থের আঘাত লাগায় মুনাফিকরা মুহাম্মাদ (সা.)-এর বিরোধিতা করেছিল।

গ দৃশ্যপট-১ এর মাধ্যমে মহানবি (সা.)-এর মক্কা জীবনের কুরাইশদের বয়কট ঘটনার প্রতি ইঙ্গিত দেয়া হয়েছে।

• আবিসিনিয়া রাজা নাজাশীর নিকট প্রতিনিধি প্রেরণ করেও কুরাইশরা মুসলমানদের বিরুদ্ধে মিথ্যা অভিযোগ করে কোনো সুফল পায়নি। নিজেদের মুসলমান হওয়ার মিথ্যা সংবাদ রটিয়ে তারা যে মতলব এঁটেছিল তাও বিফল হয়। মুসলমানগণ আবিসিনিয়ায় গমন করে নির্বিঘ্নে নিজেদের ধর্মকর্ম চালিয়ে যাচ্ছে। তাদের সব চেষ্টাই এভাবে ব্যর্থ হয়ে বিপরীত ফল ফলার কারণে কুরাইশ দলপতিদের সভায় সকলে একত্র হয়ে নানা প্রকার তর্ক বিতর্কের পর এক প্রতিজ্ঞাপত্র লিপিবদ্ধ করে। প্রতিজ্ঞাপত্রে লেখা হয়, হাশেম ও মুত্তালিব গোত্রের সহায়তার ফলে মুহাম্মদের স্পর্ধা এতদূর বেড়ে যাচ্ছে। অতএব তাদের এবং মুহাম্মাদ ও তাঁর অনুসারীদের একদম সামাজিক বয়কট করতে হবে। প্রতিজ্ঞাপত্র অনুযায়ী যতক্ষণ তারা হত্যা করার জন্য স্বেচ্ছায় মুহাম্মাদকে আমাদের হস্তে সমর্পণ না করবে, ততক্ষণ এ প্রতিজ্ঞাপত্র বলবৎ থাকবে।

• কুরাইশরা এ বয়কট সফল করার জন্য পুরোদস্তুর কঠোরতর ব্যবস্থা নেয়। হঠাৎ যে এমন হবে, তা বনি হাশেমের কারোরই জানা ছিল না। কাজেই তারা খাদ্যসম্ভার সংগ্রহ করারও সময়

পাননি। যার নিকট যা ছিল তা নিয়েই তারা গিরিসংকটে প্রস্থান করেন। অল্পদিনের মধ্যে তাদের খাদ্যের অভাব দেখা দেয়। এভাবে দিনের পর দিন, মাসের পর মাস নিরন্ন অবস্থায় অতিবাহিত হতে লাগল। ক্ষুধার জ্বালায় অবুঝ নিষ্পাপ শিশুদের ক্রন্দনে পাহাড়ও কেঁপে উঠত, কিন্তু মক্কাবাসীর পাষণ্ড হৃদয় তাতে একটুও বিচলিত হতো না। এভাবে দীর্ঘ দুটি বছর অতিবাহিত হয়ে গেল। আব্দুল আলিম যেভাবে আর্থিক সংকটে পড়েন অনুরূপভাবে রাসুল (সা.) ও তাঁর সঙ্গী-সাথিরাও বিপর্যয়ে পড়েন। দৃশ্যপট-১-এর আব্দুল আলিম সাহেবকে বয়কট করার ঘটনা ইসলামের ইতিহাসে কুরাইশরা হযরত মুহাম্মাদ (সা.) ও ইসলাম গ্রহণকারী মুসলমানদের ওপর যে বয়কট করেছিল সে ঘটনা স্মরণ করিয়ে দেয়।

সারসংক্ষেপ : আব্দুল আলিম সাহেবকে বয়কট করার ঘটনা ইসলামের ইতিহাসে কুরাইশরা হযরত মুহাম্মাদ (সা.) ও ইসলাম গ্রহণকারী মুসলমানদের ওপর যে বয়কট করেছিল সে ঘটনা স্মরণ করিয়ে দেয়।

ঘ দৃশ্যপট-২ কে মুসলমানদের মদিনায় হিজরতের গুরুত্ব হিসেবে ইসলামের আন্তর্জাতিক রূপ লাভ করে বলে আমি মনে করি।

- হিজরতের ফলে হযরত মুহাম্মাদ (সা.)-এর জীবনে এক নব অধ্যায়ের সূচনা হয়। তাঁর মক্কা জীবনের লাঞ্ছনা, অবমাননা, ভয়ভীতি দূর হয়। তিনি নির্বিঘ্নে ইসলাম প্রচারের সুযোগ লাভ করেন। তিনি মদিনাবাসীদের আপনজন হিসেবে বিবেচিত হন। অপরদিকে তাঁর জীবনে নেমে আসা দুর্যোগের অবসান ঘটে। হিজরতের ফলে মদিনায় সামাজিক ক্ষেত্রে এক বিপ্লব সাধিত হয়। খায়রাজ এবং আউস গোত্রদ্বয়ের মধ্যে দীর্ঘদিনের ঝগড়াবিবাদ, যুদ্ধ ও রক্তপাত বন্ধ হয়। নবীজী (সা.) সমাজ থেকে সকল অনাচার অবিচার দূর করে সমাজকে ইসলামি আদর্শে গড়ে তোলার সুযোগ লাভ করেন।
- সমাজে ইসলামি অনুশাসনের মাধ্যমে সমতা ফিরিয়ে আনেন। হিজরতের ফলে ইসলাম অপ্রতিহত গতিতে প্রসার লাভ করতে থাকে। ইসলাম প্রচারে মহানবি (সা.)-এর ওপর কোনো বাধা অবশিষ্ট থাকেনি। ফলে ইসলাম একটি সর্বজনীন ধর্ম ও জীবনব্যবস্থা হিসেবে স্বীকৃতি লাভ করে। হযরত মুহাম্মাদ (সা.) প্রকাশ্যভাবে দ্বীন প্রচার ও প্রসারের পরিকল্পনা ও সুযোগ লাভ করেন।
- মদিনায় হিজরতের ফলে মহানবি (সা.) রাষ্ট্রপতি হিসেবে আবির্ভূত হন। তিনি মদিনায় একটি কল্যাণধর্মী ইসলামি রাষ্ট্রের গোড়াপত্তন করেন। মক্কায় মহানবি (সা.) একজন ধর্মপ্রচারক ছিলেন কিন্তু মদিনায় একাধারে তিনি রাজনৈতিক নেতা, প্রশাসক ও কূটনীতিবিদ ছিলেন। ইসলামের বাণী দেশ বিদেশে ছড়িয়ে পড়ে। মহানবি (সা.) দূত প্রেরণের মাধ্যমে বিভিন্ন দেশে ইসলাম প্রচারের ব্যবস্থা করেন। ইয়ামেন, রোম ও পারস্য দেশের শাসনকর্তাদের মধ্যে ইসলামের দাওয়াত পৌঁছিয়ে দেন। সুতরাং বলা যায়, মদিনায় হিজরতের ফলে ইসলাম আন্তর্জাতিক রূপ লাভ করে।

সারসংক্ষেপ : দৃশ্যপট-২ কে মুসলমানদের মদিনায় হিজরতের গুরুত্ব হিসেবে ইসলামের আন্তর্জাতিক রূপ লাভ করে বলে আমি মনে করি।

১৫নং প্রশ্নের উত্তর

ক আরব শব্দের আভিধানিক অর্থ বাগিতা।

খ ‘হিজরত’ শব্দটি আরবি ‘হাজারুন’ হতে উদ্ভূত। এর আভিধানিক অর্থ— ত্যাগ করা, ছেড়ে দেয়া, বর্জন করা, ফেলে আসা, স্থানান্তরিত হওয়া ইত্যাদি।

- ইসলামি শরীয়তের পরিভাষায়, আল্লাহ ও তাঁর রাসুল (সা.)-এর সম্বন্ধি অর্জন ও ইসলামের পতাকা সমুন্নত করার জন্য উপযুক্ত পরিবেশে আশ্রয় গ্রহণ করাকে হিজরত বলে। অথবা দারুল হারব থেকে দারুল ইসলামে স্থানান্তরিত হওয়ার নাম হিজরত।

সারসংক্ষেপ : ‘হিজরত’ শব্দটি আরবি ‘হাজারুন’ হতে উদ্ভূত। এর আভিধানিক অর্থ— ত্যাগ করা, ছেড়ে দেয়া, বর্জন করা, ফেলে আসা, স্থানান্তরিত হওয়া ইত্যাদি।

গ উদ্দীপকে বর্ণিত দৃশ্য আরবের বেদুইন সম্প্রদায়ের কথা মনে করিয়ে দেয়।

- আরবের অধিবাসীদের অধিকাংশ স্বাধীনচেতা, বেপরোয়া, দুর্ধর্ষ ও মরুবাসী বেদুইন। সমাজ শৃঙ্খলে আবদ্ধ হয়ে স্থায়ীভাবে শহরে বসবাস করার পরিবর্তে বেদুইনগণ জীবন ধারণের জন্য মরুভূমির সর্বত্র ঘুরে বেড়াতে এবং তৃণের সন্ধানে এক চারণভূমি থেকে অন্য চারণভূমিতে গমন করতো। তাদের গৃহ ছিল তাঁবু, আহাৰ্য ছিল উটের মাংস, পানীয় উট ও ছাগলের দুধ, প্রধান জীবিকা লুটতরাজ।
- শহরবাসী ও বেদুইনদের মধ্যে আক্রমণ পাণ্টা আক্রমণ ছিল নিত্যনৈমিত্তিক ঘটনা। কঠোর জীবনসংগ্রামে লিপ্ত যাযাবররা অন্যদের ধনসম্পদ লুণ্ঠন করতে বাধ্য হতো। কখনো আবার তারা শান্তিপূর্ণ উপায়ে বিভ্রাটীদের থেকে অর্থ সংগ্রহ করতো। যা উদ্দীপকে বেঁদে সম্প্রদায়ের জীবিকা নির্বাহের সাথে মিল পাওয়া যায়।

সারসংক্ষেপ : উদ্দীপকে বর্ণিত দৃশ্য আরবের বেদুইন সম্প্রদায়ের কথা মনে করিয়ে দেয়।

ঘ উদ্দীপকের বেদে সম্প্রদায়ের সাথে ইসলাম পূর্ব আরবের বেদুইন সম্প্রদায়ের মিল রয়েছে।

- আরব বেদুইনরা স্বাধীনভাবে চলাফেরা করতো এবং তৃণ অঞ্চলে তাঁবু খাটিয়ে জীবনযাপন করতে অভ্যস্ত ছিল। ছন্দময় চলার পথেই তারা প্রচুর আনন্দ লাভ করে। পশুচারণ তাদের প্রধান জীবিকা। জীবনধারণের প্রয়োজনীয় আসবাবপত্র ও দ্রব্য সামগ্রী নিয়ে তারা একস্থান হতে অন্যস্থানে গমন করতো।
- কৃষিকাজ ও ব্যবসায়-বাণিজ্যের প্রতি তাদের কোনো আগ্রহ ছিল না। তারা মনে করতো শিকার ও লুটতরাজ জীবনযাপনের মোক্ষম উপায়। তারা উটের দুধ পান করে, মাংস খেয়ে ক্ষুধা নিবারণ করতো।
- উদ্দীপকে দেখা যায়, বেদে সম্প্রদায় এক স্থানে বসবাস করে না। তারা বিভিন্ন জায়গায় ঘুরে বেড়ায়। তারা সাপের খেলা দেখিয়ে অর্থ উপার্জন করে। অর্থাৎ তারা আরব বেদুইনদের মতো যাযাবর জীবনযাপন করে। তাই বলা যায়, উদ্দীপকের বেদেদের সাথে ইসলাম পূর্ব আরব বেদুইনদের সাদৃশ্য রয়েছে। বৈসাদৃশ্যের বিষয় হলো যাযাবর বেদুইনরা লুটতরাজ করতো। এজন্য তাদের স্থলদস্যুও বলা হতো কিন্তু বেদেরা লুটতরাজ করে না।

সারসংক্ষেপ : উদ্দীপকে বেঁদে সম্প্রদায়ের সাথে ইসলাম পূর্ব আরবের বেদুইন সম্প্রদায়ের মিল রয়েছে।

১৬নং প্রশ্নের উত্তর

ক হযরত ইব্রাহিম (আ)-এর ছেলের নাম হযরত ইসমাইল (আ)।

খ Academic franchise বলতে উকাজ মেলাকে বুঝানো হয়।

- প্রাক-ইসলামি যুগে আরবদের অন্যতম প্রধান বৈশিষ্ট্য ছিল তাদের বাগিতা। জিহ্মার অফুরন্ত বাচন শক্তির অধিকারী প্রাচীন আরবের কবির মক্কার অদূরে উকাজের বাৎসরিক মেলায় কবিতা পাঠের প্রতিযোগিতায় অংশগ্রহণ করতেন। উকাজের বাৎসরিক সাহিত্য সম্মেলনে পঠিত সাতটি বুলন্ত কবিতাকে সাবা আল মু'আল্লাকাত বলা হয়। হিট্টি উকাজের মেলাকে আরবের Academic franchise বলে আখ্যায়িত করেন। তখনকার যুগের কবিদের মধ্যে যশস্বী ছিলেন উক্ত সাতটি বুলন্ত গীতি কাব্যের রচয়িতাগণ। সোনালি হরফে লিপিবদ্ধ এ সাতটি কাব্যের রচনা করেন আমর ইবনে কুলসুম, লাবিদ ইবনে রাবিয়া, আনতারা ইবনে শাদদাদ, ইমরুল কয়েস, তারাফা ইবনে আবদ, হারিস ইবনে হিলজা ও জুহাইর ইবনে আবি সালমা। এদের মধ্যে অসাধারণ প্রতিভাশালী ছিলেন ইমরুল কয়েস।

সারসংক্ষেপ : Academic franchise বলতে উকাজ মেলাকে বুঝানো হয়।

গ উদ্বীপকে বর্ণিত ইমরান আলীর সাথে মহানবি (সা.)-এর জীবনের আমুল হুযন ঘটনার সাদৃশ্য পাওয়া যায়। নবুয়তের দশম বছরে ৬২০ খ্রিষ্টাব্দে হযরত মুহাম্মাদ (সা.) এক প্রচণ্ড মানসিক আঘাতে জর্জরিত হন। গিরি সঙ্কট হতে ফিরে আসার কয়েক দিন পর মহানবির চাচা আবু তালেব অসুস্থ হয়ে ৮৩ বছর বয়সে ইহলোক ত্যাগ করেন। তিনিই কুফরী শক্তির মোকাবেলায় নবি করিম (সা.)-এর বিপদাপদে একমাত্র আশ্রয়দাতা ছিলেন।

- একমাত্র আপনজন আবু তালেবের মৃত্যুতে তিনি যেন অসহায় হয়ে পড়লেন। সেই শোক ভুলতে না ভুলতেই হযরত খাদিজা (রা.) ও হঠাৎ অসুস্থ হয়ে পড়লেন। চাচা আবু তালেবের মৃত্যুর কয়েক দিনের মধ্যেই হযরত খাদিজা (রা.) ৬৫ বছর বয়সে ইন্তেকাল করেন। তাঁকে জান্নাতুল মুয়াল্লায় দাফন করা হয়। তাঁর মৃত্যুতে নবি করিম (সা.)-এর অন্তর এবং গৃহ শূন্য হয়ে পড়ে। তাঁর শৈশবের আশ্রয়স্থল, যৌবনের অভিভাবক ও পরবর্তী জীবনের কার্যাবলির একনিষ্ঠ সমর্থক পিতৃব্য আবু তালেবের মৃত্যুতে তিনি শোকে মুহ্যমান হয়ে পড়েন। হযরতের বিপদাপদ ও দুঃসময়ের এ দু'জন মহাপ্রাণের অনুপস্থিতি তাঁর জীবনে অপূরণীয় ক্ষতি সাধন করে। এজন্য এ বছরটি আমুল হুযন (عَامُ الْحُزْنِ) বা দুঃখের বছর নামে খ্যাত।
- বছরের শুরুতেই ইমরান আলীর বাবা মারা যান। কিছুদিন পরই সড়ক দুর্ঘটনায় তিনি মারাত্মক আহত হন। ঐ বছরই শেষের দিকে তার দোকানটি চুরি হয়ে যায়। অব্যাহত চাপে পড়ে ইমরান আলী হাঁফিয়ে উঠেন। সুতরাং স্পষ্টই বলা যায় যে, মহানবি (সা.) এর আমুল হুযন ঘটনার সাথে ইমরানের ঘটনার যথেষ্ট মিল রয়েছে।

সারসংক্ষেপ : উদ্বীপকে বর্ণিত ইমরান আলীর সাথে মহানবি (সা.)-এর জীবনের আমুল হুযন ঘটনার সাদৃশ্য পাওয়া যায়।

ঘ উক্ত ঘটনা অর্থাৎ আমুল হুযন তথা দুঃখের বছরে রাসুল (সা.)-এর কাছের মানুষ চাচা আবু তালেব ও সহধর্মিণী খাদিজা (রা.) এর মৃত্যু মহানবি (সা.)-এর জীবনকে প্রবলভাবে প্রভাবিত করেছিল। এর সাথে আমি একমত।

- আমুল হুযনের পর মহানবি (সা.) নানাবিধ সংকটজনক অবস্থার মুখোমুখি হন। নবুয়তের দশম সালে স্বজনসহ গিরিসংকট থেকে প্রত্যাবর্তনের পর কয়েক মাস মোটামুটি কেটে গেল। নিজেদের সকল প্রকার চেষ্টা ব্যর্থ হচ্ছে দেখে কুরাইশ দলপতিরা যেন সাময়িকভাবে কিছুটা অবসন্ন হয়ে পড়ে। পর্যায়ক্রমে পিতা, মাতা, দাদা, চাচা এবং পরবর্তীতে কঠিন দিনগুলোর প্রাণপ্রিয় জীবনসঙ্গিনী খাদিজা (রা.) ও ছেলেদের মৃত্যু আর মুসলমানদের ওপর অকথ্য নির্যাতনের মাধ্যমে আল্লাহ তাঁর পরীক্ষা নেন।
- আবু তালেব ও হযরত খাদিজার মৃত্যুতে রাসুলের মূল চালিকাশক্তি ধ্বংস হয়ে গেছে ধারণা করে কাফেররা তাঁকে দুর্বল ভাবে থাকে। এমতাবস্থায় কুরাইশদের শয়তানী খেলায়, আপাতদমিত পাশবিকতা আবার নতুন করে জেগে ওঠে। তাদের অত্যাচারের পথ একেবারে নিষ্কটক হয়ে যায়। এখন তারা মনের ক্ষোভ মিটিয়ে মহানবি (সা.)-এর ওপর উৎপীড়ন চালাতে লাগল।
- একদিন রাসুল (সা.) নামাযে মগ্ন আছেন দেখে ওকবা নিজের চাদর দড়ির মতো পাকিয়ে তা তাঁর গলা পেচিয়ে অনবরত মোচড় দিতে লাগলো। যার ফলে তাঁর ঘাড় বঁকে শ্বাস রোধ হওয়ার উপক্রম হয়। ঘটনাক্রমে ঠিক সে সময় হযরত আবু বকর (রা.) সেখানে উপস্থিত হয়ে তাঁকে কোনোক্রমে রক্ষা করেন। মাঝে মধ্যে শয়তানরা রাসুলের দুই ছেলেদের তাঁর পেছনে লাগিয়ে দিত। তারা তাঁর পেছনে পেছনে নানারকম ব্যঙ্গ-বিদ্রূপ করতো এবং খারাপ ভাষায় ভর্ৎসনা করতো।

সারসংক্ষেপ : উক্ত ঘটনা অর্থাৎ আমুল হুযন তথা দুঃখের বছরে রাসুল (সা.)-এর কাছের মানুষ চাচা আবু তালেব ও সহধর্মিণী খাদিজা (রা.)-এর মৃত্যু মহানবি (সা.)-এর জীবনকে প্রবলভাবে প্রভাবিত করেছিল। এর সাথে আমি একমত।

১৭নং প্রশ্নের উত্তর

ক লাওহে মাহফুজ থেকে সম্পূর্ণ কুরআন মাজীদ একই সাথে নাখিল হয়।

খ হযরত মুহাম্মাদ (সা.) নিজে আবিসিনিয়ায় হিজরত করেননি। তবে কুরাইশদের অত্যাচার সহ্য করতে না পেরে তিনি নব দীক্ষিত মুসলমানদের আবিসিনিয়ায় হিজরত করার নির্দেশ দিয়েছেন।

- নবি করিম (সা.) নিজে কুরাইশদের সক্রিয় শত্রুতা হতে নিরাপদ থাকলেও অন্যান্য মুসলমানদের দুর্ভোগের অন্ত ছিল না। নিরীহ নবদীক্ষিত মুসলমানদের উপর অমানুষিক নির্যাতন চলছে দেখে হযরতের কোমল প্রাণ কেঁদে উঠল। কুরাইশরা মুসলমানদের ওপর অত্যাচার নির্যাতনের মাত্রা যখন ভীষণ থেকে ভীষণতর করতে লাগল, তখন নিজের অনুসারী মুসলমানদের রক্ষার জন্য তিনি অস্থির হয়ে ওঠেন। তদুপরি কুরাইশরা মুসলমানদের কোথাও প্রকাশ্যে ইবাদত করতে দেয়া দূরে থাকুক, কুরআনের একটি আয়াতও উচ্চারণ করতে দিত না। একদিন তো কাবাগৃহে কুরআন পাঠ করে হযরত আবু বকর (রা.)-কে তাদের বেদম প্রহারে জর্জরিত হতে হয়েছিল। কুরাইশদের উক্ত নির্মম নির্যাতন থেকে রক্ষার জন্য রাসুল (সা.) মুসলমানদের আবিসিনিয়ায় হিজরতের নির্দেশ দিয়েছিলেন।

সারসংক্ষেপ : কুরাইশদের অত্যাচার সহ্য করতে না পেরে হযরত মুহাম্মাদ (সা.) নব দীক্ষিত মুসলমানদের আবিসিনিয়ায় হিজরত করার নির্দেশ দিয়েছেন।

- গ** উদীপকে বর্ণিত ইমরান আলীর ঘটনাটি হযরত মুহাম্মাদ (সা.)-এর জীবনের তায়েফ গমনের ঘটনার প্রতি ইঙ্গিত করে।
- পিতৃব্যের বিয়োগ, সহধর্মিণীর বিচ্ছেদ, মাতৃহারা কন্যাগণের বিষাদময় স্নান-মুখ, সর্বোপরি নরপিষাচদের এ সকল অকথ্য অত্যাচার, সবকিছুর একত্র সমাবেশে তিনি বিচলিত হয়ে পড়লেন। তাই তিনি ভক্ত ও পালিত পুত্র হযরত যায়েদকে সঙ্গে নিয়ে সত্য ধর্ম প্রচারের মানসে তায়েফ যাত্রা করার জন্য মন স্থির করলেন। মক্কা থেকে সত্তর মাইল দূরে তায়েফ নগরী অবস্থিত। সেখানে গমন করে তিনি দশ দিন অবস্থান করে তায়েফবাসীদেরকে সত্য ও ন্যায়ের পথে আনয়নের চেষ্টা করেন। কিন্তু নির্বোধ নগরবাসী তাঁর আহ্বানে কর্ণপাত না করে তাঁকে নির্মমভাবে লাঞ্চিত ও প্রস্তরাঘাতে রক্তাক্ত করে তাড়িয়ে দেয়।
 - নবি করিম (সা.) পথে বের হলে তারা হৈ চৈ করে চারদিকে সমবেত হতে থাকত। পথ চলতে লাগলে ইট পাথর মারতে মারতে তাঁর পিছু ছুটত। অনেক সময় তারা পথের দু'ধারে সারি বেঁধে বসে পড়ত এবং প্রত্যেক পদক্ষেপে হযরতের চরণ যুগলের ওপর দু'দিক থেকে প্রস্তর বর্ষণ করতো। ফলে হযরতের পদদ্বয় রক্তে রঞ্জিত হয়ে যেত। এহেন নৃশংস অত্যাচারেও হযরতের হৃদয় একটুও দমিত হয়নি। তায়েফবাসীগণ হযরতকে এতো কষ্ট দেয়া সত্ত্বেও তিনি তাঁদের ওপর অসন্তুষ্ট হননি; বরং তাদের জন্য দোয়া করেন- হে আল্লাহ! হে আমার প্রভু! অপরাধীরা আজ না বুঝে যে গুরুতর অপরাধ করেছে, সেজন্য তুমি দয়া করে তাদেরকে শাস্তি দিও না; বরং ক্ষমা করে দাও। তাদের কোনো দোষ নেই। সে আমারই দুর্বলতা, আমারই অক্ষমতা। এ দুর্বলতার জন্য তোমারই সাহায্য প্রার্থনা করি।
- সারসংক্ষেপ :** ইমরান আলীর ঘটনাটি হযরত মুহাম্মাদ (সা.)-এর জীবনের তায়েফ গমনের ঘটনার প্রতি ইঙ্গিত করে।

- ঘ** ঐ ঘটনাটি ছিল হযরত মুহাম্মাদ (সা.)-এর ধৈর্যের চরম পরীক্ষা-উজ্জিতি যথার্থ।
- হযরত মুহাম্মাদ (সা.) ইসলাম প্রচারের জন্য তায়েফে গেলে তায়েফবাসীরা তাঁর সাথে অমানবিক আচরণ করে। মহানবি (সা.) মক্কাবাসীদের থেকে নিরাশ হয়ে পদব্রজে তায়েফে যান। মহানবি (সা.) তায়েফবাসীকে আল্লাহর দিকে আহ্বান করে সত্য প্রচারে তাদের সাহায্য সহানুভূতি চাইলেন, কিন্তু কেউ তাঁর আহ্বানে সাড়া দেয়নি। তখন তিনি তায়েফের নেতৃস্থানীয় ব্যক্তিদের সাথে সাক্ষাৎ করে এ বিষয়ে আলোচনা করেন। তাতেও কোনো ফল হলো না। এর পর থেকে তায়েফবাসী মহানবি (সা.)-এর প্রতি অমানবিক, বর্বরোচিত ও নৃশংস অত্যাচার করল। তাঁকে দেখলে নানা ধরনের ব্যঙ্গ বিদ্রূপ করে।
 - তায়েফ থেকে ফিরে আসার পথে রাসুলুল্লাহ (সা.) দোয়া করেন, “হে আল্লাহ! হে আমার প্রভু! অবিশ্বাসীরা আজ না বুঝে যে গুরুতর অপরাধ করেছে, তজ্জন্য তুমি দয়া করে তাদের শাস্তি দিও না, এতে তাদের কোনো দোষ নেই, এটা আমারই দুর্বলতা, আমারই অক্ষমতা। এ দুর্বলতার জন্য আমি তোমারই সাহায্য প্রার্থনা করি। তুমি তাদের হেদায়াত দানের প্রকৃত মালিক। তুমি তাদের বোঝার তাওফিক দান কর। হেদায়াত নসিব কর। তারা তো তোমারই বান্দা।”
 - রাসুলুল্লাহ (সা.) তায়েফে যে নির্যাতন ও নিপীড়নের শিকার হন তাতে তায়েফবাসীর ওপর গযব অবশ্যজ্ঞাবী হয়ে পড়ে। সমগ্র

তায়ফ ধ্বংসস্থূপে পরিণত হওয়ার উপক্রম হয়। রাসুল (সা.) তা উপলব্ধি করেন। হযরত জিবরাঈল (আ)-এর মাধ্যমে তা অবহিত হন। তাই তিনি তায়েফবাসীর জন্য উক্ত দোয়া করেন। ফলে তায়েফবাসী আল্লাহর গযব থেকে রক্ষা পায়।

সারসংক্ষেপ : হযরত মুহাম্মাদ (সা.) ইসলাম প্রচারের জন্য তায়েফে গেলে তায়েফবাসীরা তাঁর সাথে অমানবিক আচরণ করে।

১৮নং প্রশ্নের উত্তর

- ক** মহানবি হযরত মুহাম্মাদ (সা.) ৬১০ খ্রিষ্টাব্দে নবুয়ত লাভ করেন।
- খ** বিশৃঙ্খতার কারণে মহানবি হযরত মুহাম্মাদ (সা.)-কে আল আমিন বলা হয়।
- বাল্যকাল হতে মহানবি হযরত মুহাম্মাদ (সা.) চিন্তাশীল ও গুরুগম্ভীর ছিলেন। তিনি সত্যবাদী ও ন্যায়পরায়ণ ছিলেন। কোমল ও অমায়িক আচার-আচরণের জন্য সকলেই তাঁকে ভালোবাসত এবং শ্রদ্ধা করতো। সত্যের প্রতি গভীর অনুরাগ, কতর্ব্যনিষ্ঠা ও অমায়িক ব্যবহারের জন্য সমাজের সবাই তাঁকে আল আমিন বলে ডাকত।
- সারসংক্ষেপ :** বিশৃঙ্খতার কারণে মহানবি হযরত মুহাম্মাদ (সা.)-কে আল আমিন বলা হয়।
- গ** উদীপকের মুবিন সাহেবের চরিত্রে মহামানব হযরত মুহাম্মাদ (সা.)-এর চারিত্রিক বৈশিষ্ট্যের প্রতিফলন ঘটেছে।
- মানব জগতের শ্রেষ্ঠ মানব হযরত মুহাম্মাদ (সা.) ছিলেন নম্রতা ও বিনয় আচরণের অমর প্রতীক। তিনি কারো মনে কোনো দিন আঘাত দিয়ে কথা বলেছেন এমন কোনো নজির নেই। চরম শত্রুদের সাথেও তিনি অত্যন্ত বিনয়ের সাথে কথা বলতেন। কেউ কোনো ক্ষতি করলেও তাকে ক্ষমা করে ক্ষমাশীলতার অমর দৃষ্টান্ত স্থাপন করে গেছেন। মক্কা বিজয়ের পর ইসলামের চরম শত্রুদের নিঃশর্ত ক্ষমা প্রদর্শন তাঁর অসীম উদারতা ও মহানুভবতার এক উজ্জ্বল দৃষ্টান্ত।
 - উদীপকের মুবিন সাহেব তাঁর সমাজের সকলের সাথে উত্তম আচরণ করেন। কারো প্রতি শত্রুতা বিদ্বেষ পোষণ করেন না। তাঁকে কেউ কষ্ট দিলে তিনি তাকে কষ্ট দেন না। কেউ তাঁর সম্পদ নষ্ট করলে তিনি ঐ শত্রুর সম্পদ নষ্ট না করে বরং তার বিপদে তাকে সাহায্য করেন। অনুরূপ আচরণ আমরা দেখতে পাই আমাদের মহামানব হযরত মুহাম্মাদ (সা.)-এর আদর্শে। এক কুরাইশ নারী রাসুল (সা.)-এর সাথে শত্রুতা করে তাঁর আসা যাওয়ার পথে প্রতিদিন কাঁটা বিছিয়ে রাখত। একদা পথের মধ্যে কাঁটা দেখতে না পেয়ে রাসুল (সা.) চিন্তিত হলেন। মহিলাটির কী হলো? এজন্য রাসুল (সা.) মহিলার বাড়ি গেলেন এবং তার খোঁজ খবর নিলেন। সুতরাং বলা যায়, মুবিন সাহেবের চরিত্রে রাসুল (সা.)-এর উক্ত আদর্শের প্রতিফলন ঘটেছে।
- সারসংক্ষেপ :** উদীপকের মুবিন সাহেবের মধ্যে মহামানব হযরত মুহাম্মাদ (সা.)-এর চারিত্রিক বৈশিষ্ট্যের প্রতিফলন ঘটেছে।
- ঘ** দ্বীনের পথ কুসুমাস্তীর্ণ নয় বরং কষ্টকাকীর্ণ- উজ্জিতি চিরন্তন সত্য।
- ৬১০ খ্রিষ্টাব্দে নবুয়ত লাভের পর মহানবি (সা.) তাওহীদের বাণী প্রচার শুরু করলে মক্কার পৌত্তলিক, কুরাইশ এবং মূর্তিপূজারী গোত্রসমূহ তাঁর ওপর অত্যাচার নির্যাতন করতে থাকে।

- দীর্ঘ ৩ বছর তিনি কুরাইশদের মাঝে এ বাণী গোপনে প্রচার করেন। তাদের হীন স্বার্থ পৌত্তলিকতা, মান সম্মানের প্রশ্ন মক্কার কুরাইশদের ইসলাম বিরোধী শক্তি হিসেবে আবির্ভূত করে। আবু লাহাব, আবু সুফিয়ান, আবু জাহলসহ প্রমুখ নেতা মহানবি (সা.)-কে ধর্মদ্রোহী ও পাগল বলে ঠাট্টা বিদ্রূপ করতে থাকে। এতেও কোনো সফলতা না দেখে তারা রাসুল (সা.)-কে সুন্দরী নারী, অটেল সম্পদ ও নেতৃত্ব প্রদানের প্রলোভন দেখিয়ে ইসলাম প্রচার থেকে বিরত রাখার চেষ্টা করে। কিন্তু এতেও ব্যর্থ হওয়ায় তারা মহানবি (সা.) ও তাঁর অনুসারীদের ওপর অমানবিক অত্যাচার নির্যাতন শুরু করে। আবু লাহাবের স্ত্রী উম্মে জামিল ও আবু জাহলের স্ত্রী হিন্দা নবি (সা.)-এর মাথায় ময়লা আবর্জনা নিক্ষেপ করতো ও চলার পথে কাঁটা বিছিয়ে রাখত। অনেক মুসলমানকে চক্ষু তুলে অন্ধ করা হয়েছিল। এমনকি অনেককে পুড়িয়েও মারা হয়েছিল।
- উদ্দীপকে দেখা যায়, মুবিন সাহেব তাঁর প্রতিবেশী লোকদের সাথে অনেক উত্তম আচরণ করেন। কারো সাথেই খারাপ আচরণ করেন না। তারপরেও তার সাথে শত্রুতা করে মতস্য খামারের মাছগুলো মেরে ফেলে। মুবিন সাহেব দ্বীনের দাওয়াত ও রাসুলের আদর্শ থেকে বিচ্যুত হননি। কেননা তিনি বুঝতেন শতবাধা মাড়িয়েই রাসুল (সা.)-এর আদর্শের প্রচার ও প্রসার ঘটাতে হবে। সুতরাং দ্বীনের পথ কুসুমস্তীর্ণ নয় বরং কষ্টকাকীর্ণ-মন্তব্যটি যথার্থ বলে প্রমাণিত হয়েছে।

সারসংক্ষেপ : দ্বীনের পথ কুসুমস্তীর্ণ নয় বরং কষ্টকাকীর্ণ, কথ্যটি চিরন্তন সত্য।

১৯নং প্রশ্নের উত্তর

- ক হযরত মুহাম্মাদ (সা.) ৪০ বছর বয়সে নবুয়ত লাভ করেন।
- খ হযরত খাদিজা (রা.) হযরত মুহাম্মাদ (সা.)-এর সহধর্মিণী, যিনি ইসলাম গ্রহণ করে নিজেকে ইসলামের সেবায় উৎসর্গ করেন।
- হযরত খাদিজা (রা.) ছিলেন মক্কার এক সম্ভ্রান্ত পরিবারের ধনাঢ্য মহিলা। তাঁর চরিত্র মাধুর্যের খ্যাতি সারা আরবে ছড়িয়ে পড়েছিল। তাঁর উপাধি ছিল আত-তাহিরা, যার অর্থ হচ্ছে পবিত্র মহিলা। তিনি মহানবি (সা.)-কে তাঁর ব্যবসায়ের দায়িত্ব প্রদান করেন। মহানবি (সা.)-এর গুণে মুগ্ধ খাদিজা (রা.) তাঁকে বিয়ের প্রস্তাব দেন। মহানবি (সা.) চাচা আবু তালিবের অনুমতিক্রমে খাদিজা (রা.)-এর প্রস্তাব গ্রহণ করে বিবাহ বন্ধনে আবদ্ধ হন। তিনি প্রথমে ওহির কথা শুনে সাথে সাথে বিশ্বাস স্থাপন করে ইসলামের ইতিহাসে মহিলাদের মধ্যে প্রথম মুসলমান হওয়ার গৌরব অর্জন করেন। ৬২০ খ্রিষ্টাব্দে প্রায় ৬৫ বছর বয়সে তিনি ইন্তেকাল করেন।

সারসংক্ষেপ : খাদিজা (রা.) হযরত মুহাম্মাদ (সা.)-এর সহধর্মিণী, যিনি ইসলাম গ্রহণ করে নিজেকে ইসলামের সেবায় উৎসর্গ করেন। ৬২০ খ্রিষ্টাব্দে প্রায় ৬৫ বছর বয়সে তিনি ইন্তেকাল করেন।

- গ উদ্দীপকে বর্ণিত মতিনকে কন্মল দিয়ে ঢেকে দেয়ার ঘটনাটি মহানবি হযরত মুহাম্মাদ (সা.)-এর ওপর হেরা পর্বতের গুহায় সর্বপ্রথম ওহী অবতীর্ণের পরে তিনি অসুস্থ হয়ে পড়লে খাদিজা (রা.) রাসুল (সা.)-কে কন্মল দিয়ে ঢেকে দেয়ার ঘটনার সাথে সাদৃশ্যপূর্ণ।

- জাহেলী যুগের কুসংস্কার ও ধর্মীয় অনাচার দেখে রাসুল (সা.) ভীষণ মর্মজ্বালা অনুভব করেন। মানবতাকে কীভাবে মুক্তির পথ দেখানো যায় সে চিন্তায় হেরা গুহায় আধ্যাত্মিক সাধনা শুরু করেন। হঠাৎ জিবরাঈল (আ) এসে তার ওপর কুরআন নাযিল করলে তিনি ভয়ে শঙ্কিত হন এবং অনুস্থ হয়ে ঘরে ফিরে আসেন।

- উদ্দীপকের মতিন কুরআন তিলাওয়াত অবস্থায় হঠাৎ অসুস্থ হয়ে পড়লে দ্রুত বাড়িতে চলে আসে। প্রথম ওহীপ্রাপ্ত হয়ে হযরত মুহাম্মাদ (সা.) আতঙ্কগ্রস্ত হয়ে পড়েন। তিনি গৃহে প্রত্যাবর্তন করে প্রচণ্ড জ্বর অনুভব করে খাদিজাকে বললেন, আমাকে চাদর দ্বারা ঢেকে দাও। এ সময় রাসুল (সা.) ভীতসন্ত্রস্ত হয়ে পড়লে খাদিজা (রা.) তাঁকে অভয় দেন। তিনি সান্ত্বনার বাণী শুনিয়া বললেন, “আপনি সবসময় মানুষের কল্যাণ করেন.....। সুতরাং আল্লাহ আপনার থেকে বিমুখ হবেন না।

সারসংক্ষেপ : উদ্দীপকে বর্ণিত মতিনকে কন্মল দিয়ে ঢেকে দেয়ার ঘটনাটি মহানবি হযরত মুহাম্মাদ (সা.)-এর ওপর হেরা পর্বতের গুহায় সর্বপ্রথম ওহী অবতীর্ণের পরে তিনি অসুস্থ হয়ে পড়লে খাদিজা (রা.) রাসুল (সা.)-কে কন্মল দিয়ে ঢেকে দেয়ার ঘটনার সাথে সাদৃশ্যপূর্ণ।

- ঘ মানবজীবনের পথনির্দেশক হিসেবে আল কুরআনের গুরুত্ব ও শ্রেষ্ঠত্ব অপরিসীম।

- আল্লাহ তায়ালা কর্তৃক মানবজাতির প্রতি সর্বশেষ ও পূর্ণাঙ্গ প্রেরিত ঐশীগ্রন্থ হলো আল কুরআন। মানবজাতির ইহ ও পারলৌকিক জীবনের সাফল্য এবং মুক্তির উজ্জ্বল পথপ্রদর্শক আল কুরআন।

- রাসুল (সা.) হেরা গুহায় ধ্যানমগ্ন অবস্থায় ছিলেন। জিবরাঈল (আ) তাঁকে আলিঙ্গন করলে তিনি ভীত সন্ত্রস্ত হয়ে অসুস্থ বোধ করেন। তখন খাদিজা (রা.) তাঁকে অভয় দেন। মানবজীবনের পথ নির্দেশক হিসেবে এ কুরআনের গুরুত্ব অপরিসীম। যথা—

১. ব্যক্তিগত ও পারিবারিক জীবনের যাবতীয় সমস্যার সমাধানে আল কুরআন সুস্পষ্ট দিক নির্দেশনা দান করে।
২. সামাজিক সমস্যার পুঞ্জানুপুঞ্জ সুষ্ঠু সমাধান দিয়েছে মহাগ্রন্থ আল কুরআন।
৩. ইসলাম যে একটি সুখী সমৃদ্ধ রাষ্ট্রীয় ব্যবস্থা প্রতিষ্ঠা করতে চায়, কুরআন তার নির্দেশনা দান করে।
৪. আল কুরআন মানবজাতির অর্থনৈতিক ব্যবস্থারও সুস্পষ্ট দিক নির্দেশনা দান করে।
৫. আল কুরআন দেশ, জাতি নির্বিশেষে সকল মানুষকে অভিন্ন আদর্শের দিকে আহ্বান জানায়।
৬. কুরআন মানুষের শুধু পার্থিব জীবন সমস্যার সমাধানই দেয় না; বরং পরকালীন মুক্তির সনদ হিসেবেও আল কুরআন যথার্থ পথপ্রদর্শক।

- পরিশেষে বলা যায়, আল কুরআন মানুষের ইহ জীবনের ও পরকালীন সুখ-শান্তি নিশ্চিত করে। তাই এটি পৃথিবীর শ্রেষ্ঠতম মহাগ্রন্থ।

সারসংক্ষেপ : কুরআন একটি চিরন্তন শাস্ত্র মহাগ্রন্থ এবং মানবজীবনের পরিপূর্ণ পথপ্রদর্শক। এর অনুসরণে মানবতার মুক্তি সুনিশ্চিত। এটি একমাত্র বিশুদ্ধ ও শ্রেষ্ঠ জীবন বিধান।

দ্বিতীয় অধ্যায় : হযরত মুহাম্মাদ (সা.)-এর মাদানি জীবন (৬২২-৬৩২ খ্রিষ্টাব্দ)

২০নং প্রশ্নের উত্তর

ক যারা মক্কা থেকে মদিনায় হিজরত করেছিলেন তারাই মুহাজির।

খ রাজস্ব আয়ের একটি উৎসের নাম আলফাই।

- আলফাই হতে রাষ্ট্রের যথেষ্ট আয় হতো। দখলচ্যুত কিংবা উত্তরাধিকারহীন সম্পত্তি কিংবা পলাতক দেশত্যাগীর যে সমস্ত জমি মুসলমানদের হাতে এসে পড়ে, তাই আলফাই নামে অভিহিত হয়। এ সকল সম্পত্তির মালিক ছিল রাষ্ট্র। আলফাই থেকে প্রাপ্ত অর্থ, খাল, খনন, নদীর বাঁধ নির্মাণ, কৃষি উন্নয়নমূলক প্রকল্প ও পানীয় জলের সুবিধার জন্য ব্যয় করা হতো।

সারসংক্ষেপ : দখলচ্যুত কিংবা উত্তরাধিকারহীন সম্পত্তি কিংবা পলাতক দেশত্যাগীর যে সমস্ত জমি মুসলমানদের হাতে এসে পড়ে, তাই আলফাই নামে অভিহিত হয়।

গ উদীপকের মণ্ডল গোষ্ঠীর সাথে মদিনার খ্রিষ্টান সম্প্রদায়ের মিল রয়েছে।

- হিজরতের পর মদিনায় মহানবি (সা.)-এর ইসলাম প্রচারে ভিন্ন সম্প্রদায়ের মধ্যে যারা বিশেষভাবে সহযোগিতা করেছে খ্রিষ্টানরা তাদের মধ্যে অন্যতম। খ্রিষ্টানদের সহায়তা ও বন্ধুত্বপূর্ণ মনোভাবে প্রীত হয়ে হযরত মুহাম্মাদ (সা.) ষষ্ঠ হিজরিতে সিনাই পাহাড়ের সন্নিহিত সেন্ট ক্যাথরিন মঠের সন্ন্যাসীদের এবং অন্যান্য খ্রিষ্টানদের একটি সনদ প্রদান করেন। এ সনদে খ্রিষ্টানদের সকল প্রকার-সুযোগ-সুবিধা প্রদান করা হয় এবং ধর্মীয় স্বাধীনতার নিশ্চয়তা বিধান করা হয়। সনদের শর্তভঙ্গকারী মুসলমানদের কঠোর শাস্তি প্রদানের ব্যবস্থা করা হয়। খ্রিষ্টানদের জীবন ও ধন সম্পত্তি রক্ষার ভার হযরত মুহাম্মাদ (সা.) স্বয়ং গ্রহণ করেন। এ সনদের মাধ্যমে তিনি নিজে এবং মুসলিম জাতি খ্রিষ্টানদের বাসস্থান, মঠ, গির্জা এবং অন্যান্য ধর্মীয় প্রতিষ্ঠানগুলো রক্ষা ও প্রয়োজনীয় সাহায্য দানের প্রতিশ্রুতি দেন। উদীপকে মণ্ডল গোষ্ঠীর ক্ষেত্রেও একই ঘটনা ঘটেছে।

- উদীপকে দেখা যায়, আমহদ সাহেব বিলসলুয়া গ্রামের মেস্বর। এ গ্রামের মণ্ডলগোষ্ঠীর লোকেরা তার সাথে বন্ধুত্বপূর্ণ আচরণ করে, এ প্রেক্ষিতে তাদেরকে তিনি নিরাপত্তাসহ সব ধরনের সাহায্যদানের প্রতিশ্রুতি দেন। যা মহানবি (সা.) কর্তৃক খ্রিষ্টানদের সাহায্য দানের প্রতিশ্রুতির অনুরূপ। সুতরাং বলা যায়, উদীপকের মণ্ডল গোষ্ঠীর সাথে মদিনার খ্রিষ্টান সম্প্রদায় সাদৃশ্যপূর্ণ।

সারসংক্ষেপ : উদীপকের মণ্ডল গোষ্ঠীর সাথে মদিনার খ্রিষ্টান সম্প্রদায়ের মিল রয়েছে।

ঘ উদীপকের বিশ্বাস গোষ্ঠীর কর্মকাণ্ডের সাথে মদিনার ইহুদি সম্প্রদায়ের কর্মকাণ্ডের মিল রয়েছে।

- মহানবি (সা.) যখন মদিনায় হিজরত করেন তখন মদিনায় বসবাসরত ইহুদিগণ তিনটি শাখায় বিভক্ত ছিল। যথা- ১. বানু কাইনুকা, ২. বানু নাজির ও ৩. বানু কুরাইয়া। প্রথমে ইহুদিগণ মনে করল যে, মদিনাতে হযরত মুহাম্মাদ (সা.) এর ক্ষমতা ঋণাত্মক হবে এবং তারা তাঁকে নিজেদের দলে আনতে পারবে। কিন্তু ইহুদিগণ যখন দেখল তাদের উদ্দেশ্য সিদ্ধ হলো না, তখন

তারা হযরত মুহাম্মাদ (সা.)এর বিরুদ্ধাচরণ করতে আরম্ভ করল। তারা ইসলাম ধর্ম এবং মুসলিম রাষ্ট্রকে ধ্বংস করার জন্য দৃঢ় প্রতিজ্ঞ হলো। যা উদীপকের বিশ্বাস গোষ্ঠীর কর্মকাণ্ডের অনুরূপ।

- উদীপকে দেখা যায়, আহমদ সাহেব বিলসলুয়া গ্রামের মেস্বর, তার নানাবিধ সফলতায় গ্রামের বিশ্বাসগোষ্ঠীর লোকেরা বিভিন্মভাবে তার বিরুদ্ধে ষড়যন্ত্র শুরু করে। এমনকি মেস্বর সাহেবকে তারা হত্যার চেষ্টাও করেন। মদিনার ইহুদি সম্প্রদায়ও একই কর্মকাণ্ড করেছেন। যেমন- বানু কাইনুকা সম্প্রদায় বদর যুদ্ধে মহানবি (সা.)-কে সাহায্য প্রদান হতে বিরত থাকে। তাদের নেতা কাব মুসলমানদের বিরুদ্ধে প্রকাশ্যে হিংসাত্মক ও বিদ্রোহী তৎপরতা চালায়। উহুদের যুদ্ধের সময় বানু নাজির গোত্র কুরাইশদের সাথে মিত্রতা স্থাপন করে মদিনা আক্রমণ করে। এমনকি আমিন বিন জাহাস নামের জনৈক ইহুদি পাথর নিক্ষেপ করে মুহাম্মাদ (সা.)-কে মারার অপচেষ্টা করে। আর বানু কুরাইয়া সম্প্রদায় খন্দক যুদ্ধে মুসলমানদের বিরুদ্ধে কুরাইশ জোটে অংশগ্রহণ করে। সর্বপরি ইহুদিদের প্রত্যক্ষ ষড়যন্ত্র ও বিশ্বাসঘাতকতার জ্বলন্ত দৃষ্টান্ত খায়বারের যুদ্ধ। এ যুদ্ধে পরাজিত হয়ে তারা হযরত মুহাম্মাদ (সা.) কে বিষ প্রয়োগে হত্যা করার হীন চক্রান্ত করে।

- পরিশেষে বলা যায়, এ ধরনের জঘন্য অপরাধের কারণে ইহুদিদেরকে বহিষ্কার ও কঠোর শাস্তি প্রদান করা হয়। তবে মহানবি (সা.) কর্তৃক ইহুদিদের বিরুদ্ধে যে শাস্তিমূলক ব্যবস্থা গ্রহণ করা হয় তা তাদের জিঘাংসামূলক ব্যবহার, ষড়যন্ত্র ও বিশ্বাসঘাতকতার তুলনায় অতি নগণ্য ছিল।

সারসংক্ষেপ : উদীপকের বিশ্বাস গোষ্ঠীর কর্মকাণ্ডের সাথে মদিনার ইহুদি সম্প্রদায়ের কর্মকাণ্ডের মিল রয়েছে।

২১নং প্রশ্নের উত্তর

ক মক্কা বিজয়কালে মুসলিম সৈন্যসংখ্যা ১০,০০০ ছিল।

খ হুদাইবিয়ার সন্ধির অন্তর্নিহিত ফলাফল ও সুদূরপ্রসারী সাফল্যের কারণে একে ‘ফাতহু মুবীন’ বলা হয়েছে।

- হুদাইবিয়ার সন্ধিকে আল্লাহ তায়ালা আল কুরআনে ‘ফাতহু মুবীন’ বা সুস্পষ্ট বিজয় বলে আখ্যায়িত করেছেন। মহাশত্রু আল কুরআনের সূরা ফাতাহ- এর প্রথম আয়াতে বলা হয়েছে- নিশ্চয় আমি আপনাকে সুস্পষ্ট বিজয় দান করেছি। সত্যিই এটা ফাতহু মুবীন ছিল। এ সন্ধির ফলেই শত্রুদের মনে দোলা লাগে। ভেতর থেকে তাদের মনে মন্তবড় একটা ফাটল ধরে। দীর্ঘদিনের জমাতবাঁধা পাষণ্ডপুত্র এ দিন থেকে বিগলিত হতে থাকে। হুদায়বিয়া সন্ধি বিধর্মী ও মুসলমানদের মধ্যে অন্তত দশ বছরের জন্য নিরবিচ্ছিন্ন শান্তি রক্ষার অঙ্গীকার করা হয়।

সারসংক্ষেপ : হুদাইবিয়ার সন্ধির অন্তর্নিহিত তাৎপর্য ও সুদূরপ্রসারী সাফল্যের কারণে একে ‘ফাতহু মুবীন’ বলা হয়েছে। এ সন্ধিকে আল্লাহ তায়ালা মহাশত্রু আল কুরআনে ‘ফাতহু মুবীন’ বা সুস্পষ্ট বিজয় বলে আখ্যায়িত করেছেন।

গ ঘটনা-১ এর পরিষদ ভবন নির্মাণের দানের সাথে ইসলামের তাবুক অভিযানে দানের মিল রয়েছে।

- তাবুক যুদ্ধ সংঘটিত হয়েছিল তদানীন্তন বিশ্বের অন্যতম প্রধান সাম্রাজ্যবাদী শক্তি রোমানদের বিরুদ্ধে। হিজরী নবম সাল মোতাবেক ৬৩০ খ্রিষ্টাব্দে মদিনা থেকে ৪০০ মাইল দূরে সিরিয়া সীমান্তে অবস্থিত তাবুক নামক স্থানে এ যুদ্ধ সংঘটিত হয়। হযরত মুহাম্মাদ (সা.)-এর হাতে আরবের ইহুদিগণ কয়েকবার পরাজিত

২২নং প্রশ্নের উত্তর

হয়ে সিরিয়া সংলগ্ন খাইবার অঞ্চলের নাশকতামূলক কর্মকাণ্ডে লিপ্ত হয়। মুহাম্মাদ (সা.) হৃদয়বিয়ার সন্ধির পর রোম সশ্রুটি হেরাক্লিয়াসের দরবারে দূত পাঠান। কিন্তু হেরাক্লিয়াস হুনাইন ও তায়েফ বিজয়ে দীর্ঘাষিত হয়ে পড়ে। ৬৩০ খ্রিষ্টাব্দে নভেম্বর মাসে গাসসানীদের সহযোগিতায় লক্ষাধিক সৈন্যসহ বাইজানটাইন বাহিনী মদিনার দিকে অগ্রসর হতে থাকে। রাসূল (সা.) এ সংবাদ পেয়ে সিরিয়ার সীমান্তে অবস্থিত তাবুক নামকস্থানে শত্রুপক্ষের গতিরোধ করেন।

- উদ্বীপকের কালিকাপুর ইউপি চেয়ারম্যান ইউনিয়ন ‘পরিষদ ভবন’ নির্মাণের জন্য এলাকাবাসীর নিকট জমি দানের আহ্বান করলে রহিম তার সম্পূর্ণ জমি, করিম তার অর্ধেক জমি এবং জব্বার কিছু জমিসহ ভবন নির্মাণের আনুষঙ্গিক মালামাল দান করেন। মূলত এ ঘটনার সাথে তাবুক অভিযানের মিল রয়েছে। এ অভিযানে হযরত আবু বকর (রা.) তাঁর সমস্ত সম্পত্তি, হযরত উমর (রা.) তাঁর অর্ধেক সম্পত্তি এবং হযরত ওসমান (রা.) ১,০০০ স্বর্ণমুদ্রা ১,০০০ উট এবং ৭০টি অশ্ব যুদ্ধ তহবিলে দান করেন। ইসলামি আন্দোলনের ইতিহাসে তাবুক অভিযান একটি যুগান্তকারী ঘটনা।

সারসংক্ষেপ : ঘটনা-১ এর ইউনিয়ন পরিষদ ভাষণ ভবন নির্মাণে জমি দান ইসলামের ইতিহাসে তাবুক অভিযানের দানের সাথে মিল রয়েছে।

- ঘ ঘটনা-২ এ হাসানের মধ্যে পরিবর্তনে বিদায় হজের ভাষণের মহানবি (সা.)-এর উপদেশ সহধর্মিণীদের প্রতি সদয় ব্যবহারের দিকটি ফুটে উঠেছে।

- দশম হিজরীতে হযরত মুহাম্মাদ (সা.) উপলব্ধি করলেন যে, তাঁর জাগতিক কর্তব্য শেষ হয়েছে এবং জীবন প্রদীপ নির্বাপিত হওয়ার সময়ও আসন্ন। তাই হজব্রত পালনের উদ্দেশ্যে ২৫শে জিলকদ, ১০ হিজরি অর্থাৎ ২৩শে ফেব্রুয়ারি, ৬৩২ খ্রিষ্টাব্দে তিনি অগণিত সাহাবি সহকারে মক্কার পথে রওয়ানা হলেন। এটি ছিল মহানবি (সা.)-এর জীবনের শেষ হজব্রত পালন। এজন্য এ হজকে হুজ্জাতুল বিদা বা বিদায় হজ বলা হয়। হজ সম্পন্ন করে তিনি আরাফাতের পর্বত শিখরে দাঁড়িয়ে উপস্থিত মুসলমানদের উদ্দেশ্যে এক অবিস্মরণীয় ভাষণ প্রদান করেন। তাঁর এ উপদেশবাণী মুসলমানদের হৃদয়ে চিরকাল সমুজ্জ্বল হয়ে থাকবে। মহানবি (সা.) বলেন, “হে সাহাবিগণ, সহধর্মিণীদের উপর তোমাদের যেরূপ অধিকার আছে, তোমাদের উপরও তাদের অধিকার অনুরূপ। আল্লাহকে সাক্ষী রেখে তোমরা তাদেরকে গ্রহণ করেছ এবং তাঁর আদেশমত তাদেরকে তোমাদের জন্য বৈধ করে নিয়েছ। তাদের প্রতি সদয় ব্যবহার করবে।

- উদ্বীপকে দেখা যায় যে, হাসান তার স্ত্রীকে প্রায়ই নির্যাতন করতো। ফলে তাদের সংসার ভাঙনের দিকে যায়। এমতাবস্থায় সমাজের মাতব্বর স্বামী-স্ত্রীকে ডেকে মুহাম্মাদ (সা.) এর বিদায় হজের ভাষণ থেকে উদ্ধৃতি করে মীমাংসার চেষ্টা করেন। ফলে হাসানের মধ্যে পরিবর্তন আসে এবং তারা বাকি জীবন সুখে শান্তিতে অতিবাহিত করেন। যেভাবে মহানবি (সা.) বিদায় হজের ভাষণে স্ত্রীদের প্রতি সদয় ব্যবহারের নির্দেশ দিয়েছেন।

- পরিশেষে বলা যায়, রাসূল (সা.) বিদায় হজের ভাষণে সহধর্মিণীদের সাথে সদয় ব্যবহারের নির্দেশ দিয়েছেন এই উদ্দেশ্য করে যাতে দাম্পত্য কলহ দূরীকরণ হয়। এবং পুরুষরা তাদের সহধর্মিণীদের সাথে উত্তম ব্যবহার করে।

সারসংক্ষেপ : উদ্বীপকে হাসানের পরিবর্তন হওয়ার কারণ বিদায় হজের ভাষণে মহানবি (সা.)-এর সহধর্মিণীদের প্রতি সদয় হওয়ার নির্দেশনা।

- ক বিদায় হজ ৬৩২ খ্রিষ্টাব্দে অনুষ্ঠিত হয়।

- খ কথিত গুজবের ভিত্তিতে সাহাবায়ে কেরাম হযরত উসমান (রা.)-এর রক্তের বদলা নেয়ার জন্য যে বায়াত বা শপথ নিয়েছিলেন তাকেই বায়াত-আশ শাজারা বলা হয়।

- মহানবি (সা.) হৃদয়বিয়া সন্ধির প্রস্তাব নিয়ে হযরত ওসমান (রা.) কে কুরাইশ নেতাদের কাছে প্রেরণ করেন। তার প্রত্যাবর্তনে বিলম্ব হলে মুসলিম শিবিরে রব উঠল যে, মুশরিকরা হযরত উসমানকে হত্যা করেছে। ফলে যুদ্ধ অবশ্যম্ভাবী হয়ে পড়ে এবং বীর মুসলিম যোদ্ধাগণ নিরস্ত্র হলেও দীপ্তকণ্ঠে শপথ গ্রহণ করলেন যে, তাঁরা হযরত উসমান (রা.)-এর হত্যার প্রতিশোধ গ্রহণ করবেন। এ শপথকে বাইয়াতুর রিদওয়ান অথবা বৃক্ষের নিচে শপথ গ্রহণ করা হয় বলে বায়াত-আশ শাজারা বলে অভিহিত করা হয়।

সারসংক্ষেপ : হৃদয়বিয়া সন্ধির সময় বৃক্ষের নিচে যে শপথ করা হয়, তাকে বায়াত-আশ শাজারা বলে।

- গ ঘটনা-১-এ মহানবি (সা.) এর অর্থনৈতিক সংস্কারের যাকাতের দিকটি ফুটে উঠেছে।

- যাকাত ইসলামি অর্থনীতির প্রধান উৎস। সামাজিক সাম্য অর্জনের অন্যতম মৌলিক প্রাতিষ্ঠানিক ব্যবস্থা হিসেবে যাকাত বিবেচিত হয়ে থাকে। সমাজে আয় ও সম্পদের বন্টনের ক্ষেত্রে বিরাজমান পার্থক্য হ্রাসের জন্য যাকাত অত্যন্ত উপযোগী কার্যকর অর্থব্যবস্থা। যাকাত কোনো স্বেচ্ছামূলক দান নয়; বরং দরিদ্র, অভাবগ্রস্ত ও বিশেষ বিশেষ শ্রেণির লোকদের জন্য আল্লাহ কর্তৃক নির্ধারিত বাধ্যতামূলক প্রদেয় আর্থ-সামাজিক নিরাপত্তা ব্যবস্থা। দুস্থ ও অভাবগ্রস্তদের সামাজিক সুরক্ষা নিশ্চিত করার জন্যই যাকাতের ক্ষেত্রে কুরআনে এত কঠোর তাগিদ রয়েছে। এছাড়া মহানবি (সা.) যাকাত প্রদানের ব্যাপারে কঠোর নির্দেশ দিয়েছেন। হযরত আবু বকর যুদ্ধ ঘোষণা করেছেন, যারা যাকাত প্রদানে অস্বীকৃতি জানাবে তাদের বিরুদ্ধে। সর্বোপরি ইসলামে যাকাত প্রদানের ব্যাপারে কঠোর তাগিদ প্রদান করা হয়েছে।

- উদ্বীপকে এতিমখানার সভাপতি মাওলানা মুহেবুল্লা এতিমখানাটি সুষ্ঠুভাবে পরিচালনার জন্য বাস মালিকদেরকে নিয়ে একটি বৈঠক করে কিছু গুরুত্বপূর্ণ সিদ্ধান্ত গ্রহণ করেন। তারমধ্যে অন্যতম সিদ্ধান্ত হলো মালিকদেরকে বাস প্রতি নির্দিষ্ট হারে চাঁদা দিতে হবে। যার যতটি বাস আছে তিনি আনুপাতিক হারে তত চাঁদা প্রদান করবেন। ফলে এতিমখানাটি সুন্দরভাবে পরিচালনার জন্য কারো কাছে হাত পাততে হয় নি। এতে প্রতীয়মান হয় যে, যাকাত সামাজিক সমস্যা সমাধানে গুরুত্বপূর্ণ ভূমিকা পালন করে।

সারসংক্ষেপ : উদ্বীপকে হযরত মুহাম্মাদ (সা.)-এর অর্থনৈতিক সংস্কার তথা যাকাতের প্রতিফলন ঘটেছে।

- ঘ ঘটনা-২ এ উপজাতি রাজা কর্তৃক খ্রিষ্টান ধর্মাবলম্বীর উপর ধার্যকৃত কর মহানবি (সা.)-এর সময়কার জিজিয়া করের অনুরূপ।

- জিজিয়া কর অমুসলমান প্রজাদের উপর ধার্য করা হতো। এর পরিবর্তে তাদেরকে যুদ্ধে যোগদান হতে অব্যাহতি দেওয়া হতো এবং মুসলিম রাষ্ট্র তাদের জানমালের নিরাপত্তার দায়িত্ব গ্রহণ করত।

- অমুসলমানকে রক্ষা করতে না পারলে মুসলমানগণ তাদের প্রদত্ত জিজিয়া কর ফিরিয়ে দিত। মহানবি (সা.)-এর জীবিতকালে প্রত্যেক সমর্থবান অমুসলমান প্রজাকে বাৎসরিক এক দিনার হিসেবে জিজিয়া কর দিতে হত। জিজিয়া নতুন কর নয়, তৎপূর্বে এই কর পারস্য ও রোমান সাম্রাজ্যে যথাক্রমে “গেজিট” এবং “ট্রাইবিউটম ক্যাপিটিস” নামে প্রচলিত ছিল। আয়কৃত অর্থ সম্পূর্ণরূপে মুসলমান সৈন্যদের ব্যয়ভার নির্বাহে ব্যয়িত হত।
- উদ্দীপকের উপজাতি রাজার বিধান অনুযায়ী অন্য ধর্মাবলম্বীদের ঘর-বাড়ি, জান-মালের রক্ষণাবেক্ষণের জন্য নির্দিষ্ট হারে কর দিতে হতো। সে নিয়মানুযায়ী উক্ত খ্রিষ্টানরা নিয়মিত বার্ষিক কর প্রদান করে আসছিল। তাদের প্রদেয় কর উপজাতি পাহারাদারদের বেতন-ভাতা হিসেবে ব্যয় করা হতো। যা মহানবি (সা.)-এর জিজিয়া করের অনুরূপ।

সারসংক্ষেপ : ঘটনা-২ এ উপজাতিদের উপর যে কর ধার্য করা হয়েছে তা মূলত ইসলামের জিজিয়া করের সদৃশ।

২৩নং প্রশ্নের উত্তর

- ক** উহুদের যুদ্ধে মহানবি (সা.) কুরাইশ গোত্রের ইবন কামিয়ার নিষ্কণ্ঠ প্রস্তরাঘাতে দুটি দাঁত হারান।
- খ** হযরত আবদুল্লাহ (রা.) ভুলক্রমে চারজন যাত্রীর মক্কার এক কাফেলার উপর আক্রমণ করলে নাখলার খণ্ডযুদ্ধ সংঘটিত হয়।
- কুরাইশদের ক্রমবর্ধমান আক্রমণ ও লুটতরাজ বন্ধ করার জন্য মহানবি (সা.) হযরত আবদুল্লাহ ইবনে জাহাশের নেতৃত্বে ১২ জনের একটি গোয়েন্দা দল সীমান্তবর্তী এলাকায় প্রেরণ করেন। হযরতের নির্দেশ অনুযায়ী তিনদিন পর সীলমোহরকৃত আদেশপত্র উন্মোচন করে হযরত আবদুল্লাহ সঙ্গীদের নিয়ে নাখলার দিকে অগ্রসর হওয়ার এবং মক্কা কাফেলার জন্য অপেক্ষা করার নির্দেশ পেলেন। লক্ষণীয় যে মহানবি (সা.) কাফেলার উপর আক্রমণ করতে আদেশ করেন নি। কিন্তু হযরত আবদুল্লাহ (রা.) ভুলক্রমে চারজন যাত্রীর মক্কার এক কাফেলার উপর আক্রমণ করলে নাখলায় একটি খণ্ডযুদ্ধ সংঘটিত হয়।

সারসংক্ষেপ : হযরত আবদুল্লাহ (রা.) ভুলক্রমে চারজন যাত্রীর মক্কার এক কাফেলার উপর আক্রমণ করলে নাখলার খণ্ডযুদ্ধ সংঘটিত হয়।

- গ** উদ্দীপকের সৈনিকদের হতাহত ও ক্ষয়ক্ষতির ঘটনার সাথে উহুদের যুদ্ধে মুসলমানদের সাময়িক পরাজয়ের যে কারণটির সাথে সাদৃশ্য রয়েছে তা হচ্ছে নেতার আদেশ অমান্য ও শৃঙ্খলার অভাব।
- উহুদের যুদ্ধে মুসলমান সৈন্যগণ তাঁদের নেতার আদেশ যথাযথভাবে পালন করেনি। রাসুলুল্লাহ (সা.)-এর নির্দেশ ছিল “জয় অথবা পরাজয় কোনো অবস্থাতেই মুসলিম তীরন্দাজ বাহিনী যেন গিরিপথ অতিক্রম না করে।” কিন্তু বিজয় নিজেদের করায়ত্ত মনে করে মুসলিম বাহিনী উপরিউক্ত আদেশ লঙ্ঘন করায় তাঁদের মধ্যে বিশৃঙ্খলার সৃষ্টি হয়। সে সুযোগে শত্রুপক্ষ তাদের আক্রমণ করে। নেতার আদেশ লঙ্ঘন ও শৃঙ্খলার অভাবই ছিল উহুদের যুদ্ধে মুসলমানদের সাময়িক পরাজয়ের প্রধান কারণ।
 - উদ্দীপকে দেখা যাচ্ছে যে, মধ্য আফ্রিকার গোলযোগপূর্ণ একটি দেশের সেনাবাহিনীর এক প্লাটুন সদস্যকে একজন কমান্ডারের নেতৃত্বে একটি খাদ্য গুদামের নিরাপত্তার নিয়োজিত করা হয়। কমান্ডারের আদেশ অমান্য করে সৈনিকরা ব্যক্তিগত কাজে মনোযোগী হলে হঠাৎ একদল বিদ্রোহী আক্রমণ করে। এতে হতাহতসহ অনেক ক্ষয়ক্ষতি হয়। যার সাথে উহুদের যুদ্ধে

মুসলমানদের সাময়িক পরাজয়ের কারণ নেতার আদেশ অমান্য ও শৃঙ্খলার অভাব এর সাথে সাদৃশ্য রয়েছে।

সারসংক্ষেপ : উদ্দীপকের সৈনিকদের হতাহত ও ক্ষয়ক্ষতির ঘটনার সাথে উহুদের যুদ্ধে মুসলমানদের সাময়িক পরাজয়ের যে কারণটির সাথে সাদৃশ্য রয়েছে তা হচ্ছে নেতার আদেশ অমান্য ও শৃঙ্খলার অভাব।

- ঘ** সেনাদলটির সাহস ও ধৈর্য যেন উহুদ যুদ্ধে মুসলমানদের ঈমান ও সাহসের সাথে অনেকটা সাদৃশ্যপূর্ণ বক্তব্যটি সঠিক।
- মুসলমানদের তাত্ক্ষণিক বিপর্যয় আপাতদৃষ্টিতে তেমন মর্যাদা হানিকর হয়নি। অন্যদিকে কাফেররা মদিনায় প্রবেশ না করেই ফিরে যায়। তারা রাসুল (সা.)-এর পশ্চাদগামী করার শক্তি অথবা মদিনা আক্রমণ করার মানসিক ও শারীরিক শক্তি হারিয়ে ফেলে। কাফেররা কোনো মুজাহিদকে বন্দি অথবা যুদ্ধক্ষেত্র হতে কোনো ধনসম্পদ লুণ্ঠন করতে সক্ষম হয়নি। বিপর্যয়ের পরিস্থিতিতেও মুসলমানরা মনোবল হারায়নি বরং তাদের ইমান ও সাহস আরও অটুট হয়েছিল।
 - উদ্দীপকে দেখা যাচ্ছে যে, সেনা দলটির অনেক সদস্য হতাহত হলেও আহত সৈন্যরা একাবদ্ধ হয়ে জীবনের ঝুঁকি নিয়ে বিদ্রোহীদের বিরুদ্ধে লড়াইয়ে অবতীর্ণ হয়। সাহস এবং ধৈর্য সহকারে লড়াই চালিয়ে যাওয়ায় অবশেষে বিদ্রোহীরা পালিয়ে যায়। যা উহুদের যুদ্ধের মতোই। কেননা উহুদযুদ্ধে উহুদের বিপর্যয় মুসলমানদের সৃষ্টিলাবদ্ধ সামরিক জাতিতে পরিণত করে। এই যুদ্ধ থেকে মুসলমানগণ যে শিক্ষা লাভ করেন তা পরবর্তী সময়ের সকল যুদ্ধে তাদের নিকট একটি অবিস্মরণীয় দৃষ্টান্ত হয়ে থাকে। উহুদ যুদ্ধ মুসলমানদের জন্য ছিল ধৈর্যের অগ্নি পরীক্ষা। একথা সত্য নিরবচ্ছিন্ন বিজয় কোনো জাতির ভাগ্যেই জুটে না। বিজয়ের আনন্দও পরাজয়ের গ্লানি সঙ্গি করেই বৃহত্তর সাফল্যের পানে এগিয়ে যেতে হয়। এজন্য প্রয়োজন ইমান, ধৈর্য ও সাহসের। এ পরীক্ষায় মুসলমানগণ সাফল্যের সাথে উত্তীর্ণ হয়েছিলেন।
 - পরিশেষে বলা যায় যে, সেনাদলটির সাহস ও ধৈর্য যেন উহুদ যুদ্ধে মুসলমানদের ঈমান ও সাহসের সাথে অনেকটা সাদৃশ্যপূর্ণ বক্তব্যটি যুক্তিযুক্ত।

সারসংক্ষেপ : সেনাদলটির সাহস ও ধৈর্য যেন উহুদ যুদ্ধে মুসলমানদের ঈমান ও সাহসের সাথে অনেকটা সাদৃশ্যপূর্ণ বক্তব্যটি সঠিক।

২৪নং প্রশ্নের উত্তর

- ক** হযরত মুহাম্মাদ (সা.)-এর মদিনায় আগমনের পূর্বে ইহুদিগণ তিনটি শাখার বিভক্ত ছিল।
- খ** আবদুল্লাহ ইবনে উবাই ছিলেন মদিনার বনু খায়রাজ বংশীয় প্রতিপত্তিশালী একজন মুনাফিক নেতা।
- হিজরতের পূর্বে মদিনায় তার শাসকরূপে অধিষ্ঠিত হবার কথা ছিল; কিন্তু ইসলামি প্রজাতন্ত্র প্রতিষ্ঠা ও মদিনা সনদের পরিপ্রেক্ষিতে তার আশা পূর্ণ হয়নি। এর ফলে সে মক্কার কুরাইশদের সঙ্গে দূরভিসন্ধিমূলক কার্যকলাপে নিয়োজিত হয় এবং মদিনায় হযরত মুহাম্মাদ (সা.)-এর বিরুদ্ধে প্রচারণা ও বিরুদ্ধাচরণ দ্বারা একটি মুনাফিক দল গঠন করে। ইসলামের প্রতি বাহ্যিক আনুগত্য স্বীকার করলেও আবদুল্লাহ ইবনে উবাই-এর নেতৃত্বে মুনাফিক দল হযরত মুহাম্মাদ (সা.)-এর বিরুদ্ধে শত্রুতা করেন।

সারসংক্ষেপ : আবদুল্লাহ ইবনে উবাই ছিলেন মদিনার বনু খায়রাজ বংশীয় প্রতিপত্তিশালী একজন মুনাফিক নেতা।

গ ডঃ আমিরুলের নিজ এলাকা ছেড়ে অন্যত্র চলে যাওয়া মহানবি (সা.) এর হিজরতের অনুরূপ।

- মক্কায় ইসলামের প্রচার প্রসার দিন দিন বৃদ্ধি পেতে থাকলে মক্কার পৌত্তলিক ও মূর্তিপূজকদের স্বার্থে আঘাত লাগল এবং তারা দেখল, তাদের ধর্ম ব্যবসায় বন্ধ হয়ে যাবে। তাই তারা মুহাম্মাদ (সা.) ও নওমুসলমানদের ওপর নির্মম নির্ধাতন শুরু করে। পৌত্তলিক কুরাইশরা যখন দেখল, মুহাম্মাদ (সা.)-কে অর্থের লোভ, ভয়ভীতি ও মানহানির পরও ইসলামের প্রচার প্রসারের কাজ হতে বিরত রাখতে পারছে না, তখন তারা দারুন নদওয়ার সিদ্ধান্ত অনুযায়ী প্রত্যেক গোত্র হতে একজন করে যুবক নিয়ে তার ঘর অবরোধ করে তাকে একযোগে হত্যার চূড়ান্ত সিদ্ধান্ত গ্রহণ করে। ফলে হযরত মুহাম্মাদ (সা.) আল্লাহর নির্দেশে ৬২২ খ্রিষ্টাব্দের ২৪ সেপ্টেম্বর মদিনার উদ্দেশ্যে হিজরত করেন।
- উদ্দীপকে ডঃ আমিরুল তার নিজের এলাকার সার্বিক উন্নয়ন ও আদর্শ এলাকায় পরিণত করার জন্য বিভিন্ন কর্মসূচি বাস্তবায়ন করতে গেলে এলাকার অধিকাংশ লোক বাধা প্রদান করেন। একপর্যায়ে তার প্রতি অমানুষিক নির্ধাতন শুরু করলে তিনি নিজ এলাকা ছেড়ে পান্থবর্তী এলাকায় অবস্থান করেন। যা মহানবি (সা.) এর মক্কা থেকে মদিনায় হিজরতের অনুরূপ।

সারসংক্ষেপ : ডঃ আমিরুলের নিজ এলাকা ছেড়ে অন্যত্র চলে যাওয়া মহানবি (সা.) এর হিজরতের অনুরূপ।

ঘ উদ্দীপকে লিখিত নীতিমালা রাসুল (সা.)-এর মদিনা সনদের অনুরূপ। আর মদিনা সনদকে পৃথিবীর প্রথম লিখিত সংবিধান বলা হয়।

- রাসুল (সা.) যেমন মদিনায় হিজরতের পর মদিনা সনদের মাধ্যমে মদিনায় শান্তি ও নিরাপত্তা প্রতিষ্ঠা করেন, তেমনি উদ্দীপকে ডঃ আমিরুল পান্থবর্তী এলাকায় গিয়ে শান্তি ও নিরাপত্তার স্বার্থে একটি লিখিত নীতিমালা প্রণয়ন করেন। ফলে সর্বত্র শান্তি-শৃঙ্খলা প্রতিষ্ঠিত হয়।
- মদিনায় শান্তি প্রতিষ্ঠার উদ্দেশ্যে ৬২৪ খ্রিষ্টাব্দে প্রণীত মদিনা সনদ পৃথিবীর ইতিহাসে সর্বপ্রথম লিখিত সংবিধান। এর পূর্বে এরূপ কোনো মৈত্রী সংবিধান ছিল না। এটি তৎকালীন যুগেই নয়; বরং সর্বযুগে সর্বকালের মহামানবের জন্য শ্রেষ্ঠত্বের পরিচায়ক। ‘মদিনা সনদ’ মুসলিম অমুসলিম নির্বিশেষে সব সম্প্রদায়কে ভ্রাতৃত্ব বন্ধনে আবদ্ধ করে হিংসাদ্বৈত ও কলহের অবসান করে এবং বিপদে সবাই এক- এ নীতিতে প্রতিশ্রুতিবদ্ধ হয়। মুসলমান ও অন্যদের সাথে সকল প্রকার পার্থক্য নিরসনে এর কার্যকারিতা ধারাগুলোর দিকে তাকালেই স্পষ্ট হয়ে যায়।
- মদিনা সনদ গোত্রপ্রথার বিলোপ সাধন করে ইসলামি ভ্রাতৃত্ববোধের ভিত্তিতে হযরত মুহাম্মাদ (সা.)-এর ওপর সমাজ ও ধর্মীয় অনুশীলন পরিচালনার দায়িত্ব অর্পণ করে। ফলে আদর্শ গণতন্ত্রের ভিত প্রোথিত হয়। ঐতিহাসিক পি. কে. হিট্রি বলেন, “মদিনা প্রজাতন্ত্রই পরবর্তীকালে বৃহত্তর ইসলামি সাম্রাজ্যে পরিণত হয়।” হযরত মুহাম্মাদ (সা.) প্রণীত মদিনা সনদ ধর্মীয় স্বাধীনতা, সার্বভৌমত্ব, মানবাধিকার ও গণতন্ত্রের উজ্জ্বল দৃষ্টান্ত। তাঁর প্রণীত মদিনা সনদ মুসলমান অমুসলমান নির্বিশেষে সকলের ধর্মীয় স্বাধীনতা নিশ্চিত করে। “মদিনার বিভিন্ন সম্প্রদায়ের লোকেরা পরস্পরের ধর্মে হস্তক্ষেপ করতে পারবে না।”- এ শর্ত দ্বারা হযরত মুহাম্মাদ (সা.) যে মহানুভবতা ও ধর্মীয় সহিষ্ণুতার পরিচয় দেন, তা বিশ্বের ইতিহাসে সত্যিই বিরল।

সারসংক্ষেপ : উদ্দীপকে লিখিত নীতিমালা রাসুল (সা.)-এর মদিনা সনদের অনুরূপ। আর মদিনা সনদকে পৃথিবীর প্রথম লিখিত সংবিধান বলা হয়।

২৫নং প্রশ্নের উত্তর

ক রোমের সম্রাট হিরাক্লিয়াসের নিকট মহানবি (সা.) হযরত দাহিয়্যা ইবনে খলিফা কালবী (রা.)-কে দূত হিসেবে প্রেরণ করেন।

খ হযরত মুহাম্মাদ (সা.)-এর চেহারার সাথে সাদৃশ্য হযরত মুসআব (রা.) শাহাদাত বরণ করেছিলেন বিধায় মহানবি (সা.)-এর নিহত হওয়ার গুজব উঠে।

- হযরত মুসআব (রা.) চেহারা ছিল দেখতে কিছুটা হযরত মুহাম্মাদ (সা.)-এর চেহারার মতো। তিনি উহুদ যুদ্ধে শহিদ হলে কাফিররা মনে করেছিল মুহাম্মাদ (সা.)-ই শহিদ হয়েছেন। তাই তারা মুসলমানদের মধ্যে বিশৃঙ্খলা সৃষ্টি করার জন্য গুজব ছড়িয়ে দেয় যে, মুহাম্মাদ (সা.) শহিদ হয়েছেন।

সারসংক্ষেপ : হযরত মুহাম্মাদ (সা.)-এর চেহারার সাথে সাদৃশ্য হযরত মুসআব (রা.) শাহাদাত বরণ করেছিলেন বিধায় মহানবি (সা.)-এর নিহত হওয়ার গুজব উঠে।

গ উদ্দীপকে বর্ণিত আব্দুল জব্বারের গ্রামের স্বার্থাঘেযী মহলের আচরণের সাথে মহানবি (সা.)-এর জীবনের হৃদয়বিয়ার সন্ধির ঘটনার সাদৃশ্য রয়েছে।

- ইসলামের ইতিহাসে হৃদয়বিয়ার সন্ধি একটি তাৎপর্যপূর্ণ ঘটনা। ৬২৮ খ্রিষ্টাব্দে (ষষ্ঠ হিজরিতে) মহানবি (সা.) ও কুরাইশদের মধ্যে হৃদয়বিয়া নামক স্থানে এ সন্ধি সম্পন্ন হয়।
- উদ্দীপকে জনাব আব্দুল জব্বারের ঘটনাটি আমাদের হৃদয়বিয়ার সন্ধির ঘটনাকে স্মরণ করিয়ে দেয়। স্বপ্নে কাবাঘর তাওয়াফ করতে দেখে মহানবি (সা.)-এর মনে নিজ দেশ মক্কায় আসার বাসনা জাগে। তাই তিনি ৬২৮ খ্রিষ্টাব্দে মাতৃভূমি দর্শন ও ওমরা পালনের জন্য সাহাবিদের নিয়ে মক্কা অভিমুখ রওয়ানা হন। কিন্তু মক্কার কুরাইশরা এ সংবাদ জানতে পেরে তারা মহানবি (সা.)-কে বাধা দেয়। ফলে অনেক আলোচনা পর্যালোচনার পর হৃদয়বিয়া নামক স্থানে উভয় পক্ষের মধ্যে একটি সন্ধি চুক্তি স্বাক্ষরিত হয়, যা হৃদয়বিয়ার সন্ধি নামে পরিচিত। সন্ধির শর্ত অনুসারে মহানবি (সা.) ঐ বছর হজ না করেই মদিনায় ফিরে আসেন। একই ঘটনা আমরা উদ্দীপকে আব্দুল জব্বারের সাথে ঘটতে দেখি। তার সাথেও একটি চুক্তি স্বাক্ষরিত হয় এবং তিনিও চুক্তিশর্ত অনুযায়ী ফিরে আসেন। তাই বলা যায়, উদ্দীপকে বর্ণিত ঘটনার সাথে মহানবি (সা.)-এর সাথে সংঘটিত হৃদয়বিয়ার সন্ধির ঘটনার পূর্ণ মিল রয়েছে।

সারসংক্ষেপ : উদ্দীপকে বর্ণিত আব্দুল জব্বারের গ্রামের স্বার্থাঘেযী মহলের আচরণের সাথে মহানবি (সা.)-এর জীবনের হৃদয়বিয়ার সন্ধির সাদৃশ্য রয়েছে।

ঘ হ্যাঁ, আব্দুল জব্বারের সফলতা মহানবি (সা.)-এর জীবনের হৃদয়বিয়ার সন্ধির ঘটনা পরবর্তী সুদূরপ্রসারী ফলাফলেরই বহিঃপ্রকাশ বলে আমি মনে করি।

- হৃদয়বিয়ার সন্ধি ছিল ইসলামের ইতিহাসে একটি মোড় ফেরানো ঘটনা। এ ঘটনার মধ্য দিয়ে একজন বিজ্ঞ কূটনীতিক ও রাজনীতিবিদ হিসেবে মহানবি (সা.)-এর দূরদর্শিতার প্রকাশ ঘটে।
- উদ্দীপকে বর্ণিত ঘটনা দ্বারা হৃদয়বিয়ার সন্ধিকে ইঙ্গিত করা হয়েছে। আপাত দৃষ্টিতে এ সন্ধি মুসলমানদের বিপক্ষে মনে হলেও এর ফলাফল ছিল সুদূর প্রসারী। মহান আল্লাহ এ সন্ধিকে

পবিত্র কুরআনে ফাতহুম মুবিন বা প্রকাশ্য বিজয় বলে ঘোষণা করেছেন। কেননা এ সন্ধি দ্বারা কুরাইশরা ইসলাম ও মুসলমানদের একটি স্বতন্ত্র শক্তি ও জাতি হিসেবে স্বীকৃতি দেয়। মদিনা ইসলামি রাষ্ট্রের স্বীকৃতিসহ মহানবি (সা.)-এর ক্ষমতা ও কর্তৃত্বকে মেনে নেয়। দশ বছরের জন্য যুদ্ধ বিরতি হওয়ায় মক্কা ও মদিনার অধিবাসীরা অবোধে মেলামেশার সুযোগ পায়। ফলে কাফিররা ইসলামের সৌন্দর্যে মুগ্ধ হয়ে ইসলাম গ্রহণ করতে থাকে। এ সন্ধির সবচেয়ে বড় ফলাফল হলো চুক্তি স্বাক্ষরের মাত্র দুই বছর পরেই মহানবি (সা.) বিনা বাধ্যয় মক্কা জয় করতে সক্ষম হন এবং তথায় ইসলাম প্রতিষ্ঠা করেন। মহানবি (সা.) তাঁর উদ্দেশ্য সাধনে সম্পূর্ণরূপে সফল হন।

- পরিশেষে বলা যায়, হৃদয়বিয়ার সন্ধির মধ্য দিয়ে মহানবি (সা.)-এর রাজনৈতিক প্রজ্ঞা ও কূটনৈতিক দূরদর্শিতার পরিচয় ফুটে উঠে। উদ্বীপকে আব্দুল জব্বার মহানবি (সা.)-এর এই আদর্শ গ্রহণ করার কারণেই সে তার উদ্দেশ্য সাধনে সফল হয়েছে। তাই আমি মনে করি, আব্দুল জব্বারের সফলতা মহানবি (সা.)-এর জীবনের হৃদয়বিয়ার সন্ধির পরবর্তী সুদূরপ্রসারী ফলাফলেরই বহিঃপ্রকাশ।

সারসংক্ষেপ : হ্যাঁ, আব্দুল জব্বারের সফলতা মহানবি (সা.)-এর জীবনের হৃদয়বিয়ার সন্ধির ঘটনা পরবর্তী সুদূরপ্রসারী ফলাফলেরই বহিঃপ্রকাশ বলে আমি মনে করি।

২৬নং প্রশ্নের উত্তর

- ক** মুহাম্মাদ (সা.)-এর সময়ে ছোট বড় ২৭টি যুদ্ধ সংঘটিত হয়।
- খ** মহানবি হযরত মুহাম্মাদ (সা.)-কে ইসলাম প্রচার থেকে বিরত রাখতে না পেরে কুরাইশরা মহানবি (সা.) ও ইসলাম গ্রহণকারীদের বয়কট করেছিল।
- হযরতের নবুয়ত লাভের ৬ষ্ঠ বছরে ৬১৬ খ্রিষ্টাব্দে কুরাইশগণ ইসলামে দীক্ষিত মুসলমানদের বিরুদ্ধে বয়কট নীতি প্রচলন করে। কারণ, মুসলমানগণ আবিসিনিয়ায় গমন করে নির্বিঘ্নে নিজেদের ধর্ম-কর্ম করছে। নাজ্জাশীর নিকট দূত প্রেরণ করেও কোনো সুফল পেল না বরং নিরাশ হয়ে মক্কায় ফিরে এলো। কুরাইশগণ নিজেদের মুসলমান হওয়ার মিথ্যা সংবাদ রটিয়ে যে সব মতলব এটেছিল তাও ব্যর্থ হয়ে গেল। তাদের সকল ষড়যন্ত্র ও চেষ্টা এভাবে ব্যর্থ হওয়ায় কুরাইশরা ক্ষোভ, দুঃখ, ক্রোধ ও প্রচণ্ড অভিমানে মহানবি (সা.) ও মুসলমানদের বয়কট করেছিল।

সারসংক্ষেপ : মহানবি হযরত মুহাম্মাদ (সা.)-কে ইসলাম প্রচার থেকে বিরত রাখতে না পেরে কুরাইশরা মহানবি (সা.) ও ইসলাম গ্রহণকারীদের বয়কট করেছিল।

- গ** উদ্বীপকের কবিতার লাইনগুলো মহানবি (সা.)-এর মক্কা বিজয় এবং তৎপরবর্তী মহানুভবতার উজ্জ্বল চিত্র উপস্থাপন করে।
- দীর্ঘদিন নিজ মাতৃভূমি থেকে নির্বাসনে থাকার পর মহানবি (সা.) মক্কা বিজয় করেন। তবে তিনি মাতৃভূমিতে প্রবেশ করে কুরাইশদের সকল অপমান ও অন্যায় ভুলে গিয়ে তাদেরকে ক্ষমা করে দেন। এরূপ উদারতা ও মহানুভবতা বিশ্বের ইতিহাসে বিরল।
- উদ্বীপকে কবি সে ব্যক্তির ঘর বেঁধে দেন যে কিনা তার ঘর ভেঙে দিয়েছিল। তিনি তাদেরকেও আপন করার প্রয়াস চালিয়ে যান যারা তাকে পর করে দিয়েছিল। অনুরূপ মহানবি (সা.)-এর

যাপিত জীবন বিশেষত মক্কা বিজয়ের ঘটনা প্রবাহের মাঝে এই কবিতার মূল কথার সাদৃশ্য পাই। মহানবি (সা.)-কে ইসলাম প্রচারের দরুন সীমাহীন দুঃখ কষ্ট সহ্য করতে হয়েছিল। এমনকি তিনি নিজ মাতৃভূমি থেকে বিতাড়িতও হয়েছিলেন। কিন্তু আল্লাহর অসীম কৃপায় তিনি ৮ম হিজরীতে মক্কা বিজয় করেন। ইতিহাসে এটিকে রক্তপাতহীন মহাবিজয় বলা হয়। তিনি ১৩ বছর যাবৎ অত্যাচারিত হওয়ার পরও মক্কাবাসীদেরকে প্রশ্নহীন ক্ষমা করে দেন। যারা তাঁকে পর করে ছিল তিনি তাদেরকে পরম মমতায় আপন করে নেন। মক্কা বিজয়ের মাধ্যমে মহানবি (সা.) ক্ষমার যে দৃষ্টান্ত স্থাপন করেন উদ্বীপকের কবিতার লাইনগুলো সেই মহান ঘটনার সাথে সাদৃশ্যপূর্ণ।

সারসংক্ষেপ : মক্কা বিজয়ের মাধ্যমে মহানবি (সা.) ক্ষমার যে দৃষ্টান্ত স্থাপন করেন উদ্বীপকের কবিতার লাইনগুলো সেই মহান ঘটনার সাথে সাদৃশ্যপূর্ণ।

- ঘ** রাসুল (সা.)-এর অনুরূপ কর্ম তথা মক্কা বিজয় এবং কুরাইশদের ক্ষমার দৃষ্টান্ত ইসলাম প্রচার ও প্রসারে অনবদ্য ভূমিকা পালন করেছে।- উক্তিটি যথার্থ।
- হৃদয়বিয়ার সন্ধিতে মক্কা বিজয় দ্বারা ইসলামের ধর্মীয় ও রাজনৈতিক প্রভাব প্রতিষ্ঠার বীজ নিহিত ছিল। এছাড়া হযরত মুহাম্মাদ (সা.) উপলব্ধি করেন যে, নব প্রতিষ্ঠিত ধর্মের শক্তি বৃদ্ধি করতে হলে মক্কার সামরিক শক্তিকে কাজে লাগাতে হবে এবং মক্কা আয়ত্তে আসলে বর্হিবিশ্বেও তাঁর ক্ষমতা ও মর্যাদা বৃদ্ধি পাবে। উদারতা, মহানুভবতা ক্ষমাসুন্দর দৃষ্টিভঙ্গির দ্বারা হযরত (সা.) বিধর্মী কুরাইশদের মন জয় করেন।
- হযরত মুহাম্মাদ (সা.) মক্কায় প্রবেশ করে পবিত্র হারাম শরীফ গমন করে সাতবার কা'বা তাওয়াফ করেন এবং সেখানে অবস্থিত ৩৬০টি দেবদেবীর মূর্তি অপসারণ করার আদেশ দেন। বিজয়ের অবশ্যম্ভাবী ফলস্বরূপ আরব গোত্রের বেদুইনগণ দলে দলে ইসলামের প্রতি আকৃষ্ট হলো। ধর্মীয় অপেক্ষা রাজনৈতিক প্রতিপত্তি এবং অর্থনৈতিক সুবিধা ভোগের জন্যই বেদুইনগণ ইসলামের ছায়াতলে আশ্রয় গ্রহণ করল। নিকলসন বলেন, পবিত্র নগরীর আত্মসমর্পণে আরব দেশে হযরত মুহাম্মাদ (সা.)-এর আর কোনো প্রতিদ্বন্দ্বী রইল না। তাঁর কার্য সমাধা হলো। বিভিন্ন বেদুইন গোত্রের প্রতিনিধিগণ বিজেরতার প্রতি আনুগত্য প্রকাশ করল।
- আলোচনান্তে বলা যায়, মহানবি (সা.)-এর মক্কা বিজয়ের পর মহানুভবতার এক বিরল দৃষ্টান্ত স্থাপন করেন। ফলশ্রুতিতে মহানবি (সা.)-এর রাজনৈতিক প্রভাব বৃদ্ধি, ইসলামের দ্রুত প্রসার ও আন্তর্জাতিকীকরণ সহজতর হয়। সুতরাং বলা যায়, প্রশ্নোক্ত উক্তিটি যথার্থ।

সারসংক্ষেপ : মক্কা বিজয় ইসলামের ইতিহাসে একটি অবিস্মরণীয় ঘটনা। ধর্মীয় ও রাজনৈতিক দৃষ্টিভঙ্গিতে এর গুরুত্ব অপরিসীম।

২৭নং প্রশ্নের উত্তর

- ক** খাইবার যুদ্ধে হযরত আলী (রা.) এর শৌর্য-বীর্য ও রণনৈপুণ্যের জন্য তাকে আসাদুল্লাহ উপাধিতে ভূষিত করা হয়।
- খ** উহদ যুদ্ধে মুসলমানদের সাময়িক পরাজয়ের কারণ ছিল নেতার আদেশ যথাযথভাবে না মানা।
- উহদ যুদ্ধে রাসুল (সা.) কুরাইশদের সম্ভাব্য আক্রমণ স্থল গিরিপথে ৫০ জন তীরন্দাজ নিযুক্ত করেছিলেন। তাদের প্রতি নির্দেশ ছিল যুদ্ধে মুসলিম বাহিনীর জয়-পরাজয় যাই ঘটুক, কোনো অবস্থায়ই তারা তাদের নির্দিষ্ট স্থান ত্যাগ করবে না।

যুদ্ধের এক পর্যায়ে তারা বিজয় অবশ্যম্ভাবী দেখে এ স্থান ত্যাগ করে গনিমত কুড়াতে ব্যস্ত হয়ে পড়লে পলায়ন পর প্রতিপক্ষ এ পথে পাল্টা আক্রমণ চালায়। এতে কুরাইশ সেনাপতি খালিদ ইবনে ওয়ালিদের রণকৌশল ও বীরত্বের কাছে মুসলমানদের প্রাথমিক বিপর্যয় ঘটে।

সারসংক্ষেপ : উহুদ যুদ্ধে মুসলমানদের সাময়িক বিপর্যয়ের কারণ ছিল নেতার আদেশ যথাযথভাবে না মানা।

- গ** জীব্র প্রতি এমরান আলীর আচরণ বিদায় হজের ভাষণে রাসুল (সা.) জীব্র প্রতি সদয় ব্যবহারের যে শিক্ষা দিয়েছেন তার বিপরীত।
- দশম হিজরীতে হযরত মুহাম্মাদ (সা.) উপলব্ধি করলেন যে, তাঁর জাগতিক কর্তব্য শেষ হয়েছে এবং জীবন প্রদীপ নির্বাপিত হওয়ার সময়ও আসন্ন। তাই হজব্রত পালনের উদ্দেশ্যে ২৫শে জিলকদ, ১০ হিজরী অর্থাৎ ২৩শে ফেব্রুয়ারি, ৬৩২ খ্রিষ্টাব্দে তিনি অগনিত সাহাবি সহকারে মক্কার পথে রওয়ানা হলেন। এটি ছিল মহানবি (সা.)-এর জীবনের শেষ হজব্রত পালন। এজন্য এ হজকে হজ্জাতুল বিদা বা বিদায় হজ বলা হয়। হজ সম্পন্ন করে তিনি আরারফাতের পর্বত শিখরে দাঁড়িয়ে উপস্থিত মুসলমানদের উদ্দেশ্যে এক অবিস্মরণীয় ভাষণ প্রদান করেন। তাঁর এ উপদেশবাণী মুসলমানদের হৃদয়ে চিরকাল সমুজ্জল হয়ে থাকবে। মহানবি (সা.) বলেন, “হে সাহাবিগণ, সহধর্মীদের উপর তোমাদের যেরূপ অধিকার আছে, তোমাদের উপরও তাদের অধিকার অনুরূপ। আল্লাহকে সাক্ষী রেখে তোমরা তাদেরকে গ্রহণ করেছ এবং তাঁর আদেশমত তাদেরকে তোমাদের জন্য বৈধ করে নিয়েছ। তাদের প্রতি সদয় ব্যবহার করবে।
 - উদ্দীপকে দেখা যায় যে, এমরান আলী তুচ্ছ বিষয় নিয়ে তার জীব্র সাথে প্রায়ই ঝগড়া করেন, তাকে বকাবকা করেন। তার স্বাদ আল্লাদের প্রতি নজর দেন না এমনকি ঈদের সময়ও জ্বীকে নতুন কাপড় দেন না। এভাবে এমরান আলী তার জীব্র সঙ্গে অসদাচরণ করেন। কিন্তু মহানবি (সা.) বিদায় হজের ভাষণে জ্বীদের প্রতি সদয় ব্যবহারের নির্দেশ দিয়েছেন।

সারসংক্ষেপ : জীব্র প্রতি এমরান আলীর আচরণ বিদায় হজের ভাষণে রাসুল (সা.) জীব্র প্রতি সদয় ব্যবহারের যে শিক্ষা দিয়েছেন তার বিপরীত।

- ঘ** উদ্দীপকে হাফিজুলের বক্তব্যে হযরত মুহাম্মাদ (সা.)-এর বিদায় হজের ভাষণের যে দিকটি ফুটে উঠেছে তা হলো বংশগত কৌলিগ্য প্রথা বিলুপ্তি।
- মহানবি (সা.) বিদায় হজের ভাষণের এক পর্যায়ে বলেছেন, “হে মানবমণ্ডল, মনোযোগ সহকারে আমার বাণী অনুধাবন করতে চেষ্টা কর। “স্মরণ রেখ, বাসভূমি ও বর্ণ-নির্বিশেষে প্রত্যেক মুসলমান সমান। আজ হতে বংশগত কৌলিগ্য প্রথা বিলুপ্ত করা হলো। সে-ই তোমাদের মধ্যে সবচেয়ে কুলিন, যে স্বীয়কার্যের বৈশিষ্ট্য ও শ্রেষ্ঠত্ব অর্জনে অগ্রহী। পরম্পরের প্রাধান্যের একমাত্র মাপকাঠি হলো খোদাভীতি বা সৎকর্ম।”
 - উদ্দীপকে লক্ষ্য করা যায় হাফিজুল তার বন্ধু এমরান আলীকে বলে, আমাদের অনেকে অকারণে বংশ নিয়ে অহংকার করে। বিশ্বের অন্যান্য দেশে কাজের মাধ্যমেই মানুষের মূল্যায়ন হয়। হাফিজুল যথার্থই বলেছেন। কেননা বিদায় হজের ভাষণে মহানবি (সা.) আভিজাত্যের অহংকার ও বংশমর্যাদার দম্ব বিলুপ্ত করে একমাত্র সৎকর্মকেই মানুষের যোগ্যতার মাপকাঠি বলে ঘোষণা করেন। তিনি বলেন, “সকল মানুষ সমান। মানুষের মধ্যে শ্রেষ্ঠ

ও উত্তম সেই ব্যক্তি যিনি আল্লাহর প্রতি সর্বাধিক অনুগত এবং মানুষের সর্বাধিক কল্যাণকামী।” উদ্দীপকের হাফিজুলের বক্তব্যেও এ বিষয়টিই ফুটে উঠেছে।

- পরিশেষে বলা যায়, বংশ গৌরব দিয়ে সম্মানিত হওয়া যায় না। স্বীয় কর্মের মাধ্যমে সম্মানিত হওয়া যায়। সুতরাং উদ্দীপকে হাফিজুলের বক্তব্যটি যথার্থ হয়েছে।

সারসংক্ষেপ : উদ্দীপকে হাফিজুলের বক্তব্যে হযরত মুহাম্মাদ (সা.)-এর বিদায় হজের ভাষণের যে দিকটি ফুটে উঠেছে তা হলো বংশগত কৌলিগ্য প্রথা বিলুপ্তি।

২৮নং প্রশ্নের উত্তর

ক খন্দকের যুদ্ধকে পবিত্র কুরআনে আহযাবের যুদ্ধ নামে অভিহিত করা হয়েছে।

খ উহুদের যুদ্ধে মুসলমানদের ব্যাপক বিপর্যয় ঘটেছিল বলে এ যুদ্ধকে ধৈর্যের অগ্নিপরীক্ষা বলা হয়।

- উহুদের যুদ্ধে মুসলিম বাহিনী রাসুল (সা.)-এর নির্দেশ অমান্য করে বিশৃঙ্খল হয়ে পড়ে। ফলে তাদের বিপর্যয় ঘটে। এ যুদ্ধে রাসুল (সা.) আঘাত প্রাপ্ত হন এবং মুসলিম বাহিনী সাময়িকভাবে বিপর্যস্ত হন। আর এ বিপর্যয়ের সময় মুসলমানরা আল্লাহ ও তাঁর রাসুলের প্রতি ভক্তি, বিশ্বাস রেখে ধৈর্যধারণ করবে কি করবে না-এর এক অগ্নিপরীক্ষা ছিল এ যুদ্ধ।

সারসংক্ষেপ : উহুদের যুদ্ধে মুসলমানদের ব্যাপক বিপর্যয় ঘটেছিল বলে এ যুদ্ধকে ধৈর্যের অগ্নিপরীক্ষা বলা হয়।

গ উদ্দীপকে হেমায়েত সাহেব মহানবি হযরত মুহাম্মাদ (সা.)-এর আদর্শে অনুপ্রাণিত হয়ে মসজিদ নির্মাণ করেন।

- হযরত মুহাম্মাদ (সা.) ৬২২ খ্রিষ্টাব্দে মক্কা হতে মদিনায় হিজরত করেন। মদিনায় হিজরত করার পর মহানবি (সা.) সকলের সাথে ঐক্য ও ভ্রাতৃত্ব প্রতিষ্ঠার অভাব অনুভব করলেন। তাই তিনি সকলের সাথে মিলিত হয়ে সমাজে ধর্মীয়, সামাজিক ও রাজনৈতিক কার্যাবলি সম্পাদন করার জন্য মসজিদ আন নববি নামে মদিনায় প্রথম একটি মসজিদ স্থাপন করেন। অতঃপর রাসুল (সা.) তাঁর সাহাবি ও মদিনাবাসীর সাথে মিলিত হয়ে মদিনা রাষ্ট্রের জন্য একটি স্মারকলিপি তৈরি করেন।
- উদ্দীপকে হেমায়েত সাহেব রাসুল (সা.)-এর পথ অনুসরণ করেন। তিনি তার গ্রামের মানুষের মধ্যে ঐক্য, ধর্মীয় ও বিভিন্ন সামাজিক কার্যকলাপে সকলে একত্রে মিলিত হওয়ার জন্য মসজিদ নির্মাণ করেন। মসজিদে ধর্মীয় বিভিন্ন অনুশাসন শিক্ষা দেয়া হয়। গ্রামের শান্তি শৃঙ্খলা প্রতিষ্ঠার জন্য একটি দিকনির্দেশনা স্বরূপ স্মারক লিপি প্রণয়ন করেন। যার মাধ্যমে গ্রামে শৃঙ্খলা প্রতিষ্ঠিত হয়।

সারসংক্ষেপ : মদিনায় হিজরত করার পর মহানবি (সা.) সকলের সাথে ঐক্য ও ভ্রাতৃত্ব প্রতিষ্ঠার অভাব অনুভব করলেন। তাই তিনি সকলের সাথে মিলিত হয়ে সমাজে ধর্মীয়, সামাজিক ও রাজনৈতিক কার্যাবলি সম্পাদন করার জন্য মসজিদ আন নববি নামে মদিনায় প্রথম একটি মসজিদ স্থাপন করেন।

ঘ হযরত মুহাম্মাদ (সা.)-এর মদিনায় মসজিদে নববি স্থাপন ইসলামের ইতিহাসে এক উল্লেখযোগ্য ঘটনা। এর ফলাফল ছিল সুদূরপ্রসারী।

- মসজিদে নববি নির্মাণ করার ফলে মুসলমানদের মধ্যে ঐক্য প্রতিষ্ঠিত হয়। মুসলমানরা মসজিদে নববিতে উপস্থিত হতো এবং সকলে বিভিন্ন সমস্যা সমাধান করতো।

- মুসলমানরা মসজিদে নববিতে পাঁচ ওয়াক্ত নামাজ পড়ার জন্য উপস্থিত হতো। এতে মুসলমানদের মধ্যে একতা, আন্তরিকতা, ভ্রাতৃত্ব গড়ে ওঠে।
- মসজিদে নববি ছিল মুসলমানদের মিলনকেন্দ্র। ধর্মীয়, সামাজিক, রাজনৈতিক, সব কাজের প্রাণকেন্দ্র ছিল মসজিদে নববি। এ মসজিদ থেকে ইসলামি রাষ্ট্রের শাসনকার্য ও বিচার ফয়সালা সম্পন্ন হতো।

সারসংক্ষেপ : মসজিদে নববি ছিল মুসলমানদের মিলনকেন্দ্র। ধর্মীয়, সামাজিক, রাজনৈতিক, সবকাজের প্রাণকেন্দ্র ছিল মসজিদে নববি। এ মসজিদ থেকে ইসলামি রাষ্ট্রের শাসনকার্য ও বিচার ফয়সালা সম্পন্ন হতো।

২৯নং প্রশ্নের উত্তর

- ক** মহানবি (সা.) ৬৩২ খ্রিষ্টাব্দে ইন্তেকাল করেন।

খ সে সময় আরবদেশে লেখাপড়া শেখা এবং শেখানোর তেমন কোনো ব্যবস্থা ছিল না। উপরন্তু লেখাপড়া শেখার পদ্ধতি বা স্বীকৃত কোনো শিক্ষা প্রতিষ্ঠানও তখন গড়ে ওঠেনি বলে সমাজের আর সবার ন্যায় নবি করিম (সা.)-এর প্রতিষ্ঠানিক শিক্ষা ছিল না। সূরা আনকাবুতে (২১ পারা ১ম রুকু) তা বিবৃত হয়েছে।

- অন্যদিকে রাসুল (সা.)-এর শিক্ষক ছিলেন স্বয়ং আল্লাহ রাক্বুল আলামীন। এ জন্যই তিনি পৃথিবীর সকল মানুষের শ্রেষ্ঠ শিক্ষক। তাঁকে আবার শেখাবে কে, কে নেবে তাঁর শিক্ষকতার দায়িত্ব? নবুয়ত হলো তাঁর শিক্ষা; আর আল্লাহ তায়ালা হলেন তাঁর শিক্ষক।

সারসংক্ষেপ : রাসুল (সা.)-এর শিক্ষক ছিলেন স্বয়ং আল্লাহ রাক্বুল আলামীন। এ জন্যই তিনি পৃথিবীর সকল মানুষের শ্রেষ্ঠ শিক্ষক।

- গ** উদীপকের আজিম সাহেব মহানবি (সা.)-এর বিদায় হজের ভাষণে দেওয়া উপদেশ মেনে চললে অধীনস্থদের সাথে বিরূপ আচরণ করতে পারতেন না।

- জাগতিক কর্তব্য শেষ হয়েছে এবং জীবন প্রদীপ নিভে যাওয়ার সময় হয়েছে এমন উপলব্ধী থেকে দশম হিজরীতে মহানবি (সা.) হজব্রত পালনের উদ্দেশ্যে মক্কার উদ্দেশ্যে যাত্রা করেন। এই হজ ইতিহাসে বিদায় হজ নামে পরিচিত। হজব্রত পালন এবং মুসলমানদের ইসলামি বিধিবিধান সম্পর্কে সরাসরি অবহিত করা ছিল এর অন্যতম উদ্দেশ্য।

- উদীপকে আজিম সাহেব নিজেদের জন্য ভালো খাবার এবং ড্রাইভার, বাবুর্চি ও পরিচারিকাদের জন্য নিম্নমানের খাবার পরিবেশন করেন। তাদের বাসস্থান, চিকিৎসা ও ভালো পোশাকেরও কোনো ব্যবস্থা করেন না। তাছাড়া তিনি তার স্ত্রীদের সাথেও সবসময় খারাপ ব্যবহার করেন। আজিম সাহেব যদি রাসুল (সা.)-এর বিদায় হজের ভাষণের নির্দেশ পালন করতেন তাহলে তিনি এমন ব্যবহার করতে পারতেন না। কারণ রাসুল (সা.) বিদায় হজের ভাষণে বলেছেন, “তোমরা দাসদাসীদের সাথে সদ্যবহার করবে। তাদের ওপর কোনোরূপ অত্যাচার করবে না। তোমরা যা খাবে, তাদেরকে তা খাওয়াবে। তোমরা যা পরবে, তাদের তাই পরাবে, ভুলে যেও না তারাও তোমাদের মতো মানুষ।” কেউ কারও চেয়ে ছোট বা বড় নয়। আল্লাহর চোখে সবাই সমান। আর সকল মুসলমানদেরকে নিয়ে গড়ে উঠে একটি ভ্রাতৃসমাজ।

সারসংক্ষেপ : উদীপকের আজিম সাহেব মহানবি (সা.)-এর বিদায় হজের ভাষণে দেওয়া উপদেশ মেনে চললে অধীনস্থদের সাথে খারাপ আচরণ করতে পারতেন না।

- ঘ** আজিম সাহেব তার স্ত্রীর সাথে সব সময় খারাপ ব্যবহার করেন। তার এ ধরনের আচরণ নারীর প্রতি চরম অবহেলা ও অবমাননাকর। উক্ত আচরণ রাসুল (সা.)-এর বিদায় হজের ভাষণে প্রদত্ত নারী অধিকারের পরিপন্থি।

- বিদায় হজের ভাষণে মহানবি (সা.) স্ত্রীর অধিকার সুস্পষ্টভাবে ঘোষণা করেছেন। এ প্রসঙ্গে তিনি বলেছেন, নারীদের প্রতি (স্ত্রীদের প্রতি) পুরুষের (স্বামীর) যেরূপ অধিকার আছে, পুরুষের (স্বামীর) ওপর নারীর (স্ত্রীর) সেরূপ অধিকার আছে, তাদের প্রতি অত্যাচার করবে না। মনে রেখ আল্লাহকে সাক্ষী রেখে তোমরা তোমাদের স্ত্রীদের গ্রহণ করো।”

- এ ছাড়াও মহানবি (সা.) অন্যত্র বলেছেন, “তোমাদের মধ্যে সেই ব্যক্তি উত্তম যে তার স্ত্রীদের নিকট উত্তম।” আর স্ত্রীর সাথে দুর্ব্যবহার করে উত্তম মানুষ হওয়া যায় না। স্ত্রীদের অন্ন, বস্ত্র, বাসস্থান, চিকিৎসার ব্যবস্থা স্বামীকে করতে হবে। এ প্রসঙ্গে আল্লাহ তায়ালা বলেন, “বিত্তবান তার সাধ্যমতো এবং বিত্তহীন তার সামর্থ অনুযায়ী বিধিমতো খরচপত্রের ব্যবস্থা করবে।” (সূরা বাকারা : ২৩৬)। এছাড়া পারিবারিক সিদ্ধান্ত গ্রহণে স্ত্রীর সাথে পরামর্শ করা যেতে পারে।

- পরিশেষে বলা যায়, আজিম সাহেবের রাসুল (সা.)-এর বিদায় হজের ভাষণে প্রদত্ত স্ত্রীর অধিকারের ও আল্লাহর দেওয়া স্ত্রীর অধিকারের পরিপন্থি কাজ না করে বিদায় হজের ভাষণ অনুযায়ী জীবনযাপন করা উচিত।

সারসংক্ষেপ : আজিম সাহেব তার স্ত্রীর সাথে সব সময় খারাপ ব্যবহার করেন। তার এ ধরনের আচরণ নারীর প্রতি চরম অবহেলা ও অবমাননাকর। উক্ত আচরণ রাসুল (সা.)-এর বিদায় হজের ভাষণে প্রদত্ত নারী অধিকারের পরিপন্থি।

৩০নং প্রশ্নের উত্তর

- ক** খাইবার যুদ্ধ ৬২৮ খ্রিষ্টাব্দের মে মাস মোতাবেক ৭ম হিজরীর মহররম মাসে সংঘটিত হয়।

খ খাইবার যুদ্ধে মুসলমান বাহিনীর প্রবল আক্রমণে ইহুদিরা পরাজয়বরণ করে এবং আত্মসমর্পণে বাধ্য হয়। রাসুল (সা.) তাদেরকে ক্ষমা করে দেন। এরপরও তারা মুহাম্মাদ (সা.)-কে বিষপ্রয়োগে হত্যার চেষ্টা করে।

- হযরত মুহাম্মাদ (সা.)-কে নিশ্চিহ্ন করা, ইসলামকে চিরতরে বিনাশ করা। যখনবের পিতা হারেসের হত্যার প্রতিশোধ গ্রহণ করা প্রভৃতি কারণে ইহুদিরা হযরত মুহাম্মাদ (সা.)-কে হত্যার চেষ্টা চালায়।

সারসংক্ষেপ : মুহাম্মাদ (সা.)-কে হত্যাচেষ্টার কারণ হলো জয়নবের পিতা হারেসের হত্যার প্রতিশোধ ও ইসলামকে ধ্বংস করা।

- গ** উদীপকে বর্ণিত সংঘর্ষ দ্বারা খাইবার যুদ্ধকে উদ্দেশ্য করা হয়েছে।

- ইহুদিদের সাথে মুসলমানদের সন্ধিচুক্তি থাকা সত্ত্বেও তারা মনে করল, উহুদ ও আহযাব যুদ্ধে মুসলমানদের শক্তি সামর্থ্য অনেকটা ক্ষয়প্রাপ্ত হয়েছে। তাই এ সুযোগে আমরাই মুসলমানদের পরাজিত করে তাদের কাছ থেকে মদিনার রাষ্ট্র ক্ষমতা ছিনিয়ে নিতে পারি। ঐতিহাসিক আমীর আলী বলেন, ইহুদিরা যখন মুসলমানদের বিরুদ্ধে ষড়যন্ত্র শুরু করে, তখন বেদুইন সম্প্রদায় তাদের সাথে যোগ দেয়। এরাও পূর্ববর্তী কয়েকটি যুদ্ধে মুসলমানদের হাতে পরাজিত হওয়ার প্রতিশোধ গ্রহণের প্লহা নিয়েই ইহুদিদের সাথে গাঁটছড়া বাঁধে।

৩১নং প্রশ্নের উত্তর

- ইহুদিরা একবার মুসলমান বণিকদের একটি কাফেলার ওপর আক্রমণ করে বণিকদের হত্যা করে ও সম্পদ লুটে নেয়। আরেকবার তারা মহানবি (সা.)-এর চারণভূমিতে আক্রমণ চালিয়ে ২০টি উট লুট করে। এমনকি চারণভূমির রক্ষক আবু যর (রা.)-এর পুত্রকে হত্যা করে এবং তাঁর স্ত্রীকে গ্রেফতার করে নিয়ে যায়। ঐতিহাসিক মাসুদী বলেন, “মদিনার মুনাফিকরা ইহুদিদের গুপ্তচর হিসেবে কাজ করছিল। তারা আবদুল্লাহ ইবনে উবাইর নেতৃত্বে মুসলমানদের সব সংবাদ সরবরাহ করে ইহুদিদেরকে উত্তেজিত করে তোলে।” এসব কারণে খাইবার যুদ্ধ অনিবার্য হয়ে ওঠে।

সারসংক্ষেপ : খাইবার যুদ্ধ সংঘটিত হওয়ার মূল কারণ হলো— ইহুদিদের দূরভিসন্ধি ও শত্রুতা। এছাড়াও ইহুদিদেরকে মুনাফিকদের উসকানি, লুটতরাজ ও হত্যা মুসলমানদেরকে এ যুদ্ধে বাধ্য করে।

- বিশ দিন অবরোধের পর ‘কামুস’ সহ সবগুলো দুর্গ মুসলমানদের দ্বারা বিজিত হয়। এ যুদ্ধে ৯২ জন ইহুদি মারা যায় এবং মুসলমানদের ১৫ জন শাহাদাতবরণ করেন। উদ্দীপকে খাইবার যুদ্ধকে বোঝানো হয়েছে। খাইবারের নিকটবর্তী কোরা উপত্যকার মধ্যে তায়মা, ফিদাক প্রভৃতি গ্রাম ছিল; সেগুলোও মুসলমানদের দখলে আসে। এভাবে ইহুদিদের প্রকাশ্য হামলার অবসান ঘটে।
- ঐতিহাসিক ইমামুদ্দিন বলেন, মহানবি (সা.) খাইবার অভিযানে যে যুদ্ধকৌশল অবলম্বন করেন এবং পরবর্তীতে আত্মসমর্পিত ইহুদিদের ক্ষমা প্রদর্শন, ধর্মীয় স্বাধীনতা প্রদানপূর্বক যে চুক্তি সম্পাদন করেন, তাতে তাঁর রাজনৈতিক প্রজ্ঞার অনন্য দৃষ্টান্ত পাওয়া যায়। সরাসরি বাধা না থাকায় এর পর থেকে ইসলাম প্রচারের কাজ আরো ত্বরান্বিত হয়। যুদ্ধাবস্থা না থাকায় সকলের সাথে মুসলমানদের উন্মুক্ত চলাফেরার ফলে তাদের আচার আচরণ দেখে অনেকেই ইসলাম গ্রহণ করে নতুন জীবনে পদার্পণ করে।
- খাইবার যুদ্ধের মাধ্যমে কতিপয় নতুন বিধান জারি হয়। এগুলোর মধ্যে যেসব পাখি পাঞ্জা দ্বারা শিকার ধরে সেগুলো এবং হিংস্র জীব-জন্তু, গাধা ও খচ্চর হারাম করা হয়। ঐতিহাসিক মাসুদী বলেন, সফিয়া পূর্ব থেকেই ইসলামের প্রতি অনুরক্ত ছিলেন। রাসুলুল্লাহ (সা.)-এর অসাধারণ ব্যক্তিত্বের খ্যাতি তাঁকে মুগ্ধ করে। তাই খাইবার যুদ্ধ শেষে তিনি ইসলাম গ্রহণ করে রাসুলুল্লাহ (সা.)-এর সহধর্মিণী হওয়ার অভিপ্রায় ব্যক্ত করেন। ফলে তিনি সফিয়াকে বিয়ে বন্ধনে আবদ্ধ করেন।
- ঐতিহাসিক আমীর আলী বলেন, হযরত আলী (রা.) এ যুদ্ধে অসাধারণ বীরত্ব প্রদর্শন করেন বলে হযরত মুহাম্মাদ (সা.) তাঁকে ‘আসাদুল্লাহ’ (আল্লাহর সিংহ) উপাধিতে ভূষিত করেন এবং বিখ্যাত ‘জুলফিকার’ তরবারি প্রদান করেন। খাইবার যুদ্ধের পর মুসলমানদের অর্থনৈতিক সুবিধা অনেকাংশে বৃদ্ধি পায়। শুধু খাইবার থেকেই প্রয়োজনীয় শস্যাদির অর্ধেক মদিনায় আসত। এছাড়া যুদ্ধোত্তর প্রচুর গনিমত মুসলমানদের অর্থনৈতিক সমৃদ্ধি এনেছিল।

সারসংক্ষেপ : খাইবার যুদ্ধে জয় লাভের ফলে আশেপাশের এলাকা মুসলমানদের দখলে চলে আসে, অনেক গনিমত লাভ হয়, ইসলাম প্রচারে সুযোগ সুবিধা বৃদ্ধি পায়।

ক মহানবি (সা.) ৮টি যুদ্ধে সক্রিয় অংশগ্রহণ করেন।

খ ইসলামি রাষ্ট্রের অমুসলিম নাগরিকদের জন্য ধার্যকৃত নিরাপত্তামূলক সামরিক করকে জিযিয়া বলা হয়।

- জিযিয়া কর অমুসলমান প্রজাদের উপর ধার্য হতো। এর পরিবর্তে তাদেরকে যুদ্ধে যোগদান হতে রেহাই দেওয়া হতো এবং মুসলিম রাষ্ট্র তাদের জান-মালের নিরাপত্তার দায়িত্ব গ্রহণ করত। অমুসলমানকে রক্ষা করতে না পারলে মুসলমানগণ তাদের প্রদত্ত জিযিয়া কর ফিরিয়ে দিত। মহানবি (সা.)-এর জীবিতকালে প্রত্যেক সামর্থ্যবান অমুসলমান প্রজাকে বাৎসরিক এক দিনার হিসেবে জিযিয়া কর দিতে হত।

সারসংক্ষেপ : ইসলামি রাষ্ট্রের অমুসলিম নাগরিকদের জন্য ধার্যকৃত নিরাপত্তামূলক সামরিক করকে জিযিয়া বলা হয়।

গ রায়হান সাহেবের মধ্যে মহানবি (সা.)-এর চারিত্রিক বৈশিষ্ট্যের আমানতদারিতার দিকটি পরিলক্ষিত হয়েছে।

- হযরত মুহাম্মাদ (সা.) ছিলেন মহান আমানতদার এবং বিশৃঙ্খলতার মূর্ত প্রতীক। তাঁর অকৃত্রিম বিশৃঙ্খলতার গুণে মুগ্ধ শত্রু মিত্র নির্বিশেষে সকলে তাঁর নিকট তাদের ধন সম্পদ সোনা-দানা গচ্ছিত রাখতো। তিনি গচ্ছিত সম্পদ অতি যত্নের সাথে হেফাজত করতেন। চাহিবামাত্র তার মালিককে যথাযথভাবে প্রত্যর্পণ করতেন। এ মহতি গুণের কারণেই মানবতার চরম দুর্দিনেও তিনি শত্রু মিত্র সকলের নিকট ‘আল-আমীন’ ও ‘আস সাদিক’ উপাধিতে বিভূষিত হন।
- উদ্দীপকে রায়হানের চরিত্রে আমানতদারি ও বিশৃঙ্খলতা প্রকাশ পেয়েছে। তিনি মহানবি (সা.)-এর আদর্শের অনুসারী। জাওয়াদ সাহেব রায়হান সাহেবের কাছে তার টাকা গচ্ছিত রাখে। যা মহানবি (সা.)-এর আমানতদারির প্রতিচ্ছবি।

সারসংক্ষেপ : রায়হান সাহেবের মধ্যে মহানবি (সা.)-এর চারিত্রিক বৈশিষ্ট্যের আমানতদারিতার দিকটি পরিলক্ষিত হয়েছে।

ঘ উদ্দীপকে বিদায় হজের সফল শিক্ষা ফুটে উঠেছে বলে আমি মনে করি।

- বিশ্বনবি (সা.)-এর জীবনাদর্শ ছিল আমানতদারি, সত্যতা ও সত্যবাদিতায় পরিপূর্ণ। তিনি কখনো কারো আমানত খেয়ানত করতেন না। মহানবি (সা.)-এর কাছে কেউ কোনো অর্থ গচ্ছিত রাখলে তিনি সেগুলো অতি যত্নসহকারে হেফাজত করতেন।
- উদ্দীপকে রায়হানের চরিত্রে রাসুল (সা.)-এর বিদায় হজের ভাষণ গুরুত্বপূর্ণ ভূমিকা রেখেছে। বিদায় হজে রাসুল (সা.) বলেছেন, সর্বদা অন্যের আমানত হেফাজত করবে এবং পাপ কার্য এড়িয়ে চলবে। এতে বুঝা যায় রাসুল (সা.) কেউ কোনো সম্পদ কারো কাছে গচ্ছিত রাখলে তা হেফাজত করার নির্দেশ দিয়েছেন।
- রাসুল (সা.)-এর উক্ত আদর্শ কেবল রায়হান সাহেব নয়, জাহেলী যুগের সমগ্র সমাজব্যবস্থাকে পাল্টে দিয়েছে। ফলে জাহেলী সমাজের আমানত ভক্ষক রক্ষকে পরিণত হয়েছে। সমাজের প্রতিটি মানুষ সোনার মানুষে পরিণত হয়েছে। এরূপ আদর্শই এক সুখী, সমৃদ্ধ, নিরাপদ সমাজব্যবস্থা প্রতিষ্ঠায় সক্ষম হয়।

সারসংক্ষেপ : উদ্দীপকে বিদায় হজের সফল শিক্ষা ফুটে উঠেছে বলে আমি মনে করি।

তৃতীয় অধ্যায় : খুলাফায়ে রাশেদিন

৩২নং প্রশ্নের উত্তর

ক উদ্ভূতের যুদ্ধ ৬৫৬ সালে সংঘটিত হয়।

খ হযরত উসমান (রা.)-কে জামিউল কুরআন বলা হয়।

- পবিত্র কুরআনের বিশুদ্ধ সংকলনের ব্যবস্থা করার কারণে উসমান (রা.)-কে ‘জামিউল কুরআন’ বলা হয়। হযরত উসমান (রা.)-এর সময় সাম্রাজ্যের পরিধি বৃদ্ধি পাওয়ার ফলে বহু অনারব ইসলামের পতাকা তলে সমবেত হয়। এদের মধ্যে অনারব লোকেরা আরবি শব্দের সঠিক উচ্চারণ করতে পারত না। তাছাড়া আঞ্চলিক ভাষায় কুরআন পাঠের অনুমতি থাকায় কুরআন পাঠের ক্ষেত্রে ভিন্নতা তৈরি হয়। তাই উসমান (রা.) কুরআনের বিশুদ্ধ সংকলন করার ব্যবস্থা করেন এবং অধিকরত সাবধানতার জন্য কুরআনের সকল পাণ্ডুলিপি সংগ্রহ করে তা পুড়িয়ে দেন। এরপর হযরত হাফসা (রা.) এর কাছে থাকা কুরআনের আলোকে নতুন পাণ্ডুলিপি প্রণয়ন করে তা বিভিন্ন প্রদেশে প্রেরণ করেন। এ অমর অবদানের জন্য হযরত উসমান (রা.)-কে জামিউল কুরআন বা কুরআন সংকলনকারী বলা হয়।

সারসংক্ষেপ : হযরত উসমান (রা.)-কে জামিউল কুরআন বলা হয়।

গ উদ্দীপকের ঘটনা-১ এ আলমগীর হোসেন উন্নয়ন ও সংস্কার কমিটি গঠনে ইসলামের দ্বিতীয় খলিফা হযরত উমর (রা.)-এর আদর্শের অনুসরণ করেন।

- হযরত উমর (রা.) ছিলেন ইসলামের দ্বিতীয় খলিফা। বিশাল সাম্রাজ্য পরিচালনার জন্য তিনি এককভাবে সিদ্ধান্ত নিতেন না। তিনি অন্য সাহাবি বা বিজ্ঞজনদের সাথে আলোচনা করে সিদ্ধান্ত নেওয়াকে প্রাধান্য দিতেন। তিনি বলতেন, “পরামর্শ ছাড়া কোনো খিলাফত চলতে পারে না।” এজন্য তিনি পরামর্শ সভাও গঠন করেন। এর নাম ছিল মজলিস-উশ-শূরা। মজলিস-উল-আম ও মজলিস-উল-খাস নামে বিভক্ত এ পরামর্শ সভায় ছোট বড় সব বিষয়ে হযরত উমর (রা.) অন্যদের পরামর্শ নিতেন।
- উদ্দীপকের ঘটনা-১ এ ইউপি মেম্বার আলমগীর হোসেন তার ওয়ার্ডের উন্নয়ন ও সামাজিক কর্মকাণ্ড পরিচালনায় স্থানীয় জনগণের মতামতকে প্রাধান্য দেন। যে কারণে যুবক ও বয়স্কদের সমন্বয়ে একটি উন্নয়ন ও সংস্কার কমিটি গঠন করেছেন। তার এই কমিটি গঠন প্রক্রিয়ায় হযরত উমর (রা.)-এর মজলিস-উশ-শূরার প্রতিফলন ঘটেছে। তাই বলা যায়, তিনি খলিফা হযরত উমর (রা.)-এর আদর্শের অনুসরণ করেন।

সারসংক্ষেপ : উদ্দীপকের ঘটনা-১ এ আলমগীর হোসেন উন্নয়ন ও সংস্কার কমিটি গঠনে ইসলামের দ্বিতীয় খলিফা হযরত উমর (রা.)-এর আদর্শের অনুসরণ করেন।

ঘ ঘটনা-২ এ ইউনুছ মিয়া খলিফা হযরত উমর (রা.)-এর জনহিতকর কর্মের অনুসরণ করেছেন।

- হযরত উমর (রা.) প্রজারঞ্জক খলিফা ছিলেন। তিনি রাতের অন্ধকারে গরিব প্রজাদের দুঃখ নিজ চোখে দেখতেন এবং অভাবীর ঘরে নিজে বয়ে নিয়ে যেতেন খাবার। প্রসূতির যন্ত্রণা দূর করার জন্য তার স্ত্রীকে পাঠিয়ে দিতেন প্রসব যন্ত্রণায় কাতর মায়েদের গৃহে। এগুলো ছিল হযরত উমর (রা.)-এর কোমলতার দিক, যা উদ্দীপকের ইউনুছ মিয়ার ক্ষেত্রেও লক্ষ করা যায়।

- উদ্দীপকের ঘটনা-২ এ দেখা যায়, উমিরপুর উপজেলার চেয়ারম্যান ইউনুছ মিয়া তার প্রাত্যহিক দায়িত্বের বাইরে তিনি প্রায় প্রতিটি বাড়ির খোঁজ-খবর রাখেন। অসুস্থ, বয়স্ক, প্রসূতি মা অথবা বিপদগ্রস্ত মানুষের আস্থার প্রতীক তিনি। ইউনুছ মিয়ার এই কাজ খলিফা হযরত উমর (রা.)-এর জনহিতকর কার্যের অনুসরণ।

- হযরত উমর (রা.)-এর শাসন ব্যবস্থা ছিল জনকল্যাণমুখী। তার সাম্রাজ্যে কোনো প্রজা যেন কষ্টে না থাকে—এটাই ছিল তার মূল চিন্তা। জনগণের ব্যাপারে আল্লাহর কাছে জবাবদিহিতার ভয়ে তিনি সাধ্যমতো জনকল্যাণমুখী সব উদ্যোগই গ্রহণ করেন। হযরত উমর (রা.) কুফা, বসরা, ফুসতাত, মসুল প্রভৃতি নগরীর গোড়াপত্তন করেন। তিনি বাঁধ ও খাল পর্যবেক্ষণ ও রক্ষণাবেক্ষণের জন্য কর্মচারীও নিয়োগ দেন। খিলাফতের সর্বত্র শান্তি-শৃঙ্খলা প্রতিষ্ঠা, আইন-কানুন বাস্তবায়ন, মানুষের অভাব জানার জন্য খলিফা নিজে সর্বত্র ঘুরে বেড়াতেন এবং প্রয়োজনীয় ব্যবস্থা গ্রহণ করতেন। উপরের আলোচনা থেকে বোঝা যায়, জনগণের কল্যাণই ছিল হযরত উমর (রা.)-এর প্রবর্তিত শাসনের মূল লক্ষ্য। এ কারণে শাসন ক্ষেত্রে তার গৃহীত প্রায় সকল পদক্ষেপই ছিল জনহিতকর।

সারসংক্ষেপ : ঘটনা-২ এ ইউনুছ মিয়া খলিফা হযরত উমর (রা.) এর জনহিতকর কর্মের অনুসরণ করেছেন। হযরত উমর (রা.) প্রজারঞ্জক খলিফা ছিলেন। তিনি রাতের অন্ধকারে গরিব প্রজাদের দুঃখ নিজ চোখে দেখতেন এবং অভাবীর ঘরে নিজে বয়ে নিয়ে যেতেন খাবার।

৩৩নং প্রশ্নের উত্তর

ক হযরত আলী (রা.)-এর ডাকনাম ছিল আবু তোরাব ও আবুল হাসান।

খ ইসলামের ইতিহাসে সিফফীন যুদ্ধের ঘটনাকে কেন্দ্র করে দুমাতুল জন্দলের কৌশলী রায়কে মেনে না নিয়ে যে সকল মুসলমান হযরত আলী (রা.)-এর দলত্যাগ করে তাদেরকে বলা হয় খারেজি।

- দুমাতুল জন্দলের কৌশলী রায়কে কেন্দ্র করে হযরত আলী (রা.)-এর সমর্থক ১২,০০০ সৈন্য দল ত্যাগ করে হারুরা নামক গ্রামে গিয়ে মিলিত হয়েছিল। এ ঘটনাকে কেন্দ্র করে সিফফীনের যুদ্ধের পর হযরত আলী (রা.)-এর পক্ষ ত্যাগী ও খারেজি দলের উদ্ভব হয়।

সারসংক্ষেপ : ইসলামের ইতিহাসে সিফফীন যুদ্ধের ঘটনাকে কেন্দ্র করে দুমাতুল জন্দলের কৌশলী রায়কে মেনে না নিয়ে যে সকল মুসলমান হযরত আলী (রা.) এর দলত্যাগ করে তাদেরকে বলা হয় খারেজি।

গ ঘটনা-১ এ খলিফা হারুন-অর রশীদ খোলাফায়ে রাশেদীনের তৃতীয় খলিফা হযরত উসমান (রা.) এর আদর্শের অনুসরণে কৃপটি খনন করেন।

- হযরত উসমান (রা.) ছিলেন মক্কার বিখ্যাত ধনী ব্যক্তি। তিনি ছিলেন দানবির। ইসলাম ও মানবকল্যাণে তার দানের হস্ত ছিল সদা প্রসারিত। মুহাজিরিনগণ যখন হিজরত করে মদিনায় পৌছেন, তখন সেখানে পানির খুব অভাব ছিল। সারা শহরে মাত্র ‘বীরে রুমা’ নামে এক ইহুদির পানযোগ্য একটি কূপ ছিল। সে এটাকে জীবিকা উপার্জনের উপায় হিসাবে ব্যবহার করছিল। মুহাজিরিনদেরও এতদূর ক্ষমতা ছিল না যে, পানি ক্রয় করে পান করবে। হযরত উসমান (রা.) ১৮ হাজার দিরহামের বিনিময়ে ঐ কূফটি ক্রয় করে মুসলমানদের জন্য ওয়াকফ করে দেন।

৩৪নং প্রশ্নের উত্তর

- উদ্দীপকের ঘটনা-১ এ দেখা যায়, আব্বাসীয় খলিফা হারুন-অর-রশীদ তৎকালীন সময়ে জনগণের পানির কষ্ট দূর করার জন্য ও কৃষিকাজে সেচের সুবিধার জন্য নিজ অর্থায়নে একটি কূপ খনন করেন। যা হযরত উসমান (রা.) কর্তৃক বীরে রুমা কূপ ক্রয় করে মুসলমানদের ওয়াকফ করে দেওয়ার সাথে মিল রয়েছে। সুতরাং বলা যায়, ঘটনা-১ এ খলিফা হারুন-অর-রশীদের কূপ খনন করা খলিফা হযরত উসমান (রা.)-এর আদর্শের অনুসরণ।

সারসংক্ষেপ : ঘটনা-১ এ খলিফা হারুন-অর রশীদ খোলাফায়ে রাশেদীনের তৃতীয় খলিফা হযরত উসমান (রা.) এর আদর্শের অনুকরণে কূপটি খনন করেন।

- ঘ ঘটনা ২ আব্দুল কাইয়ুমের বিরুদ্ধে তোলা অভিযোগটি খোলাফায়ে রাশেদীনের তৃতীয় খলিফা হযরত উসমান (রা.) এর বিরুদ্ধে আনীত স্বজনপ্রীতির অভিযোগের সাথে সাদৃশ্য রয়েছে।

- হযরত উসমান (রা.) খিলাফতের দায়িত্ব গ্রহণ করে এমন কিছু যোগ্য লোক বেছে নিয়েছিলেন রাষ্ট্র পরিচালনায় যাদের প্রয়োজন ছিল। পূর্বের অনভিজ্ঞ লোকদের সরিয়ে তিনি এ লোকদেরকে গুরুত্বপূর্ণ পদে বসান। ঘটনাক্রমে এ লোকগুলো খলিফার আত্মীয় হয়ে যাওয়াতে একটি মহল তাঁর বিরুদ্ধে স্বজনপ্রীতির অভিযোগ তোলে। যদিও অভিযোগটি ভিত্তিহীন ছিল।

- উদ্দীপকের ঘটনা-২ এ দেখা যায়, এ আর কোম্পানির উপদেষ্টা আব্দুল কাইয়ুম কোম্পানিতে কিছু কর্মীর প্রয়োজনীয়তা দেখা দিলে এক বিজ্ঞপ্তি প্রকাশের মাধ্যমে কর্মী নিয়োগ দেন। ঘটনাক্রমে কর্মীদের মধ্যে অধিকাংশই তার পরিচিত বন্ধু ও আত্মীয় ছিল। তাই সাধারণ কর্মীরা তার বিরুদ্ধে অভিযোগ এনে তাকে পদচ্যুত করার জন্য বিদ্রোহের ঘোষণা দেয়। এমনভাবে স্বার্থান্বেষীরা হযরত উসমান (রা.)-এর বিরুদ্ধেও অভিযোগ আনে। তাদের অভিযোগ ছিল যোগ্য ও অভিজ্ঞ শাসনকর্তাদের পরিবর্তে অনভিজ্ঞ আত্মীয়স্বজনকে গুরুত্বপূর্ণ পদে নিয়োগ। কিন্তু প্রকৃতপক্ষে এ অভিযোগ স্বার্থান্বেষীদের হীন চক্রান্ত মাত্র। কেননা, উসমান (রা.) আত্মীয়স্বজনকে গুরুত্বপূর্ণ পদে বসালেও প্রকৃতপক্ষে তাঁরা যোগ্য ছিলেন। আত্মীয় হলেও তিনি কাউকে অন্যায়ভাবে অগ্রাধিকার বা শাস্তি প্রদানের ক্ষেত্রে রেহাই দেননি। হযরত সাদ ইবনে আস (রা.) খলিফার আত্মীয় হওয়া সত্ত্বেও তাঁর বিরুদ্ধে বিদ্রোহে লিপ্ত ছিল। কাজেই স্বজনপ্রীতির অভিযোগ নিতান্তই অমূলক।

- পরিশেষে উপরিউক্ত আলোচনার প্রেক্ষিতে বলা যায়, সর্বকালেই মুনাফিকরা ঘৃণ্য ষড়যন্ত্র করে ইসলাম ও সমাজের ক্ষতি সাধন করেছে। কিন্তু কোনো সময়ই মুনাফিকরা তাদের আনীত অভিযোগের প্রমাণ উপস্থাপন করতে পারেনি। কালক্রমে তাদের অভিযোগ মিথ্যা প্রমাণিত হয়েছে। তাই উদ্দীপকের ঘটনা-২ এ আব্দুল কাইয়ুমের বিরুদ্ধে আনীত অভিযোগ হযরত উসমান (রা.)-এর বিরুদ্ধে আনীত অভিযোগের মতো অযৌক্তিক, মিথ্যা ও ভিত্তিহীন। সুতরাং উভয়ের ঘটনার সাদৃশ্য রয়েছে।

সারসংক্ষেপ : ঘটনা-২ আব্দুল কাইয়ুমের বিরুদ্ধে তোলা অভিযোগটি খোলাফায়ে রাশেদীনের তৃতীয় খলিফা হযরত উসমান (রা.)-এর বিরুদ্ধে আনীত স্বজনপ্রীতির অভিযোগের সাথে সাদৃশ্য রয়েছে। হযরত উসমান (রা.) খিলাফতের দায়িত্ব গ্রহণ করে এমন কিছু যোগ্য লোক বেছে নিয়েছিলেন রাষ্ট্র পরিচালনায় যাদের প্রয়োজন ছিল। ঘটনাক্রমে এ লোকগুলো খলিফার আত্মীয় হয়ে যাওয়াতে একটি মহল তাঁর বিরুদ্ধে স্বজনপ্রীতির অভিযোগ তোলে। যদিও অভিযোগটি ভিত্তিহীন ছিল।

ক খলিফা শব্দের অর্থ প্রতিনিধি।

খ বায়তুলমাল ইসলামি রাষ্ট্রের অর্থ তহবিল।

- আরবি 'বায়ত' শব্দের অর্থ 'ঘর' এবং 'মাল' অর্থ সম্পদ। সুতরাং বায়তুলমালের শাব্দিক অর্থ হলো সম্পদাগার। সাধারণত রাষ্ট্রীয় কোষাগারকেই বায়তুলমাল বলা হয়। বায়তুলমাল ইসলামি রাষ্ট্রের অর্থব্যবস্থার জনকল্যাণে গঠিত একটি মৌলিক প্রতিষ্ঠান। জনকল্যাণ, ব্যক্তিগত, সমষ্টিগত ও রাষ্ট্রীয় প্রয়োজনাঙ্গী পূরণের জন্য বায়তুলমাল গঠিত হয়েছে।

সারসংক্ষেপ : ইসলামি রাষ্ট্রের অর্থ তহবিলকে বাইতুলমাল বলা হয়।

- গ ঘটনা-১ এ খোলাফায়ে রাশেদীনের প্রথম খলিফা হযরত আবু বকর (রা.)-এর দায়িত্ব গ্রহণের পূর্বের অবস্থা ফুটে উঠেছে।

- হযরত মুহাম্মাদ (সা.)-এর ইত্তিকালের পর খিলাফতকে কেন্দ্র করে মুসলমানদের মধ্যে বিভেদ সৃষ্টি হয়। একদল মুহাজির মহানবি (সা.)-এর চাচাত ভাই ও জামাতা হিসেবে হযরত আলী (রা.)-কে রাসুলের উত্তরাধিকারী বলে প্রচারণা চালান। এদিকে আনসারগণ খায়রাজ গোত্রের দলপতি হযরত সা'দ বিন আবু উবায়দাকে খলিফা নির্বাচনের দাবি জানান। এই বিষয়ে যখন বাক-বিতণ্ডা শুরু হলো তখন হযরত আবু বকর (রা.) খুবই উত্তম পন্থায় আনসারদের বুঝাতে সক্ষম হলেন এবং হযরত উমর (রা.)-এর উদ্দীপনায় সবাই এ ব্যাপারে একমত হলেন যে, হযরত আবু বকর সিদ্দিক (রা.)-এর উপর খিলাফতের দায়িত্ব অর্পণ করা হোক। অতঃপর মুহাজিরদের মধ্য হতে সর্বপ্রথম হযরত উমর (রা.) এবং আনসারদের মধ্য হতে হযরত বাশির ইবনে সা'দ (রা.) হযরত আবু বকর (রা.)-এর হস্ত ধারণ করে বায়আত গ্রহণ করলেন। তারপর উপস্থিত জনতা বায়আত গ্রহণ করেন। বয়োজ্যেষ্ঠতা, রাজনৈতিক দূরদর্শিতা, সূক্ষ্ম বিচার-বুদ্ধি, নিঃস্বার্থ আত্মত্যাগ, সামাজিক কার্যকলাপ ও ব্যক্তিগত প্রভাবের কারণে হযরত আবু বকর (রা.) খলিফা নির্বাচিত হন।

- উদ্দীপকে দেখা যায়, জনাব মহব্বত আলী নতুন আদর্শের ভিত্তিতে একটি রাষ্ট্র গড়ে তোলেন। কিছুদিনের মধ্যেই এ রাষ্ট্রের সুনাম চতুর্দিকে ছড়িয়ে পড়ে। মহব্বত আলীর ইত্তেকালের পর রাষ্ট্রের দায়িত্বভার গ্রহণকে কেন্দ্র করে ব্যাপক মতপার্থক্য দেখা দিলে তাঁরই এক বিশৃঙ্খল উপদেষ্টার হস্তক্ষেপে এ সমস্যা সমাধান হয়। কাজেই বলা যায়, উদ্দীপকের জনাব মহব্বত আলীর এক বিশৃঙ্খল উপদেষ্টার হস্তক্ষেপে যেমন সমস্যা সমাধান হয় তেমনিভাবে ইসলামে হযরত আবু বকর (রা.) খলিফা নিযুক্ত হওয়ায় সমস্যাটি সমাধান হয়।

সারসংক্ষেপ : উদ্দীপকের খোলাফায়ে রাশেদীনের প্রথম খলিফা হযরত আবু বকর (রা.)-এর দায়িত্ব গ্রহণের পূর্বের অবস্থার কথা বলা হয়েছে।

- ঘ ঘটনা-২ এ হযরত উমর (রা.)-এর শাসন ব্যবস্থার বায়তুলমাল বিভাগটির চিত্র ফুটে উঠেছে।

- বায়তুলমাল পদ্ধতির উদ্ভাবন এবং প্রতিষ্ঠা হযরত উমর (রা.)-এর অভিনব কৃতিত্ব। বাহরাইনের খারাজ বাবদ রাসুল (সা.)-এর দরবারে সর্বশেষ যে আট লক্ষ দিরহাম এসেছিল রাসুল (সা.) তা এক বৈঠকেই লোকদের মধ্যে বণ্টন করেছেন। হযরত উমর (রা.) সর্বপ্রথম দারুল খিলাফত মদিনা শরীফে বৃহদাকারে বায়তুলমাল ভবন স্থাপন করেন।

- দারুল খিলাফত ব্যতীত প্রদেশসমূহের সর্বত্র বিভিন্ন কেন্দ্রে বায়তুলমালের শাখা স্থাপন করা হয়। বায়তুলমাল পাহারা দেয়ার জন্য আলাদা পাহারাদারের ব্যবস্থা করা হয়েছিল। এটি রাষ্ট্রীয় কোষাগার বা সরকারের কেন্দ্রীয় ব্যাংক হিসেবে গণ্য হতো। সুতরাং উক্ত বায়তুলমালের আদলেই আহসানুল্লাহ এর প্রতিষ্ঠিত জনকল্যাণ ফান্ড স্থাপন, যা খলিফা হযরত উমর (রা.) কর্তৃক প্রতিষ্ঠিত বায়তুলমালের সাথে সাদৃশ্যপূর্ণ।
- উপরিউক্ত আলোচনা শেষে বলা যায়, হযরত উমর (রা.) এর প্রতিষ্ঠিত বাইতুলমাল গঠনের প্রধান উদ্দেশ্য ছিল অসহায় ও দুস্থদের সহায়তা প্রদান করা। যা সহনশীল রাষ্ট্র বিনির্মাণে ভূমিকা রাখবে।

সারসংক্ষেপ : উদ্দীপকে আহসানুল্লাহ এর প্রতিষ্ঠিত জনকল্যাণ ফান্ডের সাথে ইসলামি খিলাফতের দ্বিতীয় খলিফা হযরত উমর (রা.) কর্তৃক প্রতিষ্ঠিত বায়তুলমালের সাদৃশ্য রয়েছে।

৩৫নং প্রশ্নের উত্তর

- ক** পবিত্র কুরআন অবতীর্ণের পর ওহি লেখকগণ পাথর, হাড় ও খেজুরের পাতায় লিখে রাখতেন।
- খ** বদর যুদ্ধে অংশগ্রহণ না করেও হযরত উসমান (রা.)-কে বদর যুদ্ধে অংশগ্রহণকারী হিসেবে বিবেচনা করা হয়।
- বদর যুদ্ধের সময় ইসলামের তৃতীয় খলিফা হযরত উসমান (রা.) এর স্ত্রী রুকাইয়া (রা.) মারাত্মক রোগাক্রান্ত ছিলেন। তার সেবা করার জন্য রাসূল (সা.) তাকে মদিনা রেখে যান। তাকে বদর যুদ্ধে অংশগ্রহণকারী হিসেবে বিবেচনা করা হয় এবং গনিমতের অংশও দেওয়া হয়।

সারসংক্ষেপ : বদর যুদ্ধে অংশগ্রহণ না করেও হযরত উসমান (রা.) কে বদর যুদ্ধে অংশগ্রহণকারী হিসেবে বিবেচনা করা হয়।

- গ** উদ্দীপকের ইব্রাহীম আমিনের করুন মৃত্যুর ঘটনাটি খোলাফায়ে রাশেদীনের তৃতীয় খলিফা হযরত উসমান (রা.)-এর ঘটনার সাথে সাদৃশ্যপূর্ণ।
- হযরত উসমান (রা.) ১২ বছর খিলাফত পরিচালনা করেন। এর মধ্যে প্রথম ৬ বছর খুবই শান্তি-শৃঙ্খলা, নিরাপত্তা ও স্থিতিশীলতার মধ্যে চলছিল। এ সময়ে ইসলামি রাষ্ট্রের বেশ বিস্তার ঘটেছিল। তাঁর এ সময়কার শাসনকাল গৌরবময় ছিল। রাজ্য-বিস্তার, আর্থিক প্রাচুর্য, কৃষি-বাণিজ্যের উন্নতি দেশে সুখ সমৃদ্ধি এনেছিল। এ সময় বেশ কিছু বিজয় অর্জিত হয়। ইসলামের ইতিহাসে অনেক সোনালি গৌরব অর্জিত হয়। মক্কা থেকে কাবুল পর্যন্ত ইসলামের পতাকা উড়তে থাকে। কিন্তু পরবর্তী ৬ বছর ইহুদি চক্রের প্ররোচনায় কৌশলী মহল নিরাপরাধ খলিফার বিরুদ্ধে কিছু অমূলক অভিযোগ এনে দেশের মধ্যে অরাজকতা ও বিশৃঙ্খলা সৃষ্টি করে। অবশেষে একপর্যায়ে বিদ্রোহীরা তাঁকে নির্মমভাবে শহীদ করে।
 - উদ্দীপকে ইব্রাহীম আমিন ‘ক’ নামক দ্বীপ রাষ্ট্রের রাষ্ট্রপতি হিসেবে সূনামের সাথে দুই যুগ পর্যন্ত দায়িত্ব পালন করেন। প্রথম যুগ শান্তিপূর্ণভাবে অতিবাহিত হলেও দ্বিতীয় যুগে রাষ্ট্রের সর্বত্র একদল বিদ্রোহী অশান্তি শুরু করে। ইব্রাহীম আমিন বিষয়টি উদারভাবে দেখেন। যার পরিণতিতে রাষ্ট্রপতির করুন মৃত্যুর ঘটনা সংঘটিত হয়। অনুরূপ উসমান (রা.)-এর ক্ষেত্রেও ঘটেছে। ইহুদি চক্রের কুপ্ররোচনায় সমগ্র কৌশলী মহল

নিরাপরাধ খলিফার বিরুদ্ধে অমূলক অভিযোগ আনেন, বিশিষ্ট ব্যক্তিগণ ব্যবস্থা নিতে বললেও খলিফা উদার মনে দেখেন। ফলে তাকে জীবন দিয়ে তার খেসারত দিতে হয়।

সারসংক্ষেপ : উদ্দীপকের ইব্রাহীম আমিনের করুন মৃত্যুর ঘটনাটি খোলাফায়ে রাশেদীনের তৃতীয় খলিফা হযরত উসমান (রা.)-এর ঘটনার সাথে সাদৃশ্যপূর্ণ।

- ঘ** উক্ত খলিফার ঘটনাটি সংঘটিত হওয়ার পর বাস্তবেই ইসলামী খিলাফতে অনৈক্য ও সংঘাতের সৃষ্টি হয়েছিল বলে আমি মনে করি।
- খিলাফত একটি পবিত্র আসন, কিন্তু হযরত উসমান (রা.)-এর হত্যার ফলে মুসলিম বিশ্বে এক গভীর বিপর্যয় নেমে আসে। যাতে খিলাফত ও খলিফার প্রতি জনসাধারণের অকুণ্ঠ শ্রদ্ধা ও ভক্তি শিথিল হয়ে যায়। ইসলামের একতা বিনষ্ট হয়। মুসলিম জাতি শিয়া, সুন্নি, খারেজি, রাফেজি প্রভৃতি উপদলে বিভক্ত হয়ে যায়।
 - উদ্দীপকে বিদ্রোহীরা রাষ্ট্রপতির মৃত্যুতে সফল হলো বটে তৎপরবর্তীতে রাষ্ট্রের জনগণের মধ্যে অনৈক্য ও সংঘাত সৃষ্টি করে। তেমনি হযরত উসমান (রা.)-এর শাহাদাতের ঘটনাকে কেন্দ্র করে ৬৫৬ সালে আলী (রা.) ও আয়েশা (রা.)-এর মধ্যকার উষ্ট্রের যুদ্ধ সংঘটিত হয়। এ যুদ্ধে হযরত আয়েশা (রা.) পরাজিত হন। পরবর্তীতে আলী (রা.) ও মুয়াবিয়া (রা.)-এর মধ্যে সিফফিনের যুদ্ধ সংঘটিত হয়। আত্মঘাতী এ যুদ্ধে হযরত আলী (রা.)-এর নেতৃত্বে ৫০,০০০ সৈন্য এবং হযরত মুয়াবিয়া (রা.)-এর নেতৃত্বে ৬০,০০০ সৈন্য অংশগ্রহণ করেন। সিফফিনের ভয়াবহ রক্তক্ষয়ী সংঘর্ষ অবশেষে শালিসী ব্যবস্থার মাধ্যমে খিলাফতে অনৈক্য বিশৃঙ্খলা অব্যাহত থাকে। এতে নানা দল উপদল সৃষ্টি হয়।
 - এভাবে উসমান (রা.)-এর শাহাদাতের ঘটনাকে কেন্দ্র করে সৃষ্ট দ্বন্দ্ব সংঘাতের মাধ্যমে খারিজী সম্প্রদায়ের উদ্ভব হয়। ৬৫৯ খ্রিষ্টাব্দে তাদের সঙ্গে হযরত আলী (রা.)-এর যুদ্ধ সংঘটিত হয়। ইতিহাসে এ যুদ্ধ নাহরাওয়ানের যুদ্ধ নামে পরিচিত। এ যুদ্ধে খারিজীরা পরাজিত হয়। হযরত উসমান (রা.) এর শাহাদাত পরবর্তী গোলাযোগ ও বিশৃঙ্খলাপূর্ণ অবস্থার শিকার হয়ে হযরত আলী (রা.) শাহাদাত বরণ করে। সুতরাং উদ্দীপকে উদ্ভূত পরিস্থিতিই পরবর্তী উষ্ট্রের যুদ্ধ, সিফফিনের যুদ্ধ, খারেজী আন্দোলন, নাহরাওয়ানের যুদ্ধ এবং আলী (রা.)-এর শাহাদাতসহ যাবতীয় অশান্তির সূত্রপাত ঘটায়। তাই বলা যায়, প্রশ্নোক্ত উক্তিটি যথার্থ।

সারসংক্ষেপ : উক্ত খলিফার ঘটনাটি সংঘটিত হওয়ার পর বাস্তবেই ইসলামী খিলাফতে অনৈক্য ও সংঘাতের সৃষ্টি হয়েছিল।

৩৬নং প্রশ্নের উত্তর

- ক** তৃতীয় খলিফা হযরত উসমান (রা.) প্রথম হিজরতকারীর খেতাব লাভ করেন।
- খ** মজলিস (مَجْلِس) শব্দটির আভিধানিক অর্থ- বসার স্থান, মিলনায়তন। আর শূরা (شُورَى) অর্থ- পরামর্শ, সিদ্ধান্ত। উভয়ের সমষ্টিগত অর্থ- পরামর্শ সভা।
- কুরআন ও সুন্নাহ মোতাবেক রাষ্ট্রের যাবতীয় কাজ সুষ্ঠুভাবে পরিচালনার জন্য সিদ্ধান্ত গ্রহণের নিমিত্ত কতিপয় সদস্য সমন্বয়ে

গঠিত পরিষদকে মজলিস-উশ-শূরা বা মন্ত্রণাপরিষদ বলে। হযরত উমর (রা.) গণতান্ত্রিক শাসনব্যবস্থা প্রতিষ্ঠার লক্ষ্যে বিশিষ্ট সাহাবিদের সমন্বয়ে একটি মন্ত্রণাপরিষদ গঠন করেন।

সারসংক্ষেপ : ইসলামি রাষ্ট্রের সমস্যা সমাধানকল্পে দেশের প্রখ্যাত ইসলামি পণ্ডিত, জ্ঞানী-গুণী ও তাকওয়াবান আলেমগণের সমন্বয়ে গঠিত পরামর্শসভাকে মজলিস-উশ-শূরা বলা হয়।

গ উদ্দীপকে বর্ণিত “সেবাখাত” প্রতিষ্ঠানটি হযরত উমর (রা.)-এর দিওয়ান উল খারাজ পদক্ষেপের সাথে সাদৃশ্যপূর্ণ।

- ‘খারাজ’ আরবি শব্দ। এর অর্থ যা বের হয়ে যায়। তাই একে খারাজ বলে। হযরত উমর (রা.)-এর শাসনামলে খিলাফতের সম্প্রসারণের ফলে বিজিত এলাকাগুলোতে ভূমিকর হিসেবে প্রাপ্ত খারাজের হিসাব-নিকাশ রক্ষণাবেক্ষণের জন্য তিনি ‘দিওয়ান-উল-খারাজ’ বিভাগ প্রতিষ্ঠা করেন। এ বিভাগের কাজ ছিল খারাজের খাত থেকে আয়কৃত অর্থের হিসাব রক্ষণাবেক্ষণ এবং দাণ্ডরিক ব্যয় নির্বাহের পর উদ্ধৃত অর্থ মুসলিম জনগণের মাঝে বন্টন করা।

- উদ্দীপকে দেখা যায়, আসাদ সাহেব ঢাকা ‘ক’ অঞ্চলের প্রশাসক নির্বাচিত হয়ে সেবাখাত নামে একটি স্বতন্ত্র প্রতিষ্ঠান প্রতিষ্ঠা করেন। প্রশাসনিক ব্যয় নির্বাহের পর রাজস্ব বিভাগে উদ্ধৃত অর্থ এ বিভাগে জমা হতো। পরে এই অর্থ সমাজের অসহায় ব্যক্তিদের মাঝে বিতরণ করা হয়। এখানে হযরত উমর (রা.)-এর দিওয়ান উল খারাজ এর অনুসরণ করে তিনি ‘সেবাখাত’ প্রতিষ্ঠানটি তৈরি করেছেন। মহামতি খলিফা হযরত উমর (রা.) রাজস্বের সুপরিকল্পিত পদ্ধতি প্রণয়ন এবং বৃহত্তর জনসমষ্টির মঙ্গল সাধনের জন্য দিওয়ান উল-খারাজ (রাজস্ব বিভাগ) নামে একটি স্বতন্ত্র বিভাগ প্রতিষ্ঠা করেন। এ রাজস্ব বিভাগই সংক্ষেপে ‘উমরের দিওয়ান’ নামে পরিচিত। হযরত মুহাম্মাদ (সা.) ও খলিফা হযরত আবু বকর (রা.) এর শাসন কাল পর্যন্ত অর্থদপ্তরকে বায়তুলমাল বলা হত। খলিফা উমর (রা.) পারসিক কায়দায় এ দপ্তরের নাম রাখেন ‘দিওয়ান’। দিওয়ানের প্রধান দায়িত্ব ছিল বায়তুলমালের সঞ্চিত অর্থের সুখম বন্টন করা। প্রশাসনিক খরচ এবং যুদ্ধ অভিযানের খাতে ব্যয়ের পর যে উদ্ধৃত অর্থ বায়তুলমালে থাকত তা মুসলমানদের মধ্যে বন্টন করে দেওয়া হতো। সুতরাং বলা যায়, উদ্দীপকে বর্ণিত ‘সেবাখাত’ প্রতিষ্ঠানটি হযরত উমর (রা.)-এর দিওয়ান উল খারাজের সাথে সাদৃশ্যপূর্ণ।

সারসংক্ষেপ : উদ্দীপকে বর্ণিত “সেবাখাত” প্রতিষ্ঠানটি হযরত উমর (রা.)-এর দিওয়ান উল খারাজ পদক্ষেপের সাথে সাদৃশ্যপূর্ণ।

ঘ উদ্দীপকে বর্ণিত বিচার ব্যবস্থা যেন হযরত উমর (রা.)-এর বিচার ব্যবস্থার প্রতিচ্ছবি, আমি এই উক্তি সাথে একমত।

- বিচার বিভাগের সংস্কারসাধন খলিফা হযরত উমর (রা.)-এর একটি উল্লেখযোগ্য অবদান। তিনিই সর্ব প্রথম শাসন বিভাগ হতে বিচার বিভাগ পৃথক করে একটি স্বাধীন ও নিরপেক্ষ প্রতিষ্ঠানে পরিণত করেন।

- প্রত্যেক প্রদেশের বিচার বিভাগের ভার প্রাদেশিক গভর্নরের (ওয়ালি) পরিবর্তে কাজির উপর ন্যস্ত করা হয়। ফলে ওয়ালির কর্তৃত্ব থেকে মুক্ত হয়ে কাজিগণ স্বাধীনভাবে বিচার কার্য সম্পন্ন করতেন। কুরআন ও হাদীসে বুৎপত্তিসম্পন্ন, নিষ্কলুষ চরিত্রের অধিকারী এবং সম্ভ্রান্ত বংশীয় মুসলমানদের মধ্য থেকে কাজি নিযুক্ত করা হতো। প্রত্যেক প্রদেশ ও জেলায় একজন করে কাজি

নিযুক্ত থাকতেন। অবশ্য বিচার বিভাগের সর্বময় কর্তা ছিলেন খলিফা নিজেই। তিনি কাজিদের বেতন নির্দিষ্ট করে দেন। কাজিগণ উচ্চ-নীচ, ছোট-বড় ভেদাভেদ না করে ন্যায়পরায়ণতার সাথে বিচার কার্য পরিচালনা করতেন। মুসলিম আইনের বাইরে অমুসলমানগণ তাদের নিজস্ব আইন কানুনের সুযোগ গ্রহণ করতে পারত এবং সেসব ক্ষেত্রে তাদের স্ব স্ব ধর্মীয় প্রধানগণ তাদের বিচার করতেন।

- উদ্দীপকে আসাদ সাহেব হযরত উমর (রা.)-এর বিচার ব্যবস্থার আদর্শে অনুপ্রাণিত হয়ে তার অধীনস্থ আইন-আদালতে কর্মকর্তা হিসাবে বিজ্ঞ ব্যক্তিদের নিয়োগ দেন। ঐ সকল কর্মকর্তাদের কোনো কাজে তিনি হস্তক্ষেপ করতেন না। ফলে স্বাধীনভাবে কর্মকর্তারা তাদের কার্যসম্পাদন করতে পারতো এবং জনসাধারণ ন্যায়বিচার পেত। সুতরাং বলা যায় প্রশ্নোক্ত উক্তিটি যথার্থ।

সারসংক্ষেপ : উদ্দীপকে বর্ণিত বিচার ব্যবস্থা যেন হযরত উমর (রা.)-এর বিচার ব্যবস্থার প্রতিচ্ছবি, আমি এর সাথে একমত প্রকাশ করছি।

৩৭নং প্রশ্নের উত্তর

ক গণিমাতে বা যুদ্ধলব্ধ দ্রব্যাদির এক পঞ্চমাংশ কোষাগারে জমা রেখে অবশিষ্ট ৪/৫ অংশ মুসলিম সৈন্যদের মধ্যে বন্টন করে দেওয়া হতো। রাষ্ট্রের জন্য সংরক্ষিত এই এক পঞ্চমাংশ অংশকে খুমস বলা হতো।

খ উমরের দিওয়ান বলতে উপরের রাজস্ব বিভাগকে বোঝায়।

- মহামতি খলিফা হযরত উমর (রা.) রাজস্বের সুপরিকল্পিত পদ্ধতি প্রণয়ন এবং বৃহত্তর জনসমষ্টির মঙ্গল সাধনের জন্য দিওয়ান উল খারাজ (রাজস্ব বিভাগ) নামে একটি স্বতন্ত্র বিভাগ প্রতিষ্ঠা করেন। এ রাজস্ব বিভাগকে সংক্ষেপে উমরের দিওয়ান বলা হয়।

সারসংক্ষেপ : হযরত উমর (রা.) পারসিক কায়দায় যে রাজস্ব ব্যবস্থা প্রবর্তন করে তাই উমরের দিওয়ান।

গ সাম্রাজ্য বিস্তারে আল-ওয়ালিদের পদক্ষেপে খুলাফায়ে রাশেদিনের দ্বিতীয় খলিফা হযরত উমর (রা.)-এর নীতি অনুসরণ করা হয়।

- খিলাফত লাভের পরপরই উমর (রা.) তাঁর পূর্ববর্তী খলিফা হযরত আবু বকর (রা.)-এর সীমান্ত নীতি অনুসরণ করেন। ফলে মাত্র দশ বছরের মধ্যে ক্ষুদ্র আরব উপদ্বীপকে উত্তর, পূর্ব এবং পশ্চিম দিকে সম্প্রসারণ করে তিনি তৎকালীন বিশ্বের দুই পরাশক্তি পারস্য ও বায়জান্টাইন সাম্রাজ্য মুসলিম সাম্রাজ্যভুক্ত করেন। এ সময়ে বিশ্বয়কর ও দুঃসাহসিক সামরিক অভিযানগুলো সম্পর্কে অধ্যাপক পি কে হিট্টি বলেন, “খালিদ বিন ওয়ালিদ ও আমর বিন আল-আসের ইরাক, পারস্য ও মিসর অভিযানগুলো পৃথিবীর শ্রেষ্ঠ সামরিক অভিযানসমূহের অন্যতম এবং এগুলি নেপোলিয়ন, হ্যানিবল ও আলেকজান্ডারের পরিচালিত যুদ্ধগুলোর সাথে তুলনীয়।”

- উদ্দীপকে উমাইয়া খলিফা আল ওয়ালিদ ৭০৫ খ্রিষ্টাব্দে শাসনক্ষমতায় এসে অতি অল্প সময়ের মধ্যে সাম্রাজ্য সম্প্রসারণের দিকে মনোযোগ দেন। কয়েক বছরের মধ্যে তিনি এশিয়া, আফ্রিকা ও ইউরোপে বিশাল এলাকা জয় করেন। তেমনি হযরত উমর (রা.) মাত্র দশ বছরের মধ্যে ক্ষুদ্র আরব উপদ্বীপকে উত্তর, পূর্ব এবং পশ্চিম দিকে সম্প্রসারণ করে বিশ্বের দুই পরাশক্তি পারস্য ও বায়জান্টাইন সাম্রাজ্য মুসলিম সাম্রাজ্যভুক্ত করেন।

সুতরাং বলা যায়, সাম্রাজ্য বিস্তারে আল-ওয়ালিদদের পদক্ষেপে হযরত উমর (রা.)-এর নীতি অনুসরণ করা হয়।

সারসংক্ষেপ : সাম্রাজ্য বিস্তারে আল-ওয়ালিদদের পদক্ষেপে খুলাফায়ে রাশেদিনের দ্বিতীয় খলিফা হযরত উমর (রা.)-এর নীতি অনুসরণ করা হয়।

ঘ উদ্দীপকে সাম্রাজ্য ভাগ ও প্রশাসনিক দায়িত্ব অর্পণের ক্ষেত্রে আল-ওয়ালিদ হযরত উমরের (রা.) কৌশল অনুসরণ করেছেন। এই বিষয়ে আমি একমত।

- হযরত উমর (রা.) মুসলিম সাম্রাজ্যের শাসনকার্যের সুবিধার্থে সমগ্র সাম্রাজ্যকে ১৪টি প্রদেশে বিভক্ত করেন। প্রত্যেক প্রদেশের শাসনভার একজন ওয়ালি (গভর্নর)-এর ওপর ন্যস্ত ছিল। ওয়ালিগণ প্রাদেশিক শাসনের ব্যাপারে খলিফার নিকট দায়বদ্ধ থেকে তাঁর নির্দেশ পালন করতেন। নিয়োগের সময় খলিফা প্রাদেশিক শাসনকর্তা (ওয়ালি)-দেরকে তাদের নির্ধারিত ক্ষমতা ও কর্তব্য সম্পর্কে অবহিত করতেন। হযরত উমর (রা.) সাধারণ লোকের অভিযোগক্রমে শাসনকর্তাগণের নিকট হতে কৈফিয়ত তলব করতেন।
- উদ্দীপকে উমাইয়া খলিফা আল-ওয়ালিদ তাঁর অধিকৃত বিশাল সাম্রাজ্যের শাসনব্যবস্থা সুষ্ঠুভাবে পরিচালনার জন্য খলিফা হযরত উমর (রা.)-এর মতো সাম্রাজ্যকে কয়েকটি ভাগে ভাগ করেন। প্রত্যেক ভাগের শাসনক্ষমতা তিনি একজন কর্মকর্তার ওপর ন্যস্ত করেন। যেমনভাবে হযরত উমর (রা.) প্রত্যেক প্রদেশের শাসনভার একজন ওয়ালি (গভর্নর)-এর ওপর ন্যস্ত করেছিলেন।
- সুতরাং উপরিউক্ত আলোচনার প্রেক্ষিতে আমরা বলতে পারি, সাম্রাজ্য ভাগ ও প্রশাসনিক দায়িত্ব অর্পণের ক্ষেত্রে আল-ওয়ালিদ হযরত উমর (রা.)-এর কৌশলই অনুসরণ করেছিলেন।

সারসংক্ষেপ : উদ্দীপকে সাম্রাজ্য ভাগ ও প্রশাসনিক দায়িত্ব অর্পণের ক্ষেত্রে আল-ওয়ালিদ হযরত উমরের (রা.) কৌশল অনুসরণ করেছেন। এই বিষয়ে আমি একমত।

৩৮নং প্রশ্নের উত্তর

ক 'জামিউল কুরআন' অর্থ কুরআন সংকলনকারী।

খ তৃতীয় খলিফা হযরত উসমান (রা.) কুরআনের নির্ভুলতা রক্ষার্থে সাহাবাদের পরামর্শক্রমে কুরআনের বিভিন্ন আঞ্চলিক ভাষার ভুল পাণ্ডুলিপি পুড়িয়ে দেওয়ার কারণে তাঁর বিরুদ্ধে কুরআন শরীফ দহন করার মিথ্যা অভিযোগ উঠে।

- তৃতীয় খলিফা হযরত উসমান (রা.) মানুষের মাঝে কুরআনের বিতর্কিত কপিকে ছড়িয়ে দিতে এবং সঠিক পাণ্ডুলিপির গ্রন্থটি অক্ষুণ্ণ রাখতে বিক্ষিপ্ত সকল পাণ্ডুলিপি পুড়িয়ে দেন। যাতে সঠিক পাণ্ডুলিপির মধ্যে অশুদ্ধ বা ভুল কোনো পাণ্ডুলিপি সংযোজন না হতে পারে। এ কাজ সঠিক হলেও তাঁর বিরোধী শক্তি কুরআন পোড়ানোর মিথ্যা অভিযোগ তুলে তাঁর অপসারণ দাবি করে।

সারসংক্ষেপ : হযরত উসমান (রা.) কুরআনের নির্ভুলতা রক্ষার্থে সাহাবাদের পরামর্শক্রমে বিভিন্ন আঞ্চলিক ভাষায় কুরআনের ভুল পাণ্ডুলিপি পুড়িয়ে দেওয়ার কারণে তাঁর বিরুদ্ধে কুরআন শরীফ দহন করার মিথ্যা অভিযোগ উঠে।

গ উদ্দীপকের চেয়ারম্যান সাহেবের গৃহীত পদক্ষেপ খুলাফায়ে রাশেদিনের চতুর্থ খলিফা হযরত আলী (রা.)-এর খিলাফত যুগের প্রাদেশিক শাসনকর্তাদের রদবদল করার কাজের অনুসরণ।

- হযরত আলী (রা.) দৃঢ়ভাবে বিশ্বাস করতেন যে, প্রাদেশিক শাসনকর্তাদের রদবদল করলে পরিস্থিতি স্বাভাবিকতায় ফিরে আসবে। তাই তিনি স্বীয় সিদ্ধান্ত বাস্তবায়নের জন্য প্রাদেশিক শাসনকর্তাদের রদবদল এবং কতিপয় প্রাদেশিক শাসনকর্তাকে পদত্যাগের নির্দেশ দেন। তিনি হযরত উসমান বিন হানিফকে (রা.) বসরায় হযরত আব্দুল্লাহ ইবনে আমিরের (রা.) জ্বালাবিধিত করেন। হযরত আব্দুল্লাহ ইবনে সাদের জ্বলে হযরত কায়েস ইবনে সাদকে (রা.) মিসরে নিয়োগ প্রদান করেন।

- হযরত আলী (রা.)-এর নির্দেশ অন্যান্য প্রাদেশিক শাসকগণ মেনে নিলেও সিরিয়ায় শাসনকর্তা আমীরে মুয়াবিয়া (রা.) তা অমান্য করেন। যা উদ্দীপকের ঘটনার সাথেই সাদৃশ্যপূর্ণ। পরবর্তীতে আমীরে মুয়াবিয়া (রা.)-এর সাথে হযরত আলী (রা.) এর দ্বন্দ্ব প্রকাশ্য রূপ ধারণ করে। যা শেষপর্যন্ত খিলাফতের বিপর্যয় ডেকে আনে।

সারসংক্ষেপ : উদ্দীপকের চেয়ারম্যান সাহেবের গৃহীত পদক্ষেপ খলিফা হযরত আলী (রা.)-এর খিলাফত যুগের প্রাদেশিক শাসনকর্তাদের রদবদল করার ঘটনার সাথে সাদৃশ্যপূর্ণ।

ঘ “উক্ত খলিফার অর্থাৎ হযরত আলী (রা.)-এর আমলেই ইসলামি খিলাফত বিভক্ত হয়ে যায়।” – উক্তিটি যথার্থ।

- হযরত আলী (রা.)-এর খিলাফতে অধিষ্ঠিত হওয়ার পর হযরত উসমান (রা.)-এর হত্যাকাণ্ড এবং প্রাদেশিক শাসনকর্তাদের পরিবর্তনকে কেন্দ্র করে হযরত মুয়াবিয়া (রা.) এর সাথে তাঁর দ্বন্দ্ব শুরু হয়। এই দ্বন্দ্বই পরবর্তীতে খিলাফতের বিভক্তি ঘটায়।
- মুয়াবিয়া (রা.) ছিলেন সিরিয়ার শাসনকর্তা। হযরত আলী (রা.) তাকে পদত্যাগের নির্দেশ দিলে আমীরে মুয়াবিয়া (রা.) খলিফার নির্দেশ মানতে অস্বীকার করেন। ফলে হযরত আলী (রা.) ও আমীরে মুয়াবিয়া (রা.)-এর মধ্যে বিরোধ সৃষ্টি হয়। এই বিরোধী পরবর্তীতে রক্তক্ষয়ী সংঘর্ষে রূপলাভ করে এবং সিফফিনের যুদ্ধ ঘটায়। ৬৫৭ খ্রিষ্টাব্দে সংঘটিত এই যুদ্ধ তিনদিন চলার পর উভয় পক্ষই যুদ্ধ বিরতিতে সায় দেয়। একপর্যায়ে উভয়পক্ষের প্রতিনিধিরা মীমাংসার উদ্দেশ্যে দুমাতুল জন্দল নামক স্থানে মিলিত হয়। কিন্তু এই সালিসী বৈঠকে কোনো মীমাংসা না হওয়ায় বিশৃঙ্খলা চরমে উঠে যায়। এরূপে খিলাফতের বিভিন্ন স্থানে বিদ্রোহ ও অশান্তি দেখা দিলে হযরত আলী (রা.) পরিস্থিতির গুরুত্ব বিবেচনা করে মুয়াবিয়া (রা.)-এর সাথে সন্ধি চুক্তি করতে সম্মত হন। সন্ধি অনুযায়ী সিরিয়া ও মিসর মুয়াবিয়া (রা.)-এর শাসনাধীনে থাকবে এবং সাম্রাজ্যের অবশিষ্টাংশ হযরত আলী (রা.)-এর শাসনে থাকবে। এভাবে খলিফা হযরত আলী (রা.) ও মুয়াবিয়ার (রা.) মধ্যে সংঘটিত গৃহযুদ্ধের পরিসমাপ্তি ঘটে।
- হযরত আলী (রা.) এবং মুয়াবিয়া (রা.)-এর মধ্যে সাম্রাজ্য বন্টনের ফলে খিলাফতের বৈশিষ্ট্য ও বুনিয়াদ ক্রমশ দুর্বল হয়ে পড়ে। ফলে খলিফা ও খিলাফতের প্রতি জনসাধারণের ভক্তি ও শ্রদ্ধা লোপ পেতে থাকে। এক খলিফার নিয়ন্ত্রণে জাতীয় চেতনা ও ধর্মীয় ভাবধারায় উদ্বুদ্ধ জনসাধারণের মনে এ যাবত খলিফার কার্যকলাপের প্রতি যে সংশয় ছিল না, তা এখন সূচিত হয় এবং খিলাফতের সংগতি বিনষ্ট হয়। সুতরাং বলা যায়, প্রশ্নোক্ত উক্তিটি যথার্থ।

সারসংক্ষেপ : “উক্ত খলিফার অর্থাৎ হযরত আলী (রা.)-এর আমলেই ইসলামি খিলাফত বিভক্ত হয়ে যায়।” – উক্তিটি যথার্থ।

৩৯নং প্রশ্নের উত্তর

ক মহিলা ভগ্নবির নাম ছিল সাজাহ।

খ যে চারজন বিশিষ্ট সাহাবি রাসুল (সা.)-এর পর ইসলামি রাষ্ট্র পরিচালনা করেছেন, তাঁদেরকে খুলাফায়ে রাশেদিন বলে।

- হযরত মুহাম্মাদ (সা.)-এর ইন্তেকালের পর যে চারজন বিশিষ্ট সাহাবি আল্লাহ ও তাঁর রাসুলের নির্দেশিত পদ্ধতি অনুযায়ী ইসলামি রাষ্ট্রের শাসন কার্যাদি সুষ্ঠুভাবে পরিচালনা করে গেছেন, তাঁদেরকে খুলাফায়ে রাশেদিন বলে।

সারসংক্ষেপ : যে চারজন বিশিষ্ট সাহাবি রাসুল (সা.)-এর পর ইসলামি রাষ্ট্র পরিচালনা করেছেন, তাঁদেরকে খুলাফায়ে রাশেদিন বলে।

গ ভাগিনার ক্ষেত্রে চেয়ারম্যানের আচরণে হযরত উমর (রা.)-এর ন্যায় বিচারের উজ্জ্বল দৃষ্টান্ত ফুটে উঠেছে।

- আইনের দৃষ্টিতে সাম্য ছিল হযরত উমর (রা.)-এর বিচারব্যবস্থার প্রধান মূলনীতি। চেয়ারম্যান সাহেব তাঁর বিচারব্যবস্থায় খিলাফত যুগের এ মহান মূলনীতিকে সুপ্রতিষ্ঠিত করেন।
- হযরত উমর (রা.) ছিলেন ন্যায়বিচারের উজ্জ্বল দৃষ্টান্ত। তাঁর কাছে ন্যায়বিচার প্রশ্নে ধনী-দরিদ্র, উঁচু-নিচু, আপন পর সকলেই সমান ছিল। বিচারকার্যে তিনি ছিলেন অত্যন্ত কঠোর। মদ্যপানের অপরাধে স্বীয় পুত্র আবু শামাকে তিনি নিজ হাতে বেত্রাঘাত করেন। স্বজনপ্রীতি ও পক্ষপাতিত্ব তাকে স্পর্শ করেনি। উদ্দীপকেও দেখা যায়, বিশৃঙ্খলা সৃষ্টির কারণে চেয়ারম্যান তাঁর এক ভাগিনাকে প্রকাশ্যে শাস্তি প্রদান করেন। যেমনভাবে উমর (রা.) স্বীয় পুত্রকে মদ্যপানের অপরাধে শাস্তি দিয়েছিলেন। সুতরাং বলা যায়, উদ্দীপকে চেয়ারম্যান ইসলামের দ্বিতীয় খলিফা হযরত উমর (রা.)-এর ন্যায়বিচারের আদর্শ অনুসরণ করেছিলেন।

সারসংক্ষেপ : চেয়ারম্যান ইসলামের দ্বিতীয় খলিফা হযরত উমর (রা.)-এর ন্যায়বিচারের আদর্শ অনুসরণ করেছিলেন। হযরত উমর (রা.) ছিলেন ন্যায়বিচারের উজ্জ্বল দৃষ্টান্ত।

ঘ হযরত উমর (রা.)-এর চারিত্রিক বৈশিষ্ট্যের সব গুণাবলি উদ্দীপকে ফুটে উঠেছে, বরং আংশিক ফুটে উঠেছে বলে আমি মনে করি।

- হযরত উমর (রা.) খলিফা নির্বাচিত হওয়ার পর রাতের বেলা প্রজা সাধারণের দুঃখ দুর্দশা দেখার জন্য ঘুরে বেড়াতেন। নিজ হাতে প্রজাদের বাড়িতে খাবার পৌঁছে দিতেন। সাধারণ জনগণের সাথে সদয় আচরণ করতেন। নারীদের সেবাশ্রমের জন্য তিনি স্বীয় স্ত্রীকেও নিযুক্ত করেছেন, এছাড়াও অন্যান্যের প্রতি তিনি আমরণ বজ্রকঠোর ছিলেন। অনায়াসকারীকে তিনি কঠোর হাতে দমন করতেন। এজন্যই উমর (রা.) সম্পর্কে বলা হয়, তিনি ছিলেন অনায়াসের ক্ষেত্রে কঠোর আর ন্যায়ের ক্ষেত্রে পুষ্পের মতো কোমল।
- হযরত উমর (রা.)-এর ন্যায়পরায়ণতা ও নিরপেক্ষ বিচারব্যবস্থা সকল যুগের জন্য আদর্শ হয়ে রয়েছে। কেননা দুঃখীদের দুর্দশায় তাঁর হৃদয় কেঁদে উঠত। এজন্য তিনি মদিনা শহর ও শহরতলীতে গভীর রাতে বের হয়ে কোনো দুঃখী মানুষ আছে কিনা তা পরিদর্শন করতেন। প্রয়োজনে তিনি নিজ কাঁধে করে খাদ্য সামগ্রী দীনদুঃখীদের পৌঁছে দিতেন। এরকম উদারতার পাশাপাশি তিনি কঠোরতাও অবলম্বন করেন। কঠোরতা না থাকলে ন্যায়বিচার ও সুশাসন প্রতিষ্ঠা করতে পারতেন না। তিনি

মদ্যপানের অপরাধে স্বীয় পুত্র আবু শামাকে বেত্রাঘাত করার আদেশ দেন। খ্রিষ্টান নাগরিক জাবালাকে কর্মচারির ওপর নিষ্ঠুরতার জন্য শাস্তি প্রদান করেন।

- সর্বোপরি উমর (রা.)-এর উদারতা ও কঠোরতার উপর্যুক্ত দৃষ্টান্ত ছাড়া আরো বহু ঘটনা প্রচলিত আছে। আইন প্রয়োগের ক্ষেত্রে তাঁর উদারতা ও কঠোরতার ফলে সামাজিক বৈষম্য দূরীভূত হয়। ঐতিহাসিকদের মতে, একজন খলিফার যেসব গুণ থাকা প্রয়োজন, সেসব মহৎ গুণ হযরত উমর (রা.)-এর মধ্যে ছিল। তাঁর নিষ্কলঙ্ক চরিত্র সকল ধর্মভীরু উত্তরাধিকারীর জন্য উত্তম আদর্শ। উদ্দীপকে চেয়ারম্যানের চরিত্রে হযরত উমর (রা.) কয়েকটি গুণের প্রতিফলন ঘটেছে। তাই বলা যায়, হযরত উমর (রা.)-এর চারিত্রিক বৈশিষ্ট্যের সব গুণাবলি নয়, আংশিক কিছু উদ্দীপকে তুলে ধরা হয়েছে।

সারসংক্ষেপ : হযরত উমর (রা.)-এর চারিত্রিক বৈশিষ্ট্য উদ্দীপকের মাধ্যমে সম্পূর্ণ ফুটে উঠেছে।

৪০নং প্রশ্নের উত্তর

ক যেসব ধর্মত্যাগী মুসলমান মহানবি হযরত মুহাম্মাদ (সা.)-এর জীবনের সাফল্য দেখে নিজেদেরকে নবি বলে দাবি করে তাদেরকে ভগ্নবি বলা হয়।

খ নবুয়তকে লাভজনক ব্যবসা মনে করে কয়েকজন ভণ্ড প্রতারক মিথ্যা নবুয়ত দাবি করেছিল।

- এসব মিথ্যাবাদী লোক ভেবেছিল নবুয়তের দাবি ইহলৌকিক উন্নতির একটি উত্তম পন্থা। তাই রাসুল (সা.)-এর জীবনের শেষভাগে ইয়েমেনে আসওয়াদ আনাসী, ইয়ামামায় মুসায়লামাতুল কাযযাব নবুয়ত দাবি করে। রাসুল (সা.)-এর ওফাতের পর নজদে তুলায়াহা এবং ইরাকে সাজাহ নবুয়ত দাবি করে। এসব ভগ্নবির পিছনে বিরাট বিরাট দল জোট বেঁধেছিল। এভাবেই ভণ্ড নবির উদ্ভব হয়েছিল।

সারসংক্ষেপ : সত্যনবির সাফল্য দেখে কিছুসংখ্যক স্বার্থাশেষী লোক নবুয়তকে লাভজনক ব্যবসা মনে করে নিজেরা মিথ্যা নবুয়তের দাবি করে।

গ সেবা সংস্থার সম্পদের নথি সংরক্ষণ সম্পর্কিত প্রস্তাব কুরআন সংরক্ষণ সম্পর্কিত হযরত উমর (রা.)-এর প্রস্তাবের সাথে মিল পাওয়া যায়।

- কুরআন মাজীদ এখন যেভাবে বিন্যস্ত হয়ে গ্রন্থাকারে আছে, অবতরণের সময় এরূপ ছিল না। রাসুল (সা.)-এর আমলে হাফিজদের বক্ষে সংরক্ষিত ছিল। লিখিত অবস্থায় গ্রন্থাকারে ছিল না; বরং বিচ্ছিন্ন পত্রে পৃথকভাবে লেখা ছিল। ইয়ামামার যুদ্ধে যখন বহু কুরআনে হাফেয শহীদ হলেন, তখন উমর (রা.) উপলব্ধি করলেন, এভাবে যদি হাফেযদের সংখ্যা কমে যায় তাহলে একসময় কুরআন বিলুপ্ত হয়ে যাওয়ার আশঙ্কা রয়েছে। এ প্রেক্ষিতে উমর (রা.) খলিফা আবু বকর (রা.)-কে কুরআন সংরক্ষণের প্রস্তাব দেন।
- হযরত সিদ্দিকে আকবর (রা.) কর্তৃক ভগ্নবি সাজাহ ও মুসায়লামাতুল কাযযাবের বিরুদ্ধে পরিচালিত ইয়ামামার যুদ্ধে বহুসংখ্যক হাফেয কুরআন শহীদ হলেন। তখন উমর (রা.)-এর পরামর্শে আবু বকর (রা.) রাসুল (সা.)-এর বিন্যাস অনুযায়ী গ্রন্থাকারে একত্রিত করার সিদ্ধান্ত গ্রহণ করেন এবং রাসুল (সা.)-এর ব্যক্তিগত অধীলেখক যায়েদ ইবনে সাবেত (রা.)-কে কুরআনের বিক্ষিপ্ত বিচ্ছিন্ন আয়াতগুলো সংগ্রহ করে পুস্তকাকারে

একত্র করার নির্দেশ দেন। যায়েদ ইবনে সাবেরের তত্ত্বাবধানে অত্যন্ত সতর্কতার সাথে কুরআন মাজীদ গ্রন্থাকারে সংকলিত হয়। সেবা সংস্থার সভাপতি সম্পাদকের পরামর্শ অনুযায়ী সংগঠনের সকল নথিকে একই রেজিস্টারে লিপিবদ্ধ করেন। ইসলামের ইতিহাসের খলিফা উমর (রা.)-এর কুরআন সংকলন সম্পর্কিত পরামর্শের সাথে সেবা সংস্থার সম্পাদকের পরামর্শ প্রায় সাদৃশ্যপূর্ণ।

সারসংক্ষেপ : ইয়ামামার যুদ্ধে বহুসংখ্যক হাফেয কুরআন শহীদ হলে কুরআন বিলুপ্তির আশঙ্কায় হযরত উমর (রা.) খলিফা আবু বকর (রা.)-কে কুরআন সংকলনের পরামর্শ দেন। সে পরামর্শের আলোকে খলিফা কুরআন সংকলনের পদক্ষেপ গ্রহণ করেন।

ঘ সত্য নবির সাফল্য দেখে আরবদেশে কিছুসংখ্যক ভণ্ডনবির উত্থান হয়। সিদ্দিকে আকবর (রা.) আল্লাহপ্রদত্ত সংকল্প ও দৃঢ় মনোবল সহকারে তাদের দমন করার জন্য মুহাজির ও আনসারদের সমন্বয়ে ইসলামি বাহিনীকে দায়িত্ব দিয়ে অভিযান প্রেরণ করেন। তারা চারটি অভিযানের মাধ্যমেই ভণ্ড নবিদের দমন করতে সক্ষম হয়েছিলেন।

• তুলায়হা ছিল উত্তর আরবের নজদ অঞ্চলের বানু আসাদ গোত্রের প্রখ্যাত বীর। মিথ্যা প্রচারণায় সে তার নবুয়তের দাবি প্রতিষ্ঠিত করতে চেষ্টা করে। আবু বকর (রা.) তাকে দমন করার জন্য খালিদ ইবনে ওয়ালিদকে দায়িত্ব প্রদান করেন। খালিদ (রা.) সর্বপ্রথম তুলায়হার দলবলের ওপর আক্রমণ করে তাদের দমন করেন। কিন্তু তুলায়হা সিরিয়ায় পলায়ন করে। পরে তুলায়হা তওবা করে পুনরায় ইসলাম গ্রহণ করে।

• নবুয়তের মিথ্যা দাবিদারদের মধ্যে আরবের ইয়ামামার বানু হানিফ গোত্রের মুসায়লামা ছিল শক্তিশালী। তাকে ও তার অনুসারীদের নির্মূলের জন্য আবু বকর (রা.) হযরত ইকরামা ইবনে আবু জাহল (রা.) এবং পরে শোরাহবিল ইবনে হাসানা (রা.)-কে পাঠান। ইতোমধ্যে খালিদ ইবনে ওয়ালিদও তাঁর বাহিনী নিয়ে সেখানে উপস্থিত হলে রক্তক্ষয়ী যুদ্ধ হয়। হাফেয কুরআনের এক বড় দলসহ বহু মুসলমান শহীদ হন। সর্বশেষে মুসলমানদেরই জয় হয়, মুসায়লামাকে হত্যা করা হয়। এতে তার দলবল নিঃশেষ হয়ে যায়।

• ইয়েমেনের আনাসী গোত্রের প্রধান আসওয়াদ আনাসী দশম হিজরীতে নবুয়ত দাবি করে প্রকাশ্যে বিদ্রোহ ঘোষণা করে। আবু বকর (রা.) তাকে দমনের জন্য মুয়ায ইবনে জাবাল (রা.)-কে প্রেরণ করেন; কিন্তু এর পরেই সানায় আসওয়াদ আনাসীর ঘরে অতর্কিতে হামলা চালিয়ে নেশাগ্রস্ত অবস্থায় তাকে হত্যা করা হয়। সাজাহ নান্নী এক নারীও নবুয়ত দাবি করেছিল। ভণ্ড নবি মুসায়লামাকে বিয়ে করে সে উদ্দেশ্য হাসিলে তৎপর হয়। কিন্তু ইয়ামামার যুদ্ধের পর সাজাহ স্বীয় গোত্রে ফিরে গিয়ে আত্মগোপন করে এবং পরবর্তীকালে আমীরে মুয়াবিয়া (রা.)-এর শাসনকালে পুনরায় ইসলাম গ্রহণ করে।

সারসংক্ষেপ : হযরত আবু বকর (রা.) কঠোর হস্তে ভণ্ডনবিদের দমন করেন। এজন্য তাঁকে বেশ কয়েকটি অভিযান প্রেরণ করতে হয়েছিল। তিনি প্রত্যেকটিতেই সফল হয়েছিলেন।

৪১নং প্রশ্নের উত্তর

ক হযরত উমর (রা.) ইসলামের প্রথম খলিফা হযরত আবু বকর (রা.)-এর সীমান্তনীতি অনুসরণ করে রাজ্য পরিচালনা করেন।

খ হযরত উমর (রা.)-এর পারস্য বিজয়ের দুটি উল্লেখযোগ্য কারণ হলো- প্রথমত, রিদা যুদ্ধের সময় পারস্যবাসী বিদ্রোহীদের

প্রত্যক্ষভাবে সাহায্য প্রদান করে। পারস্যবাসীদের বিদ্রোহপূর্ণ ও শত্রুতামূলক আচরণের জন্য তাদের বিরুদ্ধে ব্যবস্থা গ্রহণ করতে মুসলমানরা বাধ্য হয়।

• দ্বিতীয়ত, ইরাকের সাথে আরববাসীদের বাণিজ্যিক সম্পর্ক ছিল। কিন্তু পারস্যবাসীরা আরব মুসলিম বণিকদের অব্যাহতভাবে তাদের দেশে ব্যবসায় বাণিজ্য করতে দিতে রাজি ছিল না।

সারসংক্ষেপ : পারস্যবাসীর বিদ্রোহপূর্ণ ও শত্রুতামূলক আচরণের প্রতিশোধ গ্রহণ এবং অর্থনৈতিক প্রয়োজন।

গ পারসিকদের ওপর আরবগণের বিজয় লাভ হলো আর্থদের ওপর সেমেটিকদের বিজয়ের অনুরূপ। পারস্যের অগ্নি উপাসকরা ইসলামের প্রাণশক্তি ও উদারতায় মুগ্ধ হয়ে দলে দলে ইসলাম ধর্ম গ্রহণ করতে লাগল।

• এ বিজয়ের ফলে মুসলমানগণ ইরাকে এবং আকসা নদী পর্যন্ত বিস্তৃত সমগ্র পারস্য সাম্রাজ্যের সর্বময় কর্তা হয়ে দাঁড়ায়। এ বিজয়ে মুসলমানগণ উক্ত দেশের অপরিমিত প্রাকৃতিক ঐশ্বর্য ও ধনসম্পদের অধিকারী হয় এবং এর ফলে আরবগণ তাদের বিজয় অভিযান সিন্ধু নদ পর্যন্ত প্রসারিত করার প্রেরণা লাভ করে। পারসিকদের সংস্পর্শে এসে মুসলমানগণ তাদের সামরিক কৌশল আয়ত্ত করে নিল। তৎকালে পারস্য ছিল সুশৃঙ্খল ও সুসংহত সামরিক শক্তিসমূহের মধ্যে অন্যতম।

• সাহিত্য, শিল্প, দর্শন এবং ভেষজবিজ্ঞান প্রভৃতিতে পারসিকগণ চরম উৎকর্ষ লাভ করেছিল। তাদের সংস্পর্শে এসে আরবগণ এসব বিষয়ে প্রভূত জ্ঞান অর্জন করে। অতি প্রাচীনকাল হতে ইরাক ছিল সভ্যতার প্রাণকেন্দ্র ও লীলাভূমি। প্রথম তিন শতাব্দীতে যেসব পণ্ডিত ইসলামের জ্ঞানভাণ্ডারে অসামান্য অবদান রেখে গেছেন, তাঁদের অনেকেই ছিলেন ইসলাম ধর্ম গ্রহণকারী পারসিক। সুতরাং ইহা প্রমাণিত যে, “পারস্য বিজয়ের ফলে ইসলামের শ্রেষ্ঠত্ব ও সাফল্য সূচিত হয়।”

সারসংক্ষেপ : পারস্য বিজয়ের ফলে অগ্নিউপাসকরা ইসলামের উদারতায় মুগ্ধ হয়ে দলে দলে ইসলাম গ্রহণ করতে লাগল। মুসলমানগণ উক্ত দেশের অগণিত ও অপরিমিত প্রাকৃতিক ঐশ্বর্য ও ধনসম্পদের অধিকারী হয়ে তাদের সংস্পর্শে এসে তাদের সামরিক কৌশল আয়ত্ত করে নিল।

ঘ ইসলামের দ্বিতীয় খলিফা হযরত উমর (রা.)-এর রাজ্যবিস্তারের ইতিহাসকে মানচিত্রে ‘P’ ও ‘M’ চিহ্নিত করে দু’ভাগে ভাগ করা হয়েছে। M চিহ্নিত স্থান দ্বারা পারস্য বিজয় এবং P চিহ্নিত স্থান দ্বারা বাইজান্টাইন বা রোমান সাম্রাজ্য বিজয় নির্দেশ করে।

• পারস্য সম্রাট ইয়াজদিগার্দ হীরা রক্ষার জন্য বিরাট বাহিনী সজ্জিত করে ইরাকের দিকে রওয়ানা করে। এ সংবাদে হযরত উমর (রা.) সেনাপতি আবু ওবায়দা ও মুসান্নার নেতৃত্বে একদল সৈন্য ইরাকে প্রেরণ করেন। নামারিকে দু’বাহিনীর মধ্যে তুমুল যুদ্ধ হয়। এ যুদ্ধে পারসিকদের পরাজিত করে মুসলমানরা পারস্য সাম্রাজ্যের অধীন হীরা রাজ্য জয় করে। নামারিকের যুদ্ধে পরাজয়ের গ্লানি মোচনের জন্য পারস্য সম্রাট সেনাপতি রুস্তমের নেতৃত্বে এক বিশাল বাহিনী মুসলমানদের বিরুদ্ধে প্রেরণ করেন। এ যুদ্ধে সেনাপতি আবু ওবায়দা (রা.)-সহ ছয় হাজার মুসলিম সৈন্য শহীদ হয়। ৬৩৪ সালে পারস্য সম্রাট সেনাপতি হরমুযের নেতৃত্বে ১০ হাজার সৈন্য প্রেরণ করেন। মুসলিম সেনাপতি মুসান্নার সাথে ব্যাবিলন প্রান্তরে তুমুল যুদ্ধ শুরু হয়। এ যুদ্ধে মুসলিম বাহিনী বিজয় লাভ করে।

- ‘বুওয়ায়েব’ নামক স্থানে মুসলিম বাহিনী ও পারসিক বাহিনী মুখোমুখি হয়। এ যুদ্ধে সেনাপতি মুসান্না শহীদ হলেও মুসলমানরা জয়লাভ করার ফলে সমগ্র নিম্ন ইরাক তাঁদের দখলে আসে। পারস্য সম্রাট ইয়াজদিগার্দ স্বীয় সাম্রাজ্য রক্ষার সুদৃঢ় আশায় সেনাপতি রুস্তমের নেতৃত্বে এক লক্ষ বিশ হাজার সৈন্য মুসলমানদের বিরুদ্ধে প্রেরণ করে। কাদেসিয়ার প্রান্তরে ভীষণ যুদ্ধ সংঘটিত হয়। এ যুদ্ধে মুসলমানরা বিজয়ী হয়। ৬৩৭ খ্রিষ্টাব্দে সাদ ইবনে আবি ওয়াক্কাস (রা.) পারস্যের রাজধানী মাদায়েন বিজয়ে অগ্রসর হন। এ যুদ্ধে পারসিকরা পরাজিত হয়ে হুলওয়ানে আশ্রয় নেয়।
- বাইজান্টাইন সাম্রাজ্যের অধীন সিরিয়ার গুরুত্বপূর্ণ শহর হলো দামেস্ক। মহাবীর খালিদ ইবনে ওয়ালিদ (রা.)-এর নেতৃত্বে এ শহর অবরোধ করা হয়। ফলে এ সময় সেনাপতি আবু ওবায়দার সাথে সন্ধি হয় এবং ৬৩৫ খ্রিষ্টাব্দের সেপ্টেম্বর মাসে দামেস্ক সম্পূর্ণভাবে মুসলমানদের করতলগত হয়। ৬৩৫ খ্রিষ্টাব্দে জর্দান দখলের পর মুসলমানরা সামান্য যুদ্ধের মাধ্যমে হিমস দখল করে। আবু ওবায়দা, আমর এবং খালিদ মাত্র পঁচিশ হাজার মুসলিম সেনা নিয়ে জর্দান তীরে ‘ইয়ারমুকে’ সমবেত হন। এ যুদ্ধে খালিদের হাতে রোমান সেনাপতি থিওডোরাস প্রায় এক লাখ রোমক সেনাসহ নিহত হন। ঐতিহাসিক P.K. Hitti বলেন, ৬৩৭ খ্রিষ্টাব্দে সেনাপতি আমর ফিলিস্তিন জয় করে জেরুজালেম অবরোধ করেন। অবরুদ্ধ রোমান খ্রিষ্টানরা খলিফার উপস্থিতির শর্তারোপ করলে খলিফা উপস্থিত হন। ৬৩৮ খ্রিষ্টাব্দে রোমানদের প্ররোচনায় জর্জিয়া, আর্মেনিয়া ও সাইলিসিয়ায় বিশৃঙ্খলা দেখা দেয়। সেনাপতি আবু ওবায়দা (রা.) অভিযান চালিয়ে এসব অঞ্চল জয় করেন। ফিলিস্তিন জয়ের পর আরব মহাশক্তির লক্ষ্য ছিল মিসর। ৬৩৯ খ্রিষ্টাব্দের ১২ ডিসেম্বর মুসলিম সেনাপতি হযরত আমর ইবনুল আস (রা.) চল্লিশ হাজার সৈন্যের এক বিশাল বাহিনী নিয়ে মিসর জয় করেন। সেনাপতি আমর ইবনুল আস (রা.) বিশ হাজার সৈন্য নিয়ে রোমানদের মিসরস্থ প্রধান সামরিক কেন্দ্র আলেকজান্দ্রিয়া দুর্গ অবরোধ করলে উক্ত দুর্গ মুসলমানদের অধিকারে আসে।

সারসংক্ষেপ : উমর (রা.)-এর রাজ্যবিস্তারের ইতিহাসকে আমরা দু’ভাগে ভাগ করতে পারি। যথা— ক. পারস্য বিজয় এবং খ. রোম সাম্রাজ্য বিজয়।

৪২নং প্রশ্নের উত্তর

- ক** হযরত উসমান (রা.) উমাইয়া গোত্রে জন্মগ্রহণ করেন।
- খ** পার্শ্বি স্বার্থ ও সম্মান লাভের উদ্দেশ্যে ভগ্নবিদের উত্থান হয়েছিল।
- নবুয়তকে লাভজনক ব্যবসা মনে করে কয়েকজন ভগ্নপ্রতারক মিথ্যা নবুয়ত দাবি করেছিল। এসব মিথ্যাবাদী লোক ভেবেছিল নবুয়তের দাবি ইহলৌকিক উন্নতির একটি উত্তম পন্থা। তাই রাসুল (সা.)-এর জীবনের শেষভাগে ইয়েমেনে আসওয়াদ আনাসী, ইয়ামামায় মুসায়লামাতুল কাযযাব নবুয়ত দাবি করে। রাসুল (সা.)-এর ওফাতের পর নজদে তুলায়হা এবং ইরাকে সাজাহ নবুয়ত দাবি করে। এসব ভগ্নবিদের পিছনে বিরাট বিরাট দল জোট বেঁধেছিল। এভাবেই ভগ্নবিদের উদ্ভব হয়েছিল।

সারসংক্ষেপ : পার্শ্বি স্বার্থ ও সম্মান লাভের উদ্দেশ্যে ভগ্নবিদের উত্থান হয়েছিল।

- গ** উদ্বীপকে আবদুল হামিদের বিদ্যালয় সম্প্রসারণের ঘটনাটি হযরত উসমান (রা.)-এর কাবাঘর সম্প্রসারণের কথা স্মরণ করিয়ে দেয়।
- খলিফা হযরত উমর (রা.)-এর খিলাফতকালে কাবা গৃহের সম্প্রসারণের কাজ শুরু হয় এবং খলিফা উসমানের সময় ৬৪৭ খ্রিষ্টাব্দে তা সম্পূর্ণ হয়। কাবা গৃহ সম্প্রসারণের জন্য যাদের জমি নেয়া হয়েছিল তারা উমর (রা.)-এর খিলাফতকালে কোনো ক্ষতিপূরণ দাবি করেনি, কিন্তু হযরত উসমান (রা.)-এর খিলাফত আমলে অধিগ্রহণকৃত জমির ক্ষতিপূরণের দাবিতে তারা বিশৃঙ্খলা শুরু করে। অবশেষে খলিফা তাদের ক্ষতিপূরণ দিতে চাইলেও তারা তা গ্রহণে অস্বীকৃতি জানায় এবং ভীষণ গোলাযোগ চালিয়ে যেতে থাকে। শান্তি ভঙ্গের আশঙ্কায় খলিফা তাদের কারারুদ্ধ করেন। বিদ্রোহীরা এ বিষয়েও খলিফাকে অভিযুক্ত করে এবং নানারূপ কুৎসা রটাতে থাকে।
- উদ্বীপকে আবদুল হামিদ বিদ্যালয়ের সম্প্রসারণের কাজ সম্পূর্ণ করতে গেলে কিছু দুষ্কৃতিকারী জমি দখলের মিথ্যা অভিযোগ আনে। তারা বিদ্যালয়ের কাজে ব্যাঘাত সৃষ্টি করার চেষ্টা করে। কিন্তু তিনি তাদের বাধা উপেক্ষা করে বিদ্যালয়ের অসমাপ্ত কাজ শেষ করেন। যা ইসলামের তৃতীয় খলিফা হযরত উসমান (রা.)-এর কাবাগৃহ সম্প্রসারণের সাথে সাদৃশ্যপূর্ণ।

সারসংক্ষেপ : উদ্বীপকে আবদুল হামিদের বিদ্যালয় সম্প্রসারণের ঘটনাটি হযরত উসমান (রা.) -এর কাবাঘর সম্প্রসারণের কথা স্মরণ করিয়ে দেয়।

- ঘ** হযরত উসমান (রা.) ১২ বছর খিলাফত পরিচালনা করেন। এর মধ্যে প্রথম ৬ বছর খুবই শান্তিশৃঙ্খলা, নিরাপত্তা ও স্থিতিশীলতার মধ্যে চলছিল। পরবর্তী ৬ বছরে ষড়যন্ত্রকারীরা তাঁর বিরুদ্ধে নানা অভিযোগ এনে অরাজকতা ও বিশৃঙ্খলা সৃষ্টি করে।
- হযরত উসমান (রা.)-এর বিরুদ্ধে প্রধান অভিযোগ ছিল স্বজনপ্রীতির। তিনি প্রশাসনে তাঁর আত্মীয়স্বজন ও নিজ বংশের অনভিজ্ঞ লোকদের নিয়োগ দেন। প্রকৃতপক্ষে এ অভিযোগ ছিল ভিত্তিহীন ও মিথ্যা। হযরত আবু জার আল গিফারী (রা.)-কে হযরত উসমান (রা.) নির্বাসনে পাঠাননি। তিনি নিজেই এক নির্জন স্থানে অবস্থান গ্রহণ করেছিলেন। তবুও এ মিথ্যা অভিযোগ তাঁর বিরুদ্ধে আসে।
- হযরত উসমান (রা.)-এর বিরুদ্ধে অর্থ অপচয়, আত্মীয়স্বজনদের অর্থদান ও অমিতব্যয়িতার অভিযোগ করা হয়। বায়তুল মাল আত্মসাত করার কথাটি সম্পূর্ণ ভিত্তিহীন। যে বায়তুল মালের জন্য মহান দানশীল হযরত উসমান (রা.) অকাতরে নিজের ধন-সম্পদ বিলিয়ে দিয়েছেন, তিনি বায়তুল মালের সম্পদের প্রতি লোভ করবেন এটা উদ্ভট কথা। খলিফা মদিনার চারণভূমি বায়তুল মালের পশুর জন্য নির্ধারণ করে দেন এবং জনসাধারণের ব্যবহার নিষিদ্ধ করেন। অভিযোগকারীরা বলে, হযরত উসমান (রা.) এ চারণভূমি ব্যক্তিগত প্রয়োজনে ব্যবহার করেন।
- হযরত উসমান (রা.)-এর বিরুদ্ধে যতগুলো অভিযোগ আনয়ন করা হয়েছে, পবিত্র কুরআন দক্ষীকরণ তার মধ্যে অন্যতম। বিরুদ্ধবাদী ও স্বার্থাশ্রয়ীমূলক এ বলে সাম্রাজ্যে বিশৃঙ্খলা ছড়াতে থাকে যে, খলিফা হযরত উসমান (রা.) আল্লাহর বাণী মহাগ্রন্থ আল কুরআন আগুনে পুড়িয়ে ইসলামের বিরুদ্ধে কাজ করেছেন। কুরআন শরীফ ভস্মীভূত করার অভিযোগ সম্পূর্ণরূপেই ভুল ব্যাখ্যা থেকে এসেছে। তাছাড়া তাঁর বিরুদ্ধে কাবাঘর

সম্প্রসারণের অভিযোগ রয়েছে। উসমান (রা.)-এর বিরুদ্ধে সকল অভিযোগ অসত্য প্রমাণিত হলেও ষড়যন্ত্রকারীর ষড়যন্ত্র থেকে ইসলামের তৃতীয় খলিফা হযরত উসমান (রা.)-এর শেষ রক্ষা হয়নি। পবিত্র কুরআন মাজীদ পাঠরত অবস্থায় তাঁকে নৃশংসভাবে হত্যা করা হয়।

সারসংক্ষেপ : হযরত উসমান (রা.) ১২ বছর খিলাফত পরিচালনা করেন। এর মধ্যে প্রথম ৬ বছর খুবই শান্তি শৃঙ্খলা, নিরাপত্তা ও স্থিতিশীলতার মধ্যে চলছিল। পরবর্তী ৬ বছরে ষড়যন্ত্রকারীরা তাঁর বিরুদ্ধে নানা অভিযোগ এনে অরাজকতা সৃষ্টি করে।

৪৩নং প্রশ্নের উত্তর

ক হযরত উসমান (রা.) ৭০ বছর বয়সে ইসলামের খলিফা নির্বাচিত হন।

খ হযরত উমর (রা.) ইসলামি খিলাফতের খলিফা নির্বাচনের ব্যাপারটি হযরত উসমান, হযরত আলী, হযরত আবদুর রহমান, হযরত তালহা, হযরত যোবায়ের ও হযরত সাদ ইবনে আবী ওয়াক্কাসকে নিয়ে গঠিত 'নির্বাচনি পরিষদের' ওপর ন্যস্ত করেন।

- এর থেকে উৎকৃষ্ট এবং প্রকৃষ্ট পছন্দ আর ছিল না। কেননা বিষয়টি যদি জনসাধারণের হাতে ছেড়ে দেয়া হতো, তাহলে গোলমাল ও মতবিরোধের যথেষ্ট আশংকা ছিল।

সারসংক্ষেপ : হযরত উমর (রা.) তাঁর প্রজ্ঞা দ্বারা বুঝতে পেরেছিলেন যে, মুসলিম জাহানের নেতৃত্ব দেয়া ও নেতৃত্ব নির্বাচনের সর্বাধিক ক্ষমতাসম্পন্ন সাহাবি ছিলেন উসমান, আলী, তালহা, যোবায়ের, আবদুর রহমান ও সাদ ইবনে আবী ওয়াক্কাস (রা.)। তাই এ ছয়জনে তিনি নির্বাচনি পরিষদ সীমাবদ্ধ রাখেন।

গ ইসলামের তৃতীয় খলিফা হযরত উসমান (রা.) নির্বাচিত হওয়ার পদ্ধতিতে মাওলানা মমতাজ সাহেবকে নির্বাচিত ঘোষণা করা হয়। এটি নির্বাচনের একটি অন্যতম পদ্ধতি। আধুনিক নির্বাচন ব্যবস্থার সাথে ইসলামি রাষ্ট্রপ্রধান নির্বাচন নীতির মৌলিক পার্থক্য রয়েছে।

- ইসলামি নির্বাচন ব্যবস্থায় প্রার্থীর যোগ্যতা একটি গুরুত্বপূর্ণ বিষয়। এক্ষেত্রে তাকওয়া, ইসলামি শরীয়ার ওপর গভীর জ্ঞান, নেতৃত্বের গুণাবলি ইত্যাদির প্রতি বিশেষ গুরুত্ব প্রদান করা হয়।
- প্রার্থী মনোনয়নের ব্যাপারে ইসলামি নির্বাচন নীতির একটি মৌলিক বৈশিষ্ট্য রয়েছে। ইসলামি নির্বাচন প্রক্রিয়ায় কোনো ব্যক্তি নিজে প্রার্থী হতে পারে না। এ বিষয়ে রাসূল (সা.) বলেছেন—**أَرْتَأَى الْفَخَاءَ وَسَأَلَ وَكُلَّ إِلَى نَفْسِهِ** অর্থাৎ, যে ব্যক্তি নেতা হতে আগ্রহী এবং তা চায় তাকে তার নফসের দিকে সোপর্দ করা হয়। (তার প্রতি রহমত নাযিল হয় না।) ফলে সে তার দায়িত্ব সুবিচাররূপে সমাধান করতে পারে না। এজন্য ইসলামি নির্বাচন ব্যবস্থায় কেউ প্রার্থী হতে পারে না। নির্বাচনে প্রার্থী হয়ে আত্মপ্রচারণা, বাহাদুরী প্রদর্শন; অসত্য ও মিথ্যা প্রোপাগান্ডা ইত্যাদি ইসলামে সমর্থনযোগ্য নয়। ইসলামি ব্যবস্থায় সাধারণ জনগণ তথা অধিকাংশ জনগণ যাকে তাদের নেতা হিসেবে মনোনীত করবে, সেই প্রার্থী হতে পারবে। অতঃপর জনপ্রতিনিধিগণ ব্যক্তিগত গুণাবলি, আল্লাহভীতি ও যোগ্যতার আলোকে তাদের মধ্য হতে কোনো একজনকে চূড়ান্তভাবে মনোনীত করে জনগণের রায় চাইতে পারেন। বস্তুত খুলাফায়ে রাশেদিনের নির্বাচন প্রক্রিয়া ছিল ঠিক এরূপ।

সারসংক্ষেপ : ইসলামি নির্বাচন ব্যবস্থায় কেউ প্রার্থী হতে পারে না। জনগণ যাকে তাদের নেতা হিসেবে মনোনীত করবে, সে-ই প্রার্থী হতে পারবে।

ঘ উদ্বীপকে হযরত উসমান (রা.)-কে খলিফা নির্বাচিত ঘোষণা করার প্রতি ইঙ্গিত করা হয়েছে। মুসলিম জাহানের দ্বিতীয় খলিফা হযরত উমর (রা.)-এর শাহাদাতের পূর্বে সাহাবিগণ তাঁর কাছে উসমান (রা.)-কে পরবর্তী খলিফা নিযুক্তির আবেদন জানান।

- খলিফা প্রথমে তাঁদের আবেদনে সাড়া দেননি। পুনরায় তাঁরা আবেদন জানালে হযরত উমর (রা.) তাঁর পরবর্তী খলিফা নিযুক্তির একটি পরিকল্পনা পেশ করেন। হযরত উমর (রা.) বললেন, আমি খিলাফতের জন্য তাঁদের অধিক যোগ্য মনে করি, যাঁদের প্রতি রাসূল (সা.) আমৃত্যু সন্তুষ্ট ছিলেন। এরপর তিনি ইহজগতে জান্নাতের 'সুসংবাদপ্রাপ্ত দশ সাহাবি'-এর অন্তর্গত ছয়জন সাহাবির সমন্বয়ে একটি 'নির্বাচনি বোর্ড' গঠন করে দেন।
- নির্বাচনি পরিষদের সদস্যবৃন্দ ছিলেন— হযরত উসমান, আলী, যোবায়ের, আবদুর রহমান ইবনে আউফ, তালহা ও সাদ ইবনে আবু ওয়াক্কাস (রা.)। নির্বাচনি পরিষদের সদস্যবৃন্দ প্রাথমিকভাবে উসমান, আলী ও আবদুর রহমান (রা.)-কে নির্বাচিত করেন। আবদুর রহমান (রা.) নিজের অধিকার ত্যাগ করেন। তিনি আলী ও উসমান (রা.)-কে নির্বাচনের বিষয়টি তাঁর হাতে ছেড়ে দেয়ার অনুরোধ জানালে আলী ও উসমান (রা.) সম্মতি প্রকাশ করেন।

- আবদুর রহমান (রা.) সমাজের বিভিন্ন স্তরের লোকদের সঙ্গে এ বিষয়ে মতবিনিময় করেন। অধিকাংশই উসমান (রা.)-এর নিযুক্তির পক্ষে রায় দেন। ঐতিহাসিক আমীর আলীর মতে, রাষ্ট্রের বেশির ভাগ লোকের রায় অনুযায়ী হযরত আবদুর রহমান (রা.) হযরত উসমান (রা.)-কে খলিফা ঘোষণা করেন এবং সর্বপ্রথম নিজে তাঁর হাতে বাইয়াত গ্রহণ করেন। এভাবে হযরত উসমান (রা.) মুসলিম উম্মাহর তৃতীয় খলিফা নির্বাচিত হন।

সারসংক্ষেপ : হযরত উসমান (রা.) ছিলেন রাসূল (সা.)-এর ঘনিষ্ঠজন ও জামাতা। ইসলামের জন্য হযরত উসমানের দান ছিল অপরিমিত। এ কারণে হযরত উমর (রা.)-এর ইন্তেকালের পর তৎকালীন জীবিত সকল সাহাবির মধ্যে হযরত উসমান (রা.)-কে মুসলিম জাহানের খলিফা হিসেবে নিয়োগ দেয়া হয়।

৪৪নং প্রশ্নের উত্তর

ক হযরত উসমান (রা.) ২৪ হিজরীর ১ মুহররম খিলাফতের দায়িত্ব গ্রহণ করেন।

খ হযরত উসমান (রা.)-এর বিরুদ্ধে বিভিন্ন অভিযোগ আনা হয়। কিন্তু ঐতিহাসিকভাবে উক্ত অভিযোগগুলোর কোনো সত্যতা প্রমাণিত হয়নি।

- হযরত উসমান (রা.)-এর ওপর আনিত অভিযোগগুলোর মধ্যে অন্যতম হলো যোগ্য ও অভিজ্ঞ শাসনকর্তাদের পরিবর্তে অনভিজ্ঞ আত্মীয়-স্বজনকে গুরুত্বপূর্ণ পদে নিয়োগ দান তথা স্বজনপ্রীতি। আত্মীয়-স্বজনদের বায়তুল মাল হতে অর্থ প্রদান তথা বায়তুল মালের অর্থ অপচয়। চারণ ভূমির ব্যক্তিগত ব্যবহার। বিশিষ্ট সাহাবি হযরত আবু জর গিফারী (রা.)-কে নির্বাসন। কুরআন মাজীদে অগ্নিসংযোগ। কা'বা শরীফের সম্প্রসারণ এবং কারো কারো ভাতা বন্ধ প্রভৃতি।

সারসংক্ষেপ : হযরত উসমান (রা.)-এর বিরুদ্ধে বিভিন্ন অভিযোগ আনা হয়। কিন্তু ঐতিহাসিকভাবে উক্ত অভিযোগগুলোর কোনো সত্যতা প্রমাণিত হয়নি।

গ উদ্দীপকে আবদুস সাত্তারের ঘটনাটি ইসলামের চতুর্থ খলিফা হযরত আলী (রা.)-এর ঘটনার সঙ্গে সাদৃশ্য রয়েছে। কেননা বিদ্রোহীরা হযরত আলী (রা.)-কে খিলাফত গ্রহণের অনুরোধ জানিয়েছিল।

• হযরত উসমান (রা.) বিদ্রোহীদের হাতে শাহাদাতের পর বিদ্রোহীরাই হযরত আলী (রা.)-কে খিলাফতের দায়িত্ব গ্রহণের আহ্বান জানান। হযরত আলী (রা.) প্রথমে অস্বীকৃতি জানালেও পরে মদিনার বিশিষ্ট নাগরিকদের অনুরোধে খিলাফতের দায়িত্ব গ্রহণ করেন। উসমান হত্যার প্রকৃত খুনীদেরকে চিহ্নিত করার জন্য বিচার প্রক্রিয়া বিলম্বিত হয়। এতে হযরত মুয়াবিয়া (রা.) তার বিরুদ্ধে দুষ্কৃতকারীদেরকে প্রশ্রয়দানের অভিযোগ উত্থাপন করেন।

• উদ্দীপকের দিকে লক্ষ্য করলে দেখা যায়, চন্দননগর রাজ্যের জমিদার বিদ্রোহীদের হাতে খুন হন। অতঃপর বিদ্রোহীদের মধ্যেই কিছু অংশ আবদুস সাত্তারকে সিংহাসনে আরোহণের আহ্বান জানান। তাঁর ক্ষমতা গ্রহণ ও প্রকৃত খুনীদেরকে চিহ্নিতকরণ সমস্যায় বিচার শুরু কিছুটা বিলম্বিত হয়। হযরত তালহা (রা.) ও হযরত যোবায়ের (রা.)-এর দাবি ছিল যে, খলিফা তাত্ত্বিকভাবে হযরত উসমান (রা.)-এর হত্যাকারীদের শাস্তি প্রদান করবেন। কিন্তু হযরত উসমান (রা.)-এর হত্যা কোনো ব্যক্তি বিশেষের কাজ ছিল না। এর সাথে কুফা, বসরা ও মিসরের অনেক লোক জড়িত ছিল। তাছাড়া তখনকার পরিস্থিতি এমনতেই ছিল জটিল ও সংকটময়। এমতাবস্থায় খলিফা বিদ্রোহীদের বিরুদ্ধে ব্যবস্থা নেননি। এতে হযরত তালহা (রা.) ও হযরত যোবায়ের (রা.) অসন্তুষ্ট হয়ে হযরত আলী (রা.)-এর বিরুদ্ধাচরণ শুরু করেন।

সারসংক্ষেপ : উদ্দীপকের আবদুস সাত্তারের কার্যক্রম ইসলামের চতুর্থ খলিফা হযরত আলী (রা.)-এর কার্যক্রমের সঙ্গে সাদৃশ্য রয়েছে। কেননা বিদ্রোহীরা হযরত আলী (রা.)-কে খিলাফত গ্রহণের অনুরোধ জানিয়েছিল।

ঘ উক্ত ঘটনার প্রেক্ষিতেই উল্লেখ্য যুদ্ধ সংঘটিত হয়েছিল- উক্তিটি যথার্থ।

• ইসলামের ইতিহাসের এক বেদনাদায়ক ঘটনা হলো উল্লেখ্য যুদ্ধ। হযরত উসমান (রা.)-এর শাহাদাত লাভের পর একটি অস্থিতিশীল অবস্থা বিরাজ করছিল। আর এই চরম সংকটময় মুহূর্তে হযরত আলী (রা.) খিলাফতের দায়িত্ব গ্রহণ করেন। তিনি উসমান (রা.)-এর প্রকৃত হত্যাকারীদের সনাক্ত করে উপযুক্ত বিচারের পক্ষপাতি ছিলেন। তবে তাঁর হত্যাকারীদেরকে চিহ্নিত করা কিছুটা সময় সাপেক্ষ ব্যাপার ছিল। কিন্তু হযরত তালহা (রা.), যোবায়ের (রা.) ও আয়েশা (রা.) দ্রুত উসমান (রা.) হত্যার বিচার করার জন্য হযরত আলী (রা.)-কে চাপ দিতে থাকেন। ফলে উভয় পক্ষের মতবিরোধের কারণে উল্লেখ্য যুদ্ধের সূচনা হয়।

• উদ্দীপকে আবদুস সাত্তার জমিদারি পরিচালনার ভার গ্রহণ করে তাঁর পূর্ববর্তী জমিদার হত্যার বিচার বিলম্বিত করায় প্রাদেশিক শাসনকর্তা আজাদ রহমান তার বিরুদ্ধে খুনীদেরকে আশ্রয়দানের অভিযোগ করেন। ফলে উভয়ের মধ্যে পারস্পরিক ভুল বুঝাবুঝির রেশ ধরে উভয়পক্ষ সংঘর্ষে লিপ্ত হয়। যেমনটি হযরত উসমান (রা.)-এর হত্যাকে কেন্দ্র করে হযরত আলী (রা.) এবং হযরত তালহা, হযরত জুবাইর ও হযরত আয়েশা (রা.)-এর মধ্যে ভুল বুঝাবুঝির সৃষ্টি হয়ে উল্লেখ্য যুদ্ধ সংঘটিত হয়।

• উল্লেখ্য যুদ্ধ ইসলামের ইতিহাসে সর্বপ্রথম গৃহযুদ্ধ। এ যুদ্ধে মুসলমানগণ একে অপরের বিরুদ্ধে অস্ত্রধারণ করে রক্তপাতের সূচনা করে এবং যুগযুগ ধরে স্বার্থ-সংঘাত, গোত্রীয় দ্বন্দ্ব, রাজনৈতিক লিপ্সা প্রভৃতি কারণে এটা চলতে থাকে। এ যুদ্ধে হযরত আয়েশা (রা.) বিদ্রোহীদের দ্বারা আক্রান্ত হলে তাঁর নিরাপত্তার জন্য কমপক্ষে ৪,৭০০ সৈন্য, হযরত তালহা (রা.), হযরত যোবায়ের (রা.) এবং অন্যান্য সাহাবিদের শাহাদাত ইসলামের পক্ষে মারাত্মক ক্ষতি বয়ে আনে। প্রকৃতপক্ষে এ বিজয় হত্যাকারীদেরই বিজয়। কারণ, তাদের উদ্ধানি ও প্ররোচনায় হযরত আলী (রা.) ও হযরত আয়েশা (রা.)-এর মধ্যে ভুল বুঝাবুঝি হয়। হযরত আয়েশা (রা.) উল্লেখ্য পৃষ্ঠে উপবেশন করে যুদ্ধ পরিচালনা করেন বলে এ যুদ্ধকে 'উল্লেখ্য যুদ্ধ' বলা হয়।

সারসংক্ষেপ : উক্ত ঘটনার প্রেক্ষিতেই উল্লেখ্য যুদ্ধ সংঘটিত হয়েছিল। ইসলামের ইতিহাসের এক বেদনাদায়ক ঘটনা হলো উল্লেখ্য যুদ্ধ।

৪৫নং প্রশ্নের উত্তর

ক শিয়া অর্থ দল। ইসলামের ইতিহাসে সাধারণত হযরত আলী (রা.)-এর দল শিয়া নামে পরিচিত। এরা প্রথমে রাজনৈতিক দল হিসেবে আত্মপ্রকাশ করলেও পরে ধর্মীয় মাধ্যমে পরিণত হয়।

খ ইসলাম অর্থ হলো আত্মসমর্পণ করা, নিজেকে সঁপে দেয়া। আর মুসলিম অর্থ হলো আত্মসমর্পণকারী। ইসলামের বিধিবিধানের সামনে নিজেকে সঁপে দেয়া এবং এর জন্য নিজেকে উৎসর্গ করাই ইসলামের দাবি। সে হিসেবে হযরত আবু বকর (রা.) ইসলাম গ্রহণের পর নিজেকে এর জন্য উৎসর্গ করেছিলেন।

• তদুপরি ইসলামের জন্য জান ও মালের কুরবানির মাধ্যমে নিজেকে উৎসর্গ করা আল্লাহ তায়ালা সফলতার মাধ্যম বলে আল কুরআনে ঘোষণা করেছেন। এজন্য হযরত আবু বকর (রা.) ইসলামের জন্য নিজেকে উৎসর্গ করেন।

সারসংক্ষেপ : জান, মাল ও সময়ের কুরবানি স্বীকার করে সর্বাত্মক আত্মসমর্পণের নাম ইসলাম। তাই তিনি তাঁর সবকিছু উৎসর্গ করেছিলেন।

গ উদ্দীপকটি হযরত আলী (রা.)-কে স্মরণ করিয়ে দেয়। রাসুল (সা.)-এর পর মুসলমানদের নেতৃত্বের হাল ধরেন খুলাফায়ে রাশেদিন। তখন মুসলমানরা ঐক্যের সুতায় আবদ্ধ থেকে শান্তিতেই ছিল কিন্তু হযরত আলী (রা.)-এর নির্মম শাহাদাতবরণ মুসলিম বিশ্বকে অভিভাবকহীন করে দেয়।

• রাসুল (সা.) মুসলিম বিশ্বের সর্বশ্রেষ্ঠ অভিভাবক ছিলেন। তাঁর ওফাতের পর মুসলমানদের অভিভাবকত্বের দায়িত্ব কাঁধে এসে পড়ে হযরত আবু বকর (রা.)-এর ওপর। তারপর পর্যায়ক্রমে হযরত উমর, উসমান ও আলী (রা.) ইসলামি বিশ্বের নেতৃত্বে আসেন এবং অত্যন্ত দক্ষতার সাথে তাঁরা দায়িত্ব পালন করেন।

• হযরত আলী (রা.)-এর শাহাদাতের পর থেকে মুসলিম বিশ্ব হয়ে পড়ে অভিভাবকহীন। মুসলিম বিশ্ব আজ চাতক পাখির মতো তাকিয়ে আছে একজন অভিভাবকের দিকে। যিনি তাদের সঠিক নেতৃত্ব দিয়ে নিয়ে যাবেন চূড়ান্ত লক্ষ্য উদ্দেশ্যের দিকে। মুসলমানরা যেখানে ফেলবে স্বষ্টি ও শান্তির নিঃশ্বাস।

সারসংক্ষেপ : রাসুল (সা.)-এর পর মুসলমানদের নেতৃত্বের হাল ধরেন খুলাফায়ে রাশেদিন। তখন মুসলমানরা ঐক্যের সুতায় আবদ্ধ থেকে শান্তিতেই ছিল; কিন্তু আলী (রা.)-এর নির্মম শাহাদাতবরণ মুসলিম বিশ্বকে অভিভাবকহীন করে দেয়।

ঘ উদ্দীপকে উভয়পক্ষ ত্যাগকারী দলটি ইতিহাসে খারেজী নামে পরিচিত। খারেজী শব্দটি আরবি خروج থেকে আগত। যার অর্থ, দল ত্যাগ করা, বের হওয়া। সুতরাং খারেজী অর্থ দলত্যাগী। এরাই ইসলামের ইতিহাসে সর্বপ্রথম ধর্মীয় রাজনৈতিক দল।

- ইতিহাস বিশ্লেষণ করলে দেখা যায়, সিফফীনের যুদ্ধে একদল লোক হযরত আলী (রা.)-এর পক্ষ ত্যাগ করে। এতে আলী (রা.) তাদের সহানুভূতি থেকে বঞ্চিত হন। এদেরকেই খারেজী বা বিচ্ছিন্নতাকামী বলা হয়। খারেজীদের মতবাদ প্রধান দুটি ভাগে বিভক্ত। যথা- ক. ধর্মীয় মতবাদ, খ. রাজনৈতিক মতবাদ।
- খারেজীদের মতে, ইসলাম ও ঈমান একই বিষয়। কোনো অন্যায়ে লিপ্ত নয় এমন প্রকৃত ব্যক্তিই ইসলামের অন্তর্ভুক্ত। খারেজীরা নিজেদের সুবিধার্থে কুরআনের পারিভাষিক অর্থ গ্রহণ না করে শাব্দিক অর্থ গ্রহণ করে। সূরা ইউসুফে প্রেম উপাখ্যান বর্ণিত হওয়ায় খারেজীরা এ সূরাকে কুরআনের অন্তর্ভুক্ত বলে মানে না। তাদের ধারণা প্রেম উপাখ্যানের মতো হাক্কা বিষয় কুরআনের মতো পবিত্র গ্রন্থে অন্তর্ভুক্ত হতে পারে না। খলিফা নির্বাচন ও খিলাফত পরিচালনায় খারেজীরা চরম গণতন্ত্রমণা। তাদের মতে, খলিফা জনগণ কর্তৃক নির্বাচিত হবে। খারেজীরা রাজতন্ত্রের ঘোর বিরোধী। তাই তারা উমাইয়াদের শত্রু হিসেবে গণ্য করতো।
- لَا حُكْمَ إِلَّا لِلَّهِ তথা আল্লাহর হুকুম ছাড়া কোনো হুকুম নেই—এটা খারেজীদের প্রধান রাজনৈতিক মতবাদ। ইতিহাসবিদ খোদা বখশ বলেন, খারেজীদের মতে, জনগণের ন্যায্য স্বার্থবিরোধী অথবা দ্বীনবিরোধী কার্যকলাপে লিপ্ত হলে জনতা খলিফাকে ক্ষমতাচ্যুত করতে পারে। যে সকল অমুসলিম বলত, হযরত মুহাম্মাদ (সা.) আমাদের জন্য নয়; বরং আরবদের জন্য প্রেরিত নবি, খারেজীরা তাদেরও মুসলমানদের সমপর্যায়ের মনে করতো। এ থেকে প্রমাণিত হয়, তারা মূলত রাজনীতিতে অতিমাত্রায় অযৌক্তিক উদারতা ও সহনশীলতায় বিশ্বাসী ছিল।

সারসংক্ষেপ : দুমাতুল জন্দলের মীমাংসার আলোকে ক্ষিপ্ত হয়ে যে বারো হাজার মুসলমান হযরত আলী (রা.)-এর দল ত্যাগ করে চলে যায়, তাদেরকে খারেজী বলা হয়।

৪৬নং প্রশ্নের উত্তর

ক ৬৫৬ খ্রিষ্টাব্দে উষ্ট্রের যুদ্ধ সংঘটিত হয়।

খ আমীরে মুয়াবিয়া (রা.)-এর পুত্র ইয়াজিদে প্ররোচনায় ইমাম হাসান (রা.)-এর স্ত্রী তাঁকে বিষ প্রয়োগ করেছিলেন।

- ইমাম হাসান (রা.) ও আমীরে মুয়াবিয়ার মধ্যে সন্ধিচুক্তি স্বাক্ষরিত হলে পারস্পরিক রক্তারক্তির অব্যাহত ধারা বন্ধ হয়। সারাদেশে শান্তি, নিরাপত্তা ও স্থিতিশীলতার পরিবেশ সৃষ্টি হয়। খিলাফতের দাবি পরিহারের নয় বছর পর ৪৯ হিজরী মতান্তরে ৫০ হিজরীতে স্বীয় স্ত্রী কর্তৃক বিষ প্রয়োগে ইমাম হাসান (রা.) ইন্তেকাল করেন। তাঁর মৃত্যু সম্পর্কে যে বিষয়টি অধিক খ্যাত তা হলো, হযরত ইমাম হাসানের স্ত্রী জাদাহ বিনতে আশআম তাঁর খাবারে বিষ প্রয়োগ করেছিল।

সারসংক্ষেপ : আমীরে মুয়াবিয়ার পুত্র ইয়াজিদে প্ররোচনায় ইমাম হাসান (রা.)-এর স্ত্রী তাঁকে বিষ প্রয়োগ করেছিলেন।

গ শিক্ষক মহোদয় ইসলামের ইতিহাসের আলোকে এবং তাঁর দীর্ঘদিনের শিক্ষকতা পেশার গবেষণালব্ধ তথ্য অনুযায়ী যথাযথ উত্তর প্রদান করবেন।

- শিয়া শব্দের শাব্দিক অর্থ দল। ইসলামের ইতিহাসে হযরত আলী (রা.)-এর অনুসারীরা শিয়া নামে পরিচিত। প্রাথমিক পর্যায়ে শিয়া মতবাদে বিশ্বাসীরা রাজনৈতিক দল হিসেবে আত্মপ্রকাশ করলেও পরবর্তীতে তা ধর্মীয় মাযহাবে পরিণত হয়। সূক্ষ্মভাবে ইসলামের ইতিহাস পর্যালোচনা করলে দেখা যায় যে, কারবালার মর্মান্তিক ঘটনাই শিয়া মতবাদের উৎপত্তির একমাত্র কারণ নয়; বরং একথা সত্য যে, কারবালার ঘটনার পরপরই শিয়া মতবাদের অনুসারীরা মাথাচাড়া দিয়ে ওঠে।
- মহানবি (সা.)-এর ওফাতের পর তাঁর জামাতা হযরত আলী (রা.) খলিফা হবেন এমন আশাপোষণ করেছিল তৎকালীন সময়ের কতিপয় লোক। রাসূল (সা.)-এর ইন্তেকালের পর খলিফা হিসেবে হযরত আবু বকর (রা.)-এর নির্বাচনের সময় শিয়া আন্দোলনের বীজ অঙ্কুরিত হয়। খিলাফতের দায়িত্বে হযরত আবু বকর (রা.) অধিষ্ঠিত হলে তাদের স্বপ্ন অঙ্কুরেই বিনষ্ট হয়। হযরত মুয়াবিয়া (রা.)-এর পুত্র ইয়াজিদ ইমাম হোসাইন ও তাঁর অনুসারীদেরকে অত্যন্ত পাষাণিক কায়দায় নির্মমভাবে হত্যা করলে শিয়া মতবাদের লোকেরা অত্যন্ত ক্ষিপ্ত হয়ে প্রকাশ্যে আন্দোলন চালাতে থাকে। উপরিউক্ত আলোচনা হতে প্রমাণিত হয়, কারবালার মর্মান্তিক ঘটনাই শিয়া মতবাদের উৎপত্তির একমাত্র কারণ নয়। উদ্দীপকের শিক্ষক মহোদয় সম্ভাব্য উপরিউক্ত উত্তর প্রদান করবেন বলে আমি মনে করি।

সারসংক্ষেপ : রাসূল (সা.)-এর ওফাতের পরেই শিয়া মতবাদের উৎপত্তি হয় এবং কারবালার মর্মান্তিক ঘটনার সময় উক্ত দলটি রাজনৈতিক দলে পরিণত হয়।

ঘ শিয়া মতবাদ এমন একটি দল, যা প্রথমে রাজনৈতিক দল হিসেবে প্রতিষ্ঠিত হলেও পরবর্তীতে ধর্মীয় মাযহাবে পরিণত হয়। শিয়া মতবাদের অনুসারীগণ হযরত আলী (রা.)-এর অন্ধভক্ত ছিলেন।

- শিয়া মতবাদ পর্যালোচনা করলে দেখা যায় যে, মহানবি (সা.)-এর পর হযরত আলী (রা.)-এর খিলাফতের স্বীকৃতি এবং আলী (রা.) ও ফাতেমা (রা.) বংশধরদের মধ্যে পুরুষাণুক্রমিক খিলাফতের অধিকার। শিয়াদের মতে, ইমামত বা নেতৃত্বে হযরত মুহাম্মাদ (সা.)-এর বংশধরদের বংশগত অধিকার এবং সে কারণে তা হযরত আলী (রা.) ও তাঁর পত্নী নবি-নন্দিনী হযরত ফাতেমা (রা.)-এর বংশধরদের মধ্যে সীমাবদ্ধ। ইমামতের মতবাদ শিয়াদের নিকট ঈমানের অন্যতম স্তম্ভ হিসেবে বিবেচিত হয়। শিয়ারা কালিমায়ে তাইয়েবা, “লা ইলাহা ইল্লাল্লাহ মুহাম্মাদুর রাসূলুল্লাহ”-এর সঙ্গে আলী খলিফাতুল্লাহ কথটি সংযোজন করে থাকে।
- উদ্দীপকের আলোকে বলা যায়, শিয়ারা মনে করেন, ইমাম মুসলিম সমাজের একচ্ছত্র নেতা। তিনি আল্লাহ কর্তৃক নিযুক্ত এবং তাঁর নির্বাচনের ব্যাপারে মানুষের কোনো অধিকার নেই। কারণ মানুষের নির্বাচন কখনো কখনো ত্রুটিপূর্ণ হয়। শিয়ারা আরও ধারণা পোষণ করে যে, দ্বাদশ ইমাম মুহাম্মাদ আল মুনতাজার ‘মাহদী’ হয়ে সত্যিকার ইসলামের পুনরুদ্ধার সমগ্র বিশ্বজয় ও কিয়ামতের পূর্ববর্তী সহস্রাব্দের সূচনা করার জন্য

আবির্ভূত হবেন। শিয়া মতবাদের অনুসারীরা আরও বিশ্বাস করে যে, হযরত আলী (রা.) হযরত মুহাম্মাদ (সা.)-এর নিকট থেকে আধ্যাত্মিক শক্তির আলোক প্রাপ্ত হয়েছিলেন।

- উপরিউক্ত আলোচনার প্রেক্ষিতে বলা যায় যে, হযরত আলী (রা.)-এর সমর্থকরা তাঁকে খিলাফতের প্রথম খলিফা বানানোর প্রয়াসে গোপনভাবে কার্যক্রম পরিচালনা করলেও পরবর্তীতে তারা রাজনৈতিক দল হিসেবে প্রতিষ্ঠা লাভ করে। হযরত মুহাম্মাদ (সা.)-এর ওফাতের পর পরই শিয়া মতবাদের উৎপত্তি হলেও তা স্বার্থকতা লাভ করে কারবালার মর্মান্তিক ঘটনার সময়। শিয়া মতবাদ রাজনৈতিক দল হিসেবে প্রতিষ্ঠিত হবার পর পরবর্তীতে তা ধর্মীয় মাধ্যমে পরিণত হয়। ইসলামের সুন্নি মাযহাবের সাথে শিয়া মাযহাবের অনেক পার্থক্য বিদ্যমান।

সারসংক্ষেপ : ইসলামের সুন্নি মতবাদের সাথে শিয়া মতবাদের অনেক পার্থক্য বিদ্যমান।

চতুর্থ অধ্যায় : ভারতীয় উপমহাদেশে মুসলমানদের আগমন

৪৭নং প্রশ্নের উত্তর

- ক গজনি বংশের প্রতিষ্ঠাতা সবুজগীন।
- খ মুহাম্মদ বিন বখতিয়ার খলজীর তীক্ষ্ণ বুদ্ধি এবং উন্নত রণকৌশলের কারণে বঙ্গ বিজয় সহজ হয়েছিল।
- ১২০৪ খ্রিষ্টাব্দে বখতিয়ার খলজী অশু বিক্রেতার ছদ্মবেশে মাত্র ১৮ জন অশ্বারোহী নিয়ে আকস্মিকভাবে লক্ষণ সেনের রাজধানী নদীয়া আক্রমণ করেন এবং রাজপ্রাসাদের রক্ষীদের হত্যা করেন। মুসলিম সেনাপতির অতর্কিত আক্রমণের খবর পেয়ে মধ্যাহ্নভোজে ব্যস্ত রাজা লক্ষণ সেন প্রাসাদের পশ্চাৎ দিকের দরজা দিয়ে প্রাণভয়ে নদীপথে পলায়ন করেন। বখতিয়ার খলজীর পশ্চাৎভাগের বিশাল সেনাবাহিনী থাকলেও তাদের আগমনের পূর্বেই তিনি বুদ্ধি খাটিয়ে কতিপয় অশ্বারোহীর সাহায্যে দুর্বল রাজাকে বিতাড়িত করেন এবং বিনা যুদ্ধে নদীয়া জয় করেন।

সারসংক্ষেপ : মুহাম্মদ বিন বখতিয়ার খলজীর তীক্ষ্ণ বুদ্ধি এবং উন্নত রণকৌশলের কারণে বঙ্গ বিজয় সহজ হয়েছিল।

- গ উদ্দীপকে সোমালীয় ধর্মীয় গোষ্ঠীর অবস্থা মুসলিম বিজয়ের পূর্বে ভারতের হিন্দু ধর্মীয় গোষ্ঠীর অবস্থার সাথে সাদৃশ্যপূর্ণ।
- মুসলিম বিজয়ের প্রাক্কালে প্রাচীনকালে উত্তর ভারতে তিনটি প্রধান ধর্ম প্রচলিত ছিল। যথা— বৌদ্ধ, জৈন ও হিন্দুধর্ম। হিন্দুধর্ম ছিল ভারতের প্রধান ধর্ম। ভারতের অধিকাংশ অঞ্চলের রাজাই ছিলেন হিন্দু এবং তারা হিন্দুধর্মের পৃষ্ঠপোষক ছিলেন। হিন্দুধর্মের লোকেরা নিজেদেরকে উঁচু জাতি মনে করতো। পঞ্চম ও ষষ্ঠ শতাব্দীতে শক, কুষাণ, হুক প্রভৃতি বৈদেশিক জাতি ভারতীয় উপমহাদেশে আগমন করে। তাদের প্ররোচনায় হিন্দু সমাজে জাতিভেদ ও বর্ণভেদ প্রথা প্রকট আকার ধারণ করে। ব্রাহ্মণরা উচ্চ মর্যাদার অধিকারী হওয়ায় অন্যান্য ধর্মের মানুষকে শোষণ করতো। জনগণকে ধর্মীয় জ্ঞানে অজ্ঞ রেখে ব্রাহ্মণরা গোটা সমাজে শোষণের জাল ছড়িয়ে দিয়েছিল।
- উদ্দীপকের সোমালিয়ার একটি ধর্মীয় গোষ্ঠীর প্রধানরা জনসাধারণের উপর নির্ধাতন চালায়। তাদের ধর্মগুরুদের একচেটিয়া মনগড়া কালাকানুন দ্বারা সাধারণ মানুষকে কোনাঠাসা

করে রাখে। ফলে তারা সামাজিক ও অর্থনৈতিকভাবে খুবই ক্ষতিগ্রস্ত হয়। যা উপরে আলোচিত মুসলিম বিজয়ের পূর্বে হিন্দু ধর্মীয় গোষ্ঠীর অবস্থার সাথে সাদৃশ্যপূর্ণ।

সারসংক্ষেপ : উদ্দীপকে সোমালীয় ধর্মীয় গোষ্ঠীর অবস্থা মুসলিম বিজয়ের পূর্বে ভারতের হিন্দু ধর্মীয় গোষ্ঠীর অবস্থার সাথে সাদৃশ্যপূর্ণ।

- ঘ উদ্দীপকে সাইবানী খানের ভূমিকা আরবদের সিন্ধু অভিযানকারী সেনাপতি মোহাম্মদ বিন কাসিমের সাথে তুলনা করা যায়।
- আরবিয় মুসলমানরা এদেশে সর্বপ্রথম ন্যায়নীতি ও উদারতার ভিত্তিতে শ্রেণিহীন এক নতুন সমাজ গঠনে ভারতবাসীকে উদ্বুদ্ধ করেছিল। মুসলমানদের আগমনের ফলে এদেশে বর্ণভেদের কঠোরতা হ্রাস পায় এবং নিম্নশ্রেণির হিন্দু কুশাসনের ভীতি হতে উত্তরণের প্রেরণা লাভ করে। ইসলামের সাম্য ও মৈত্রীর আদর্শ এদেশের অধিবাসীদের মধ্যে শান্তি ও স্বস্তি আনয়ন করেছিল।
- উদ্দীপকে এক পর্যায়ে মধ্য-প্রাচ্যের মুসলিম নেতা সাইবানী খান তার অনুসারীদের নিয়ে সোমালিয়ায় নির্ধাতিত জনগোষ্ঠীর পাশে দাঁড়ান। তার প্রচারিত ইসলামের সাম্যের কথা শুনে অন্যান্য নির্ধাতিত ধর্মাবলম্বীরা তাদের পূর্বের ধর্ম ছেড়ে ইসলাম ধর্মে দীক্ষিত হয়। ফলে উভয় জাতির শিক্ষা-সংস্কৃতির আদান-প্রদানের মাধ্যমে তারা সহাবস্থানে থেকে সমাজে একটি বিরাট পরিবর্তন আনে। তদ্রূপ মুহাম্মদ বিন কাসিম যখন ভারত বর্ষে অভিযান করে সিন্ধু জয় করেন তখন ভারতীয় উপমহাদেশে ইসলামের শাশ্বত বাণী ছড়িয়ে পড়ে। তার বিজয়ের সূত্র ধরে পরবর্তীকালে যে সকল আউলিয়া ও পীর দরবেশ এদেশে ধর্ম প্রচারে ব্রতী হন। এদের সাম্য, মৈত্রী, সহিষ্ণুতা, উদারতা হিন্দু সম্প্রদায়কে আকৃষ্ট করে এবং তারা দলে দলে ইসলামের পতাকা তলে সমবেত হন।
- পরিশেষে বলা যায় উদ্দীপকে সাইবানী খানের সাথে আরবদের অভিযানকারী মোহাম্মদ বিন কাসিমের সাথে সাদৃশ্যতা বিদ্যমান।

সারসংক্ষেপ : উদ্দীপকে সাইবানী খানের ভূমিকা আরবদের সিন্ধু অভিযানকারী সেনাপতি মোহাম্মদ বিন কাসিমের সাথে তুলনা করা যায়।

৪৮নং প্রশ্নের উত্তর

- ক ইসলামের দ্বিতীয় খলিফা হযরত উমর (রা.)-এর সময় থেকে ভারত অভিযানের প্রচেষ্টা শুরু হয়।
- খ জাতিভেদ প্রথার কারণে মুসলিম অভিযানের পূর্বে ভারতে হিন্দু সমাজে ঐক্যের অভাব ছিল।
- অষ্টম শতাব্দীর প্রারম্ভে হিন্দু সমাজ মূলত চারটি স্তরে বিভক্ত হয়ে পড়ে। যথা— ব্রাহ্মণ, ক্ষত্রিয়, বৈশ্য ও শূদ্র। হিন্দুরা এ চতুর্ভুক্ত ছাড়া অবশিষ্ট সকলকে শ্লেচ্ছ বা অপবিত্র মনে করতো। সমাজে ব্রাহ্মণ ও ক্ষত্রিয়দের প্রবল প্রতাপ ছিল। পার্শ্বব সব সুখ সম্পদ ভোগের অধিকারী ব্রাহ্মণগণ ধর্মকর্ম, যাগযজ্ঞ ও আচার অনুষ্ঠানে নিয়োজিত থাকত। আইন কানুন প্রণয়ন ও শাসন দণ্ড পরিচালনায় তারা অত্যধিক কার্যকর ভূমিকা পালন করতো। হিন্দু সমাজের এ বর্ণ বৈষম্য বা শ্রেণিভেদ তাদেরকে দুর্বল করে রেখেছিল। প্রকৃত পক্ষে এ সামাজিক অসাম্যই জাতীয় চেতনার উন্মেষের পরিপন্থি; ঐক্য ও সংহতির পথে প্রতিবন্ধকতা সৃষ্টি করতো।

সারসংক্ষেপ : জাতিভেদ প্রথার কারণে মুসলিম অভিযানের পূর্বে ভারতে হিন্দু সমাজে ঐক্যের অভাব ছিল।

- গ** দৃশ্যপট-১ এর ঘটনার সাথে আরবদের সিন্ধু বিজয়ের যে কারণের মিল রয়েছে তা হলো- ভারতীয় শাসন কর্তাদের বৈরী মনোভাব।
- ৬৩৬-৩৭ খ্রিষ্টাব্দে ইসলামের দ্বিতীয় খলিফা উমর (রা.)-এর আমলে মুসলমানগণ ভারত অভিযানের প্রথম প্রচেষ্টা শুরু করে। কিন্তু দূরভিযানের বিপদ এবং দুঃখ-দুর্দশার কথা বিবেচনা করে সে প্রচেষ্টা ব্যর্থ হয়। চতুর্থ খলিফা আলী (রা.) এবং মুয়াবিয়া (রা.)-এর শাসনামলেও চেষ্টা করা হয়। সর্বশেষ বিখ্যাত উমাইয়া খলিফা আল-ওয়ালিদ বিন-আবদুল মালিকের শাসনামলে পূর্বাঞ্চলীয় প্রদেশের শাসনকর্তা হাজ্জাজ বিন ইউসুফের আত্মপুত্র ও জামাতা মুহাম্মদ বিন কাসিমের নেতৃত্বে ভারতের সিন্ধু ও মূলতান অঞ্চলে মুসলমানদের অধিকার প্রতিষ্ঠিত হয়।
 - হাজ্জাজ বিন ইউসুফকে পূর্বাঞ্চলীয় গভর্নর নিযুক্ত করা হলে কতিপয় আরব বিদ্রোহী সীমান্ত অতিক্রম করে সিন্ধু রাজা দাহিরের নিকট আশ্রয় লাভ করে। হাজ্জাজ বিদ্রোহীদের প্রত্যাশনের দাবি জানালে রাজা দাহির তা প্রত্যাখ্যান করে। তাছাড়া উমাইয়াদের পারস্য অভিযানের সময় সিন্ধুর শাসনকর্তা পারস্যবাসীদের সৈন্য দিয়ে সাহায্য করেছিল। ভারতীয় হিন্দু রাজাদের বৈরী মনোভাব ও সামরিক উচ্চাঙ্কিতে উমাইয়া খিলাফতের প্রতি হুমকি এবং খলিফা ওয়ালিদ ও গভর্নর হাজ্জাজের রাজ্য জয়ের ইচ্ছাই মুসলমানদের সিন্ধু অভিযানে ইন্ধন যোগায়। দৃশ্যপট-১ এ ইজ্জত আলীর বিজয়ে ইউনিয়নের কিছু দুষ্কৃতিকারী পার্শ্ববর্তী ইউনিয়নে পালিয়ে আশ্রয় নেয়। তিনি পার্শ্ববর্তী ইউপি চেয়ারম্যানকে অনুরোধ জানান অপরাধীদের ফেরত পাঠাতে। কিন্তু তিনি কোনো ইতিবাচক সাড়া না পেয়ে উভয়ের মধ্যে দ্বন্দ্ব শুরু হয়। যা সিন্ধু অভিযানের সাথে সাদৃশ্য রয়েছে।
- সারসংক্ষেপ :** দৃশ্যপট-১ এর সাথে আরবদের সিন্ধু বিজয়ে ভারতীয় শাসন কর্তাদের বৈরী মনোভাবের সাদৃশ্য পাওয়া যায়।
- ঘ** দৃশ্যপট-২ এ বর্ণিত ঘটনাকে আরবদের সিন্ধু বিজয়ের প্রত্যক্ষ কারণ বলে আমি মনে করি।
- প্রাচীনকাল থেকেই ভারতীয় উপমহাদেশের সাথে আরব বণিকদের বাণিজ্যিক যোগসূত্র ছিল। সিন্ধুর সামুদ্রিক বন্দর দেবলের নিকট জলদস্যু কর্তৃক মুসলমানদের বাণিজ্যিক জাহাজ লুণ্ঠনই ছিল সিন্ধু অভিযানের প্রধান ও প্রত্যক্ষ কারণ।
 - কথিত আছে আরব বণিকদের পরিবার-পরিজন ও উপটোকন নিয়ে আটটি জাহাজ সিংহল হতে আরবের পথে রওয়ানা হলে দেবল বন্দরের নিকট জলদস্যু কর্তৃক জাহাজগুলো লুণ্ঠিত ও পরিবার পরিজন বন্দি হবার খবর শুনে হাজ্জাজ মর্মান্বিত হয়ে দ্রব্য ও বন্দিদের ফেরত দেয়ার এবং অপরাধীদের শাস্তি প্রদানের অনুরোধ জানিয়ে দাহিরকে পত্র পাঠান। কিন্তু রাজা দাহির তাতে অসম্মতি জানালে হাজ্জাজ ক্ষুব্ধ হয়ে খলিফা ওয়ালিদের অনুমতিক্রমে সিন্ধু বিজয়ের উদ্দেশ্যে প্রথমে ওবায়দুল্লাহ ও পরে বদাইলের নেতৃত্বে পর পর দুটি অভিযান প্রেরণ করে ব্যর্থ হলে ৭১২ খ্রিষ্টাব্দে মুহাম্মদ বিন কাসিমের নেতৃত্বে তৃতীয় অভিযান প্রেরণ করেন। মুহাম্মদ বিন কাসিম সিন্ধু রাজা দাহিরকে পরাজিত করে সিন্ধু জয় করেন।
 - দৃশ্যপট-২ এ ঠাণ্ডু সাহেবের কোম্পানির কাঁচামাল বোঝাই কয়েকটি কার্গো মঙ্গু সাহেবের কারখানার পাশ দিয়ে যাওয়ার সময় ছিনতাইকারী কর্তৃক লুটপাট হয়। এ অবস্থায় ঠাণ্ডু সাহেব

মঙ্গু সাহেবকে পণ্যগুলো ফিরিয়ে দিতে আহ্বান জানালেও কোনো সুরাহা হয়নি। ফলে ঠাণ্ডু সাহেব মঙ্গু সাহেবের কারখানার বিরাট ক্ষতি সাধন করে। এ ঘটনাটির সাথে আরবদের সিন্ধু বিজয়ের প্রত্যক্ষ কারণের যথেষ্ট সাদৃশ্য পাওয়া যায়।

সারসংক্ষেপ : দৃশ্যপট-২ এ বর্ণিত ঘটনাকে আরবদের সিন্ধু বিজয়ের প্রত্যক্ষ কারণ বলে আমি মনে করি।

৪৯নং প্রশ্নের উত্তর

- ক** সুলতান মাহমুদ ১৭ বার ভারত অভিযান করেছিলেন।
- খ** ভারতবর্ষে মুসলিম শাসনের ভিত্তি স্থাপিত হয় মুহাম্মদ বিন কাসিমের সিন্ধু বিজয়ের (৭১২ খ্রিষ্টাব্দ) মধ্য দিয়ে।
- আরব সেনাপতি মুহাম্মদ বিন কাসিম উমাইয়া খলিফা আল-ওয়ালিদ বিন আবদুল মালিকের আদেশে সিন্ধু অঞ্চল জয় করে সেখানে ইসলামী শাসন প্রতিষ্ঠা করেন। রাজা দাহিরকে পরাজিত করে তিনি সিন্ধু ও মূলতান অধিকার করেন। এই বিজয় ভারতীয় উপমহাদেশে মুসলিম শাসনের সূচনা করে। যদিও এটি সমগ্র ভারতবর্ষে মুসলিম শাসন প্রতিষ্ঠা করেনি, তবুও এটি ভারতীয় উপমহাদেশে ইসলামের প্রাথমিক বিস্তার ও পরবর্তী মুসলিম শাসকদের জন্য একটি ভিত্তি তৈরি করে। পরবর্তীতে সুলতান মাহমুদ গজনভি (১১শ শতক) এবং মুহাম্মদ ঘুরী (১১৯২ খ্রিষ্টাব্দে তরাইনের দ্বিতীয় যুদ্ধ বিজয়) এর মাধ্যমে মুসলিম শাসন সম্প্রসারিত হয়। তাই মুহাম্মদ বিন কাসিমের সিন্ধু বিজয়কেই ভারতবর্ষে মুসলিম শাসনের সূচনা বা ভিত্তি হিসেবে বিবেচনা করা হয়।
- সারসংক্ষেপ :** ভারতবর্ষে মুসলিম শাসনের ভিত্তি স্থাপিত হয় মুহাম্মদ বিন কাসিমের সিন্ধু বিজয়ের (৭১২ খ্রিষ্টাব্দ) মধ্য দিয়ে।
- গ** উদ্দীপকের ঘটনা-১ এ পঞ্চায়েত প্রধানের ভূমিকা মুসলিম বিজয়ের পূর্বে ভারতের প্রশাসনিক অবস্থার সাথে সাদৃশ্যপূর্ণ।
- মুসলিম বিজয়ের পূর্বে ভারতের প্রশাসনিক অবস্থার ক্ষেত্রে দেখা যায়, সে সময়ে ভারতবর্ষের শাসন ব্যবস্থায় রাজাই ছিলেন সর্বস্বা। সকলক্ষেত্রে তাঁর মতামতই ছিল চূড়ান্ত। তিনি ন্যায় বিচারেরও উৎস ছিলেন। সাম্রাজ্য বিভিন্ন প্রদেশে বিভক্ত ছিল। প্রত্যেক প্রদেশ আবার কতকগুলো জেলায় বিভক্ত ছিল। দেশের শাসন ব্যবস্থায় পল্লীগ্রাম ছিল সর্বনিম্ন ইউনিট।
 - উদ্দীপকের ঘটনা-১ এ জনাব 'ক' পঞ্চায়েত কমিটির প্রধান হিসেবে ছিলেন এলাকার প্রভাবশালী ব্যক্তি। তিনি যে-কোনো ঘটনায় নিজের মতো করেই বিচার করতেন। তার কথাই ছিলো সেখানে আইন। পুরো এলাকাকে কয়েকটি ভাগে ভাগ করে সেখানে তার নিয়ন্ত্রণ প্রতিষ্ঠা করেন। যা উপরে আলোচিত প্রাক মুসলিম যুগের ভারতের প্রশাসনিক ব্যবস্থার সাথে সাদৃশ্যপূর্ণ।
- সারসংক্ষেপ :** উদ্দীপকের ঘটনা-১ এ পঞ্চায়েত প্রধানের ভূমিকা মুসলিম বিজয়ের পূর্বে ভারতের প্রশাসনিক অবস্থার সাথে সাদৃশ্যপূর্ণ।
- ঘ** উদ্দীপকের ঘটনা-২ এ চাঁদপুরের পুলিশ সুপার কুমিল্লার পুলিশ সুপারকে আন্তরিকভাবে সহযোগিতা করেন। কিন্তু সিন্ধুর রাজা দাহির পূর্বাঞ্চলীয় গভর্নর হাজ্জাজকে কোনো সহযোগিতা করেননি। এদিক থেকে উভয়ের কার্যাবলি বৈসাদৃশ্যপূর্ণ।
- উমাইয়া খলিফা প্রথম ওয়ালিদের সময় হাজ্জাজ-বিন-ইউসুফকে পূর্বাঞ্চলীয় গভর্নর নিযুক্ত করা হয়। এ সময় কতিপয় আরব

বিদ্রোহী সীমান্ত অতিক্রম করে সিদ্ধু রাজা দাহিরের নিকট আশ্রয় লাভ করে। হাজ্জাজ বিদ্রোহীদের প্রত্যার্ণের দাবি জানালে রাজা দাহির তা প্রত্যাখ্যান করেন।

- পক্ষান্তরে উদ্দীপকের ঘটনা-২ এ দেখা যায়, কুমিল্লার পুলিশ সুপার সন্তোষী কার্যকলাপের সাথে জড়িত অপরাধীদের ব্যাপারে অভিযান শুরু করলে তারা পাশের জেলা চাঁদপুরে আশ্রয় গ্রহণ করে। তাদের গ্রেফতারে সহযোগিতা চাইলে চাঁদপুরের পুলিশ সুপার আন্তরিকভাবে সহযোগিতা করেন। যা রাজা দাহিরের কার্যক্রমের সম্পূর্ণ বিপরীত।
- আবার প্রাচীনকাল থেকেই ভারতীয় উপমহাদেশের সাথে আরব বণিকদের বাণিজ্যিক যোগসূত্র ছিল। কথিত আছে আরব বণিকদের পরিবার পরিজন ও উপটৌকন নিয়ে আটটি জাহাজ সিংহল হতে আরবের পথে রওয়ানা হলে দেবল বন্দরের নিকট জলদস্যু কর্তৃক জাহাজগুলো লুণ্ঠিত ও পরিবার পরিজন বন্দী হবার খবর শুনে হাজ্জাজ মর্মান্বিত হয়ে দ্রব্য ও বন্দীদের ফেরত দেওয়ার এবং অপরাধীদের শাস্তি প্রদানের অনুরোধ জানিয়ে দাহিরকে পত্র পাঠান। কিন্তু রাজা দাহির তাতে অসম্মতি জানালে হাজ্জাজ ক্রুদ্ধ হয়ে খলিফা ওয়ালিদদের অনুমতিক্রমে সিদ্ধু বিজয়ের উদ্দেশ্যে সৈন্যবাহিনী প্রেরণ করেন। যা উদ্দীপকের ঘটনার পুরোপুরি বিপরীত। সুতরাং বলা যায়, উদ্দীপকের ঘটনা-২ এ চাঁদপুরের পুলিশ সুপারের কার্যাবলি সিদ্ধুর রাজা দাহিরের কার্যাবলির সাথে সহযোগিতার দিক থেকে বৈসাদৃশ্যপূর্ণ।

সারসংক্ষেপ : উদ্দীপকের ঘটনা-২ এ চাঁদপুরের পুলিশ সুপার কুমিল্লার পুলিশ সুপারকে আন্তরিকভাবে সহযোগিতা করেন। কিন্তু সিদ্ধুর রাজা দাহির পূর্বাবস্থায় গভর্নর হাজ্জাজকে কোনো সহযোগিতা করেননি। এদিক থেকে উভয়ের কার্যাবলি বৈসাদৃশ্যপূর্ণ।

৫০নং প্রশ্নের উত্তর

ক ৬৩৬-৩৭ খ্রিষ্টাব্দে ইসলামের দ্বিতীয় খলিফা হযরত উমর (রা.)-এর আমলে মুসলমানগণ ভারত অভিযানের প্রথম প্রচেষ্টা শুরু করেন।

খ সুলতান মাহমুদ স্বীয় ভ্রাতাকে পরাজিত করে গজনির সিংহাসনে আরোহণ করেন।

- সুলতান মাহমুদ ৯৭১ খ্রিষ্টাব্দে জন্মগ্রহণ করেন। বাল্যকালে তিনি যুদ্ধবিদ্যা, শাসন পদ্ধতি এবং রাজনীতিবিদ্যা সম্পর্কে যথেষ্ট শিক্ষা ও অভিজ্ঞতা লাভ করেন। পিতার মৃত্যুর পর স্বীয় ভ্রাতা ইসমাইলকে পরাজিত ও কারারুদ্ধ করে ৯৯৭ খ্রিষ্টাব্দে ২৬ বছর বয়সে মাহমুদ গজনির সিংহাসনে আরোহণ করেন।

সারসংক্ষেপ : সুলতান মাহমুদ স্বীয় ভ্রাতাকে পরাজিত করে গজনির সিংহাসনে আরোহণ করেন।

গ উদ্দীপকের ঘটনা-১ মুহাম্মদ বিন কাসিমের সিদ্ধু বিজয়ের সামাজিক ফলাফলের সাথে সাদৃশ্যপূর্ণ।

- সিদ্ধু বিজয়ের ফলে আরববাসী সর্বপ্রথম এই দেশীয় হিন্দু সম্প্রদায়ের সংস্পর্শে আসে। হিন্দু ও মুসলমান দুটি ভিন্নজাতির সহাবস্থানের ফলে দেশের সমাজ ব্যবস্থায় বিরাট পরিবর্তন সাধিত হয়। সামাজিক জীবনে তারা একে অন্যের রাজনীতি অনেকাংশে গ্রহণ করে। আর সৈনিকদের মধ্যে অনেকেই সিদ্ধু দেশে বসতি স্থাপন করে সিদ্ধু রমণীদের বিবাহ করে। এভাবে আর্য এবং সেমিটিক জাতির সংমিশ্রণে একটি নতুন জাতির উদ্ভব ঘটে। এ

উদ্ভূত জাতিই ভারতে পরবর্তীকালে ইন্দো-আরবিয় সভ্যতা ও সংস্কৃতির ধারক ও বাহক হিসেবে ইতিহাসে খ্যাতি অর্জন করেছিল।

- উদ্দীপকের ঘটনা-১ এ দেখা যায়, মেঘনার ভাঙনে অনেক মানুষ বাড়িঘর হারিয়ে খাগড়াছড়ি পার্বত্য এলাকায় আশ্রয় নেয়। সেখানে তারা ঘরবাড়ি নির্মাণ করে বসবাস করতে থাকে। একসময় পার্বত্য এলাকায় তারা বিয়ে-শাদী করে স্থায়ী হয়ে যায়। যেভাবে আরব সৈনিকরা সিদ্ধু রমণীদের বিবাহ করে সিদ্ধুতে স্থায়ীভাবে বসবাস করে নতুন সমাজ গড়ে তুলেছিল। সুতরাং বলা যায়, উদ্দীপকের ঘটনা-১ সিদ্ধু বিজয়ের সামাজিক ফলাফলের সাথে সাদৃশ্যপূর্ণ।

সারসংক্ষেপ : উদ্দীপকের ঘটনা-১ মুহাম্মদ বিন কাসিমের সিদ্ধু বিজয়ের সামাজিক ফলাফলের সাথে সাদৃশ্যপূর্ণ।

ঘ উদ্দীপকের ঘটনা-২ এর মতো সিদ্ধুতেও একইরূপ প্রভাব পড়েছিল— উক্তিটির সাথে আমি একমত।

- ভারতবর্ষের ইতিহাসে সিদ্ধু বিজয় নিঃসন্দেহে একটি তাৎপর্যপূর্ণ ঘটনা। এই বিজয় আরবিয় মুসলমানদের জন্য দক্ষিণ এশিয়ার সামুদ্রিক বাণিজ্যের পথকে প্রসারিত ও সুগম করে তুলেছিল। আরবদের প্রভাবে সিদ্ধুর বিভিন্ন এলাকায় কয়েকটি বাণিজ্য কেন্দ্রেও স্থাপিত হয়।

- আরব বণিকদের সাথে ধর্মপ্রচারকগণ অনেক পূর্বকাল থেকে এদেশে আগমন করলেও সিদ্ধু অভিযানের পরই তারা সমগ্র ভারতীয় উপমহাদেশে ইসলামের শাস্ত্রত বাণী ছড়িয়ে দেন। এই বিজয়ের সূত্র ধরে পরবর্তীকালে যে সকল আউলিয়া ও পীর-দরবেশ এই দেশে ধর্ম প্রচারে ব্রতী হন তাঁদের মধ্যে দিল্লির হযরত নিজামুদ্দিন আউলিয়া (র), আজমীরের খাজা মঈন উদ্দিন চিশতী (র), চট্টগ্রামের বায়েজিদ বোস্তামী (র), বগুড়ার সৈয়দ মাহমুদ সরওয়ার (র), সিলেটের হযরত শাহজালাল (র), রংপুরের হযরত কারামত আলী (র) প্রমুখের নাম সবিশেষে উল্লেখযোগ্য। এদের প্রচারিত সাম্য, মৈত্রী, সহিষ্ণুতা ও উদারতা নির্ঘাতিত হিন্দু সম্প্রদায়কে আকৃষ্ট করে এবং তারা দলে দলে ইসলামের পতাকাতে সমবেত হয়। বস্তুতঃ এই ভারতীয়, আরবিয় ও পারসিক চিন্তাধারার সংযোগেই সুফী মতবাদ ভারতীয় উপমহাদেশে বিস্তার লাভ করে।

- উদ্দীপকের ঘটনা-২ এ দেখা যায়, তুর্কী সেনাবাহিনী একসময় গ্রিসে অভিযান চালায়। সেনাবাহিনীর অভিযানের সূত্র ধরে তুরস্ক থেকে কিছু আলেম-ওলামা গ্রিসে যায়। তারা সেখানে সাধারণ মানুষকে ইসলামের দিকে আহ্বান জানালে অনেকেই ইসলাম ধর্ম গ্রহণ করেন। অনুরূপভাবে উপরের আলোচনাতেও দেখা যায়, সিদ্ধু বিজয়ের পর অনেক আউলিয়া ও পীর দরবেশ ভারত উপমহাদেশে ধর্ম প্রচারে ব্রতী হন। তাদের আহ্বানে সাড়া দিয়ে হিন্দু সম্প্রদায় দলে দলে ইসলামের পতাকাতে সমবেত হয়। সুতরাং বলা যায়, প্রশ্নোক্ত উক্তিটি যথার্থ।

সারসংক্ষেপ : উদ্দীপকের ঘটনা-২ এর মতো সিদ্ধুতেও একইরূপ প্রভাব পড়েছিল— উক্তিটির সাথে আমি একমত।

৫১নং প্রশ্নের উত্তর

ক গজনীতে হিন্দুদের বসবাসের জন্য পৃথক কলোনী স্থাপন করেন সুলতান মাহমুদ।

খ মুসলিম সংস্কৃতির ওপর সিন্ধু বিজয়ের ফলাফল ছিল গভীর ও সুদূরপ্রসারী। হিন্দু ধর্ম, দর্শন, আয়ুর্বেদশাস্ত্র, জ্যোতির্বিদ্যা, গণিত, সংগীত, লোকগীতি, সাহিত্য, দাবা, ছাপত্য, চিত্রশিল্প প্রভৃতি বিষয়ে আরবিয়গণ ভারতীয়দের নিকট হতে প্রভূত জ্ঞান লাভ করে।

- আরবের বহু শিক্ষার্থী এ দেশে আগমন করে বিভিন্ন শাস্ত্রাদি সম্পর্কে জ্ঞানার্জন করে। সংস্কৃত ভাষায় লিখিত ভারতীয় বহু গ্রন্থ আরবি ভাষায় অনূদিত হয়। আরবরা ভারতীয়দের কাছ থেকেই গাণিতিক সংখ্যা সম্পর্কিত জ্ঞান লাভ করেছিল। সুতরাং বলা যায়, আরবদের সিন্ধু জয় মুসলিম সংস্কৃতিতে এক তাৎপর্যপূর্ণ প্রভাব রেখেছিল।

সারসংক্ষেপ : মুসলিম সংস্কৃতির ওপর সিন্ধু বিজয়ের ফলাফল ছিল গভীর ও সুদূরপ্রসারী। হিন্দু ধর্ম, দর্শন, আয়ুর্বেদশাস্ত্র, জ্যোতির্বিদ্যা, গণিত, সংগীত, লোকগীতি, সাহিত্য, দাবা, ছাপত্য, চিত্রশিল্প প্রভৃতি বিষয়ে আরবিয়গণ ভারতীয়দের নিকট হতে প্রভূত জ্ঞান লাভ করে।

গ উদ্দীপকের 'ক' রাষ্ট্র যুদ্ধ পরিচালনা করতে গিয়ে ভারতের মুসলিম অভিযানকারী সুলতান মাহমুদের কর্মকাণ্ড অনুসরণ করেন।

- সুলতান মাহমুদ ছিলেন একজন সুদক্ষ সেনানায়ক ও প্রখ্যাত বিজেতা। কঠোর অনুশীলন, প্রশিক্ষণ ও শৃঙ্খলার দ্বারা তিনি একটি সুশিক্ষিত ও সুসজ্জিত সেনাবাহিনী গড়ে তোলেন। তাই হিন্দু বাহিনী মুসলমানদের অপেক্ষা সংখ্যাগরিষ্ঠ হওয়া সত্ত্বেও অনৈক্য, অসাম্য ও অরাজকতা তাদের সামরিক ও রাজনৈতিক ক্ষমতাকে বিনষ্ট করে দেয়, যা মাহমুদের বিজয়ে সহায়ক হয়েছিল। তাছাড়া সকল যুদ্ধে সুলতান মাহমুদের স্বয়ং উপস্থিতি মুসলিম সৈন্যদের মনে উৎসাহ, উদ্দীপনার সঞ্চার করতো। ফলে তাদের বিজয়লাভ সহজতর হয়। একদিকে জেহাদের মর্মবাণী ও ধর্মীয় পুণ্যলাভের প্রেরণা এবং অপরদিকে যুদ্ধলব্ধ দ্রব্যসামগ্রী লাভের আকাঙ্ক্ষা মুসলিম সেনাবাহিনীকে মৃত্যুভয় তুচ্ছজ্ঞান করে নেতার আদেশ পালনে উৎসাহিত, অনুপ্রাণিত এবং শত্রুর বিরুদ্ধে অজেয় করে তোলে।

- উদ্দীপকে দেখা যায়, 'ক' ও 'খ' রাষ্ট্রের মধ্যে যুদ্ধে 'ক' রাষ্ট্র বিজয়লাভ করে। 'ক' রাষ্ট্রের বিজয়ের মূলে দেখা যায়, তাদের সেনাবাহিনীর উন্নত প্রশিক্ষণের পাশাপাশি আধুনিক যুদ্ধাস্ত্র, সেনাবাহিনীর শৃঙ্খলা, প্রধান সেনাপতির সাধারণ সেনাদের সাথে যুদ্ধের ময়দানে সরাসরি উপস্থিতি। এই বিষয়গুলো উপরে আলোচিত সুলতান মাহমুদের কর্মকাণ্ডের সাথে সাদৃশ্যপূর্ণ। সুতরাং বলা যায়, উদ্দীপকের 'ক' রাষ্ট্র যুদ্ধ পরিচালনা করতে গিয়ে সুলতান মাহমুদের অনুসরণ করেন।

সারসংক্ষেপ : উদ্দীপকের 'ক' রাষ্ট্র যুদ্ধ পরিচালনা করতে গিয়ে ভারতের মুসলিম অভিযানকারী সুলতান মাহমুদের কর্মকাণ্ড অনুসরণ করেন।

ঘ উক্ত অভিযানকারীর অর্থাৎ সুলতান মাহমুদের ভারত অভিযানের সোমনাথ অভিযানকে আমি শ্রেষ্ঠ মনে করি।

- সুলতান মাহমুদের সোমনাথ বিজয়ের তাৎপর্য ছিল অপরিসীম। কেননা গজনীকে সমৃদ্ধিশালী নগরীতে পরিণত করার পেছনে সোমনাথ স্থানের ভূমিকা ছিল খুবই গুরুত্বপূর্ণ।
- সোমনাথ বিজয় ছিল সুলতান মাহমুদের জন্য এক তাৎপর্যপূর্ণ ঘটনা। সোমনাথে যুগ যুগ ধরে হিন্দুদের সঞ্চিত অফুরন্ত ধনরত্নসমৃদ্ধ একটি মন্দির ছিল। সুলতান মাহমুদ এই সোমনাথ মন্দির আক্রমণ করলে মন্দিরের পুরোহিতগণ অনেক চেষ্টা করেও

তা রক্ষা করতে পারেনি। ফলে সুলতান মাহমুদ এই সোমনাথ মন্দির থেকে প্রচুর ধনরত্ন সংগ্রহ করেন।

- সুলতান মাহমুদ একটি বিরাট সৈন্য বাহিনী পুষতেন। সৈন্যদের বেতন দেওয়া এবং সাম্রাজ্যের উন্নয়নের জন্য এ সম্পদ প্রয়োজন ছিল। সোমনাথ মন্দির থেকে সংগৃহীত ধনরত্ন দিয়ে সুলতান মাহমুদ গজনীকে একটি সুন্দর ও মনোরম নগরীতে সাজান। তিনি গজনীকে একটি সমৃদ্ধিশালী নগরীতে পরিণত করেন। তিনি গজনীকে চাকচিক্যপূর্ণ স্বপ্নপুরীতে পরিণত করেন। গজনীর অর্থনীতি একটি শক্তিশালী ভিত্তির ওপর প্রতিষ্ঠিত হয়। সুতরাং বলা যায়, সুলতান মাহমুদের সোমনাথ অভিযানের তাৎপর্য অপরিসীম।

সারসংক্ষেপ : উক্ত অভিযানকারীর অর্থাৎ সুলতান মাহমুদের ভারত অভিযানের সোমনাথ অভিযানকে আমি শ্রেষ্ঠ মনে করি।

৫২নং প্রশ্নের উত্তর

ক ভারতীয় উপমহাদেশে সর্বপ্রথম মুসলিম সাম্রাজ্য প্রতিষ্ঠা করেন মুহাম্মদ ঘুরী।

খ ভৌগোলিক অবস্থাগত কারণে ৩৩৬-৩৭ খ্রিষ্টাব্দে ইসলামের দ্বিতীয় খলিফা হযরত উমর (রা.)-এর আমলে মুসলমানগণ ভারত অভিযানের প্রথম প্রচেষ্টা শুরু করেও ব্যর্থ হন।

- সুদূর আরব থেকে ভারতীয় উপমহাদেশ অনেক দূরে অবস্থিত। দূরাভিযানের বিপদ এবং দৃগুখ-দুর্দশার কথা বিবেচনা করে হযরত উমর (রা.) ভারত অভিযানের সিদ্ধান্ত গ্রহণ করেও পরবর্তীতে তা প্রত্যাহার করেন। পরবর্তীতে চতুর্থ খলিফা হযরত আলী (রা.) এবং উমাইয়া খলিফা মুয়াবিয়া (রা.)-এর শাসনামলেও অভিযানের চেষ্টা করা হয় কিন্তু পথের দূরত্ব, দুর্গমপথ পাড়ি দেওয়া ও মুসলিম সৈন্যদের দৃগুখ-দুর্দশার কথা চিন্তা করে অভিযান স্থগিত করা হয়। পরবর্তীতে একই কারণে ওয়ায়দুল্লাহ ও বদায়েবের নেতৃত্বে পরপর দুটি অভিযান প্রেরণ করেও আরবরা সিন্ধু অভিযানে ব্যর্থ হয়।

সারসংক্ষেপ : ভৌগোলিক অবস্থাগত কারণে ৩৩৬-৩৭ খ্রিষ্টাব্দে ইসলামের দ্বিতীয় খলিফা হযরত উমর (রা.)-এর আমলে মুসলমানগণ ভারত অভিযানের প্রথম প্রচেষ্টা শুরু করেও ব্যর্থ হন।

গ উদ্দীপকের ড. জহিরুল আলম সিদ্দিকীর কৈশোর জীবনের সাথে মুসলিম শাসক কুতুবউদ্দিন আইবেকের মিল রয়েছে।

- ক্রীতদাস হিসেবে কুতুবউদ্দীনকে অতি বাল্যকালে নিশাপুরের কাজি ফখরউদ্দীন আবদুল আজীজ কুফী ক্রয় করেন এবং তার সন্তানদের সাথে প্রশাসনিক এবং সামরিক শিক্ষা দান করেন। পিতার মৃত্যুর পর কাজির সন্তানেরা তাঁকে একজন বণিকের নিকট বিক্রয় করে এবং কুতুবউদ্দীন গজনীতে আনীত হলে মুইজউদ্দীন তাঁকে ক্রয় করেন। স্বীয় মেধা এবং অধ্যবসায়ের বলে তিনি অতি অল্প সময়ে মুইজউদ্দীন মুহাম্মদ ঘুরীর অধীনে দায়িত্বপূর্ণ পদে অধিষ্ঠিত হন। ক্রমে তিনি আমীল আকুব বা আন্তাবলের প্রধান নিযুক্ত হন। মুহাম্মদ ঘুরীর ভারত অভিযানে তিনি সক্রিয়ভাবে অংশগ্রহণ করেন এবং এর পুরস্কার স্বরূপ তরাইনের দ্বিতীয় যুদ্ধের পর সুলতান গজনীতে প্রত্যাবর্তন করলে তিনি ভারতের অধিকৃত অঞ্চলের দায়িত্বভার লাভ করেন। উদ্দীপকে আমরা লক্ষ করি ড. জহিরুল আলম সিদ্দিকী একজন বাংলাদেশি বিজ্ঞানী। ক্যান্সার রোগ প্রথম পর্যায়ে শনাক্তকরণের ডিভাইস আবিষ্কার করে বিশ্বব্যাপী প্রশংসিত

৫৩নং প্রশ্নের উত্তর

- হয়েছেন সিলেটের এই কৃতি সন্তান। অভাবের সংসারে জন্ম হলেও দারিদ্রকে তিনি জয় করেছেন আপন মেধা, নিষ্ঠা ও যোগ্যতা দিয়ে। চরম দারিদ্রের কারণে কৈশোরে তিনি বিভিন্ন মানুষের বাড়িতে থেকে লেখাপড়া চালিয়ে যান। বিশ্ববিদ্যালয়ের শিক্ষকদের নির্দেশনা ও পরামর্শ কাজে লাগিয়ে সফলতা লাভ করেন অস্টেলিয়া প্রবাসী এ বিজ্ঞানী। লজিং মাস্টার হিসেবে পড়াশুনা শুরু করা ডা. জহিরুল আজ বিশ্বব্যাপী পরিচিত।
- উপরিউক্ত আলোচনা থেকে প্রতীয়মান হয় যে, উদ্দীপকের ড. জহিরুল আলম সিদ্দিকীর কৈশোর জীবনের সাথে মুসলিম শাসক কুতুবউদ্দিন আইবেকের মিল রয়েছে।

সারসংক্ষেপ : উদ্দীপকের ড. জহিরুল আলম সিদ্দিকীর কৈশোর জীবনের সাথে মুসলিম শাসক কুতুবউদ্দিন আইবেকের মিল রয়েছে।

- ঘ** ‘ড. জহিরুলের বিভিন্ন দেশে কাজ করার সুযোগ পাওয়া যেন কুতুবউদ্দীন আইবেকের ভারতের বিভিন্ন অঞ্চল বিজয়েরই প্রতিচ্ছবি।’— উক্তিটির সাথে আমি সম্পূর্ণ একমত।
- কুতুবউদ্দীন আইবেক সামান্য ক্রীতদাস থেকে স্বীয় মেধা অধ্যবসায়ের গুণে বিশাল ভারতীয় সম্রাজ্যের অধিপতি হওয়ার দুর্লভ গৌরব অর্জন করেন। বাল্যকালে নানা দুঃখ-দুর্দশার মধ্য দিয়ে জীবন অতিবাহিত হলেও স্বীয় যোগ্যতায় তিনি মহান কৃতিত্বের অধিকারী হন।
 - কুতুবউদ্দীন ১১৯৩-৯৪ খ্রিষ্টাব্দে মিরাট, হানসী, দিল্লি, রণখম্ভোর, কোইল অধিকার করেন এবং ১১৯৪ খ্রিষ্টাব্দে মুহাম্মদ ঘুরীর সাথে যুগ্ম অভিযানে কনৌজ দখল করেন। ১১৯৬-১২০২ খ্রিষ্টাব্দের মধ্যে বারানসী, কালিঞ্জর, গুজরাট, কনৌজ, মাহোবা প্রভৃতি অঞ্চলে মুসলিম আধিপত্য প্রতিষ্ঠিত হয়। যা সমগ্র ভারতবর্ষে মুসলিম সাম্রাজ্য প্রতিষ্ঠার পথকে সুগম করে। পরবর্তীতে তার অধীনে বখতিয়ার খলজী বাংলা বিজয় করলে এবং মুলতান ও উচের অধিপতী নাসির উদ্দীন কুবচা তার আনুগত্য প্রকাশ করলে তিনি নিজেকে দিল্লির স্বাধীন সুলতান হিসেবে ঘোষণা করেন। ফলে ভারতে স্বাধীন সালতানাতের সূচনা হয়। উদ্দীপকে আমরা লক্ষ করি চরম দারিদ্রের কারণে কৈশোরে বিভিন্ন মানুষের বাড়িতে থেকে লেখাপড়া চালিয়ে যান বাংলাদেশি বিজ্ঞানী ড. জহিরুল আলম সিদ্দিকী। বিশ্ববিদ্যালয়ের শিক্ষকদের নির্দেশনা ও পরামর্শ কাজে লাগিয়ে সফলতা লাভ করেন অস্টেলিয়া প্রবাসী এ বিজ্ঞানী। লজিং মাস্টার হিসেবে পড়াশুনা শুরু করা ডা. জহিরুল আজ বিশ্বব্যাপী পরিচিত। ইংল্যান্ড আমেরিকাসহ বিভিন্ন দেশ ড. জহিরুলকে সে দেশে কাজ করার জন্য আমন্ত্রণ জানাচ্ছে। এ বিষয়ে তাঁর অনুভূতি জানতে চাইলে ড. জহিরুল বলেন, “আমার কাছে মনে হচ্ছে আমি একটার পর একটা রাজ্য জয় করার আমন্ত্রণ পাচ্ছি।”
 - উপরিউক্ত আলোচনা শেষে সুস্পষ্টভাবে প্রমাণিত হয় যে, ড. জহিরুলের বিভিন্ন দেশে কাজ করার সুযোগ পাওয়া যেন ভারতীয় উপমহাদেশের স্বাধীন সালতানাতের প্রতিষ্ঠাতা কুতুবউদ্দিন আইবেকের বিভিন্ন অঞ্চল বিজয়েরই প্রতিচ্ছবি।

সারসংক্ষেপ : ‘ড. জহিরুলের বিভিন্ন দেশে কাজ করার সুযোগ পাওয়া যেন কুতুবউদ্দীন আইবেকের ভারতের বিভিন্ন অঞ্চল বিজয়েরই প্রতিচ্ছবি।’— উক্তিটির সাথে আমি সম্পূর্ণ একমত।

ক মুহাম্মদ ঘুরী কুতুবউদ্দিন আইবেককে মালিক খেতাবে ভূষিত করেন।

খ তরাইনের দ্বিতীয় যুদ্ধে মুহাম্মদ ঘুরীর বিজয় ও পৃথ্বীরাজের পরাজয় ভারতবর্ষের ইতিহাসের মোড় পরিবর্তন করে দেয়। ১১৯২ খ্রিষ্টাব্দে অনুষ্ঠিত তরাইনের দ্বিতীয় যুদ্ধকে চূড়ান্ত সংঘর্ষ হিসেবে গণ্য করা যায়। যা হিন্দুস্থানের ওপর মুসলিম আক্রমণের চরম সাফল্যের সূচনা করেছিল। এ যুদ্ধে সম্মিলিত হিন্দু রাজপুত বাহিনীর পরাজয়ে তাদের রাজনৈতিক মেরুদণ্ড ভেঙ্গে পড়ে এবং সামরিক দুর্বলতা স্পষ্ট হয়ে ওঠে। পরবর্তীতে এমন আর কোনো হিন্দু রাজ্য অবশিষ্ট থাকল না, যিনি মুসলমানদের আক্রমণ প্রতিরোধ করতে পারতেন।

• তরাইনের বিজয় উত্তর ভারতে দিল্লি পর্যন্ত সমস্ত শহরের ফটক ঘুরীর জন্য উন্মোচিত করে দেয়। এ বিজয় ভারতে মুসলিম সাম্রাজ্য প্রতিষ্ঠার বুনিয়াদ স্থাপন করে। এরপর মুহাম্মদ ঘুরী ক্ষিপ্ৰগতিতে তাঁর জয়ের ফলাফল পাকাপোক্ত করার প্রয়াস পান। তিনি একে একে দ্রুত হানসী, সামানা, স্বরস্বতী, আজমীর প্রভৃতি অঞ্চল অধিকার করেন। আজমীরের প্রচুর ধনসম্পদ হস্তগত করার পর পৃথ্বীরাজের এক পুত্রকে নিয়মিত কর দেয়ার অঙ্গীকারে সেখানকার শাসনকর্তা নিযুক্ত করেন।

সারসংক্ষেপ : তরাইনের দ্বিতীয় যুদ্ধে মুহাম্মদ ঘুরীর বিজয় ও পৃথ্বীরাজের পরাজয় ভারতবর্ষের ইতিহাসের মোড় পরিবর্তন করে দেয়। ১১৯২ খ্রিষ্টাব্দে অনুষ্ঠিত তরাইনের দ্বিতীয় যুদ্ধকে চূড়ান্ত সংঘর্ষ হিসেবে গণ্য করা যায়।

গ ঘটনা-১ এর মাধ্যমে আরবদের সিন্ধু বিজয়ের সামাজিক ও সাংস্কৃতিক ফলাফলকে চিহ্নিত করা যায়।

• আরব বণিকদের সাথে ধর্মপ্রচারকগণ অনেক পূর্বকাল থেকে এদেশে আগমন করলেও সিন্ধু অভিযানের পরই তারা সমগ্র ভারতীয় উপমহাদেশে ইসলামের শাশ্বত বাণী ছড়িয়ে দেন। এই বিজয়ের সূত্র ধরে পরবর্তীকালে আউলিয়া ও পীর-দরবেশ এই দেশে ধর্ম প্রচারে ব্রতী হন। তাদের প্রচারিত সাম্য, মৈত্রী, সহিষ্ণুতা ও উদারতা নির্ঘাতিত হিন্দু সম্প্রদায়কে আকৃষ্ট করে এবং তারা দলে দলে ইসলামের পতাকাতে সমবেত হয়। বহুত ভারতীয়, আরবীয় ও পারসিক চিন্তাধারার সংযোগেই সুফী মতবাদ ভারতীয় উপমহাদেশে বিস্তার লাভ করে।

• সিন্ধু বিজয়ের ফলে উপমহাদেশে দ্বীন ইসলামকে শ্রেষ্ঠ মতাদর্শ হিসেবে উপস্থাপন করার ব্যাপক সুযোগ সৃষ্টি হয়। ফলে স্থানীয় জনগণ ইসলামি আদর্শে অনুপ্রাণিত হয়ে দলে দলে ইসলামের সুশীতল ছায়াতলে আশ্রয় গ্রহণ করে। মুহাম্মদ বিন কাসিমের সিন্ধু বিজয়ের বহু পূর্ব থেকেই অনেক মুসলিম ধর্ম প্রচারক এ দেশে আগমন করেছিলেন। সিন্ধু বিজয়ের ফলে তারা নতুন প্রেরণা লাভ করেন। ইসলাম ও হিন্দু ধর্ম পাশাপাশি অবস্থান করার ফলে এখানে ব্যাপকভাবে সামাজিক ও সাংস্কৃতিক পরিবর্তন সাধিত হয়।

সারসংক্ষেপ : সিন্ধু বিজয়ের ফলে ইসলাম ও হিন্দু ধর্ম পাশাপাশি অবস্থান করার ফলে এখানে ব্যাপকভাবে সামাজিক ও সাংস্কৃতিক পরিবর্তন সাধিত হয়।

- ঘ** সুলতান মাহমুদ সকল নাগরিকের ধর্ম, শিক্ষা ও সকল ক্ষেত্রে সমানভাবে নজর দিতেন। তিনি ভিন্ন ধর্মাবলম্বীদের কখনো জোরপূর্বক নিজ ধর্মের রীতিনীতি পালনে বাধ্য করেননি। তাঁর এই নীতির ফলে গজনী রাজ্যে শান্তি প্রতিষ্ঠা লাভ করে।
- গজনীর সুলতান মাহমুদ একজন ধর্মপ্রাণ খাঁটি মুসলমান ছিলেন। তিনি মুসলমান ও হিন্দুদের সমান চোখে দেখতেন। তিনি হিন্দুদের বসবাসের জন্য ভিন্ন আবাসন ব্যবস্থা করেন। হিন্দু সংস্কৃতি ও স্থানীয় সাহিত্য বিকাশের জন্য একটি কলেজও প্রতিষ্ঠা করেন।
 - তেমনিভাবে উদ্দীপকের ঘটনা-২ এর মধ্যেও দেখা যায়, শাসক আহমাদ বিভিন্ন জাতির বিরুদ্ধে যুদ্ধবিগ্রহ করলেও তিনি কখনো ক্ষমতার প্রভাব খাটিয়ে কাউকে ধর্মান্তরিত করেননি। এছাড়াও তিনি ভিন্ন জাতির লোকদের জন্য নিজ রাজধানীতে আবাসনের ব্যবস্থা করেন।
 - সুলতান মাহমুদকে কখনো ধর্মপ্রচারক বলা যাবে না। তিনি কখনো জোর করে কারো ওপর ইসলাম ধর্ম চাপিয়ে দেননি। তিনি হিন্দু মুসলিম সকল ধর্মের লোককে সমান চোখে দেখতেন। কোনো হিন্দুর ওপর ধর্মীয় আক্রোশে কোনো প্রকার জুলুম অত্যাচার করেননি। সুতরাং বলা যায়, ঘটনা-২ যেন সুলতান মাহমুদের চরিত্রের প্রতিচ্ছবি- উক্তিটি যথার্থ।

সারসংক্ষেপ : সুলতান মাহমুদ সকল নাগরিকের ধর্ম, শিক্ষা ও সকল ক্ষেত্রে সমানভাবে নজর দিতেন। তিনি ভিন্ন ধর্মাবলম্বীদের কখনো জোরপূর্বক নিজ ধর্মের রীতিনীতি পালনে বাধ্য করেননি। তাঁর এই নীতির ফলে গজনী রাজ্যে শান্তি প্রতিষ্ঠা লাভ করে।

৫৪নং প্রশ্নের উত্তর

- ক** হাজ্জাজ বিন ইউসুফ পূর্বাঞ্চলের গভর্নর ছিলেন।
- খ** ভারতীয় উপমহাদেশে তাসাউফ চর্চার ব্যাপকতা বৃদ্ধি পাওয়ায় সুফী মতবাদ বিস্তার লাভ করেছিল।
- হযরত মুহাম্মদ (সা.)-এর ওফাতের পর তাঁর সুশিক্ষিত সাহাবীগণ, সাহাবিগণের কাছ থেকে সত্যের আলোকে উদ্দীপ্ত তাবেয়ীগণ, তাঁদের কাছে দীক্ষাপ্রাপ্ত তাবে-তাবেয়ীগণ ইসলামের বাণী নিয়ে পৃথিবীর নানা দেশে ছড়িয়ে পড়েন। এরই ধারাবাহিকতায় বণিক আরবদের মাধ্যমে উপমহাদেশে ইসলামের আবির্ভাব ঘটে। আর তাঁদের উত্তরসূরী অসংখ্য ওলি, আউলিয়া ও দরবেশগণ ভারতীয় উপমহাদেশে ছড়িয়ে পড়েন। এভাবেই সুফী মতবাদ বিস্তার লাভ করে।
- সারসংক্ষেপ :** ভারতীয় উপমহাদেশে তাসাউফ চর্চার ব্যাপকতা বৃদ্ধি পাওয়ায় সুফী মতবাদ বিস্তার লাভ করেছিল।
- গ** ঘটনা-১ এর বর্ণনা দ্বারা ভারতীয় উপমহাদেশের দুর্বল শাসক মাসুদ বিন সুলতান মাহমুদকে ইঙ্গিত করা হয়েছে।
- ১০৩০ খ্রিষ্টাব্দে সুলতান মাহমুদ বিন সবুজগীনের মৃত্যুর পর প্রায় ১৫০ বছরেরও অধিককাল তার উত্তরাধিকারীগণ গজনীতে রাজত্ব করেন। তবে তাদের কেউ উল্লেখযোগ্য অবদান রেখে ইতিহাসে স্থান করে নিতে সক্ষম হননি। সুলতান মাহমুদের মৃত্যুর পর তার দু'পুত্র মাসুদ ও মুহাম্মদের মধ্যে সিংহাসন নিয়ে বিবাদ শুরু হয়। যুদ্ধে মুহাম্মদকে পরাজিত করে বড় ভাই মাসুদ জয়ী হয়ে সিংহাসনে আরোহণ করেন।
 - উদ্দীপকে যে বর্ণনা রয়েছে তা মূলত সুলতান মাহমুদের পুত্র মাসুদকে ইঙ্গিত করা হয়েছে। মাসুদ পিতার ন্যায় যোগ্য শাসক

ছিলেন না। নিজের দুর্বলতার কারণে তাকে সিংহাসনচ্যুত হতে হয়। যেমনটি উদ্দীপকের মহিউদ্দিনের ক্ষেত্রে পরিলক্ষিত হয়। আত্মকেন্দ্রিক ও অর্থ আত্মসাতের মানসিকতার জন্য তিনি দ্বিতীয়বার নির্বাচনে শোচনীয়ভাবে পরাজিত হন।

সারসংক্ষেপ : উদ্দীপকে যে বর্ণনা রয়েছে তা মূলত সুলতান মাহমুদের পুত্র মাসুদকে ইঙ্গিত করা হয়েছে। মাসুদ পিতার ন্যায় যোগ্য শাসক ছিলেন না।

- ঘ** ঘটনা-২-এ প্রাক মুসলিম যুগে ভারতবর্ষের সামাজিক অবস্থার চিত্র ফুটে উঠেছে বলে আমি মনে করি।
- জাতিভেদ প্রথা হিন্দু সমাজের ঐক্য ও সংহতির মূলে কুঠারাঘাত করে। হিন্দু সমাজ মূলত ব্রাহ্মণ, ক্ষত্রীয়, বৈশ্য ও শূদ্র এই চারটি স্তরে বিভক্ত ছিল। হিন্দুরা এ চার বর্ণভুক্ত ছাড়া অপরাপর সকলকে আক্ষরিত মনে করতো।
 - সমাজে ব্রাহ্মণ ও ক্ষত্রীয়দের প্রবল প্রতাপ ছিল। ব্রাহ্মণগণ সাধারণত ধর্ম-কর্ম, আচার-অনুষ্ঠানে ব্যস্ত থাকতেন। ক্ষত্রীয়গণ যুদ্ধ-বিগ্রহ, বৈশ্যগণ ব্যবসায়-বাণিজ্য ও শূদ্রগণ ব্যবসায়-বাণিজ্য, কৃষিকাজ ও সাধারণ কাজকর্ম করতো। আন্তঃসাম্প্রদায়িক বিবাহের ওপর কঠোর নিষেধাজ্ঞা ছিল। সমাজে ভেদাভেদ ও শ্রেণি বৈষম্য ছিল। যা উদ্দীপকের গরিবের ছেলে নাসিম চরিত্রে প্রকাশ পেয়েছে।
 - হিন্দু সমাজে পুরুষরা একাধিক বিবাহ করতে পারত কিন্তু বিধবা বিবাহ প্রথার প্রচলন ছিল না। স্বামীর মৃত্যু হলে সহমরণ বরণ করতে হতো। এ ঘটনা প্রথাই সতীদাহ প্রথা নামে পরিচিত ছিল। জনসাধারণের অধিকাংশই নিরামিষভোজী ছিল।
- সারসংক্ষেপ :** জাতিভেদ প্রথা হিন্দু সমাজের ঐক্য ও সংহতির মূলে কুঠারাঘাত করে।

৫৫নং প্রশ্নের উত্তর

- ক** গজনী বংশের শেষ সুলতান ছিলেন খসরু মালিক।
- খ** তরাইনের দ্বিতীয় যুদ্ধে মুহাম্মদ ঘুরীর বিজয় ও পৃথ্বীরাজের পরাজয় ভারতবর্ষের ইতিহাসের মোড় পরিবর্তন করে দেয়। ১১৯২ খ্রিষ্টাব্দে অনুষ্ঠিত তরাইনের দ্বিতীয় যুদ্ধকে চূড়ান্ত সংঘর্ষ হিসেবে গণ্য করা যায়। যা হিন্দুস্থানের ওপর মুসলিম অভিযানের চরম সাফল্যের সূচনা করেছিল। এ যুদ্ধে সম্মিলিত হিন্দু রাজপুত বাহিনীর পরাজয়ে তাদের রাজনৈতিক মেরুদণ্ড ভেঙ্গে পড়ে এবং সামরিক দুর্বলতা স্পষ্ট হয়ে ওঠে। পরবর্তীতে এমন আর কোনো হিন্দু রাজ্যে অবশিষ্ট থাকল না, যিনি মুসলমানদের আক্রমণ প্রতিরোধ করতে পারতেন।
- তরাইনের বিজয় উত্তর ভারতে দিল্লি পর্যন্ত সমস্ত শহরের ফটক ঘুরীর জন্য উন্মোচিত করে দেয়। এ বিজয় ভারতে মুসলিম সাম্রাজ্য প্রতিষ্ঠার বুনিয়াদ স্থাপন করে। এরপর মুহাম্মদ ঘুরী ক্ষিপ্ৰগতিতে তাঁর জয়ের ফলাফল পাকাপোক্ত করার প্রয়াস পান। তিনি একে একে দ্রুত হানসী, সামানা, স্বরস্বতী, আজমীর প্রভৃতি অঞ্চল অধিকার করেন। আজমীরের প্রচুর ধনসম্পদ হস্তগত করার পর পৃথ্বীরাজের এক পুত্রকে নিয়মিত কর দেয়ার অঙ্গীকারে সেখানকার শাসনকর্তা নিযুক্ত করেন।
- সারসংক্ষেপ :** তরাইনের দ্বিতীয় যুদ্ধে মুহাম্মদ ঘুরীর বিজয় ও পৃথ্বীরাজের পরাজয় ভারতবর্ষের ইতিহাসের মোড় পরিবর্তন করে দেয়। ১১৯২ খ্রিষ্টাব্দে অনুষ্ঠিত তরাইনের দ্বিতীয় যুদ্ধকে চূড়ান্ত সংঘর্ষ হিসেবে গণ্য করা যায়।

৫৬নং প্রশ্নের উত্তর

গ উদ্দীপকে আদিল সাহেবের প্রচেষ্টার সাথে ভারতের খ্যাতনামা শাসক মুহাম্মদ ঘুরীর অভিযানের মিল রয়েছে।

- তরাইনের প্রথম যুদ্ধে পরাজিত হলেও মুহাম্মদ ঘুরী ভগ্নোদ্যম হওয়ার মতো ব্যক্তি ছিলেন না। তিনি এ পরাজয়ের প্রতিশোধ নেয়ার জন্য এবার ব্যাপক প্রস্তুতি গ্রহণ ও শক্তি সম্বল করেন। পরাজয়ের গ্রামি মুখে ফেলা ও ভারতবর্ষে মুসলিম সাম্রাজ্য স্থাপনের দৃঢ় সংকল্প নিয়ে ১১৯২ খ্রিষ্টাব্দে মুহাম্মদ ঘুরী প্রায় ১ লক্ষ ২০ হাজার সৈন্য নিয়ে পৃথ্বীরাজের বিরুদ্ধে অগ্রসর হন। ঐতিহাসিক ফিরিশতার মতে, এ আসন্ন দুর্যোগে পৃথ্বীরাজকে উত্তর ভারতের ১৫০ জন রাজপুত যুবরাজ সহযোগিতা করেন। পৃথ্বীরাজ ও রাজপুত যুবরাজদের সম্মিলিত বাহিনীর সৈন্য সংখ্যা দাঁড়ায় প্রায় তিন লক্ষ। ইতিহাস প্রসিদ্ধ তরাইন প্রান্তরে উভয় বাহিনীর মধ্যে তুমুল সংঘর্ষ হয়।

- উদ্দীপকের আলোকে দেখা যায়, আদিল সাহেব কল্লবাজারে একটি বিনোদন কেন্দ্র করতে গেলে স্থানীয়দের দ্বারা বাধাপ্রাপ্ত হন। পবর্তীতে তিনি সরকারি সাহায্যে তা বাস্তবায়ন করেন। তেমনিভাবে দেখা যায়, তরাইনের প্রথম যুদ্ধে মুহাম্মদ ঘুরী মুসলিম সাম্রাজ্য প্রতিষ্ঠার লক্ষ্যে দিল্লি ও আজমীরের চৌহান বংশের রাজা পৃথ্বীরাজের বিরুদ্ধে অভিযান করেন। কিন্তু অভিযানে মুহাম্মদ ঘুরী পৃথ্বীরাজ চৌহানকে পরাজিত করতে ব্যর্থ হয়ে ফিরে আসেন। কিন্তু দ্বিতীয় বার তিনি সফল হন।

সারসংক্ষেপ : উদ্দীপকের ঘটনার সাথে মুহাম্মদ ঘুরীর তরাইনে দ্বিতীয় যুদ্ধের সাদৃশ্য রয়েছে।

- ঘ আদিল সাহেব কল্লবাজারে বিনোদন কেন্দ্র গড়ে তোলার ফলে এতদঞ্চলে আর্থসামাজিক উন্নয়নে ব্যাপক প্রভাব পড়ে। তেমনি ভাবে তরাইনের দ্বিতীয় যুদ্ধে জয়লাভের ফলে ভারতীয় উপমহাদেশের আর্থ-সামাজিক ও ধর্মীয় উন্নয়নে ব্যাপক প্রভাব পড়ে।

- তরাইনের দ্বিতীয় যুদ্ধে মুহাম্মদ ঘুরীর বিজয় ও পৃথ্বীরাজের পরাজয় ভারতবর্ষের ইতিহাসের মোড় পরিবর্তন করে দেয়। ভি এ শ্বিথের মতে, “১১৯২ খ্রিষ্টাব্দে অনুষ্ঠিত তরাইনের দ্বিতীয় যুদ্ধকে চূড়ান্ত সংঘর্ষ হিসেবে গণ্য করা যায়, যা হিন্দুস্তানের ওপর মুসলিম আক্রমণের চরম সাফল্যের সূচনা করেছিল।” এ যুদ্ধে সম্মিলিত হিন্দু রাজপুত বাহিনীর পরাজয়ে তাদের রাজনৈতিক মেরুদণ্ড ভেঙ্গে পড়ে এবং সামরিক দুর্বলতা স্পষ্ট হয়ে ওঠে। পরবর্তীতে এমন আর কোনো হিন্দু রাজ্য অবশিষ্ট থাকল না, যিনি মুসলমানদের আক্রমণ প্রতিরোধ করতে পারতেন।

- ঐতিহাসিক হেইগ বলেন, তরাইনের বিজয় উত্তর ভারতে দিল্লি পর্যন্ত সমস্ত শহরের ফটক ঘুরীর জন্য উন্মোচিত করে দেয়। এ বিজয় ভারতে মুসলিম সাম্রাজ্য প্রতিষ্ঠার বুনয়াদ স্থাপন করে।

- ঐতিহাসিক কে আলী বলেন— The victory at Tarain really laid the foundation of Muslim rule in the sub-continent. [History of India, Pakistan and Bangladesh; Page-39] এরপর মুহাম্মদ ঘুরী ক্ষিপ্ত গতিতে তার জয়ের ফলাফল পাকাপোক্ত করার প্রয়াস পান। তিনি একে একে দ্রুত হানসী, সামানা, স্বরস্বতী, আজমীর প্রভৃতি অঞ্চল অধিকার করেন। আজমীরের প্রচুর ধনসম্পদ হস্তগত করার পর পৃথ্বীরাজের এক পুত্রকে নিয়মিত কর দেয়ার অঙ্গীকারে সেখানকার শাসনকর্তা নিযুক্ত করেন।

সারসংক্ষেপ : ১১৯২ খ্রিষ্টাব্দে অনুষ্ঠিত তরাইনের দ্বিতীয় যুদ্ধকে চূড়ান্ত সংঘর্ষ হিসেবে গণ্য করা যায়, যা হিন্দুস্তানের ওপর মুসলিম আক্রমণের চরম সাফল্যের সূচনা করেছিল।

ক মুইজউদ্দিন মুহাম্মদ ঘুরী ভারতে স্থায়ী মুসলিম শাসন প্রতিষ্ঠা করেন।

খ ধর্মীয় আচার অনুষ্ঠানে ব্রাহ্মণদের একক আধিপত্য বৃদ্ধি পাওয়ায় আর্থ-ধর্ম ব্রাহ্মধর্মে পরিণত হয়। ফলে সমাজব্যবস্থায় ব্রাহ্মণদের ব্যাপক প্রভাব ছড়িয়ে পড়ে। আর এভাবেই প্রাক-ইসলামি বাংলায় বর্ণশ্রমের উদ্ভব হয়।

- দ্বাদশ শতকের শেষভাগে সেন বংশের প্রভাবে বাংলায় হিন্দু ধর্মের প্রভাব উত্তরোত্তর বৃদ্ধি পায়। বিষ্ণু ও শিবের পূজা ছাড়াও অন্যান্য দেব-দেবীর পূজা তখন বাংলায় প্রসার লাভ করে। এক সময় সেন রাজাগণ বাংলায় মূর্তি পূজার প্রচলন করেন। ধর্মের নামে সতীদাহর ন্যায় জঘন্য প্রথার প্রচলন বাংলায় বিদ্যমান ছিল। হিন্দু যাজকরা জাতিভেদ ও বর্ণশ্রম প্রথাকে পুঁজি করে ব্যক্তি স্বার্থ চরিতার্থ করতো। ফলে প্রাক-ইসলামি বাংলায় বিভিন্ন বর্ণশ্রমের উদ্ভব হয়।

সারসংক্ষেপ : ধর্মীয় আচার অনুষ্ঠানে ব্রাহ্মণদের একক আধিপত্য বৃদ্ধি পাওয়ায় আর্থ-ধর্ম ব্রাহ্মধর্মে পরিণত হয়। ফলে সমাজব্যবস্থায় ব্রাহ্মণদের ব্যাপক প্রভাব ছড়িয়ে পড়ে। আর এভাবেই প্রাক-ইসলামি বাংলায় বর্ণশ্রমের উদ্ভব হয়।

গ উদ্দীপকের ঘটনায় প্রাচীন ভারতের রাজনৈতিক ক্ষেত্রে গোলযোগপূর্ণ অবস্থার চিত্র ফুটে উঠেছে।

- প্রাচীন ভারতের রাজনৈতিক অবস্থার দিকে দৃষ্টি দিলে দেখা যায়, সে সময় কোনো কেন্দ্রীয় সরকার ছিল না। ফলে সমগ্র ভারতীয় উপমহাদেশে বহু ক্ষুদ্র ক্ষুদ্র রাজ্যের উদ্ভব হয়। তৎকালীন সময়ে ভারতবর্ষের রাজনীতি গভীর অন্ধকারে নিমজ্জিত ছিল। সমগ্র ভারত ক্ষুদ্র ক্ষুদ্র রাজ্যে বিভক্ত হয়ে পরস্পর গৃহযুদ্ধে লিপ্ত ছিল। কোনো কেন্দ্রীয় শক্তি না থাকায় সমগ্র ভারতে চরম বিশৃঙ্খলা বিরাজমান ছিল।

- উদ্দীপকের ঘটনায় মূলত ভারতের রাজনৈতিক অবস্থার প্রকৃত চিত্র তুলে ধরা হয়েছে। জাতিগত সমস্যা, শাসকদের স্বৈরতান্ত্রিক মনোভাব, সরকারের দুর্বলতা প্রভৃতি কারণে বৃহৎ সোভিয়েত ইউনিয়ন ভেঙ্গে টুকরো টুকরো হয়ে যায়। তদস্থলে প্রতিষ্ঠিত হয় কয়েকটি মুসলিমরাষ্ট্র। অনুরূপভাবে প্রাচীন ভারতের রাজনৈতিক অবস্থা ক্রটিপূর্ণ হওয়ার ফলে সেখানে ক্ষুদ্র ক্ষুদ্র রাজ্য গড়ে ওঠে। সেখানে মুসলমানদের আগমনের ফলে ক্ষুদ্র ক্ষুদ্র রাজ্যে মুসলিম প্রভাব প্রতিষ্ঠিত হয়। এছাড়া কায়েমী স্বার্থবাদী হিন্দু সম্প্রদায় নিম্নস্তরের লোকদের মারাত্মকভাবে শোষণ করায় নিপীড়িত জনগণ এহেন অবস্থান থেকে মুক্তি পেতে চেয়েছিল। তাই মুসলমানগণ শান্তির বার্তা নিয়ে ভারতবর্ষে অভিযান করেন।

সারসংক্ষেপ : উদ্দীপকের ঘটনায় প্রাচীন ভারতের রাজনৈতিক ক্ষেত্রে গোলযোগপূর্ণ অবস্থার চিত্র ফুটে উঠেছে।

ঘ রাশিয়ায় নতুন মুসলিম রাষ্ট্র গঠনের সাথে ভারতীয় উপমহাদেশে ইসলাম প্রচারকদের অবদানের গভীর মিল রয়েছে।

- মুসলমানগণ কখনো কারো প্রতি জুলুম বা নির্যাতন করেননি। ইসলামের সুমহান আদর্শ দিয়ে তাঁরা সাধারণ মানুষকে ইসলামে দীক্ষিত করেন। ইসলামের প্রচার ও প্রসারের স্বার্থে বিভিন্ন অলি আওলিয়াগণ ভারতীয় উপমহাদেশে আগমন করেছিলেন। তাদের অক্লান্ত পরিশ্রম ও সাধনার ফলেই এদেশে ইসলামের বিস্তৃতি

ঘটেছে। তাই ভারতীয় উপমহাদেশে ইসলাম প্রচার ও মুসলিম রাষ্ট্র গঠনে মুসলমানদের যথেষ্ট অবদান রয়েছে।

- উদীপকে নব্বইয়ের দশকে সোভিয়েত ইউনিয়ন ভেঙ্গে টুকরো টুকরো হওয়ার মাধ্যমে মূলত ভারতীয় উপমহাদেশে ইসলামি রাষ্ট্র প্রতিষ্ঠিত হওয়ার প্রতি ইঙ্গিত প্রদান করা হয়েছে। ঐতিহাসিক সূত্রে জানা যায়, জাতিগত সমস্যা, শাসকদের স্বৈরতান্ত্রিক মনোভাব এবং সরকারের প্রশাসনিক দুর্বলতার কারণে সোভিয়েত ইউনিয়ন ভেঙ্গে অনেকগুলো রাষ্ট্র গঠিত হয়। যার মধ্যে মুসলিম রাষ্ট্রগুলো অন্যতম। সোভিয়েত ইউনিয়নের ন্যায় ভারতীয় উপমহাদেশে মুসলিম রাষ্ট্র গড়ে উঠেছিল। যা ভারতীয় উপমহাদেশে ইসলাম প্রচারকদের অবদানের মিল রয়েছে।
- রাশিয়ার জনগণ যেভাবে স্বৈরতান্ত্রিক সরকারের শাসনের প্রতি অতিষ্ঠ হয়ে উঠেছিল, তদ্রূপ ভারতীয় উপমহাদেশের মানুষ উক্ত সমস্যার সম্মুখীন হয়েছিল। তাই তারা এই অসহনীয় অবস্থা থেকে মুক্তির পথ খুঁজছিল। তাদের এই চরম দুর্দিনে মুসলমানগণ শান্তির বার্তা নিয়ে ভারতীয় উপমহাদেশে আগমন করেছিল। ফলে ভারতীয় উপমহাদেশে ইসলামের ব্যাপক প্রচার ও প্রসার ঘটে।

সারসংক্ষেপ : রাশিয়ায় নতুন মুসলিম রাষ্ট্র গঠনের সাথে ভারতীয় উপমহাদেশে ইসলাম প্রচারকদের অবদানের গভীর মিল রয়েছে।

৫৭নং প্রশ্নের উত্তর

- ক** ইসলামের দ্বিতীয় খলিফা হযরত উমর (রা.)-এর শাসনামলে ৬৩৬-৬৩৭ খ্রিষ্টাব্দে মুসলমানগণ কর্তৃক ভারত অভিযানের প্রথম প্রচেষ্টা শুরু হয়।
- খ** ৬৩৬-৬৩৭ খ্রিষ্টাব্দে দ্বিতীয় খলিফা হযরত উমর (রা.)-এর আমলে মুসলমানগণ ভারত অভিযানের প্রথম প্রচেষ্টা শুরু করে। কিন্তু তখন তা সফল হয়নি। দূরাভিযানের বিপদ এবং দুঃখ-দুর্দশার কথা বিবেচনা করে খলিফা উমর (রা.) পরবর্তী অভিযান বন্ধ করে দেন। চতুর্থ খলিফা হযরত আলী (রা.) এবং উমাইয়া খলিফা মুয়াবিয়ার খিলাফতকালে পরিচালিত অভিযানসমূহ সফলতা লাভ করতে পারেনি।
- এরপর মুসলমান সৈন্যবাহিনী পরবর্তী কয়েক বছর নিষ্ক্রিয় ছিল। কিন্তু উমাইয়া বংশের খলিফা আল ওয়ালিদ বিন আবদুল মালিকের সিংহাসনারোহণের সঙ্গে সঙ্গে ইসলামি খিলাফত বিস্তারের নতুন অধ্যায় সংযোজিত হয়। তাঁর বিখ্যাত সেনাপতি মুসা বিন নুসাইর সমগ্র উত্তর আফ্রিকা অধিকার করেন এবং তাঁর সৈন্যধ্যক্ষ তারিক বিন যিয়াদ স্পেন জয় করেন। উমাইয়া খলিফা ওয়ালিদের খিলাফত কালে পূর্বাঞ্চলীয় প্রদেশের শাসনকর্তা হাজ্জাজ বিন ইউসুফের ভ্রাতৃপুত্র ও জামাতা মুহাম্মদ বিন কাসিমের নেতৃত্বে ভারতের সিন্ধু ও মূলতান অঞ্চলে মুসলমানদের অধিকার প্রতিষ্ঠিত হয়।

সারসংক্ষেপ : পূর্বাঞ্চলীয় প্রদেশের শাসনকর্তা হাজ্জাজ বিন ইউসুফের ভ্রাতৃপুত্র ও জামাতা মুহাম্মদ বিন কাসিমের নেতৃত্বে ভারতের সিন্ধু ও মূলতান অঞ্চলে মুসলমানদের অধিকার প্রতিষ্ঠিত হয়।

- গ** উদীপকে ভারতীয় উপমহাদেশের মুসলমানদের সিন্ধু বিজয়ের বিষয়টি বিবৃত হয়েছে। মুসলিম সংস্কৃতির ওপর সিন্ধু বিজয়ের প্রভাব ছিল গভীর ও সুদূরপ্রসারী।
- হিন্দুধর্ম, দর্শন, আয়ুর্বেদশাস্ত্র, জ্যোতির্বিদ্যা, গণিত, সংগীত, লোকগীতি, সাহিত্য, দাবা, স্থাপত্য, চিত্রশিল্প প্রভৃতি বিষয়ে আরবগণ ভারতীয়দের কাছ থেকে অর্জন করেছে অগাধ পাণ্ডিত্য।

আরবের বহু শিক্ষার্থী এ দেশে আগমন করে বিভিন্ন শাস্ত্র সম্পর্কে জ্ঞান লাভ করেন। সংস্কৃত ভাষায় লিখিত ভারতীয় বহু গ্রন্থ আরবি ভাষায় অনূদিত হয়। আরবরা ভারতীয়দের কাছ থেকেই গাণিতিক সংখ্যা সম্পর্কিত জ্ঞান লাভ করেছিলেন।

- মুসলমানদের আগমনের ফলে এ দেশে বর্ণভেদের কঠোরতা হ্রাস পায় এবং নিম্নশ্রেণির হিন্দুরা কুশাসনের ভীতি থেকে উত্তরণের প্রেরণা লাভ করে। ইসলামের সাম্য ও মৈত্রীর আদর্শ এ দেশের অধিবাসীদের মধ্যে শান্তি ও স্বস্তি আনয়ন করেছিল। এভাবেই মুসলিম সংস্কৃতির ওপর সিন্ধু বিজয়ের প্রভাব ক্রমেই বিস্তার লাভ করতে থাকে।

সারসংক্ষেপ : মুসলিম সংস্কৃতির ওপর সিন্ধু বিজয়ের ফলাফল ছিল গভীর ও সুদূরপ্রসারী। হিন্দুধর্ম, দর্শন, আয়ুর্বেদশাস্ত্র, জ্যোতির্বিদ্যা, গণিত, সংগীত, লোকগীতি, সাহিত্য, দাবা, স্থাপত্য, চিত্রশিল্প প্রভৃতি সম্পর্কে আরবগণ ভারতীয়দের নিকট হতে প্রভূত জ্ঞান লাভ করে।

- ঘ** উদীপকের ঘটনাটি মুহাম্মদ বিন কাসিমের সিন্ধু বিজয় এবং সেখানে মুসলিম শাসন প্রতিষ্ঠাকে প্রতিপন্ন করে। উক্ত বিজয়ের পর বিজিত অঞ্চলকে প্রশাসনিক বিভাগ, রাজস্বব্যবস্থা, বিচারব্যবস্থা, প্রতিরক্ষা ও সামরিকব্যবস্থা দ্বারা সুনিয়ন্ত্রণ করা হয়েছিল।

- সূষ্ঠা শাসনব্যবস্থা পরিচালনার জন্য মুহাম্মদ বিন কাসিম বিজিত অঞ্চলকে বিভিন্ন প্রদেশ ও জেলায় বিভক্ত করেছিলেন। শক্তিশালী অর্থব্যবস্থা গড়ে তোলার উদ্দেশ্যে রাজস্ব আহরণের প্রধান উৎস ছিল ভূমি কর, ওশর, যাকাত, জিযিয়া ইত্যাদি।
- মুহাম্মদ বিন কাসিমের শাসনামলে কতিপয় সুনির্দিষ্ট ধর্মীয় নীতিমালা ছিল। এগুলোর মধ্যে প্রধান নীতি হলো, “কেউ কারো ধর্মে হস্তক্ষেপ করতে পারবে না।” তিনি বিজিত এলাকা কয়েক ভাগে ভাগ করে প্রত্যেক ভাগে একজন ‘কাযী’ নিযুক্ত করেন।
- রাজ্যের নিরাপত্তাব্যবস্থা নিশ্চিত করতে মুহাম্মদ বিন কাসিম একটি সুনিয়ন্ত্রিত প্রতিরক্ষাব্যবস্থা গড়ে তুলেছিলেন। বিজিত অঞ্চলে মুসলিম সেনাপতিদের জায়গির দান করতেন। জায়গিরদার স্বীয় এলাকা রক্ষণাবেক্ষণের দায়িত্বে নিয়োজিত থাকতেন এবং প্রয়োজনে কেন্দ্রীয় সরকারকে আর্থিক ও সামরিক সাহায্য করতেন।

সারসংক্ষেপ : বিজিত অঞ্চলকে প্রশাসনিক বিভাগ, রাজস্বব্যবস্থা, বিচারব্যবস্থা, প্রতিরক্ষা ও সামরিকব্যবস্থা দ্বারা সুনিয়ন্ত্রণ করা হয়েছিল।

৫৮নং প্রশ্নের উত্তর

- ক** সবুজগীন ছিলেন গজনীর শাসনকর্তা, তিনি সুলতান মাহমুদের পিতা ছিলেন।

- খ** সিন্ধু বিজয়ের প্রত্যক্ষ কারণ হলো রাজা দাহির পূর্বাঞ্চলীয় গভর্নর হাজ্জাজ বিন ইউসুফের দাবি প্রত্যাখ্যান।
- সিংহলের রাজা বিভিন্ন প্রকার উপঢৌকনপূর্ণ আটটি জাহাজ খলিফা ও হাজ্জাজ বিন ইউসুফের জন্য প্রেরণ করেন। জাহাজগুলো দেবল বন্দরের উপকূলে পৌঁছলে সিন্ধুর জলদস্যুরা তা লুণ্ঠন করে। হাজ্জাজ দাহিরের নিকট এর ক্ষতিপূরণ দাবি করলে রাজা দাহির সে দাবি প্রত্যাখ্যানপূর্বক ঔদ্ধত্যপূর্ণ আচরণ করে। ফলে দাহিরকে উপযুক্ত জবাব দেওয়ার জন্য হাজ্জাজ তাঁর সেনাপতি মুহাম্মদ বিন কাসিমকে সিন্ধু অভিযানে প্রেরণ করেন এবং তা জয় করেন।

সারসংক্ষেপ : সিন্ধু বিজয়ের প্রত্যক্ষ কারণ হলো রাজা দাহির কর্তৃক পূর্বাঞ্চলীয় গভর্নর হাজ্জাজ বিন ইউসুফের দাবি প্রত্যাখ্যান।

- গ** চিত্রে চিহ্নিত 'খ' স্থান হলো সোমনাথ। গজনীকে সমৃদ্ধিশালী নগরীতে পরিণত করার পেছনে সোমনাথ স্থানের ভূমিকা ছিল খুবই গুরুত্বপূর্ণ।
- সোমনাথ বিজয় ছিল সুলতান মাহমুদের জন্য এক তাৎপর্যপূর্ণ ঘটনা। সোমনাথে যুগ যুগ ধরে হিন্দুদের সঞ্চিত অফুসন্ত ধনরত্নসমৃদ্ধ একটি মন্দির ছিল। সুলতান মাহমুদ এই সোমনাথ মন্দির আক্রমণ করলে মন্দিরের পুরোহিতগণ অনেক চেষ্টা করেও তা রক্ষা করতে পারেনি। ফলে সুলতান মাহমুদ এই সোমনাথ মন্দির থেকে প্রচুর ধনরত্ন সংগ্রহ করেন।
 - সোমনাথ মন্দির থেকে সংগৃহীত ধনরত্ন দিয়ে সুলতান মাহমুদ গজনীকে একটি সুন্দর ও মনোরম নগরীতে সাজান। তিনি গজনীকে একটি সমৃদ্ধিশালী নগরীতে পরিণত করেন। তিনি গজনীকে চাকচিক্যপূর্ণ স্বপ্নপুরীতে পরিণত করেন। গজনীর অর্থনীতি একটি শক্তিশালী ভিত্তির ওপর প্রতিষ্ঠিত হয়।
- সারসংক্ষেপ :** চিত্রে 'খ' চিহ্নিত স্থান হলো সোমনাথ। গজনীকে সমৃদ্ধিশালী নগরীতে পরিণত করার পেছনে সোমনাথ স্থানের ভূমিকা ছিল খুবই গুরুত্বপূর্ণ।
- ঘ** 'ক' চিহ্নিত স্থানটি হলো সিন্ধু। সিন্ধু জয়ের মাধ্যমে ভারতীয় উপমহাদেশে মুসলিম শাসনের সূত্রপাত হয়েছিল বক্তব্যটি যথার্থ।
- সিন্ধু বিজয়ের ফলে ব্যাপক জনগোষ্ঠী দলে দলে ইসলাম গ্রহণ করায় সে এলাকা কালক্রমে এ উপমহাদেশের অন্যতম সংখ্যাগরিষ্ঠ মুসলিম অধ্যুষিত অঞ্চলে পরিণত হয়। সিন্ধু বিজয়ের ফলে অসংখ্য পীর, অলী, দরবেশ ভারত উপমহাদেশে ইসলাম প্রচারের উদ্দেশ্যে আগমন করেন। তাঁদের মধ্যে বিশেষভাবে উল্লেখযোগ্য ছিলেন নিজামুদ্দিন, মঈনুদ্দিন চিশতী, শাহজালাল (র) প্রমুখ ধর্মবেত্তাগণ।
 - ইসলাম প্রচারকগণের সঙ্গে স্থানীয় জনগণের মেলামেশা বৃদ্ধি পায়। ফলে আরবিয় ও ভারতীয় সংমিশ্রণে উপমহাদেশে একটি নতুন জাতির উদ্ভব ঘটে। উভয় ধর্মের লোকদের সংস্রবে গড়ে ওঠে স্বতন্ত্র একটি সংস্কৃতি। শিক্ষা, সাহিত্য, সভ্যতায় নবদিগন্ত উন্মোচিত হয়।
 - আরব মুসলমানরা ভারতীয় হিন্দু পণ্ডিতগণের জ্ঞানবিজ্ঞান দ্বারা নিজেদের বৈষয়িক জ্ঞান সম্পর্কে অগ্রগতি লাভে বেশ সাহায্য লাভ করে। এ কারণেই দেখা যায়, আব্বাসীয় শাসনামলে উপমহাদেশে প্রথম ইসলামি হুকুমত সিন্ধু রাজ্যের মাধ্যমে মুসলমানগণ এ উপমহাদেশীয় বৈষয়িক জ্ঞান প্রজ্ঞা দ্বারা নিজেদের বৈষয়িক জ্ঞানভাণ্ডারকে সমৃদ্ধ করতে চেষ্টা করেছিলেন। এভাবে সিন্ধু বিজয়ের ফলে উপমহাদেশে মুসলিম শাসনের সূত্রপাত হয়েছিল।
- সারসংক্ষেপ :** সিন্ধু বিজয়ের ফলে উপমহাদেশে ইসলামকে শ্রেষ্ঠ মতাদর্শ হিসেবে উপস্থাপন করার সুযোগ সৃষ্টি হয়। ফলে স্থানীয় জনগণ ইসলামি আদর্শে অনুপ্রাণিত হয়ে দলে দলে ইসলামের সুশীতল ছায়াতলে আশ্রয় গ্রহণ করে।
- ৫৯নং প্রশ্নের উত্তর**
- ক** মুহাম্মদ ঘুরীর ভারতবর্ষে অভিযানের প্রাক্কালে জাতিভেদে হিন্দুরা চারটি শ্রেণিতে বিভক্ত ছিল।
- খ** হিন্দু রাজন্যবর্গের চরম দুর্নীতি ও উচ্চবর্ণের নিপীড়নের সমুচিত জবাব দানে মুহাম্মদ ঘুরীর সাহস, উদ্যম, আত্মবিশ্বাস, ধৈর্য এবং নিজেকে সঠিকভাবে পরিচালনার মানসিকতাই তাঁকে ভারত অভিযানে প্রলুব্ধ করেছিল।

- মুহাম্মদ ঘুরী খুব উচ্চাকাঙ্ক্ষী মানসিকতার অধিকারী ছিলেন। তিনি উদ্যম, সাহস, আত্মবিশ্বাস, ধৈর্য ইত্যাদি গুণাবলি দ্বারা চরম বিপদের মুহূর্তেও নিজেকে সঠিকভাবে পরিচালিত করেন। হিন্দু রাজন্যবর্গের চরম অনৈক্য, অর্থমোহ, কলহ বিদেষকে স্বীয় বুদ্ধিমত্তা ও রণকৌশল দিয়ে বিদূরিত করতে সক্ষম হয়েছিলেন। কোনো বিপদেই তিনি বিচলিত হতেন না। এ উচ্চাকাঙ্ক্ষাই তাঁকে ভারতবর্ষ অভিযানে প্রলুব্ধ করেছিল।
- সারসংক্ষেপ :** হিন্দু রাজন্যবর্গের চরম দুর্নীতি ও উচ্চবর্ণের নিপীড়নের সমুচিত জবাব দানে মুহাম্মদ ঘুরীর সাহস, উদ্যম, আত্মবিশ্বাস, ধৈর্য এবং নিজেকে সঠিকভাবে পরিচালনার মানসিকতাই তাঁকে ভারত অভিযানে প্রলুব্ধ করেছিল।
- গ** রায়হানুল ইসলাম চেয়ারম্যান নির্বাচিত হওয়ায় করলায় উন্নতির পথ সুগম হয়। অনুরূপভাবে ভারতে মুসলিম সাম্রাজ্য প্রতিষ্ঠার অগ্রদূত ছিলেন মুহাম্মদ ঘুরী। তিনিই সর্বপ্রথম এ অঞ্চলে বিজেতার মর্যাদা লাভ করেন। সুলতান মাহমুদের মতো তিনি শুধু অভিযানকারী ছিলেন না।
- তাঁর প্রধান উদ্দেশ্য ছিল ভারতে রাজ্য প্রতিষ্ঠা করা। তাই তিনি গজনীতে ঘুর বংশের প্রভুত্ব প্রতিষ্ঠা করে ভারতে তা সম্প্রসারণ করেন। তাঁর সম্প্রসারণ নীতির ওপর ভিত্তি করেই দিল্লির স্বাধীন সালতানাত দু'শত বছর টিকে ছিল। পরবর্তীতে আরেক মুসলিম সাম্রাজ্য বা মুঘল সাম্রাজ্য প্রতিষ্ঠিত হয়েছিল।
 - তরাইনের দ্বিতীয় যুদ্ধের জয় মূলত হিন্দুস্থানে মুসলিম সাম্রাজ্য প্রতিষ্ঠার পথনির্দেশক। পৃথ্বীরাজের পরাজয়ে অপরাপর রাজপুত রাজন্যবর্গের মনোবল ভেঙ্গে যায়। তাই অল্প সময়ের মধ্যে দিল্লি, আজমীর, হানসী, মিরাত, আলিগড় মুসলিম সাম্রাজ্যভুক্ত হয়। আবার ঘুরীর প্রত্যক্ষ ও পরোক্ষ নির্দেশে কনৌজ, কাশী, আনহিলওয়ারা, বাংলা, বিহার মুসলিম শাসনাধীনে আসে এবং ভারতে মুসলিম শাসনের পথ সুগম হয়।
- সারসংক্ষেপ :** ভারতে মুসলিম সাম্রাজ্য প্রতিষ্ঠার অগ্রদূত ছিলেন মুহাম্মদ ঘুরী। তরাইনের দ্বিতীয় যুদ্ধের জয় মূলত হিন্দুস্থানে মুসলিম সাম্রাজ্য প্রতিষ্ঠার পথনির্দেশক।
- ঘ** উদ্দীপকে রায়হানুল ইসলামের চেয়ারম্যান নির্বাচিত হওয়া যেমন করলাবাসীদের জন্য সমরোপযোগী ও আশীর্বাদস্বরূপ ছিল, তেমনি মুহাম্মদ ঘুরীর ভারত অভিযান ছিল ভারতবাসীর জন্য সমরোপযোগী ও আশীর্বাদস্বরূপ।
- মুহাম্মদ ঘুরীর ভারত অভিযানের পূর্বে ভারতের সামাজিক অবস্থা ছিল অত্যন্ত নাজুক। জাতিভেদ প্রথা এখানকার নিম্নবর্ণের মানুষের সুখ ও সমৃদ্ধি কেড়ে নিয়েছিল। উচ্চবর্ণের লোক নিম্নবর্ণের লোকদের ওপর অকথ্য নির্যাতন করতো, তারা তাদের ঘৃণার চোখে দেখত। এমনকি তারা নিম্নবর্ণের লোকদের এড়িয়ে চলতো।
 - ধর্মচারে নিম্নবর্ণের লোকদের অংশগ্রহণের কোনো সুযোগ ছিল না। সমাজে তারা ছিল অচ্ছুত সম্প্রদায়। হিন্দু ধর্মাবলম্বীদের মধ্যে আন্তঃসাম্প্রদায়িক বিবাহের ওপর নিষেধাজ্ঞা ছিল। ফলে তাদের পারস্পরিক সম্পর্ক আরো বেশি বিনষ্ট হয়েছিল। সমাজে পুরুষ একাধিক বিবাহ করতে পারত। কিন্তু নারীদের অবস্থা ছিল বিপরীত। বিধবা বিবাহ প্রথা হিন্দু সমাজে নিষিদ্ধ ছিল।
 - তৎকালীন ভারতে সহমরণের মতো অমানবিক ধর্মীয় রীতির প্রচলন ছিল। এমতাবস্থায় মুহাম্মদ ঘুরী আসলেন শান্তির দূত হয়ে ন্যায়বিচার, সাম্য ও মানবতার আহ্বান নিয়ে। কুসংস্কারের

বিক্রমে তিনি গড়ে তুললেন কল্যাণমুখী শাসন ও সামাজিক ব্যবস্থা। বিশেষ করে সমাজের সবচেয়ে বেশি নির্যাতনের শিকার নিম্নবর্ণের হিন্দুরা খুঁজে পেল নিরাপত্তার একটি সুশীতল আশ্রয়। তারা মুহাম্মদ ঘুরীকে সাদরে গ্রহণ করেছিল। এ কারণেই মুহাম্মদ ঘুরীর ভারতবর্ষ অভিযান ছিল সমন্বয়যোগী ও আশীর্বাদস্বরূপ।

সারসংক্ষেপ : মুহাম্মদ ঘুরী আসলেন শান্তির দূত হয়ে ন্যায়বিচার, সাম্য ও মানবতার আহ্বান নিয়ে। এ কারণেই মুহাম্মদ ঘুরীর ভারতবর্ষ অভিযান ছিল সমন্বয়যোগী ও আশীর্বাদস্বরূপ।

৬০নং প্রশ্নের উত্তর

ক মুসলিম সেনাপতি ইখতিয়ার উদ্দিন মুহাম্মদ বিন বখতিয়ার খলজী ছিলেন একজন তুর্কি বীর।

খ রাজতুকালের শেষ ভাগে বৃদ্ধ বয়সে লক্ষ্মণ সেন দুর্বল ও ক্ষমতাহীন হয়ে পড়েন। একপর্যায়ে রাজ্যের চারপাশের সামন্ত অধিপতিরা বিদ্রোহ করলে তার পরাজয়ের গতি ত্বরান্বিত হয়।

- লক্ষ্মণ সেন ভীত হয়ে বাংলায় প্রবেশ করার একমাত্র পথ তেলিয়াগাঁও গিরিপথ বন্ধ করে দেন, কিন্তু বখতিয়ার অন্য পথে প্রবেশ করলে লক্ষ্মণ সেনের পরাজয় ঘটে। লক্ষ্মণ সেনের অদক্ষ গুপ্তচর বাহিনী শত্রুর গতিবিধির সংবাদ রাখতে পারেনি। এতেই তার সহজে পরাজয় ঘটে।

সারসংক্ষেপ : লক্ষ্মণ সেনের পরাজয়ের অন্যতম কারণ হলো বখতিয়ারের ক্ষিপ্ৰগতিতে অতর্কিত অভিযান এবং রাজার দুর্বলতা ও বহিঃশত্রুর গতিবিধির প্রতি অসচেতনতা।

গ ত্রয়োদশ শতাব্দীর প্রথম দিকে অপ্রত্যাশিতভাবে লক্ষ্মণ সেনের ওপর অতর্কিত হামলা চালিয়ে বখতিয়ার খলজী সহজে বাংলা জয় করে নেন।

- বারো শতকের শেষ ভাগে উপমহাদেশে মুসলিম আধিপত্য প্রতিষ্ঠিত হয় এবং সেন রাজ্যের পশ্চিম সীমা পর্যন্ত মুসলিম শক্তি বিস্তার লাভ করে। এ সময় সেন শাসনের দুর্বলতার সুযোগে বখতিয়ার খলজী রাজধানী আক্রমণ করে সহজে তা দখল করে নেন। বখতিয়ার খলজী একজন উচ্চাভিলাষী সেনানায়ক ছিলেন। তিনি স্থায়ী কর্মপ্রচেষ্টায় দুঃসাহসী পরিকল্পনা গ্রহণ এবং বিশাল সেনাবাহিনী গঠন করেন। তাঁর তেজস্বিতা ও জয়ের নেশা তাঁকে সহজে বঙ্গবিজয়ে সহায়তা করেছে।
- দূরদর্শী চিন্তার কারণে বখতিয়ারের বাংলা জয় সহজ হয়েছিল। সেন আমলের শেষের দিকে বাংলায় প্রবেশ করার একটিমাত্র পথই খোলা ছিল, তা হচ্ছে তেলিয়াগাঁও গিরিপথ। কুশলী যোদ্ধা বখতিয়ার খলজী বুঝেছিলেন, সেন রাজারা বাইরের

আক্রমণকারীকে বাধা দেয়ার জন্য এখানে সৈন্যবাহিনী প্রস্তুত রাখবেন। তাই তিনি ঝাড়ুখণ্ডের জঙ্গল পথে অগ্রসর হন, ফলে সহজে বিজয়ী হন। সেন শাসনামলের ব্রাহ্মণশাসিত সমাজে সাধারণ মানুষ ছিল শোষিত বঞ্চিত। এছাড়া হিন্দুদের জাতিভেদ প্রথা তাদের বিচ্ছিন্ন করে রেখেছিল। ফলে জাতীয় বিপর্যয়ের সময় তারা রাজার সাথে ঐক্যবদ্ধ হয়নি। ফলে বখতিয়ার সহজ বিজয় অর্জন করেন।

সারসংক্ষেপ : কুশলী যোদ্ধা বখতিয়ার খলজী বুঝেছিলেন, সেন রাজারা বাইরের আক্রমণকারীকে বাধা দেয়ার জন্য গিরিপথে সৈন্যবাহিনী প্রস্তুত রাখবেন। তাই তিনি ঝাড়ুখণ্ডের জঙ্গল পথে অগ্রসর হন, ফলে সহজে বিজয়ী হন।

ঘ বাংলার ইতিহাসে ইখতিয়ার উদ্দিন মুহাম্মদ বিন বখতিয়ার খলজীর বাংলা বিজয় অতীব গুরুত্বপূর্ণ। এটি পরবর্তী বিজয়সমূহ ও ভারতে মুসলিম শাসন প্রতিষ্ঠার সূচক ও মাইলফলক ছিল।

- বখতিয়ার কর্তৃক বাংলা বিজয়ের ফলে এদেশ থেকে দীর্ঘদিনের হিন্দু রাজত্বের অবসান হয়। মুসলমানদের আধিপত্য বিস্তারের পথ সুগম হয়। বখতিয়ারের বিজয়ের পর হিন্দুরা আর কখনো বাংলার শাসন ক্ষমতায় প্রতিষ্ঠিত হতে পারেনি।
- বখতিয়ার বাংলায় স্থায়ী মুসলিম শাসন প্রতিষ্ঠা করতে চেয়েছিলেন। তাই তিনি বাংলা বিজয় করেই লক্ষ্য পূরণের জন্য বিজিত অঞ্চলসমূহকে কয়েকটি প্রদেশ বা জেলায় ভাগ করেন। এ প্রদেশ বা জেলার নাম দেয়া হয় 'ইকতা'। ইকতার শাসনকর্তাকে বলা হতো 'মুকতা'। এভাবে বাংলায় মুসলিম শাসন প্রতিষ্ঠার সূচনা হয়। ইসলামি সংস্কৃতি বিকাশে বখতিয়ারের বাংলা বিজয়ের গুরুত্ব অপরিসীম। তিনি মুসলিম সমাজ সংস্কৃতির বিকাশে অনেক মসজিদ, মাদরাসা ও খানকা স্থাপন করেন। এভাবে বাংলা অঞ্চলে মুসলিম আধিপত্য সম্প্রসারণের সাথে সাথে ইসলামি সংস্কৃতিরও বিকাশ ঘটে।
- বখতিয়ার নদীয়া দখলের তিনদিন পর নদীয়া ত্যাগ করে লখনৌতির (গৌড়) দিকে যান। সম্ভবত লক্ষ্মণ সেনের বিক্রমপুরে পলায়নের পর তাঁর সৈন্যদল যুদ্ধ করার প্রয়োজনবোধ করেনি। বলা যায় যে, ইখতিয়ার উদ্দিন মুহাম্মদ বিন বখতিয়ার বিনা যুদ্ধেই লখনৌতি জয় করেন। তিনি লখনৌতি অধিকার করে সেখানে রাজধানী স্থাপন করেন। ফলে রিকালিঅঞ্চল মুসলিম শাসনাধীনে আসে।

সারসংক্ষেপ : বখতিয়ার খলজীর সেনানায়কত্বে বাংলা এবং বিহার ঘুর রাজ্যের অন্তর্ভুক্ত হয় এবং পাল ও সেন বংশের অবসানে ভারতবর্ষের পূর্বাঞ্চলে সর্বপ্রথম মুসলিম রাজনৈতিক প্রাধান্য প্রতিষ্ঠিত হয়।

সংক্ষিপ্ত প্রশ্নের উত্তরমালা

প্রথম অধ্যায় : প্রাক-ইসলামি পটভূমি ও রাসুল (সা.)-এর মক্কা জীবন

১নং প্রশ্নের উত্তর

জাজিরাতুল আরব বলতে আরব উপদ্বীপকে বোঝায়। কোনো স্থানের তিনদিক জলভাগ এবং অন্যদিক স্থল দ্বারা বেষ্টিত থাকলে তাকে উপদ্বীপ বলা হয়। আরব ভূখণ্ডও তিনদিক জল দ্বারা বেষ্টিত এবং একদিক স্থল ভাগের সাথে যুক্ত। তাই একে জাজিরাতুল আরব বা আরব উপদ্বীপ বলা হয়।

২নং প্রশ্নের উত্তর

আরবদেশের মধ্যভাগে অবস্থিত হওয়ার কারণে হিজাজকে ইসলামের প্রাণকেন্দ্র বলা হয়। হিজাজ আরব দেশের মূল কেন্দ্রে অবস্থিত ছিল এবং এর সাথে সংযুক্ত ছিল তিনটি গুরুত্বপূর্ণ শহর; মক্কা, মদিনা ও তায়িফ। ইসলামের প্রবর্তক হযরত মুহাম্মাদ (সা.) মক্কায় জন্ম গ্রহণ করেন। তিনি প্রথমত হিজাজের অন্তর্গত মক্কা, মদিনা ও তায়িফে ইসলাম প্রচার করেন এবং পরবর্তীতে ইসলামকে আরবে সুপ্রতিষ্ঠিত করেন। এসব কারণে হিজাজকে ইসলামের প্রাণকেন্দ্র বলা হয়।

৩নং প্রশ্নের উত্তর

আরব শব্দের উৎপত্তি ও নামকরণের ঐতিহাসিক প্রেক্ষাপট রয়েছে। ধারণা করা হয়, প্রাচীনকালে হিজাজ অঞ্চলের অন্তর্ভুক্ত তায়ামা প্রদেশের কাছে আরাবা নামক স্থান ছিল। সেই আরাবা থেকে কালক্রমে আরব শব্দের উৎপত্তি হয়েছে। আবার কেউ কেউ মনে করেন, ‘ইয়ারাব’ থেকে ‘আরব’ শব্দের উৎপত্তি হয়েছে। অন্য একটি তথ্য থেকে জানা যায় যে, হিব্রু ভাষায় প্রচলিত ‘আবহার’ শব্দটি ‘আরব’ শব্দের সমার্থক। ‘আরব’ এবং ‘আবহার’ দু’টি শব্দের সমার্থক শব্দ হলো ‘মরুভূমি’। অপরদিকে পাশ্চাত্য অঞ্চলের লোকেরা আরবিদেরকে ‘সারাসিনি’ হিসেবে অভিহিত করতো। ‘সাহারা’ শব্দ থেকে উৎপন্ন ‘সারাসিনি’ শব্দের অর্থ হলো ‘মরুভূমি’। আবার আরব শব্দের অভিধানিক অর্থ বাগ্মিতা। আরববাসী বাগ্মী হওয়ায় তাদের দেশের এরূপ নামকরণ হয়েছিল। আরবের অধিকাংশ স্থান মরুময় ছিল বলেও এরূপ নামকরণ করা হয়ে থাকতে পারে।

৪নং প্রশ্নের উত্তর

তিন দিক সমুদ্র এবং একদিকে মরুভূমি দ্বারা বেষ্টিত রুক্ষ, কঙ্করময় স্থানের নাম আরব। আধুনিক প্রত্নতাত্ত্বিকগণ মনে করেন, আরব উপদ্বীপ সর্বপ্রাচীন জনপদ। এ অঞ্চলে প্রাপ্ত শিলালিপি পাঠোদ্ধার ও নৃতাত্ত্বিক মাটি গবেষণা দ্বারা প্রতীয়মান হয়, আরবভূমি সেমিটিক সভ্যতার পাদপীঠ। নৃবিজ্ঞানীদের ধারণা, আরবভূমিতেই আদিমানব হযরত আদম (আ.)-এর বসবাস ও বিশ্বসভ্যতার উন্মেষস্থল। আরবের মক্কা নগরীতে পবিত্র কাবাগৃহ অবস্থিত, যা হযরত আদম (আ.) নির্মাণ করেছেন। পবিত্র কুরআনে আরবের মক্কা নগরীকে ‘উম্মুল কুরা’ বা আদিনগরী বলা হয়েছে। উল্লিখিত কারণসমূহের কারণেই আরবদেশের মাটিকে পৃথিবীর প্রাচীন ভূমি বলা হয়।

৫নং প্রশ্নের উত্তর

আরবদের প্রধান খাদ্য ছিল খেজুর। আর প্রয়োজন ছিল খাবার জন্য পানি। খেজুর ছাড়া তাদের জীবনধারণ করা কষ্টকর ছিল। খেজুর গাছ তাই আরবদেশে বৃক্ষরানি হিসেবে খ্যাত ছিল। জনগণ খেজুর এবং খেজুরের বীজ চূর্ণ করে উটের খাদ্য হিসেবে ব্যবহার করতো। খেজুর গাছের মিষ্টি রস আরব বেদুইনদের নিকট অতিপ্রিয় পানীয় ছিল। এ কারণে আরব বেদুইনদের স্বপ্ন ছিল দুটি কৃষ্ণদ্রব্য (আল আসওয়াদান), যার একটি হলো পানি এবং অপরটি হলো খেজুর। কারণ আরবদের জীবনধারণে এ দুটি দ্রব্য ছিল অপরিহার্য।

৬নং প্রশ্নের উত্তর

আসাবিয়াহ অর্থ কওম চেতনা। গোত্রপ্রীতি ও রক্তের সম্পর্কের ওপর ভিত্তি করে আরবদের মধ্যে যে চেতনা গড়ে ওঠে, তাই কওম চেতনা বা আসাবিয়াহ। এ চেতনা পরবর্তীকালে আরব জাতিগঠন এবং ইসলামের বিস্তৃতি সাধনে সহায়ক হয়েছিল। গোত্রকেন্দ্রিক মরুবাসী বেদুইনদের সর্বশ্রেষ্ঠ বৈশিষ্ট্য ছিল এই আসাবিয়াহ বা কওম-চেতনা।

৭নং প্রশ্নের উত্তর

বৈচিত্র্যপূর্ণ চরিত্রের অধিকারী মরুবাসী বেদুইনদের সর্বশ্রেষ্ঠ বৈশিষ্ট্য ছিল কওম চেতনা। মরুবাসী আরব বেদুইনরা ছিল বৈচিত্র্যপূর্ণ চরিত্রের অধিকারী। স্বজনপ্রীতি ও গণতন্ত্রপ্রীতি ছিল তাদের সহজাত বৈশিষ্ট্য। এসব ছাপিয়ে তাদের সর্বশ্রেষ্ঠ বৈশিষ্ট্য ছিল **الْعَصَبِيَّة** তথা কওম চেতনা, যে কওম চেতনার ভিত্তি ছিল গোত্রপ্রীতি ও রক্ত সম্পর্কের ওপর প্রতিষ্ঠিত। চারণভূমি, সুপেয় পানির সন্ধান এবং বহিঃশত্রুর আক্রমণ মোকাবেলায় তারা কওম চেতনায় সর্বদা ঐক্যবদ্ধ থাকত। উল্লেখ্য, এ কওম চেতনা ছিল আরব জাতি গঠন ও ইসলামের প্রচার প্রসারে বিশেষ সহায়ক।

৮নং প্রশ্নের উত্তর

মিসরকে নীলনদের দান বলা হয়। কারণ মরুভূমিতে পরিণত হওয়া মিসর নীলনদের প্রভাবেই জুন হতে অক্টোবর মাসের মধ্যে উর্বর ভূমিতে পরিণত হয়। এ সময়ের মধ্যে নীলনদের উভয় তীর প্রাণিত হয়। প্লাবন শেষে পলিমাটিতে উভয় তীর দৈর্ঘ্যে ৬০০ মাইল এবং প্রস্থে ১০ মাইল পর্যন্ত ভরে যায়। এরূপ সঞ্চিত পলিমাটির গুণে উভয় ভূ-ভাগ অত্যন্ত উর্বর হয়। ফলে শস্য, তুলা প্রভৃতি প্রচুর পরিমাণে উৎপন্ন হওয়ায় মিসর একটি সমৃদ্ধিশালী দেশে পরিণত হয়।

৯নং প্রশ্নের উত্তর

ব্যাবিলনীয় সভ্যতা ছিল একটি উন্নত সভ্যতা। আধুনিক সভ্যতাসহ বিশ্ব সভ্যতা ব্যাবিলনীয় সভ্যতার কাছে স্বর্ণী। জ্ঞান বিজ্ঞানের ক্ষেত্রে ব্যাবিলনীয়দের অবদান পরবর্তী শতাব্দীগুলোর অনুসন্ধিসু পণ্ডিতদের গবেষণা পরিচালনার পথ রচনা করে গেছে। তাঁরা নিজস্ব ও অন্যান্য জাতির পৌরাণিক কাহিনি কিংবা লৌকিক উপাখ্যান সংগ্রহ ও সংরক্ষণ করে হিব্রু বাইবেলের পটভূমি রচনা করে গেছেন। তারা সমালোচনামূলক ও বিস্তৃতভাবে পর্যবেক্ষণ করে অঙ্কশাস্ত্র, জ্যোতির্বিদ্যা, ভূতত্ত্ববিদ্যা, ইতিহাস, চিকিৎসাবিদ্যা, ব্যাকরণ, দর্শন এবং অভিধান সংকলনের ভিত্তি রচনা করে গেছেন। এসব রচনার মাধ্যমে তারা বিশ্ব সভ্যতায় অমূল্য অবদান রেখে গেছেন।

১০নং প্রশ্নের উত্তর

শিক্ষা ও সংস্কৃতি, জ্ঞান-বিজ্ঞান এবং সভ্যতা ও সংস্কৃতির ক্ষেত্রে গ্রিকদের অবিস্মরণীয় অবদানের কারণে বিশ্বসভ্যতা তাদের কাছে ঋণী। আমরা জানি, বিশ্বজগৎ যখন সভ্যতার দিকে হাঁটাইটি করছিল। গ্রিক জাতি তখন জ্ঞানের মশাল জ্বালিয়ে চারদিক আলোকিত করছিল। প্রয়োজনীয় প্রতিটি ক্ষেত্রে গ্রিস তার কৃতিত্ব সংযোজন করে। তাই বিশ্বসভ্যতা গ্রিকদের কাছে বহুদিক দিয়ে ঋণী।

১১নং প্রশ্নের উত্তর

লজ্জা ও অভিশাপ মনে করায় জাহেলী যুগে জীবন্ত কন্যা সন্তানকে কবরস্থ করা হতো। প্রাক ইসলাম যুগে কন্যা সন্তানদের অবস্থা ছিল অত্যন্ত শোচনীয়। জীবন্ত কন্যা শিশুকে কবরস্থ করার নিষ্ঠুর প্রথা প্রচলিত ছিল ঐ যুগে। দরিদ্রতার ভয়ে কন্যা সন্তানকে অভিশপ্ত, লজ্জাজনক ও অপরাধ মনে করে জীবন্ত কবর দেয়া হতো। শুধু তা-ই নয়, কন্যা সন্তান জন্মান্দানকারী মাতার ভাগ্যেও নেমে আসত কঠিন অত্যাচার।

১২নং প্রশ্নের উত্তর

‘আস-সাবউল মুআল্লাকাত’ বলতে উকাজের বাৎসরিক সাহিত্য সম্মেলনে পাঠিত সাতটি বুলন্ত কবিতাকে বোঝায়। আইয়ামে জাহিলিয়ার যুগে মক্কায় উকাজের বার্ষিক সাহিত্য সম্মেলনে সাতটি কবিতা পুরস্কৃত করা হতো। সোনালি হরফে লিখে এসব কবিতা কাবার দেওয়ালে বুলিয়ে দেওয়া হতো বলে এদের আস-সাবউল মুআল্লাকাত বা সাতটি বুলন্ত কবিতা নামে আখ্যায়িত করা হতো। প্রাক-ইসলামি যুগের কবিদের মধ্যে যশস্বী ছিলেন সাতটি বুলন্ত গীতিকাব্যের রচয়িতাগণ। তাঁরা হলেন আমর ইবনে কুলসুম, লাবিছ ইবনে রাবিয়া, আনতারা ইবনে শাদদাদ, ইমরুল কায়েস, তারাফা ইবনে আবদ, হারিস ইবনে হিলজা ও জুহাইর ইবনে আবি সালমা।

১৩নং প্রশ্নের উত্তর

জাহিলী যুগে নারীর কোনো সামাজিক মর্যাদা ও অধিকার ছিল না। নারীরা ভোগ্যপণ্যের মতো ব্যবহার হতো। সমাজে তাদের স্থান ছিল অতি নিম্নে। অবৈধ প্রণয়, অবাধ মেলামেশা ও একই নারীর বহুস্বামী গ্রহণ প্রথা ছিল ব্যাপক। বিষয় সম্পত্তিতে স্ত্রীর কোনো অধিকার ছিল না। তাদের সাথে গৃহপালিত পশুর মতো ব্যবহার করা হতো। নারীগণও যে মানুষ এ কথা তাদের মনে বিন্দুমাত্র রেখাপাত করতো না।

১৪নং প্রশ্নের উত্তর

জাহিলী যুগে আরবের ধর্মীয় অবস্থা ছিল বিকৃত, কুসংস্কারাচ্ছন্ন ও নৈতিকতা বিবর্জিত। আরবরা বিভিন্ন দেবদেবী ও প্রকৃতি পূজা করতো। তৎকালীন আরবের অধিকাংশ লোক ছিল জড়বাদী পৌত্তলিক। তাদের ধর্ম ছিল পৌত্তলিকতা এবং বিশ্বাস ছিল আল্লাহর পরিবর্তে অদৃশ্য শক্তির কুহেলিকাपूर्ण ভয়ভীতিতে। তারা বিভিন্ন জড়বস্তুর উপাসনা ছাড়াও বিভিন্ন মূর্তির পূজা করত। বর্বর আরবরা কাবাঘরে ৩৬০টি মূর্তি স্থাপন করে ধর্মীয় অরাজকতার চরম বহিঃপ্রকাশ ঘটিয়েছে। এছাড়াও আরব অধিবাসীদের একাংশ ইহুদি ও খ্রিষ্টধর্ম মতে বিশ্বাসী ছিল। আরবে ‘হানিফ’ নামে আরেক শ্রেণির বিশ্বাসী লোক ছিল, যারা ছিল পৌত্তলিকতার বিরোধী। এ সম্প্রদায়ের লোক ছিল নিতান্ত নগণ্য।

১৫নং প্রশ্নের উত্তর

৫৭০ খ্রিষ্টাব্দে আবিসিনিয়ায় বাদশাহ আবরাহা মক্কা নগরী আক্রমণ করে। আবরাহা হাতির পিঠে আরোহণ করে মক্কায় যুদ্ধ যাত্রা করেন বলে এ বছরকে হস্তিবর্ষ বা ‘আ-মুল ফিল’ বলা হয়। মহান আল্লাহর নির্দেশে একদল আবাবিল পাখি ছোট ছোট পাথর কণা নিক্ষেপ করে আবরাহা বাহিনীকে ধ্বংস করে দেয়। পবিত্র কুরআন শরীফের ‘সূরা আল ফীলে’ এ ঘটনা বর্ণিত হয়েছে।

১৬নং প্রশ্নের উত্তর

হারবুল ফুজ্জার হলো অন্যায় সমর। প্রাক ইসলাম যুগে আরবে যেসব যুদ্ধবিগ্রহ একাধারে চলে আসছিল, তন্মধ্যে ফুজ্জারের যুদ্ধই ছিল সর্বাপেক্ষা ভয়াবহ। কুরাইশ এবং কায়েস বংশের মধ্যে এ যুদ্ধের সূচনা হয়েছিল। উকাজ মেলায় জুয়াখেলা, ঘোড়দৌড় ও কাব্য প্রতিযোগিতাকে উপলক্ষ্য করে এ রক্তক্ষয়ী যুদ্ধ শুরু হয়। আইয়ামে হারাম, অর্থাৎ যে কটি মাসে যুদ্ধবিগ্রহ নিষিদ্ধ ছিল, সে সময় যুদ্ধটি হয়েছিল বিধায় এটি ‘হারবুল ফুজ্জার’ বা অন্যায় সমর বা পাপাচারীদের সমর নামে অভিহিত হয়।

১৭নং প্রশ্নের উত্তর

নিষিদ্ধ মাসে ও অন্যায়ভাবে সংঘটিত হয়েছিল বলে হারবুল ফুজ্জারকে অন্যায় সমর বা পাপাচারীদের সমর বলা হয়। ৫৮৫ খ্রিষ্টাব্দ থেকে ৫৯০ খ্রিষ্টাব্দ পর্যন্ত প্রায় পাঁচ বছরব্যাপী মক্কার কুরাইশ ও কায়েস বংশের মধ্যে যে যুদ্ধ সংঘটিত হয়, সেটিই ইসলামের ইতিহাসে ‘হারবুল ফুজ্জার’ নামে পরিচিত। জাহেলী যুগে মক্কার উকাজ নামক স্থানে একটি বার্ষিক মেলা বসত। এটি উকাজ মেলা নামে পরিচিত ছিল। একবার এ মেলায় জুয়াখেলা, ঘোড়দৌড় ও কাব্য প্রতিযোগিতাকে কেন্দ্র করে পবিত্র জিলকদ মাসে এ যুদ্ধ শুরু হয়েছিল বলে একে হারবুল ফুজ্জার বা অন্যায় সমর বা পাপাচারীদের সমর বলা হয়।

১৮নং প্রশ্নের উত্তর

ফুজ্জার যুদ্ধের বীভৎসতা ও সহিংসতা দেখে মহানবি (সা.)-এর মন অত্যন্ত ব্যথিত হয়ে পড়ে। তিনি আত-পীড়িত, অসহায়, গরিব, দুর্বল ও অত্যাচারিতকে জালিম ও ধনীদের হাত থেকে রক্ষা করার জন্য এবং আরবে শান্তি বজায় রাখার জন্যে কতিপয় শান্তিপ্রিয় যুবকদের নিয়ে একটি কমিটি গঠন করেন, ইতিহাসে এটি হিলফ-উল-ফুজ্জুল বা ‘শান্তি সংঘ’ নামে পরিচিত। হিলফ-উল-ফুজ্জুল হলো বিশ্বের প্রথম সেবা সংঘ বা শান্তি সংঘ। ৫৯০ খ্রিষ্টাব্দে মহানবি (সা.) এ সংঘ গঠন করেন। হিলফ-উল-ফুজ্জুলের কর্মীদের সক্রিয় প্রচেষ্টায় তৎকালীন সমাজ থেকে সংঘাত, সংঘর্ষ, কলহ ও বিবাদ প্রভৃতি অনেকাংশে হ্রাস পায়।

১৯নং প্রশ্নের উত্তর

মহানবি হযরত মুহাম্মাদ (সা.)-এর প্রথম সহধর্মিণী হযরত খাদিজা (রা.) রূপে, গুণে ও বংশমর্যাদায় ছিলেন হেজাজের মধ্যে অদ্বিতীয়া। চরিত্রের পবিত্রতা ও স্বাভাবিক শুদ্ধাচারের জন্য বিবি খাদিজা (রা.) আরব দেশে বিশেষ খ্যাতি লাভ করেছিলেন। এছাড়া আইয়ামে জাহিলিয়াতের সময়েও তিনি একত্ববাদে বিশ্বাসী ছিলেন। জাহিলী যুগের নানা অপকর্ম, কুসংস্কার ও অন্যায় ধ্যানধারণা থেকে তিনি সম্পূর্ণরূপে মুক্ত ছিলেন। পৌত্তলিক সমাজে বিবি খাদিজা (রা.) হানিফ সম্প্রদায়ের অন্তর্ভুক্ত ছিলেন। এজন্য মক্কাবাসী তাঁকে ‘খাদিজাতুত তাহিরা’ বা নিষ্কল্ল খাদিজা নামে অভিহিত করেছিল।

২০নং প্রশ্নের উত্তর

ইসলাম হলো সাম্য, মৈত্রী, বিশ্বভ্রাতৃত্ব ও একত্ববাদের ধর্ম। হযরত মুহাম্মাদ (সা.)-এর এ সত্য সুন্দরের আহ্বান কুসংস্কারাচ্ছন্ন কায়েমী স্বার্থবাদী কুরাইশরা মেনে নিতে পারল না। তাই কুরাইশরা ইসলামের তথা মুহাম্মাদ (সা.)-এর বিরোধিতা করে। কুরাইশরা তাদের পূর্ব পুরুষের ধর্ম ত্যাগ করতে লজ্জাবোধ করতো। ইসলাম ধর্ম কবুল করার অর্থ হচ্ছে নিজেকে সকল প্রকারের শিরক হতে মুক্ত করা। হযরত মুহাম্মাদ (সা.) একত্ববাদের দাওয়াত দিয়ে আরববাসীকে মূর্তিপূজা থেকে বিরত থাকতে বললেন, তখন মূর্তিপূজাকে কুরাইশ সম্প্রদায় তাদের জীবনের অঙ্গ হিসেবে গ্রহণ করে নিয়েছিল। তাই তারা তাঁর ওপর ক্রুদ্ধ হয়ে ওঠে এবং তাঁর ইসলাম প্রচারে বাধা সৃষ্টি করে।

২১নং প্রশ্নের উত্তর

আমূল হুযন মানে হলো দুগ্ধের বছর। নবুয়তের দশম বছরে বা ৬২০ খ্রিষ্টাব্দে গিরি সংকট হতে ফিরে আসার কয়েকদিন পর চাচা আবু তালিব মৃত্যুবরণ করলে মহানবি (সা.) অত্যন্ত অসহায় হয়ে পড়েন। সেই শোক ভুলতে না ভুলতেই হযরত খাদিজা (রা.)ও হঠাৎ অসুস্থ হয়ে পড়লেন। চাচা আবু তালিবের মৃত্যুর কয়েক দিনের মধ্যেই হযরত খাদিজা (রা.) ৬৫ বছর বয়সে ইন্তেকাল করেন। তাঁর মৃত্যুতে নবি করীম (সা.)-এর অন্তর এবং গৃহ শূন্য হয়ে পড়ে। অন্যদিকে তাঁর শৈশবের আশ্রয়স্থল, যৌবনের অভিভাবক ও পরবর্তী জীবনের কার্যাবলির একনিষ্ঠ সমর্থক পিতৃব্য আবু তালিবের মৃত্যুতে তিনি শোকে মুহ্যমান হয়ে পড়েন। হযরতের বিপদাপদ ও দুঃসময়ের এ দু'জন মহাপ্রাণের অনুপস্থিতি তাঁর জীবনে অপূরণীয় ক্ষতি সাধন করে। এজন্য এ বছরটি অর্থাৎ নবুয়তের দশম বছর বা ৬২০ খ্রিষ্টাব্দ আমূল হুযন (عَامُ الْحُزْنِ) বা দুগ্ধের বছর নামে খ্যাত।

২২নং প্রশ্নের উত্তর

কুরাইশদের চরম নির্যাতন থেকে রক্ষা পেতে মহানবি (সা.)-এর নির্দেশে মুসলমানরা আবিসিনিয়ায় হিজরত করেন। ইসলাম গ্রহণের কারণে মুসলমানদের উপর কুরাইশদের নির্যাতন যখন তীব্র থেকে তীব্রতর হতে লাগল, তখন মহানবি (সা.) কতিপয় মুসলমানকে আবিসিনিয়ায় হিজরত করার নির্দেশ দেন। মহানবি (সা.)-এর নির্দেশ মোতাবেক ঐসব মুসলমান তাদের ঘর-বাড়ি, সহায়-সম্পত্তি সবকিছু ছেড়ে আবিসিনিয়ায় হিজরত করেন। এর দ্বারা তারা প্রমাণ করলেন, সত্য ধর্ম ইসলামের জন্য তারা যে কোনো ত্যাগ স্বীকারে প্রস্তুত রয়েছেন।

২৩নং প্রশ্নের উত্তর

মদিনার আউস ও খায়রাজ গোত্রের কিছু লোক আকাবা পর্বতের পাদদেশে ইসলাম গ্রহণ করে ইসলাম রক্ষার্থে মহানবি (সা.)-এর কাছে যে শপথ গ্রহণ করেন, তা 'বাইয়াতে আকাবা' বা আকাবার শপথ নামে পরিচিত। হজের মৌসুমে ইসলামের সুমহান বাণীতে আকৃষ্ট হয়ে আউস ও খায়রাজ গোত্রের লোকেরা আকাবায় ইসলাম রক্ষার শপথ গ্রহণ করেছিল। তিনটি পর্যায়ে তারা এ শপথ গ্রহণ করেছিল। প্রথম পর্যায়ে ৬২০ খ্রিষ্টাব্দে, দ্বিতীয় পর্যায়ে ৬২১ খ্রিষ্টাব্দে এবং তৃতীয় পর্যায়ে ৬২২ খ্রিষ্টাব্দে। এসব শপথে ইসলাম গ্রহণকারীরা নিজেদের জান-মাল উৎসর্গ করে আল্লাহ ও তাঁর রাসূল (সা.)-এর আনুগত্য করার শপথ গ্রহণ করেন।

২৪নং প্রশ্নের উত্তর

মক্কার কুরাইশরা যখন দেখল যে, তাদের শত অত্যাচার, নির্যাতন, নিপীড়ন ও প্রলোভন হযরতকে ইসলাম প্রচার থেকে বিরত রাখতে পারেনি। যখন হযরত মুহাম্মাদ (সা.) ইয়াসরিববাসীদের আমন্ত্রণে সেখানে চলে যাওয়ার চূড়ান্ত সিদ্ধান্ত গ্রহণ করেছেন এবং ইয়াসরিবকে নিরাপদ আশ্রয়স্থল হিসেবে চিহ্নিত করেছেন, তখন তারা তাঁকে হত্যা করার মনস্থ করে।

দ্বিতীয় অধ্যায় : হযরত মুহাম্মাদ (সা.)-এর মাদানি জীবন (৬২২-৬৩২ খ্রিষ্টাব্দ)

২৫নং প্রশ্নের উত্তর

ধর্মীয় ও রাষ্ট্রীয় কার্যাবলি সম্পাদনের উদ্দেশ্যে মদিনায় মসজিদে নববি নির্মাণ করা হয়েছিল। মদিনায় হিজরতের পর মহানবি (সা.) সেখানকার আর্থ-সামাজিক ও রাজনৈতিক অবস্থার উন্নয়নে কাজ শুরু করেন। প্রথমে তিনি একটি মসজিদ নির্মাণ করেন। ইসলামের ইতিহাসে এটিই প্রথম মসজিদ যা মসজিদে নববি নামে পরিচিত। এখানেই তাঁর ধর্মীয়, সামাজিক ও রাজনৈতিক কার্যাদি সম্পন্ন করতেন এবং এর একাংশে তিনি সপরিবারে বসবাস করতেন।

২৬নং প্রশ্নের উত্তর

নাখলার খণ্ডযুদ্ধের ফলে কুরাইশরা আক্রমণমুখী হয়ে পড়েছিল বলে এটিকে বদর যুদ্ধের প্রত্যক্ষ কারণ বলা হয়। মক্কার কুরাইশ ও তাদের মিত্ররা প্রায়ই মদিনার প্রান্তসীমায় লুটতরাজ করত। তাদের ধ্বংসাত্মক কার্যাবলি থেকে মদিনা রাষ্ট্রকে রক্ষার জন্য হযরত মুহাম্মাদ (সা.) আবদুল্লাহ ইবনে জাহসের নেতৃত্বে ১২ সদস্যের একটি গোয়েন্দা দল মক্কার উপকণ্ঠে পাঠান। কিন্তু আবদুল্লাহ ভুলক্রমে মক্কাগামী কুরাইশদের একটি কাফেলাকে নাখলা নামক স্থানে আক্রমণ করে। ফলে সেখানে একটি খণ্ড যুদ্ধ হয়। এ যুদ্ধে কুরাইশ নেতা আমর বিন হাজরামি নিহত ও অপর দুই ব্যক্তি বন্দি হন। আমর বিন হাজরামির মৃত্যু কুরাইশদের মধ্যে উত্তেজনা সৃষ্টি করে এবং এটিই বদরের যুদ্ধের প্রত্যক্ষ কারণ হয়ে দাঁড়ায়।

২৭নং প্রশ্নের উত্তর

শত্রুবাহিনী থেকে আত্মরক্ষার্থে খন্দকের যুদ্ধে কৌশল হিসেবে মহানবি (সা.) পরিখা খনন করেছিলেন। খন্দকের যুদ্ধে কুরাইশ ও তাদের মিত্রদের বিশাল সৈন্যবাহিনীকে মোকাবিলার জন্য মুহাম্মাদ (সা.) পারসিক সাহাবি সালমান ফারসি (রা.)-এর পরামর্শে শহরের অরক্ষিত স্থানে গভীর পরিখা খননের ব্যবস্থা করেন। মহানবি (সা.) তিন হাজার সাহাবাকে সাথে নিয়ে রমজান মাসে মদিনার উত্তর ও পশ্চিম দিকে গভীর পরিখা খনন করেন। তাই কুরাইশ ও মিত্রবাহিনী মদিনা নগরী অবরোধ করলেও তারা মদিনায় প্রবেশ করতে না পারায় মুসলমানরা চরম ক্ষতির হাত থেকে রক্ষা পায়।

২৮নং প্রশ্নের উত্তর

সর্বপ্রথম খন্দকযুদ্ধেই নিরাপত্তা কৌশল হিসেবে পরিখা খনন করা হয়েছে বিধায় এ যুদ্ধকে 'খন্দক' নামে অভিহিত করা হয়। মক্কার কুরাইশরা যখন সৈন্যে মদিনা আক্রমণে অগ্রসর হয় তখন এই বাহিনীকে প্রতিরোধ করার উপায় উদ্ভাবনের লক্ষ্যে মহানবি (সা.) সাহাবিদের নিয়ে একটি পরামর্শ সভা আহ্বান করেন। উক্ত সভায়

হযরত সালমান ফারসি (রা.) এর পরামর্শ গৃহীত হয়। প্রস্তাব অনুযায়ী মদিনা শহরের তিন দিকে অরক্ষিত স্থানে পরিখা খনন করা হয়। পরিখা বা খন্দক হতেই এ যুদ্ধের নামকরণ করা হয়েছে ‘খন্দকের যুদ্ধ’।

২৯নং প্রশ্নের উত্তর

বদর যুদ্ধের প্রত্যক্ষ কারণ ছিল নাখলার খণ্ডযুদ্ধ। মদিনার সীমান্ত এলাকায় কুরাইশ ও তাদের সমর্থকরা মুসলমানদের সহায় সম্বল দখল ও লুটতরাজ করতো। কুরাইশদের লুটতরাজ ও আক্রমণ বন্ধের জন্য রাসুল (সা.) ১২ সদস্যের একটি গোয়েন্দা দল প্রেরণ করেন। আব্দুল্লাহ ইবনে জাহাশের নেতৃত্বে উক্ত দল ভুলক্রমে মক্কার একটি দলের উপর আক্রমণ করলে নাখলায় একটি খণ্ডযুদ্ধ সংঘটিত হয়। তাছাড়া তৎকালীন কুরাইশ সর্দার আবু সুফিয়ান মুসলমানদের দ্বারা আক্রমণের শিকার হয়েছে, এমন গুজব ছড়িয়ে দেয়া হয়, যা বদরের যুদ্ধের অন্যতম কারণ ছিল।

৩০নং প্রশ্নের উত্তর

কথিত গুজবের ভিত্তিতে সাহাবায়ে কেরাম হযরত উসমান (রা.)-এর রক্তের বদলা নেয়ার জন্য যে বায়াত বা শপথ নিয়েছিলেন তাকেই ‘বাইআতুর রিদওয়ান’ অথবা, ‘বাইআতুশ শাজারা’ বলা হয়। বৃক্ষের নিচে শপথ করা হয় বলে একে ‘বাইয়াতুশ শাজারা’ বলা হয়। হৃদায়বিয়া নামক স্থানে সন্ধির জন্য রাসুল (সা.) হযরত উসমান (রা.)-কে কুরাইশদের নিকট প্রেরণ করেছিলেন। তাঁকে কুরাইশরা হত্যা করেছে এমন গুজব ছড়িয়ে পড়লে সাহাবিরা তাঁর হত্যার প্রতিশোধ নেয়ার জন্য দীপ্তকণ্ঠে শপথ গ্রহণ করেন। এ বায়াত বা শপথকেই ‘বাইআতুর রিদওয়ান’ অথবা ‘বাইআতুশ শাজারা’ বলা হয়।

৩১নং প্রশ্নের উত্তর

বাইয়াতুর রিদওয়ান সংঘটিত হয়েছিল কথিত গুজবের ভিত্তিতে সাহাবায়ে কেরাম কর্তৃক হযরত উসমান (রা.)-এর রক্তের বদলা নেয়ার জন্য। হৃদায়বিয়া নামক স্থানে সন্ধির জন্য রাসুল (সা.) হযরত উসমান (রা.)-কে কুরাইশদের নিকট প্রেরণ করেছিলেন। হযরত উসমান (রা.) এর প্রত্যাবর্তনে বিলম্ব হলে মুসলিম শিবিরে রব উঠল যে, মুশরিকরা হযরত উসমান (রা.) কে হত্যা করেছে। ফলে যুদ্ধ অবশ্যম্ভাবী হয়ে পড়ে এবং বীর মুসলিম যোদ্ধাগণ নিরস্ত্র হলেও দীপ্তকণ্ঠে শপথ গ্রহণ করলেন যে তাঁরা হযরত উসমান (রা.)-এর হত্যার প্রতিশোধ গ্রহণ করবেন। এ শপথকে বাইয়াতুর রিদওয়ান বলে অভিহিত করা হয়।

৩২নং প্রশ্নের উত্তর

মক্কা বিজয়ের প্রত্যক্ষ কারণ ছিল হৃদায়বিয়া সন্ধির অবমাননা। হৃদায়বিয়ার সন্ধির অন্যতম শর্ত ছিল আরবের অন্যান্য জাতি তাদের ইচ্ছামতো যে কোনো পক্ষের সাথে মিত্রতা স্থাপন করতে পারবে। এ শর্ত মোতাবেক বানু খুযায়া গোত্র রাসুল (সা.)-এর সাথে মিত্রতাসূত্রে আবদ্ধ হলো। তাদের শত্রুপক্ষ বানু বকর কুরাইশদের সাথে মৈত্রীবন্ধনে আবদ্ধ হয়। বহুদিন যাবৎ দুই শত্রুগোত্রের মধ্যে যুদ্ধ-বিগ্রহ চলে আসছিল। সন্ধির অবমাননা করায় মহানবি (সা.) তাদের তিনটি ঐচ্ছিক প্রস্তাব দেন। তারা সন্ধির শর্ত বাতিলের প্রস্তাবটি মেনে নেয়। ফলে মক্কা বিজয়ের পথ উন্মুক্ত হয়।

৩৩নং প্রশ্নের উত্তর

কাবাঘর ঘেয়ারতের উদ্দেশ্যে রাসুল (সা.) ষষ্ঠ হিজরীতে চৌদশ সঙ্গীসহ মক্কা অভিমুখে যাত্রা করেন। কিন্তু মক্কার অনতিদূরে এসে তাঁরা কুরাইশদের বাধার সম্মুখীন হন। কুরাইশরা অস্ত্রশস্ত্রে সুসজ্জিত হয়ে যুদ্ধের প্রস্তুতি নিতে থাকে। রাসুল (সা.) হৃদায়বিয়া নামক একটি কূপের নিকট শিবির স্থাপন করেন। তিনি প্রথমে খারাম ইবনে উমাইয়াকে এবং পরে হযরত উসমান (রা.)-কে পাঠিয়ে তাদের আগমনের উদ্দেশ্য সম্বন্ধে কুরাইশদের অবহিত করেন। মধ্যস্থতার জন্য প্রেরিত হযরত উসমান (রা.)-কে কুরাইশরা নজরবন্দি করে রাখলে তাঁকে হত্যা করা হয়েছে বলে জনরব ছড়িয়ে পড়ে। এ সংবাদে মুসলমানরা কুরাইশদের বিরুদ্ধে প্রতিশোধ নেওয়ার শপথ করলে ‘বাইআতুর রিদওয়ান’ সম্পাদিত হয়। মুসলমানদের যুদ্ধপ্রস্তুতির খবরে কুরাইশরা ভীত হয়ে পড়ে। অতঃপর তারা আলোচনার জন্য প্রতিনিধি পাঠায়। অবশেষে দীর্ঘ আলোচনার পর উভয়পক্ষ কতিপয় শর্তে সন্ধিচুক্তিতে স্বাক্ষর করে। ইতিহাসে এটাই হৃদায়বিয়ার সন্ধি নামে পরিচিত।

৩৪নং প্রশ্নের উত্তর

হযরত আলী (রা.)-এর বীরত্ব ও রণনৈপুণ্যের জন্য তাঁকে আল্লাহর সিংহ উপাধি দেয়া হয়েছিল। হযরত আলী (রা.) ইসলামের জন্য অনেক গুরুত্বপূর্ণ অবদান রাখেন। তাঁর শক্তি, সাহস ও বীরত্ব রাসুল (সা.)-এর নিকট প্রশংসনীয় ছিল। তিনি রাসুল (সা.)-এর জীবনের প্রায় সবগুলো যুদ্ধেই অংশগ্রহণ করেন। তিনি বদর যুদ্ধে ইসলামের পতাকা বহন করেন। খাইবার যুদ্ধে তিনি বিখ্যাত কামুস দুর্গ জয় করে অসাধারণ কৃতিত্বের পরিচয় দেন। তাই মহানবি (সা.) সন্তুষ্ট চিত্তে তাঁকে আসাদুল্লাহ বা আল্লাহর সিংহ উপাধি প্রদান করেন।

৩৫নং প্রশ্নের উত্তর

মূলতবী ওমরাহ বলতে কাযা ওমরাহকে বোঝায়। ঐতিহাসিক দৃষ্টিকোণ থেকে জানা যায়, খাইবার যুদ্ধ শেষে মহানবি (সা.) কাযা ওমরা আদায়ের উদ্দেশ্যে রওয়ানা হন। পূর্ববর্তী বছর এ মাসে মুশরিকরা যে ওমরা করতে তাঁকে বারণ করেছিল, সপ্তম হিজরীর ফিলকদ মাসে (৬২৯ খ্রিষ্টাব্দের মার্চ মাসে) তা পালনের উদ্দেশ্যে তিনি মক্কা শরীফ অভিমুখে রওয়ানা করেন। মহানবি (সা.) ও তাঁর সঙ্গীরা ইয়াজাজ নামক স্থানে পৌঁছে সেখানে সাথে বহন করা সব অস্ত্রশস্ত্র রেখে দেন। সঙ্গে শুধু একখানা কোষবদ্ধ তলোয়ার নিয়ে যান এবং মক্কায় তিনদিন অবস্থানের পর মদিনায় প্রত্যাবর্তন করেন। এ ওমরাহটি ছিল রাসুল (সা.)-এর মূলতবী ওমরাহ।

৩৬নং প্রশ্নের উত্তর

রাসুল (সা.) কর্তৃক খ্রিষ্টানদের সঙ্গে সন্ধাব গড়ে তোলার অন্যতম কারণ হলো, আবিসিনীয় খ্রিষ্টান সম্রাট নাজ্জাসি তার রাজ্যে হিজরতকারী মুসলমানদের আশ্রয় দেন। এছাড়াও মদিনায় হিজরত করার পর স্থানীয় খ্রিষ্টানরা মহানবি (সা.)-এর প্রতি শ্রদ্ধা নিবেদন করে মুসলমানদের সঙ্গে বন্ধুত্ব রক্ষা করে চলত। খ্রিষ্টানদের সহৃদয়তা ও বন্ধুত্বপূর্ণ মনোভাবে প্রীত হয়ে মহানবি (সা.) ষষ্ঠ হিজরীতে তাদেরকে একটি সনদ প্রদান করেন। এ সনদের মাধ্যমে নির্বিঘ্নে তাদের ধর্মীয় আচার অনুষ্ঠান পালন করার পূর্ণ স্বাধীনতা প্রদান করা হয়।

৩৭নং প্রশ্নের উত্তর

মুতার যুদ্ধে বীরত্বের জন্য খালিদ বিন ওয়ালিদ (রা.)-কে সাইফুল্লাহ উপাধি দেয়া হয়। মুতার যুদ্ধে হযরত আবদুল্লাহ বিন রাওয়াহা (রা.) সহ পরপর তিনজন সেনাপতি শহিদ হলে হযরত খালিদ বিন ওয়ালিদ (রা.) বাণ্ডা হাতে নেন। তিনি এমন বীরত্বের সাথে যুদ্ধ করেন যে, সেদিন তাঁর হাতে নয়টি তরবারি ভেঙে যায়। সেদিনই তিনি তাঁর যুদ্ধ অভিজ্ঞতার পূর্ণ পরিচয় দেন। চূড়ান্ত বীরত্বের সাথে লড়াই করতে করতে আল্লাহর মেহেরবানীতে পুরো ইসলামি ফৌজকে শত্রুর কবল থেকে মুক্ত করেন। এ যুদ্ধের পরই হযরত খালিদ (রা.) ‘সাইফুল্লাহ’ (আল্লাহর তরবারি) খেতাবে ভূষিত হন।

৩৮নং প্রশ্নের উত্তর

তাবুক যুদ্ধ থেকে বাইজান্টাইন বাহিনী পালিয়ে যাওয়ার কারণ হলো—মুসলমানদের শৌর্যবীর্য দেখে ভয় পাওয়া এবং মুসলমানদের জয় অবশ্যম্ভাবী মনে করা। ৬৩০ খ্রিষ্টাব্দে সংঘটিত তাবুক যুদ্ধে বাইজান্টাইনরা মুসলমানদের বিরুদ্ধে যুদ্ধ থেকে পলায়ন করে। আল্লাহ তাদের অন্তরকরণে ভয় ঢুকিয়ে দিয়েছেন। মুসলমানদের শৌর্যবীর্য দেখে তারা ভয় পেয়েছে। তারা যুদ্ধে মুসলমানদের জয়লাভ অবশ্যম্ভাবী মনে করেছে। ফলে তারা সম্মুখ যুদ্ধে অবতীর্ণ না হয়ে পলায়ন করে।

৩৯নং প্রশ্নের উত্তর

নবম হিজরি হযরত মুহাম্মাদ (সা.)-এর জীবনে এবং বিশেষ করে ইসলামের ব্যাপক প্রসারের ক্ষেত্রে অত্যন্ত গুরুত্বপূর্ণ। ইবনে হিশাম বলেন, এ বছর হযরত মুহাম্মাদ (সা.) অসংখ্য প্রতিনিধিকে (ইসলাম ধর্ম গ্রহণের উদ্দেশ্যে) সাদরে অভ্যর্থনা জ্ঞাপন করেন বলে উক্ত বছরকে প্রতিনিধি প্রেরণের বছর বা আমুল উফুদ বলা হয়। ওমান, হাজারমাউত, নাজরান, মাহরা, বাহরাইন প্রভৃতি যে সমস্ত অঞ্চলে কোনো প্রকার অভিযান প্রেরণ করা হয়নি, সে সমস্ত অঞ্চল হতে প্রতিনিধি মদিনায় প্রেরিত হলো। মক্কা বিজয়ের অব্যবহিত পরে হযরতের আমন্ত্রণক্রমে এ সমস্ত প্রতিনিধিরা ইসলামের প্রতি একনিষ্ঠ বিশ্বাস স্থাপন করল।

৪০নং প্রশ্নের উত্তর

দাসদাসী সম্পর্কে মহানবি (সা.)-এর বিদায় হজের ভাষণ অত্যন্ত গুরুত্বপূর্ণ। বিদায় হজের ভাষণে তিনি ঘোষণা করেন, “দাসদাসীদের প্রতি সর্বদা সদ্ব্যবহার করিও।” তিনি আরও বলেন, “তাদের ওপর কোনোরূপ অত্যাচার কর না। তোমরা যা খাবে, তাদেরকে তা-ই খাওয়াবে, তোমরা যা পরবে, তাদেরকে তা-ই পরাবে, তারা অপরাধ করলে ক্ষমা করবে; ভুলে যেকোনো না- তারাও তোমাদের মতো মানুষ।”

৪১নং প্রশ্নের উত্তর

মক্কা বিজয়ের সময়ে মহানবি (সা.) কোনো প্রকার রক্তপাত না ঘটিয়ে মক্কাবাসীকে নিঃশর্তভাবে ক্ষমা করেছিলেন বলে এ বিজয়কে রক্তপাতহীন বিজয় বলা হয়। মহানবি (সা.) ৬৩০ খ্রিষ্টাব্দে মক্কা বিজয় করেন। এ সময় তিনি অতীতের সব অপমান ও অন্যায় ভুলে গিয়ে মক্কাবাসীর প্রতি সর্বজনীন ক্ষমা ঘোষণা করেন। এভাবে রচিত হয় পৃথিবীর ইতিহাসে রক্তপাতহীন এক ঐতিহাসিক বিজয়। আলেকজান্ডার, জুলিয়াস সিজার ও নেপোলিয়ানের দেশজয় ছিল

নিরীহ জনসাধারণের রক্তপাতের ইতিহাস। কিন্তু মহানবি (সা.)-এর মক্কা বিজয় ছিল রক্তপাতহীন এক মহাবিজয়।

৪২নং প্রশ্নের উত্তর

বিদায় হজ বলতে মহানবি (সা.)-এর জীবনের একমাত্র ও সর্বশেষ হজকে বোঝায়। মহানবি (সা.) তাঁর মদিনার জীবনে দু’বার ওমরাহ করলেও পূর্ণাঙ্গ হজ পালন করতে পারেননি। এমতাবস্থায় তিনি ১০ম হিজরী সনের ২৫ জিলকদ (৬৩২ খ্রিষ্টাব্দ) ১ লাখ ১৪ হাজার সাহাবাসহ পবিত্র হজ পালনের জন্য মক্কায় গমন করেন। এটি ছিল মহানবি (সা.)-এর প্রথম পূর্ণাঙ্গ এবং সর্বশেষ হজ পালন। এ জন্য এ হজকে ‘হজ্জাতুল বিদা’ বা বিদায় হজ বলা হয়।

৪৩নং প্রশ্নের উত্তর

হৃদায়বিয়ার সন্ধি ইসলাম ও মুসলমানদের জন্য বিশেষ সাফল্য বয়ে আনায় এটিকে ফাতহুম মুবীন বা মহাবিজয় বা প্রকাশ্য বিজয় বলা হয়। ইসলামের ইতিহাসে হৃদায়বিয়ার সন্ধি একটি যুগান্তকারী ঘটনা। আপাতদৃষ্টিতে এ সন্ধির শর্তগুলো মুসলমানদের স্বার্থের প্রতিকূলে বলে মনে হলেও বাস্তবে এর ফলাফল মুসলমানদের জন্য অনুকূল ছিল। হৃদায়বিয়ার সন্ধির মাধ্যমে কুরাইশরা মহানবি (সা.)-কে মদিনা রাষ্ট্রের প্রধান হিসেবে মেনে নেয়। ফলে মুসলমানরা একটি স্বতন্ত্র রাজনৈতিক শক্তি হিসেবে স্বীকৃতি লাভ করে। দশ বছরের জন্য যুদ্ধ বন্ধের চুক্তি হওয়ায় রাসুল (সা.) ইসলাম প্রচারে মনোযোগ দিতে পারেন। আবার হৃদায়বিয়ার সন্ধি ভঙ্গের কারণেই মুসলমানরা মক্কায় অভিযান চালিয়ে তা জয় করে। এসব কারণে এ সন্ধিকে মুসলমানদের জন্য ফাতহুম মুবীন বা মহাবিজয় বলা হয়।

৪৪নং প্রশ্নের উত্তর

জিযিয়া অমুসলমান প্রজাদের জানমালের নিরাপত্তা কর। এটি তাদের নিকট হতে আদায় করা হতো। এর পরিবর্তে তাদেরকে যুদ্ধে যোগদান হতে রেহাই দেওয়া হতো এবং মুসলিম রাষ্ট্র তাদের জান-মালের নিরাপত্তার দায়িত্ব গ্রহণ করত। অমুসলমানকে রক্ষা করতে না পারলে মুসলমানগণ তাদের প্রদত্ত জিযিয়া কর ফিরিয়ে দিত। মহানবি (সা.) এর জীবিতকালে প্রত্যেক সামর্থবান অমুসলমান প্রজাকে বাৎসরিক এক দিনার হিসেবে জিযিয়া কর দিতে হত। জিযিয়া নতুন কর নয় তৎপূর্বে এই কর পারস্য ও রোমান সাম্রাজ্যে যথাক্রমে “গেজিট” এবং “ট্রাইবিউটম ক্যাপিটিস” নামে প্রচলিত ছিল।

তৃতীয় অধ্যায় : খুলাফায়ে রাশেদিন

৪৫নং প্রশ্নের উত্তর

খিলাফত হচ্ছে মিনহাজুন নবুওয়াত বা নবুয়তের পদ্ধতি। ব্যাপকার্থে খিলাফত হচ্ছে ইসলামের ধর্মীয়, সামাজিক, রাজনৈতিক প্রতিষ্ঠান। ইসলামের সরকার পদ্ধতিকে খিলাফত বলা হয়। ইবনে খালদুনের মতে, “খিলাফত হবে এমন প্রতিষ্ঠান যা মহানবি (সা.)-এর মিশনের প্রতিনিধিত্ব করে। সে কারণে খলিফার প্রধান কর্তব্য হচ্ছে ধর্মের রক্ষণাবেক্ষণ করা এবং সাধারণভাবে রাষ্ট্রনীতি সুষ্ঠুভাবে নিয়ন্ত্রণে রাখা।”

৪৬নং প্রশ্নের উত্তর

খলিফাগণ নবির প্রতিনিধি। কারণ প্রতিনিধি যেমন তাঁর প্রেরকের দায়িত্ব ও কার্যাবলি সম্পন্ন করেন, অনুরূপভাবে খলিফাগণও নবির দায়িত্ব ও কার্যাবলি সম্পাদন করেছিলেন। খলিফারা নিজেদের

ইচ্ছামতো রাষ্ট্র পরিচালনা করেননি। তাঁরা নবির আদর্শ ও বিধান অনুযায়ী রাষ্ট্র ও শাসনব্যবস্থা পরিচালনার প্রতি সচেতন ছিলেন বলে তাঁদেরকে নবির প্রতিনিধি বলা হয়।

৪৭নং প্রশ্নের উত্তর

পবিত্র মিরাজের ঘটনা অকপটে বিশ্বাস করার কারণে হযরত আবু বকর (রা.) সিদ্দিক উপাধিতে ভূষিত হয়েছিলেন। হযরত আবু বকর (রা.) রাসুল (সা.)-এর পবিত্র যবানে মিরাজের বিবরণ শ্রবণ করে দ্বিধাহীনচিত্তে বিশ্বাস করেন এবং বলেন—**صدقني يا رسول الله**—অর্থাৎ, হে আল্লাহর রাসুল! আপনার বিবরণ সম্পূর্ণ সত্য। তখনই রাসুল (সা.) তাঁকে সিদ্দিক উপাধিতে ভূষিত করেন।

৪৮নং প্রশ্নের উত্তর

রিদ্দার যুদ্ধের মাধ্যমে নবপ্রতিষ্ঠিত ইসলামি সাম্রাজ্য ধ্বংসের হাত থেকে রক্ষা পেয়েছিল বলে এ যুদ্ধ ইসলামের ইতিহাসে গুরুত্বপূর্ণ। মুসলমানদের সাথে স্বধর্মত্যাগী ও ভণ্ড নবিদের যে যুদ্ধ হয় সেটিই রিদ্দার যুদ্ধ নামে পরিচিত। রাসুল (সা.) মৃত্যুর পর ইসলামি সাম্রাজ্যের সর্বত্র চরম অরাজকতা ও বিশৃঙ্খলা দেখা দেয়। সমগ্র আরবের বিভিন্ন স্থানে মুসায়লামা, তোলায়হা, আসাদ আনসি, সাজাহসহ অনেকেই নবুয়ত দাবি করে তারা খলিফা আবু বকরের (রা.) বিরুদ্ধে বিদ্রোহ ঘোষণা করে। হযরত আবু বকর (রা.) অত্যন্ত দক্ষতার সাথে তাদের দমন করে নবপ্রতিষ্ঠিত ইসলামি সাম্রাজ্যকে ধ্বংসের হাত থেকে রক্ষা করেন।

৪৯নং প্রশ্নের উত্তর

বিদ্রোহীদের দমনের জন্য আবু বকর (রা.) রিদ্দার যুদ্ধ নামে শুদ্ধ অভিযান পরিচালনা করেন। মহানবি (সা.)-এর সময়ে আরবের অনেকে নিজ স্বার্থসিদ্ধির জন্য ইসলাম ধর্ম গ্রহণ করেছিল। যাদের বিশ্বাস খাঁটি ছিল না। ইসলামের কঠোর বিধি-নিষেধ, শৃঙ্খলা, নৈতিক অনুশাসনের বেড়া জালে অনেক আরবই নিজেদের জড়াতে চায়নি। ফলে তারা রাসুল (সা.)-এর মৃত্যুর পর বিদ্রোহী হয়ে ওঠে। তাছাড়া অমুসলিম আরবদের ইন্ধনে মহানবি (সা.)-এর মৃত্যুর পর মুসলমানদের মধ্যে নানা বিভ্রান্তির সৃষ্টি হয়। ফলে আরব সমাজে বিদ্রোহের সৃষ্টি হয়। মদিনাকেন্দ্রিক শাসনের প্রতি অনীহা, নবুয়তের প্রতি লোভ এবং অমুসলিম সম্প্রদায়ের ইন্ধন হযরত আবু বকর (রা.)-এর সময়ে আরবে এক সংকটময় অবস্থার সৃষ্টি করে। এ অবস্থা থেকে উত্তরণে হযরত আবু বকর (রা.) রিদ্দার যুদ্ধ পরিচালনা করেন।

৫০নং প্রশ্নের উত্তর

বিশ্বমানবতার উত্তম আদর্শ হযরত মুহাম্মাদ (সা.)-এর জীবনের শেষ পর্যায়ে এবং মৃত্যুর (৬৩২ খ্রি.) পর কিছু লোক হীনস্বার্থ উদ্ধারের জন্য নিজেদেরকে নবি হিসেবে দাবি করে। এরাই ভণ্ডনবি নামে পরিচিত। আসওয়াদ আনাসি, মুসাইলামা, তোলায়হা এবং সাজাহ ছিল ভণ্ডনবিদের অন্যতম। এরা নিজেদের নবি হিসেবে ঘোষণা করে জনসাধারণের মধ্যে বিভ্রান্তির সৃষ্টি এবং গোটা মুসলিম জাহানে বিশৃঙ্খলা সৃষ্টি করেছিল। রিদ্দার যুদ্ধে হযরত আবু বকর (রা.) এদের কঠোরভাবে দমন করেন।

৫১নং প্রশ্নের উত্তর

হযরত উমর (রা.) দুর্বল, অসহায়দের শনাক্ত করে ভাতার ব্যবস্থা করার জন্য আদমশুমারির প্রবর্তন করেন। হযরত উমর (রা.) দুর্বল, অসহায়, অন্ধ, খোঁড়া, বেকার, বৃদ্ধ ও অনাথদের জন্য সরকারি ভাতার ব্যবস্থা করেন। এ ব্যবস্থা সূষ্ঠাভাবে পরিচালনা করার জন্য তিনি বিশ্বে প্রথম আদমশুমারির প্রবর্তন করেন। আদমশুমারির মাধ্যমেই তিনি উল্লিখিত ভাতাপ্রাপ্তির যোগ্য লোকদের শনাক্ত করেন।

৫২নং প্রশ্নের উত্তর

মক্কার বিধর্মীদের একত্রিত করে তাঁর ইসলাম গ্রহণের কথা প্রকাশ্যে ঘোষণা করার কারণে ইসলামের দ্বিতীয় খলিফা হযরত উমর (রা.)-কে ফারুক উপাধিতে ভূষিত করা হয়। হযরত উমর (রা.) প্রথম ব্যক্তি, যিনি মক্কার বিধর্মীদের একত্রিত করে তাঁর ইসলাম গ্রহণের কথা প্রকাশ্যে ঘোষণা করেন। এ কারণে মহানবি (সা.) তাঁকে ফারুক (সত্য-মিথ্যার প্রভেদকারী) উপাধিতে ভূষিত করেন।

৫৩নং প্রশ্নের উত্তর

হযরত উমর (রা.) রাষ্ট্রীয় আয়-ব্যয়ের ন্যায্যভিত্তিক সূষ্ঠা ব্যবস্থাপনার জন্য বায়তুল মাল পুনর্গঠন করেন। বায়তুল মাল হলো ইসলামের অর্থ সংক্রান্ত একটি প্রতিষ্ঠান। এটি ইসলামি রাষ্ট্রব্যবস্থায় সরকারি কোষাগার। হযরত আবু বকর (রা.)-এর সময়ে এতে মাত্র এক দিরহাম সঞ্চিত ছিল। খলিফা উমর (রা.) খিলাফতের দায়িত্বভার গ্রহণ করে ওয়ালিদ বিন হিশামের পরামর্শে আব্দুল্লাহ বিন আকরামকে কোষাধ্যক্ষ নিযুক্ত করে বায়তুল মালের সংস্কার ও পুনর্গঠন করেন।

৫৪নং প্রশ্নের উত্তর

আরবদের মধ্যে ঐক্য ও সংহতি প্রতিষ্ঠা এবং তাদের রক্তের বিশুদ্ধতা রক্ষায় হযরত উমর (রা.) কিছু নীতি গ্রহণ করেন, যা তার আরব জাতীয়তাবাদ নীতি নামে পরিচিত। হযরত উমর (রা.)-এর শাসনব্যবস্থার অন্যতম বৈশিষ্ট্য ছিল আরব জাতীয়তাবাদ। আরবজাতির জাতীয় বৈশিষ্ট্য, বিশুদ্ধতা, অভিজাত্য ও সামরিক প্রাধান্য বজায় রাখার জন্য হযরত উমর (রা.) ইহুদি ও খ্রিষ্টানদের আরব দেশের বাইরে বসবাসের নির্দেশ দেন। আরববাসীকে বিজিত দেশে জমি-জমা ক্রয় করতে এবং চাষাবাদ করতে নিষেধ করেন। হযরত উমর আরব উপদ্বীপকে শুধু আরব জাতির জন্য সংরক্ষণ করেন। এটি তার আরব জাতীয়তাবাদ নীতি নামে পরিচিত।

৫৫নং প্রশ্নের উত্তর

ইয়ারমুক যুদ্ধের অব্যবহিত পরেই হযরত আমর ইবনুল আস (রা.) কর্তৃক প্যালেস্টাইনের রাজধানী জেরুজালেম অবরোধ করা হয়। অবরুদ্ধ নগরীর অধিবাসীবৃন্দ মুসলিম সেনাপতির নিকট এ শর্তে আত্মসমর্পণ করতে স্বীকৃত হলো যে, মহান খলিফা হযরত উমর (রা.) স্বয়ং জেরুজালেম এসে সন্ধিপত্রে স্বাক্ষর করবেন। সেনাপতি হযরত আবু ওবায়দা (রা.) এ সংবাদ খলিফা হযরত উমর (রা.) কে জানালে, তিনি সকলের সাথে পরামর্শ করে একজন ভৃত্য সহকারে উষ্ট পৃষ্ঠে চড়ে জেরুজালেম রওয়ানা হন। শহরে প্রবেশকালে পালানুযায়ী তখন খলিফা হযরত উমর (রা.) উঠের রশি টানছিলেন আর ভৃত্য উঠের পিঠে বসা। এ দৃশ্য অবলোকন করে খ্রিষ্টানগণ বিস্মিত ও অভিভূত হয়ে পড়েন। অতঃপর খ্রিষ্টানদের সাথে সন্ধি স্বাক্ষর করে ৬৩৭ খ্রিষ্টাব্দে খলিফা হযরত উমর (রা.) জেরুজালেম নগরী তার স্বহস্তে গ্রহণ করেন। খ্রিষ্টানদের পক্ষ থেকে তাদের ধর্মগুরু সাফেহনিয়াস সন্ধিপত্রে স্বাক্ষর করেন।

৫৬নং প্রশ্নের উত্তর

জসরের যুদ্ধকে সেতুর যুদ্ধ বলার কারণ যুদ্ধে মুসলিম বাহিনী নৌকা দ্বারা সেতু নির্মাণ করে ইউফ্রেটিস নদী অতিক্রম করে যুদ্ধ করেছিল। নামারিকের যুদ্ধের পরাজয়ে অতিমাত্রায় ক্রুদ্ধ হয়ে রুস্তম আরও অধিক সৈন্য সংগ্রহ করে এবং মৃত ও লুপ্ত গৌরব ফিরিয়ে আনার উদ্দেশ্যে হযরত আবু ওবায়দার বিরুদ্ধে অগ্রসর হন। ৬৩৪ খ্রিষ্টাব্দে অক্টোবর মাসে দুই পক্ষীয় সৈন্যবাহিনী সেতু (জসর)-এর যুদ্ধে অবতীর্ণ হয়। এ যুদ্ধে ৬,০০০ মুসলিম যোদ্ধা শহিদ হন। যুদ্ধের পূর্বে ও পরে মুসলিম বাহিনী নৌকা দ্বারা সেতু নির্মাণ করে ইউফ্রেটিস নদী অতিক্রম করেছিল বলে এ যুদ্ধকে সেতুর যুদ্ধ বলা হয়।

৫৭নং প্রশ্নের উত্তর

হযরত উমর (রা.) তাঁর শাসনামলে প্রবল শক্তিদ্বারা পারসিক ও রোমান সাম্রাজ্যকে বিধ্বস্ত করেছিলেন। ফলে তার খিলাফতকালেই মুসলিম সাম্রাজ্যের সীমানা পারস্য, সিরিয়া ও মিসর পর্যন্ত প্রসারিত হয়। অধ্যাপক পি. কে. হিট্টিও মন্তব্য করেছেন 'আবু বকরের সময় বিশ্ব বিজয়ের উদ্দীপ্ত প্রেরণা উমরের সময় পরিপূর্ণতা লাভ করে। শূন্য হতে শুরু করে আরবিয় মুসলিম খিলাফত পৃথিবীর শ্রেষ্ঠ শক্তিতে পরিণত হয়। মাত্র দশ বছরের মধ্যে তার অসাধারণ বুদ্ধিমত্তার গুণে এশিয়ার পারস্য ও সিরিয়া, ইউরোপের রোম বা বাইজান্টাইন, আফ্রিকার মিসর ইসলামের পতাকা তলে এসে পড়ে।' এজন্য বিজেতা হিসেবে তিনি কেবল ইসলামের ইতিহাসেই স্থান লাভ করেননি, পৃথিবীর ইতিহাসেও তিনি একজন অন্যতম শ্রেষ্ঠ বিজেতা হিসেবে পরিচিত।

৫৮নং প্রশ্নের উত্তর

অসাধারণ বীরত্বের কারণে খালিদ বিন ওয়ালিদ (রা.) সাইফুল্লাহ উপাধিতে ভূষিত হন। ইসলামের ইতিহাসে শ্রেষ্ঠ বীরদের মধ্যে খালিদ বিন ওয়ালিদ (রা.) অন্যতম। তার অসাধারণ বীরত্বে ইসলামের শ্রেষ্ঠ বিজয়গুলো অর্জিত হয়েছে। মুতার যুদ্ধে পরপর তিনজন মুসলিম সেনাপতি শহিদ হওয়ার পর সেনাপতির দায়িত্ব গ্রহণ করেন খালিদ বিন ওয়ালিদ (রা.)। তার অসাধারণ নেতৃত্ব ও বীরত্বে মুসলমানরা যুদ্ধে জয়লাভ করে। আর এ যুদ্ধে অসাধারণ বীরত্ব প্রদর্শন করে তিনি রাসুল (সা.)-এর পক্ষ থেকে 'সাইফুল্লাহ' বা আল্লাহর তরবারি উপাধিতে ভূষিত হন।

৫৯নং প্রশ্নের উত্তর

হযরত উসমান (রা.) প্রশাসনের গুরুত্বপূর্ণ পদে তাঁর আত্মীয়-স্বজন ও নিজ বংশের লোকদের নিয়োগ দান করায় তাঁর বিরুদ্ধে স্বজনপ্রীতির অভিযোগ আনা হয়েছিল। হযরত উসমান (রা.)-এর বিরুদ্ধে প্রধান অভিযোগ হচ্ছে তিনি নাকি প্রশাসনের নিরপেক্ষতা বর্জন করে 'স্বজনপ্রীতি' করছেন। তিনি প্রশাসনের গুরুত্বপূর্ণ পদে অভিজ্ঞ ও বিশিষ্ট সাহাবিদের অপসারণ করে তাঁর আত্মীয়-স্বজন ও নিজ বংশের অনভিজ্ঞ লোকদের নিয়োগ দান করেন। প্রকৃতপক্ষে এ অভিযোগ ঠিক নয়। হযরত উসমান (রা.) এমন কিছু যোগ্য লোক বেছে নিয়েছিলেন রাষ্ট্র পরিচালনায় যাদের অবদান প্রয়োজন ছিল। ঘটনাক্রমে ঐ সকল লোক তাঁর আত্মীয় হয়ে যাওয়াতে একটি মহল স্বজনপ্রীতির অভিযোগ আনে।

৬০নং প্রশ্নের উত্তর

আবিসিনিয়ায় হিজরত করার কারণে মহানবি (সা.) হযরত উসমান (রা.)-কে প্রথম হযরতকারীর সম্মানে ভূষিত করেন। ইসলামের দাওয়াত যখন সম্প্রসারিত হতে লাগল তখন কাফিরগণ শক্তি ব্যবহারের মাধ্যমে বিরোধিতা শুরু করল। চাচা হাকাম হযরত উসমান (রা.)-কে নানাভাবে কষ্ট দিতে লাগল, সম্মানিত বন্ধু-বান্ধব সকলেই ঘৃণা করতে লাগল। যখন শান্তির মাত্রা ক্রমশ বৃদ্ধি পেতে লাগল তখন রাসুল (সা.) উসমান (রা.)-কে তাঁর জ্বী হযরত রুকাইয়াসহ অন্যান্য সাহাবি সহকারে আবিসিনিয়ায় হিজরত করার অনুমতি দিলেন। হযরত উসমান (রা.) আবিসিনিয়ায় হিজরত করে ইসলামের প্রথম হিজরতকারীর সম্মানে ভূষিত হলেন।

৬১নং প্রশ্নের উত্তর

ঘটনাটি সত্য নয়। হযরত গিফারী (রা.) কে হযরত উসমান (রা.) দেশ হতে বহিষ্কার করেননি; বরং তিনি নিজেই এক নির্জন স্থানে অবস্থান গ্রহণ করেছিলেন। প্রকৃত বিবরণ এই যে, হযরত আবু-জার-আল-গিফারী (রা.) সম্পদের বৈধ সঞ্চয়ের বিরুদ্ধেও বক্তৃতা করতে থাকতেন। এর ফলে শান্তি ও নিরাপত্তা ভঙ্গের আশঙ্কা ছিল। হযরত উসমান (রা.) তাঁকে শান্তি-শৃঙ্খলা বজায় রাখার লক্ষ্যে সিরিয়া থেকে নিজের কাছে ডেকে এনে বললেন, আপনি আমার কাছে থাকুন। আপনার যাবতীয় ভরণ-পোষণের ভার আমি বহন করব। কিন্তু তিনি ছিলেন এক স্বনির্ভর ব্যক্তি। কারো দানের প্রতি তিনি মুখাপেক্ষী ছিলেন না। অতঃপর তিনি মদিনায় একটি নির্জন স্থানে গিয়ে বসবাস করতে থাকেন। সেখানে দু বছর অবস্থান করার পর অবশেষে মৃত্যুবরণ করেন।

৬২নং প্রশ্নের উত্তর

৬৫৬ খ্রিষ্টাব্দে হযরত আয়েশা (রা.), তালহা (রা.), যুবাইর (রা.) এবং হযরত আলী (রা.)-এর মধ্যকার সংঘটিত যুদ্ধই উষ্টের যুদ্ধ হিসেবে পরিচিত। উসমান (রা.)-এর হত্যাকাণ্ডের বিচার বিলম্বিত হওয়ার প্রেক্ষিতে হযরত তালহা, যুবাইর এবং আয়েশা (রা.) বসরা দখল করে। হযরত আলী (রা.) তাদের বিদ্রোহ দমনের জন্য সেখানে যান এবং যুদ্ধের বদলে শান্তিচুক্তি করার প্রস্তাব দেন। শান্তি আলোচনার প্রস্তাবের অগ্রগতিতে মুনাবিক ইবনে সাবা আতঙ্কিত হয়ে আলী (রা.)-এর অগোচরে হযরত আয়েশা (রা.)-এর নিদ্রিত বাহিনীকে আক্রমণ করে। এমতাবস্থায় হযরত আলী (রা.) বহু কষ্টে যুদ্ধ বন্ধ করতে সক্ষম হন। হযরত আয়েশা (রা.)-কে উদ্ধার করে মদিনায় পাঠিয়ে দেন। হযরত আয়েশা (রা.) উটের পিঠে চড়ে এ যুদ্ধ পরিচালনা করেছিলেন বলে ইতিহাসে এটি উষ্টের যুদ্ধ নামে পরিচিত।

৬৩নং প্রশ্নের উত্তর

ইসলামের চতুর্থ খলিফা হযরত আলী (রা.) এর সাথে সিরিয়ার আমির মুয়াবিয়া (রা.)-এর সংঘর্ষের পরিসমাপ্তির জন্য যে সালিশির সিদ্ধান্ত নেওয়া হয়েছিল সেটাই 'দুমার মীমাংসা' নামে পরিচিতি। সিফফিনের যুদ্ধের একপর্যায়ে হযরত আলী (রা.) এবং মুয়াবিয়া (রা.)-এর মধ্যস্থতাকারী নিযুক্ত করে নিজেদের মধ্যে বিরোধ নিষ্পত্তির সিদ্ধান্ত নেন। বিরোধ মীমাংসার জন্য আলি (রা.) তার

পক্ষে মুসা আল আশআরী (রা.)-কে এবং মুয়াবিয়া (রা.) আমর ইবন আল-আস (রা.)-কে প্রতিনিধি মনোনীত করেন। সিদ্ধান্ত মোতাবেক প্রতিনিধিরা প্রত্যেকে ৪০০ জন লোকসহ ৬৫৭ খ্রিষ্টাব্দে সিরিয়া ও ইরাকের মধ্যবর্তী স্থান 'দুমাতুল জন্দলে' হাজির হন। তবে এ সালিশি বৈঠকে মুয়াবিয়া (রা.)-এর প্রতিনিধি আমর ইবন ইবনুল আসের কৌশলের জন্য হযরত আলী (রা.) খলিফা পদ থেকে অপসারিত হন। ঐতিহাসিক এ ঘটনাই 'দুমার মীমাংসা' নামে পরিচিত।

৬৪নং প্রশ্নের উত্তর

দুমাতুল জন্দলের সালিশী রায় হযরত আলী (রা.)-এর অনুকূলে না হওয়ায় খারেজি সম্প্রদায় হযরত আলী (রা.)-এর দল ত্যাগ করেছিল। খারেজি শব্দের অর্থ দলত্যাগী। আরবি 'খারাজ' ক্রিয়া হতে খারেজি বিশেষ্য পদটির উৎপত্তি হয়। খারেজি সম্প্রদায়ের লোকেরা হযরত আলী (রা.)-এর দল হতে খারিজ হয়ে গিয়েছিলেন বলেই ইসলামের ইতিহাসে তারা খারেজি নামে পরিচিত। খারেজিরা ছিল অত্যন্ত উগ্রপন্থি। দুমাতুল জন্দলের কৌশলপূর্ণ রায়কে অমান্য করে হযরত আলী (রা.)-এর সমর্থক প্রায় ১২ হাজার সৈন্য দল ত্যাগ করে 'হারুরা' নামক গ্রামে গিয়ে মিলিত হয়েছিল।

৬৫নং প্রশ্নের উত্তর

'শিয়া' শব্দটির অর্থ দল। ইতিহাসে হযরত আলী (রা.) এর সমর্থক দল সাধারণত শিয়া নামে পরিচিত। শিয়া মাযহাব প্রথমে রাজনৈতিক দল হিসেবে আত্মপ্রকাশ করে। কিন্তু পরে ধর্মীয় মাযহাবে পরিণত হয়। সিফফিনের যুদ্ধে হযরত আলী (রা.) এর বিপর্যয় এবং পরবর্তীকালের খারেজিদের হাতে তাঁর মৃত্যু ইসলামে দলীয় বিরোধের ক্ষেত্র আরও প্রসারিত করল এবং তাঁর সমর্থকদের যে দলটি রাজনৈতিক দল হিসেবে গড়ে ওঠেছিল, তাদের উদ্দেশ্যকে আরও বলিষ্ঠ করে তুলল। মুয়াবিয়া (রা.) সার্বভৌম ক্ষমতার অধিকারী হলে এ দলটি 'শিয়া' নাম গ্রহণ করল। পরবর্তীতে কারবালার বিয়োগান্তক ঘটনা শিয়াদের ইতিহাসে যুগান্তর সৃষ্টি করে। অধ্যাপক পি. কে. হিট্রি মতে, 'হুসাইনের রক্ত শিয়া মাযহাবের বীজ বলে প্রমাণিত হয় এবং ১০ মুহররম তারিখে শিয়া মতবাদ জন্মলাভ করে।' এভাবে হযরত-হুসাইনের (রা.) হত্যার ফলে ধর্মীয় রাজনৈতিক সম্প্রদায় হিসেবে শিয়া মতবাদের জন্ম হয়।

চতুর্থ অধ্যায় : ভারতীয় উপমহাদেশে মুসলমানদের আগমন

৬৬নং প্রশ্নের উত্তর

ভারতীয় উপমহাদেশ পৃথিবীর বৃহত্তম উপমহাদেশ। বিশাল ও বিস্তৃত ভারতীয় উপমহাদেশের উত্তরে হিমালয় পর্বত, দক্ষিণে ভারত মহাসাগর, পূর্বে মায়ানমার এবং পশ্চিমে ইরান ও আরব সাগর অবস্থিত। বহু জাতি, বহু ধর্ম ও বহু ভাষাভাষি পৃথিবীর প্রায় পাঁচ ভাগের এক ভাগ লোক ভারতীয় উপমহাদেশে বাস করে।

৬৭নং প্রশ্নের উত্তর

সিন্ধু বিজয়ের হাত ধরে আউলিয়া, পীর-দরবেশগণ ভারতীয় উপমহাদেশে ইসলামের শাস্ত্র বাণী ছড়িয়ে দেন। এদের প্রচারিত সাম্য, মৈত্রী, সহিষ্ণুতা ও উদারতা নির্ধারিত হিন্দু সম্প্রদায়কে

আকৃষ্ট করে এবং তারা দলে দলে ইসলামের পতাকাতলে সমবেত হয়। তাছাড়া প্রাচীন উচ্চবর্ণের হিন্দুরা নিম্নশ্রেণির হিন্দুদের ওপর অত্যাচার নিপীড়ন চালাতো। এর ফলে নিম্ন শ্রেণির ব্যক্তিরা মুসলমানদের সাম্য মৈত্রী দেখে ইসলামের প্রতি আকৃষ্ট হয়।

৬৮নং প্রশ্নের উত্তর

স্বামী মারা গেলে মৃত স্বামীর সাথে জীবিত স্ত্রীকে একই চিতায় পুড়িয়ে মারার জঘন্যতম কুপ্রথাকে সতিদাহ প্রথা বলা হয়। তৎকালীন ভারতীয় উপমহাদেশের সমাজজীবনে সর্বাধিক মানবতাবিরোধী যে জঘন্য প্রথা প্রচলিত ছিল তা হলো সতিদাহ প্রথা। হিন্দু সম্প্রদায়ের কোনো স্ত্রীলোকের স্বামী মারা গেলে ঐ স্ত্রীকেও জীবন্ত অবস্থায় একই চিতায় পুড়িয়ে সহমরণে বাধ্য করা হতো। এরূপ অমানবিক ও ঘৃণ্য প্রথা উচ্ছেদে রাজা রামমোহন রায় প্রথমেই জনমত সৃষ্টি করতে শুরু করলে হিন্দু ব্রাহ্মণ সমাজের তীব্র বাধা ও সমালোচনার সম্মুখীন হন। পরে অবশ্য ইংরেজ সরকারের সহায়তায় তাঁর আন্দোলন জনগণের সমর্থন নিয়েই সফলতা পায়। ১৮২৯ সালে তৎকালীন ব্রিটিশ সরকার সতিদাহ প্রথা উচ্ছেদ আইন প্রণয়ন করে তা মানতে হিন্দু সম্প্রদায়কে বাধ্য করে।

৬৯নং প্রশ্নের উত্তর

মুসলিম বিজয়ের পূর্বে ভারতে কোনো কেন্দ্রীয় সরকার না থাকায় ভারতীয় উপমহাদেশে বহু ক্ষুদ্র ক্ষুদ্র রাজ্যের উদ্ভব হয়। কেন্দ্রীয় সরকার না থাকায় প্রাচীন ভারতবর্ষের বিভিন্ন অঞ্চলে স্বাধীন সরকারব্যবস্থা বর্তমান ছিল। বৈচিত্র্যময় উপমহাদেশের ভাষা, সংস্কৃতি, ধর্ম ও ভূমিরূপে মিল ছিল না। আবার ভাষাগত ভিন্নতাও তাদের মধ্যে ঐক্য স্থাপন করতে পারেনি। উপমহাদেশব্যাপী ধর্ম ও সংস্কৃতিতেও পার্থক্য পরিলক্ষিত হতো। তাই ক্ষুদ্র ক্ষুদ্র রাজ্যের উদ্ভব ঘটে।

৭০নং প্রশ্নের উত্তর

আরবদের সিন্ধু বিজয়ের প্রত্যক্ষ কারণ ছিল সিন্ধুর জলদস্যু কর্তৃক আরব জাহাজ লুট করা। এছাড়াও এ বিজয়ের পেছনে অনেক পরোক্ষ কারণ ছিল। আরবদের সিন্ধু বিজয় ছিল উমাইয়াদের সম্প্রসারণবাদ রাজ্যবিস্তার নীতির অংশ। রাজ্য বিস্তারের স্বাভাবিক আকাঙ্ক্ষা তাদের সিন্ধু বিজয়ে প্ররোচিত করে। এছাড়া এর পেছনে ভারতের ধন-সম্পদ লাভের আকাঙ্ক্ষা, সীমান্তের নিরাপত্তা বিধান, সিন্ধুর রাজা দাহিরের আরব বিদ্রোহীদের আশ্রয় দান প্রভৃতি কারণও ছিল। তবে প্রত্যক্ষ কারণটি হলো সিন্ধুর দেবল বন্দরে জলদস্যু কর্তৃক মুসলমানদের ৮টি জাহাজ লুট করা। হাজ্জাজ বিন ইউসুফ সিন্ধুর রাজা দাহিরের কাছে লুট হওয়া জাহাজের ক্ষতিপূরণ দাবি করে। ক্ষতিপূরণ দিতে রাজা দাহির অস্বীকার করলে ক্ষুব্ধ হয়ে ৭১২ খ্রিষ্টাব্দে আরবরা সিন্ধুতে অভিযান পরিচালনা করে।

৭১নং প্রশ্নের উত্তর

মুসলিম ভারতের পূর্বপ্রদেশের ইরাকের শাসনকর্তা ছিলেন হাজ্জাজ-বিন-ইউসুফ। সর্বশেষ বিখ্যাত উমাইয়া খলিফা আল ওয়ালিদ বিন আব্দুল মালেকের শাসনামলে পূর্বাঞ্চলীয় প্রদেশের শাসনকর্তা ছিলেন হাজ্জাজ-বিন-ইউসুফ। তার যোগ্য নির্দেশনায় তার ভ্রাতুষ্পুত্র ও জামাতা মুহাম্মদ-বিন-কাসিম সিন্ধু ও মূলতান জয় করেন।

৭২নং প্রশ্নের উত্তর

সুলতান মাহমুদ স্বাধীন সুলতানরূপে ভারতবর্ষে যুদ্ধাভিযান পরিচালনা করেন। ঐতিহাসিকের মতে, আব্বাসীয় খলিফা কাদির বিল্লাহ সুলতান মাহমুদের ওপর ভারতে ইসলাম প্রচারের দায়িত্বভার ন্যস্ত করেন। এ দায়িত্ব পালনের জন্য মাহমুদ বার বার ভারতে অভিযান চালান এবং এ উপমহাদেশে ইসলামের ভিত্তি প্রতিষ্ঠা করতে চেষ্টা করেন। কিন্তু নিরপেক্ষ দৃষ্টিতে বিচার করলে আমরা দেখি, তিনি শুধু হিন্দুদের বিরুদ্ধেই অভিযান পরিচালনা করেননি; বরং স্বীয় নিরাপত্তার জন্য তিনি মুসলমানদের বিরুদ্ধেও অস্ত্র ধারণ করেন। সুলতান মাহমুদের ভারত অভিযান নিরেট ধর্মযুদ্ধ ছিল না; বরং গৌরব ও স্বর্ণ লাভের যুদ্ধও ছিল বলে কোনো কোনো ঐতিহাসিক মনে করেন।

৭৩নং প্রশ্নের উত্তর

সোমনাথ মন্দির বিজয়ের মাধ্যমে গজনির সুলতান মাহমুদ প্রচুর ধন-সম্পদ আহরণ করেন। তাই তার এ অভিযানটি ছিল সবচেয়ে গুরুত্বপূর্ণ। সোমনাথ মন্দিরটি ভারতের গুজরাটে অবস্থিত একটি বিখ্যাত মন্দির। এটি ছিল প্রভূত ধনৈশ্বর্যে পরিপূর্ণ। মন্দিরের পুরোহিতদের ধারণা ছিল এ মন্দিরটি আক্রমণ করা যে কারও সাধ্যের বাইরে। কিন্তু তাদের এ ধর্মবিশ্বাসকে ভেঙে দিয়ে সুলতান মাহমুদ ১০২৬ খ্রিষ্টাব্দে মন্দিরটি আক্রমণ করে জয় লাভ করেন। গুজরাটের রাজা ভীমদেবের নেতৃত্বে স্থানীয় জনগণ এবং পুরোহিতদের প্রবল বাধা সত্ত্বেও সুলতান এ মন্দির থেকে দুই কোটিরও বেশি স্বর্ণমুদ্রা এবং বিগ্রহাদির অলংকার থেকে দু'শ মণ মূল্যবান মণি-মুক্তা নিয়ে স্বদেশে ফিরে যান। এ অভাবনীয় সাফল্যের জন্যই তার এ অভিযানটি সবচেয়ে গুরুত্বপূর্ণ বলে ঐতিহাসিকেরা মত দেন।

৭৪নং প্রশ্নের উত্তর

তৎকালীন ভারতীয় শাসকেরা শক্তিশালী শাসক ও যোদ্ধা ছিলেন না। পক্ষান্তরে সুলতান মাহমুদের সৈন্যবাহিনী পারসিক, আফগান, তুর্কি ও ভারতীয়দের দ্বারা গঠিত হলেও তার সেনাবাহিনী ছিল সুশৃঙ্খল, সুশিক্ষিত, সুসজ্জিত ও প্রশিক্ষণপ্রাপ্ত। তাদের ক্ষিপ্রতা ও সামরিক দক্ষতার কাছে ভারতীয় বাহিনী পরাজিত হয়। অন্যদিকে ভারতীয় সেনাবাহিনীতে ছিল অনৈক্য, অসাম্য, অরাজকতা, জাতিভেদ ও বর্ণভেদ প্রথায় জর্জরিত। ভারতীয়রা জাতিতে জাতিতে ও গোত্রে গোত্রে বিভক্ত থাকার কারণে তারা সুলতান মাহমুদের বিপক্ষে অস্ত্রধারণ করেনি। এছাড়া ভারতীয়দের চেয়ে সুলতান মাহমুদের অস্ত্রশস্ত্র ছিল উন্নত। এসব বিষয়ের কারণে সুলতান মাহমুদ সাফল্য লাভ করেন।

৭৫নং প্রশ্নের উত্তর

গজনি বংশের পতনের কারণ হলো—

১. শান্তি ও শৃঙ্খলা রক্ষায় ব্যর্থ হওয়ায় জনসমর্থনের অভাব।
২. সুলতান মাহমুদের উত্তরাধিকারীগণ শত্রুর আক্রমণের হাত থেকে সাম্রাজ্যকে রক্ষা করার যোগ্যতা হারিয়ে ফেলে।
৩. হত্যা, ষড়যন্ত্র, অভ্যন্তরীণ বিদ্রোহ ও বিভিন্ন দলের মধ্যে সংঘাত সাম্রাজ্যের ভিত্তিমূল দুর্বল করে দেয়।

৭৬নং প্রশ্নের উত্তর

দক্ষতার কারণেই মুহাম্মদ ঘুরীকে ভারতবর্ষের শ্রেষ্ঠ বিজেতা বলা হয়। মুহাম্মদ ঘুরী ছিলেন ভারতবর্ষের ইতিহাসে একজন উচ্চাকাঙ্ক্ষী শাসক। সমরকুশলী হিসেবেও তিনি শ্রেষ্ঠত্বের আসনে সমাসীন

ছিলেন। রাজ্য জয় ও রাজ্য বিস্তার করাই ছিল তাঁর নীতি। শাসক হিসেবেও তিনি ছিলেন অত্যন্ত দক্ষ। তাঁর বিশেষ দক্ষতার কারণেই তাকে ভারতবর্ষের শ্রেষ্ঠ বিজেতা হিসেবে আখ্যায়িত করা হয়েছে।

৭৭নং প্রশ্নের উত্তর

মুহাম্মদ ঘুরীর ভারত অভিযানে ব্যাপক সফলতার কারণ হলো— তৎকালীন ভারতবর্ষে ক্ষুদ্র ক্ষুদ্র রাজারা কেন্দ্রীয় শাসনের ফাঁকে নিজেদের সাম্রাজ্য বিস্তার ও সুসংহত করতে পারস্পরিক শত্রুতায় মগ্ন থাকত, যা মুহাম্মদ ঘুরীর জন্য সাফল্য বয়ে আনে। সমর কুশলী, অসীম বীরত্ব ও যুদ্ধবিদ্যায় পারদর্শী মুহাম্মদ ঘুরী পর্বতসঙ্কুল ঘুরি রাজ্যের দুর্ধর্ষ অধিবাসীদের নিয়ে একটি সংঘবদ্ধ সামরিক বাহিনী গঠন করেন। এছাড়া মুহাম্মদ ঘুরীর ক্ষিপ্রগতিসম্পন্ন অশ্বারোহী বাহিনী ও উন্নতমানের অস্ত্রশস্ত্র ছিল। মুসলমানদের সামরিক পদ্ধতি ছিল আধুনিক ও উন্নতমানের। ফলে ভারতীয় ক্ষুদ্র ক্ষুদ্র রাজ্যের রাজারা মুসলিম বাহিনীর কাছে শোচনীয়ভাবে পরাজিত হয়। হিন্দুদের গোত্রীয় কলহ ও বিদ্বেষের ফলে তাদের মধ্যে ঐক্য প্রতিষ্ঠিত হতে পারেনি। তাদের এ জাতিভেদ প্রথা ও বর্ণবৈষম্যই মুসলিম বাহিনীর বিজয়ের পথ সুগম করেছিল।

৭৮নং প্রশ্নের উত্তর

পৃথ্বরাজ ছিলেন দিল্লি ও আজমিরের চৌহান বংশীয় রাজা। মুহাম্মদ ঘুরী ১১৯১ খ্রিষ্টাব্দে ভারত আক্রমণ করলে চৌহান বংশীয় রাজা পৃথ্বরাজের সাথে তরাইনের প্রান্তরে তার তুমুল যুদ্ধ হয়। যুদ্ধে পৃথ্বরাজের বাহিনী ঘুরীর বাহিনীকে পরাজিত করে। ১১৯২ খ্রিষ্টাব্দে ঘুরী পুনরায় শক্তি সঞ্চয় করে ভারত অভিযান করলে তাদের মধ্যে পুনরায় তরাইনের প্রান্তরে যুদ্ধ সংঘটিত হয়। এ যুদ্ধে ঘুরীর বাহিনীর কাছে পৃথ্বরাজ পরাজিত হয়ে যুদ্ধক্ষেত্র থেকে পলায়নের সময় সরস্বতী নদীর তীরে ধরা পড়েন ও নিহত হন।

৭৯নং প্রশ্নের উত্তর

ইখতিয়ার উদ্দীন মুহাম্মদ বিন বখতিয়ার খলজীর তীক্ষ্ণ বুদ্ধি এবং উন্নত রণকৌশলের কারণে বঙ্গ বিজয় সহজ হয়েছিল। ১২০৪ খ্রিষ্টাব্দে বখতিয়ার খলজী অশ্ব বিক্রেতার ছদ্মবেশে মাত্র ১৮ জন অশ্বারোহী নিয়ে আকস্মিকভাবে লক্ষ্মণ সেনের রাজধানী নদীয়া আক্রমণ করেন এবং রাজপ্রাসাদের রক্ষীদের হত্যা করেন। মুসলিম সেনাপতির অতর্কিত আক্রমণের খবর পেয়ে মধ্যাহ্নভোজে ব্যস্ত রাজা লক্ষ্মণ সেন প্রাসাদের পশ্চাৎ দিকের দরজা দিয়ে প্রাণভয়ে নদীপথে পলায়ন করেন। বখতিয়ার খলজীর পশ্চাৎভাগের বিশাল সেনাবাহিনী থাকলেও তাদের আগমনের পূর্বেই তিনি বুদ্ধি খাটিয়ে কতিপয় অশ্বারোহীর সাহায্যে দুর্বল রাজাকে বিতাড়িত করেন এবং বিনা যুদ্ধে নদীয়া জয় করেন।

৮০নং প্রশ্নের উত্তর

মুহাম্মদ ঘুরীর কোনো সন্তান ছিল না বিধায় তিনি কুতুবউদ্দীনকে ক্রয় করে দাসত্ব থেকে মুক্ত করেন। পরবর্তীতে তার বীরত্বে উত্তর ভারত বিজিত হলে তাকে ‘মালিক’ উপাধিতে ভূষিত করেন। কুতুবউদ্দীন গজনিতে আনীত হলে মুইজউদ্দীন মুহাম্মদ ঘুরী তাকে ক্রয় করেন। কুতুবউদ্দীন আইবেক সেখানে দাস হিসেবে জীবনযাপন করতে থাকেন। মুহাম্মদ ঘুরীর কোনো পুত্র সন্তান না থাকায় মৃত্যুর পূর্বেই তিনি কুতুবউদ্দীনকে ভারতে তার উত্তরাধিকারী মনোনীত করে মালিক উপাধিতে ভূষিত করেন। এর কিছুদিন পর মুহাম্মদ ঘুরী গিয়াসউদ্দিন মাহমুদ কুতুবউদ্দীনকে এক রাজকীয় ফরমানে সুলতান উপাধি দান করেন এবং দাসত্ব মুক্তি ছাড়পত্র প্রেরণ করেন।

পঞ্চম অধ্যায় : বাংলাদেশে ইসলাম

৮১নং প্রশ্নের উত্তর

“বাংলা” নামটি মূলত “বঙ্গ” শব্দ থেকে উদ্ভূত, যা ছিল দক্ষিণ-পূর্ব ভারতের একটি প্রাচীন জনপদের নাম। বাংলা নামকরণের উৎস প্রাচীন ও বহুমাত্রিক। ইতিহাসবিদদের মতে, খ্রিষ্টপূর্ব ১০০০ সালের দিকে এই অঞ্চলে বসবাসকারী জাতিগোষ্ঠীদের সম্মিলিত নাম ছিল ‘বঙ্গ’। বাংলা নামকরণ সম্পর্কে আবুল ফজল তাঁর আইন-ই-আকবরী গ্রন্থে বলেন, এদেশের জমিতে উট্টু উট্টু আল বেঁধে বন্যার পানি থেকে জমি রক্ষা করা হতো। তাই সময়ের ব্যবধানে আল শব্দটিই দেশের নামের সাথে যুক্ত হয়ে বঙ্গ + আল = বঙ্গাল শব্দের উৎপত্তি হয়।

৮২নং প্রশ্নের উত্তর

প্রাক-ইসলামি বাংলা প্রাকৃতিক সম্পদ ও ধনরত্নে পরিপূর্ণ ছিল। অটল প্রাকৃতিক সম্পদ ও ঐশ্বর্যের অধিকারী বাংলা অতি প্রাচীনকাল থেকে একটি সমৃদ্ধ দেশ হিসেবে পরিচিত এবং জনসাধারণ মোটামুটি অভাবমুক্ত ছিল। দেশে শিল্প-বাণিজ্য যথেষ্ট প্রসার লাভ করেছিল। তৎকালে বাংলা কার্পাস বস্ত্র উৎপাদন ও রপ্তানির জন্য বিখ্যাত ছিল। অধিকাংশ জনসাধারণ কৃষি কাজ করে জীবনধারণ করতো।

৮৩নং প্রশ্নের উত্তর

বাংলায় ইসলামের আবির্ভাব মূলত স্থল ও জল উভয় পথেই ঘটেছিল। হযরত মুহাম্মাদ (সা.)-এর ওফাতের পর তাঁর সুশিক্ষিত সাহাবিগণ, সাহাবিগণের কাছ থেকে সত্যের আলোকে উদ্দীপ্ত তাবয়ীগণ, তাঁদের কাছে দীক্ষাপ্রাপ্ত তাবো-তাবয়ীগণ ইসলামের বাণী নিয়ে পৃথিবীর নানা দেশে ছড়িয়ে পড়েন। এরই ধারাবাহিকতায় বণিক আরবদের মাধ্যমে বাংলায় ইসলামের আগমন ঘটে বলে ঐতিহাসিকগণের ধারণা।

৮৪নং প্রশ্নের উত্তর

প্রথম পর্যায়ে যারা ধর্ম প্রচার করেছিলেন তাঁদের মধ্যে শাহ সুলতান বলখী, বাবা আদম শহীদ, শাহ মাখদুম ও বায়েজিদ বোস্তামী (র.) অন্যতম। বাংলাদেশে প্রথম পর্যায়ের ধর্ম প্রচারকদের মধ্যে শাহ

সুলতান বলখী প্রথমে ঢাকার হরিরামপুরে ও পরে বগুড়ার মহাছানগড়ে, শাহ মোঃ সুলতান রুমী নেত্রকোণা জেলায়, বাবা আদম শহীদ বিক্রমপুরে, মাখদুম শাহ দৌলা শহীদ শাহজাদপুরে, শাহ মাখদুম রাজশাহীতে এবং বায়েজীদ বোস্তামী (র.) চট্টগ্রামে ইসলাম ধর্ম প্রচারে আত্মনিয়োগ করেন।

৮৫নং প্রশ্নের উত্তর

প্রাচীন বাংলার সীমানা ছিল উত্তরে হিমালয়, দক্ষিণে বঙ্গোপসাগর, পূর্বে গারো, খাসিয়া, লুসাই, জয়ন্তিয়া, ত্রিপুরা ও চট্টগ্রাম এবং পশ্চিমে বিহারের রাজমহল পাহাড় ও কলিঙ্গ। প্রাচীন বাংলার চতুর্সীমার মধ্যবর্তী অঞ্চলে অবস্থিত বাংলার প্রায় সমগ্র এলাকাটিই সমতলভূমি। যার বৃহত্তম অংশই গঙ্গা ও ব্রহ্মপুত্রের পলিমাটি দ্বারা গঠিত। বিভিন্ন নদ-নদী বাংলার সর্বত্র জালের মতো বিস্তৃত হয়ে রয়েছে।

৮৬নং প্রশ্নের উত্তর

মুহাম্মাদ বিন কাসিম স্থলপথে অভিযান চালিয়ে সিন্ধু জয় করেন। ফলে স্থলপথেই প্রাক-ইসলামি বাংলায় ইসলামের আবির্ভাব হয়। দ্বিতীয় খলিফা হযরত উমর (রা.)-এর আমল হতেই বিভিন্ন মুসলিম সেনাপতি বারবার স্থলপথে সিন্ধু সীমান্তে অভিযান প্রেরণ করেন। এসব অভিযানে মুসলমানগণ কখনো সফল আবার কখনো ব্যর্থতার সম্মুখীন হয়। অবশেষে ৭১২ খ্রিষ্টাব্দে মুহাম্মাদ বিন কাসিম স্থলপথে অভিযান চালিয়ে সমগ্র সিন্ধু জয় করে ভারতে ইসলাম প্রবেশের পথ সুগম করেন।

৮৭নং প্রশ্নের উত্তর

কথিত আছে, সুলতান বলখী সমুদ্রপথে বাংলায় আগমন করে চট্টগ্রামের সন্দ্বীপে অবতরণ করে ইসলাম প্রচার করতে থাকেন। প্রাচীন সুফী দরবেশদের মাঝে খ্রিষ্টীয় নবম শতকে পারস্যের হযরত বায়েজিদ বোস্তামী (র.) চট্টগ্রাম অঞ্চলে এসে ইসলাম প্রচারে আত্মনিয়োগ করেন। তাছাড়া বহুসংখ্যক সুফী ও ওলী দরবেশের আগমনের কারণেই চট্টগ্রামকে বারো আউলিয়ার শহর বলা হয়।